

## 序言

通鑑及綱目體例。皆原本春秋經傳。筆筆削削。將以垂戒後世而已。其著爲易知錄者。務在隱事而顯揭之。深理而淺言之。繁文而簡敍之。如閱報紙。無論貴族。無論平民。盡人能讀。盡人能解。此其所以便也。今夫政體亦共和也。去從古之階級。而一律躋於平等。則所謂尊王大一統之義。似已不適用於今日。浸假士生今日。遇最新之潮流。動以古禮法繩之。一事不合。必曰此春秋所譏刺。所指斥。所深惡而痛絕也。鮮有不目以爲狂。指以爲怪者。然而歷史之存在。不僅僅爲皮裏之陽秋。要倚爲秦台之懸鏡。况乎滿清十朝。事迹不遠。未入關前。如何經營而締造。既入關後。如何思患而預防。何爲盛期。何爲衰期。何爲繇盛而衰之過渡期。朝廷專制不足論。中央集權不足論。民族之太平平等亦不足論。第探其盛衰治亂之原。貧富彊弱之理。閉關之所以易治。交通之所以難爲。則於滿清十朝。已可落落而得其梗概。誰謂清鑑易知錄之作。不爲今日之急務耶。

抑又聞之。春秋之筆。莫嚴於誅心。試問滿清入關。將真爲我漢族驅除流寇。弔民伐罪乎。吳三桂之稱兵。將真爲洗雪明恥乎。洪楊建國金陵。將實行其均財共產政策。絕無自私自利之心乎。莊子曰。名者實之賓。名如是而實不如是。此吳藩敗之速。太平軍敗之亦速。滿清立國二百數十年。無非乘漢族之劫運。而顛倒操縱之。幸而吳藩洪楊之不爲勁敵。而得以一再奏凱。貪天之功。以爲己能。甚矣。專制之流毒。而殘喘之苟延也。是編於滿清十朝史事。大氏多微詞。而少褒詞。其間可節取者。亦不過一事一節之得。猶隋之開皇。元之至元。略無訾議而已。明知階級制度。與平民不合。明知共和政體。不必引專制時事爲借鏡。譬閱報紙。是謂之是。非謂之非。仁者見仁。智者見智。則集二百數十年之未見未聞。一一撮要以備衆覽。是亦作者之林也。謂爲秦台懸鏡也可。卽謂爲皮裏陽秋也。亦無不可。江都李豫曾伯通甫譔

## 編例

一 是書依據明代續編。亦不用綱而用編。不用鑑而用紀。明不敢以後來著述當古人也。至編次遇有獨斷處。亦不敢徑用書法。而以發明二字代之。意取顯明。於舊例不相背謬。

一 是編補敘清事。自當從清世祖起。至宣統遜帝止。惟世祖未入關前。尙有太祖太宗兩世。如依照綱鑑易知錄前例。類如元世祖代宋卽位。則於從前蒙古歷史。略而不敘。近賢矯之。或有變其例。而以清前二世另列初編者。仿東華錄例吾皆以爲不可。蓋從乎後例。未免頭上寘頭。冠上戴冠。多此一舉。與前不類。從乎前例。又未免突如其來。一切開國方略。無所表見。今惟仍照明編編次。彼於明太祖卽皇帝位前。爲補敘濠滁奮迹事實。此亦當於清世祖卽皇帝位前。爲補敘滿洲發祥事實。信以傳信。疑以傳疑。庶合於有聞必錄之要旨。

一 世祖入關定鼎。其時明緒未亡也。弘光以後。尙有隆武。隆武以後。尙有永歷。喪君有君。不得因莊烈帝殉國。河山遂於此易姓。以大義論。必由榔就虜。而後斷爲明亡。但天已厭明。半壁河山。愈趨愈蹙。編者仿照三國志及南北朝史先例。於編年之下。爲之分行並列。清稱清帝。明稱明主。兩不相統。亦兩不相臣。顧名思義。庶昭平允。

一 夷夏之防。著於春秋。未可刪廢。後世綱目編次。於秦於隋於元。著其爲閏運而非正統。當秦世陳涉發難。諸路起兵。卽於編年下發。凡分注。以進之。不以抑之也。於隋於元亦然。然則清初之吳三桂。清季之洪秀全。公然立國。公然稱制。公然紀元。是當以敵國許之。不當以叛賊目之矣。編者有見於此。故於順治間吳藩稱兵。咸豐間金田稱兵。則皆大書特書。不加裁抑。况乎武昌革命。又視爲天與人歸。種族之淘汰。實先於政治之刷新。彼滿清立國。能縣延至二百數十年。得不謂叨天厚福可乎。

一 吳藩稱兵。不過席軍閥餘威。則國家主義之變相也。吾以爲猶腐化也。洪

楊革命。至斷斷以均財共產爲前提。則又非腐化而惡化矣。故三桂以腐舊而失。秀全秀清以惡劣而失。浸假當日者棄舊圖新。服從民意。吾知滿清之覆。可翹足待也。然而禍不極。不足以圖功。害不深。不足以計利。諺云。前車之覆。後車之戒。是編旨趣。又可於例外得之。

一 是編圈點。仍從易知錄前例。前例於事之當行。言之當采。人之當用。當賞者。則以圈別之。否則以點著之。至發明二字。則加以括弧。以下分行夾注。如夾注中再有夾注。則更用括弧。或上下虛綫誌之。此以新標點符號濟舊例之窮也。總之一書編成。必令讀者便於記覽。儻其詮次不清。眉眼不醒。條理不貫。索解無從。何用編爲。

一 是編於每朝每帝崩殂。必結以論贊。對於國事之關係甚鉅者。亦有言議發揮。非騁詞也。蓋讀史以明是非。辨曲直。分利害。著禍福。苟於重要之事。非常之舉。不加以意研求。悉心推論。則誤是爲非。誤直爲曲。顛倒利害。混淆禍福。將何以居今。又將何以稽古乎。彙見紫陽綱目。備採諸氏之論。列有

得者。因事分注。余亦仿照先例。或就私家箸述。或就見刊課本。務在擇精遺物。使讀者心折首肯。是爲得之。

一 扼要鉤元。爲讀史時必不可少。舊例間用眉注。擇本事之至精至要者。一一錄之。是編亦然。然遇有長事敘述。或見於前不見於後。見於後不見於前者。必忌重忌複。不脫不漏。如點睛然。却在要處。則亦是編之特色也。

一 書中人名必詳其表字籍貫地名必釋以今稱。間亦有闕疑從略者。至張冠而李戴。冒甲以爲乙。則又編者所不取。

一 是編之成。不過三稔。時間極其迫促。古人研京鍊都。十年而成一賦。司馬談作史。必待子遷藏事。班彪作漢書。必待子固女昭藏事。名世傳世之作。豈咄嗟所能立辦乎。由此而談。則文體之不大。文思之不精。知不能幸免矣。而况帝虎焉烏。亥豕魯魚。於校讎未有暇晷乎。海內宏博。苟能匡及不逮。多加指謬。幸甚幸甚。

# 綱鑑易知錄續編目次

## 卷上

清鑑

清紀

世祖章皇帝……………一

聖祖仁皇帝……………九五

世宗憲皇帝……………一九六

高宗純皇帝……………二三四

## 卷下

清鑑

清紀

仁宗睿皇帝	一
宣宗成皇帝	三九
文宗顯皇帝	八九
穆宗毅皇帝	一三二
德宗景皇帝	一七九
宣統皇帝	三〇六



# 綱鑑易知錄續編 卷上

## 清鑑

江都李豫曾伯通父編次

## 清紀

### 世祖章皇帝

姓愛新覺羅。名福臨。清太宗皇太極第九子。八歲。由鄭親王濟爾哈朗。容親王多爾袞夾立之。值明都失陷。入關定鼎。稱尊位焉。在位十六年。

**編**甲申順治元年。是年三月。明莊烈帝殉國。五月。福王由崧監國南都。未幾稱制。仍崇禎十七年。春正月。清帝詣堂子行禮。還御正

殿受朝賀。關明野帝。正始也。其書清帝。以明祚未亡。明與清相對待也。**圖**初。長白山。在吉林烏拉城東南。橫亘千餘里。東自甯古塔。西至奉天府。諸山皆發脈於此。之東。有

布庫里山。山下有池。曰布勒里。相傳有天女三。長思古倫。次正古倫。季佛康倫。浴於池。有神讎銜朱

果。寘季女衣取吞之。因有身。產男。生而能言。貌奇異。及長。母告以故。命以愛新

覺羅為姓。名曰布庫里雍順。以木筏藥河。流下。至三姓。時三姓方搆兵。有汲水

者。見雍順異之。招眾至。詢始末。眾驚為神。延至家。三姓者議曰。我等盍息爭。奉

此人為主。以女伯哩妻之。於是雍順居長白山鄂謨輝之野。鄂多里城。建部曰

清帝御正殿受賀

天女浴河吞朱果而生雍順

三姓奉雍順為主

變察通野  
離止其首

肇興景顯  
四祖

太祖努爾  
哈赤降生

尼堪外蘭  
之豐禍及  
景顯二祖

明封太祖  
為龍虎將  
軍

太祖正遺  
甲十三副

滿洲。初名珠申。即肅慎之轉音。數傳有樊察者。以所部弗靖。遁走荒野。追者將及。有神離止其首。追者疑為枯木。遂得免。後傳至肇祖。孟特穆爾。滿。景祖安。覺昌。塔克世。顯祖。威服諸部。遷居赫圖阿拉之甯古塔。甯古譯言六也。因景祖兄弟六人。皆稱貝勒。顯祖妃喜塔臘氏。以明嘉靖三十八年己未。生努兒哈赤。即太祖也。時滿洲蘇克蘇濟河部。董鄂部。哲陳部。長白山之訥殷部。鴨綠江東海之渥集部。瓦爾喀部。扈倫之烏喇部。哈達部。葉赫部。輝發部。互相攻伐。歲無已時。至明萬歷十一年春二月。圖倫汗尼堪外蘭。忽陰搆明甯遠伯李成梁。引兵攻古埒。沙濟。兩城。既克沙濟。殺其城主阿亥章京。又棄勝圖古埒。其城主阿太章京。則景祖女孫壻也。景祖聞警。即偕顯祖入古埒。將救女孫出。明以重兵圍之。又由尼堪誘城人使殺阿太章京。并害景祖顯祖焉。太祖聞變。往詰明邊吏。吏引為誤。請於朝。歸二祖喪。并與敕三十道。馬三十四匹。封太祖為龍虎將軍。太祖語明吏。必欲得尼堪外蘭。明吏不可。且於滿洲施閒計。使殺太祖。滿人惑之。會蘇克蘇濟河部撒爾湖城主諾米納。嘉木湖寨主噶哈善。哈恩虎。占阿寨主常書。以兵來會。太祖與之盟。示以顯祖遺甲十三副。五

太祖攻圖倫尼堪棄城走

太祖破兆佳執李岱

伐董鄂得勇將鄂爾果尼

太祖四馬追尼堪

月。集衆誓師伐尼堪。撒爾湖城主諾米納將以衆來會。由龍敦尼之。即太祖從叔。頗忌太祖。不果來。太祖獨舉兵攻圖倫下之。又進攻甲版。明助尼堪新築之城。尼堪棄其城。走明邊。邊吏不納。太祖姑聽其去。而反攻撒爾湖。克其城。遂殺諾米納。十二年。以下均用萬歷年號。渾河部兆佳城李岱引哈達葉赫來侵。太祖率衆禦之。至噶哈嶺。遇大雪。衆欲退。太祖怫然曰。李岱者。我同姓兄弟也。今合他族圖我。可恕耶。遂鑿山爲磴。以繩引兵馬下。既破兆佳。并執李岱而恩遇之。六月。董鄂部。今佟佳江附近地。內亂。太祖率衆往。其汗阿海巴顏列兵四百待之。與戰。城將陷。會天雪。太祖遽退兵。以十二人伏烟林中。城兵疑其退也。噪而出。太祖突擊之。因縱火焚城樓。并升屋四射。有鄂爾果尼者。伏暗處射太祖中首。貫胄。太祖拔矢。從烟突間還射之。鄂爾果尼應弦仆。太祖亦被創。傅以藥。創合。又督戰。破其城。執鄂爾果尼。嘉其勇而賞以官。十三年。太祖征哲陳部下漠河。章甲巴爾達。撒爾湖。界凡五城。十四年。再征哲陳。以尼堪附哲陳。屯鵝爾渾也。軍既至。先破鵝爾渾。尼堪遁。太祖急追之。見前行有笠而被青棉甲者。知其是也。突騎往。彼衆圍射之。矢蝟集。太祖猶奮鬪。

太祖得驍  
將鈕翁金  
并與較射

連得費英  
東何和哩  
扈爾漢

葉赫部與  
太祖聯姓  
其女實生  
太宗  
葉赫索地  
不與

太宗皇太  
極生

失尼堪。越日。偵其入明邊也。命齋薩往索之。明邊吏執而付之。遂斬尼堪外蘭與明通好。十五年。六月。復征哲陳。下之。斬其汗阿爾泰。八月。命巴圖魯額亦都性鈕祜祿氏以兵下巴爾達。十六年。四月。哈達萬汗之子扈爾干以女來歸。太祖逆之。過洞城。并得驍將鈕翁金。董鄂人太祖與較射柳葉。鈕翁金發五矢。中三。太祖五矢全中。人驚為神。時太祖聲威遠震。蘇完部索爾果。姓瓜爾佳氏遣子費英東來歸。因擢用之。董鄂部克撤巴顏。遣孫何和哩來歸。因以長女妻之。雅爾古寨扈喇虎。遣子扈爾漢來歸。并留為養子。賜姓覺羅。又葉赫部汗納林布祿。那拉氏以女弟來歸。踐前約也。先是太祖過葉赫。前汗楊吉努奇其貌。欲婚以幼女。太祖曰。何不留妹而婚姊。楊吉努曰。姊不稱。惟幼女莊重。堪匹汝耳。因聘之。至是楊吉努卒。其子納林布祿送妹來。太祖娶之。後尊為孝慈高皇后。即太宗皇太極母也。十七年。兵伐兆佳。克其城。執甯古親。即李岱弟而斬之。十九年。葉赫遣使來求地。不許。既而葉赫哈達輝發三部遣使至。太祖宴之。葉赫使圖爾德再申前說。如不允。則用武。太祖怒。引刀斫案誓曰。爾主欺我甚。我必伐之。歸速為備。可也。二十

太祖遺兀里堪偵敵

敵至酣睡如常

獲布占泰不殺立以爲烏拉部汗太祖製滿文征葉赫

年十月辛亥。太宗皇太極生二十一年。六月。葉赫貝勒布齋納林布祿合哈達烏拉輝發三部舉兵來犯。將索地也。既略我戶布察寨。太祖引兵出。敵復遁。九月。又來。并增北嫩阿蒙古科爾沁部。息北部。卦爾察部。滿洲長白山所屬朱舍路訥殷路。集兵三萬。分三路攻入。太祖聞警。遣兀里堪出東路。偵之。距敵不遠。將度嶺。忽羣鴉怪鳴。兀里堪异之。歸報太祖。太祖命改由渾河再偵之。比至。見敵營隔河而炊。似將夜渡也。趣返報。太祖不爲意。方安睡。妃富察氏怪問之。徐曰。我懼彼不來耳。言訖。睡益酣。明旦起。率諸貝勒大臣拜堂子。遂出師。次扎喀之野。諜者曰。彼兵三倍我。衆有懼色。太祖曰。毋恐。獨縱馬登古勒山。長白山支峯。向里濟格城。據而陣。別遣額亦都以百騎挑戰。葉赫兵果來。我軍逆擊之。陣斬布齋。并生獲烏拉貝勒布占泰。太祖赦不殺。後二年。立以爲烏拉部汗。互爲姻親。以貝勒舒爾哈齊太祖弟女妻布占泰。布占泰亦以其妹妻舒爾哈齊。并事太祖如父。二十七年。製滿文國語。九月。征哈達。先是哈達與葉赫搆釁。葉赫求助於明。哈達乞附太祖。既而受明喉使。叛太祖。太祖惡哈達之反覆也。命揚古利姓舒穆祿氏

喀爾喀部  
尊太祖為  
神武皇帝

三征渥集

布占泰以  
矢射妻  
清破烏拉  
布占泰  
服旋叛

出不意攻之。城破。執其汗孟格布祿歸。初不殺。後因與大噶蓋謀亂。并誅之。三十二年。再征葉赫。克二城。三十三年。築赫圖阿拉大城。於傳城外更築大城以環之三十四年。喀爾喀台吉恩格德爾內附。并尊太祖為神武皇帝。三十五年。東海瓦爾喀部。以受烏拉虐待。乞內附。太祖命弟褚英。子代善。大臣費英東。以兵往逆之。布占泰烏拉汗乃出兵阻之。太祖怒。命褚英等縱擊之。五月。以兵征渥集及輝發。斬輝發汗拜音達里。三十六年。復命褚英及姪阿敏。以兵征烏拉。拔宜罕阿麟城。九月。烏拉汗布占泰來通款。願貳葉赫。太祖許之。并妻以親女。三十七年。冬。征渥集。收所屬濛野。三十八年。又征渥集。下那木都魯。綏芬。甯古塔。尼馬察。四路俱在吉林東北俘萬人而還。三十九年。又征渥集。因台吉阿巴泰太祖弟七子等圍扎庫塔城。不下。復以額駙何和哩及額亦都扈爾漢繼之。戰三日。拔其城。四十年。烏拉部汗布占泰復背盟。欲娶太祖所聘葉赫女。并引矢射妻。妻即太祖親女也。太祖聞而怒甚。九月。親引兵伐之。拔其臨河五城。十二月。進攻大城。布占泰懼。率親臣六人出泣叩太祖馬前。呼父不絕聲。願質其子。太祖意為動。又赦之。及師還。又乞附葉

明遣將往  
採葉赫

滿洲與明  
定疆界五  
界石

滿洲稱國  
建元

征明以七  
大恨告天

赫復以女之子及親臣十七人之子往質。葉赫受之。竟以太祖所聘女改嫁之。事聞。太祖震怒。誓必得布占泰生啖之。大出兵。遣代善先行。已繼後。拔大城。盡有其地。布占泰子身投葉赫。九月。太祖又移兵伐葉赫。葉赫求助於明。明遣使爲緩衝。并命馬時柁周大岐以精兵千人屯葉赫。載火器。太祖惡其迫也。親詣撫順。與書明邊吏李永芳。永芳權詞却之。四十二年。四月。明遣蕭伯芝來通好。五月。科爾沁以女歸四貝勒皇太極。四十三年。四月。以邊人互有逃竄。與明明定疆界。立界石。五月。立八旗兵制。先是滿制。每三百人設一牛彘額真。後改五牛彘設一甲喇額真。後改五甲喇設一固山額真。後改每固山額真左右。又實梅勒額真。後改至是設八旗。以正黃正白鑲黃爲上三旗。正紅正藍鑲白鑲紅鑲藍爲下五旗。四十四年。正月。諸貝勒大臣勸太祖上尊號。改國號曰金。改元天命。以下用清紀年稱覆育列國英明皇帝。七月。命扈爾漢安費揚古性覺爾察氏征東海薩哈連部。今俄屬東海濱省境外。至薩哈連島取河南北三十六寨而還。天命三年。定征明議。以七大恨告天曰。我祖父未損明邊一草寸土。明無故陷害我祖父。一也。設碑勒誓。明不能

李永芳降  
清之南關  
亡

明大舉來  
侵衆號四  
十七萬分  
四路進兵  
是爲薩爾  
濟山之戰

守。逞兵越界。衛助葉赫。二也。責我擅殺。拘我使臣。前年明因邊事交涉拘滿使後并釋之脅我殺十人於

邊境。三也。助葉赫背約。以女改適蒙古。四也。累世所守疆土。明遣兵驅逐。五也。

葉赫獲罪於天。明偏信其言。及遺書詬詈。六也。倒寘是非。妄爲剖斷。七也。太祖

謁堂子誓畢。分所部軍爲兩路。趨撫順。甲辰圍之。明游擊李永芳降。乙巳。留兵

四千。毀撫順城。明之南關遂亡。師還。明廣寧總兵張承蔭。遼陽副將頗廷相。海

州參將蒲世芳。以兵萬人來追。又戰而敗之。并陣斬承蔭。秋。七月。太祖復征明。

進鴉鶻關。圍清河。拔其城。冬。十月。東海虎爾哈部內附。四年。春。正月。命代善以

兵五千征葉赫。破大小屯寨。凡二十。二月。築界凡城。在興京西北鐵背山上明大舉來侵。由遼

東。經略楊鎬集兵瀋陽。凡二十四萬。約四路深入。每路六萬。以山海關總兵杜

松。及總兵趙夢麟。王宣。出中路之左。由渾河入撫順。廣寧道張銓監之。以遼東

總兵李如柏。遼陽副將賀世賢。出中路之右。由清河入鴉鶻關。遼陽道閻鳴泰

監之。以開原總兵馬林。大同副將麻岩。出北路。由開原會葉赫兵。出三岔口。今

監之。以開原總兵馬林。大同副將麻岩。出北路。由開原會葉赫兵。出三岔口。今開原道潘宗顏監之。以遼陽總兵劉綎出南路。會朝鮮兵入寬甸口。奉

天海城縣西。明實三岔關。



杜松輕敵  
爭功先敗

馬林不能  
守尙間厓  
之險次敗

海蓋道康應乾監之別以崔一琦監朝鮮軍合趨赫圖阿拉城號稱人馬四十  
七萬。時蚩尤旗長竟天。彗星出東方。識者知明必敗。太祖悉徵各路兵嚴備之。  
杜松素輕敵。爭首功。先期出撫順關。日馳百餘里。抵渾河。阻水不得渡。滿軍偵  
知之。據以告。太祖以南北二路皆山險。料敵不能卽至。宜先敗其中路之兵。會  
杜松以衆三萬屯薩爾濟山。別引二萬圍界凡。太祖急命貝勒代善皇太極援  
界凡。自統六旗攻薩爾濟。甫戰。日未昃。忽霧晦。咫尺不能辨。明兵列炬以戰。滿  
兵從暗擊明。大破之。其時右翼軍之援界凡者。亦遣千騎來夾攻。明兵六萬。無  
一生者。杜松中矢。明北路軍馬林聞耗。急據尙閒厓。環營二濠。先火器而後騎  
兵。別令潘宗顏。龔念遂。各以萬人分屯。成犄角之勢。貝勒皇太極先引千騎衝  
龔營。銳莫當。太祖繼之。方趣兵登山。會馬林以尙閒厓之兵出。與濠外合。太祖  
知敵將逆戰也。止衆勿登。令未徧。明兵已自西突至。貝勒代善遽怒馬陷敵陣。  
阿敏莽古爾泰揮兵繼之。於是六旗兵不及爲陣。縱騎突馳。各自爲戰。明陣大  
亂。殺聲震天地。明兵死者不可數計。尙閒厓下。河水爲赤。馬林收殘卒。走開原。

李如柏引

劉繼深入

距赫圖阿

拉僅五十

里太祖設

計誘之亂

部伍擊亂

而大敗

太祖既勝  
明又大學  
之伐葉赫破

葉赫兵亦遁。經略楊鎬聞兩路軍敗。急檄止李如柏劉綎二軍。如柏還。而綎已深入。距赫圖阿拉僅五十里。初不知西北二軍之敗也。太祖聞綎至。移軍禦之。綎兵銳。連攻破十數寨。太祖患之。僞使明降卒之黠者。持杜松令。語綎以西軍薄敵城。請速進。綎疑無號砲。卒詭詞返。急傳砲。綎聞砲聲。撤鹿角。綎行軍皆持鹿角。止即成陣。疾進。道狹。分所部為四軍。前二軍皆精銳。第一軍至阿布達里岡。皇太極引右翼出其上。乘高擊之。綎軍殊死戰。代善復引左翼冒杜松旗幟。入綎營。大呼格殺。明軍亂。綎退至後軍。未及陣。為滿軍所乘。力戰死。綎於諸將中最驍勇。所用鐵刀百二十斤。時稱劉大刀。綎死。明廷大驚。知事不可為矣。

其康應乾步兵合朝鮮兵二萬。營於富察之野。遇滿軍。戰敗而遁。朝鮮副元帥姜功烈。以其殘部降。夏。四月。克開原。秋。七月。克鐵嶺。在開原南六十里。斬明將喻成名。史鳳鳴。李克泰。八月。大舉征葉赫。時葉赫貝勒金台什居東城。布揚古居西城。太祖命諸貝勒引兵攻西城。自以兵攻東城。呼金台什出降。金台什不從。因攜幼子登臺固守。太祖縱火攻城。執金台什。縊殺之。西城布揚古聞之懼。由代善說使降。既至。跪拜不恭順。亦縊殺之。遂滅葉赫。五年。正月。殺察哈爾林丹汗使臣。

林丹汗妄  
自尊太  
自執其使  
殺之

太祖拔瀋  
陽又下遼

於遼陽建  
東京

康喀爾拜虎。因來書多狂悖。自稱蒙古國主。巴圖魯成吉思汗。稱太祖爲水濱滿洲國主。太祖以示諸貝勒大臣。僉請斬其使。太祖不可。留其使。遣臣碩色、吳巴什、以書詰責之。林丹汗不報。并執碩色、吳巴什而囚之。太祖怒。因殺康喀爾拜虎。後碩色、吳巴什亦逃歸。秋八月。明泰昌元年。伐明。抵瀋陽。冬十月。自界凡遷於薩爾濟。建軍民廬舍。六年。明天啓元年。春三月。定計攻瀋陽。諸軍水陸并進。明瀋陽總兵賀世賢、尤世功、以兵七萬禦之。乙卯。大戰於城下。陣斬世賢、世功。拔瀋陽。會明總兵陳策。以兵來援。又敗而斬之。并斬其副將董仲賢。太祖謂諸將曰。今瀋陽已拔。敵兵已潰。宜長驅取遼陽。辛酉。薄遼陽城。入夜。守將牛維曜等縋城下。滿軍乘之。拔其城。經略袁應泰自焚死。是日。太祖召諸臣集議。決遷都遼陽。七年春。正月。復伐明。丙辰。渡遼河。明兵遁入西平堡。太祖以兵攻破之。明兵又退入廣寧。時經略熊廷弼巡撫王化貞。知廣寧之不可爲守也。棄其城。入山海關。守將孫得功等以城降。二月。蒙古兀魯特部及喀爾喀部以三千餘戶。并牲畜來附。三月。於遼陽城東五里。太子河邊築城。建宮室。定爲東京。以遼陽城圯不可用也。八年。命台吉阿巴泰以兵

明毛文龍  
屯皮島

太祖定都  
瀋陽

明袁崇煥  
滿桂戰敗

太祖祖太  
宗嗣位

征扎魯特部。罪其黨葉赫也。及戰。斬其汗昂安及子。九年春。正月。喀爾喀巴岳特部。恩格德爾內附。夏。四月。太祖聞明將毛文龍渡鴨綠江。將於皮島屯田。因引兵擊走之。十年春。正月。太祖聞明發兵萬人航海。屯旅順葦城駐兵。命貝勒莽古爾泰以兵六千攻之。敗明兵。毀其城。三月。太祖以瀋陽形勝。便於用兵。定計自東京遷都焉。秋。八月。命雅護喀穆達尼率兵征卦爾察部。東海國之一克之。冬。十一月。又命子阿拜塔拜巴布泰以兵征海虎爾哈部。亦東海國之一俘千五百人而還。十一年春。正月。太祖率貝勒大臣統兵征明。渡遼河。抵右屯衛。明錦州守將蕭升。張賢。呂忠。左輔。毛鳳翼等。各棄營防退。時寧遠道袁崇煥。字元素。東莞人。與總兵滿桂參將祖大壽引兵力拒。礮火甚利。滿軍不支。翼日再敗。損失甚衆。太祖引還瀋陽。不憚累日。喀爾喀又背約。與明通。殺滿洲斥候軍。又屢劫滿使者。太祖發兵征之。明將毛文龍來侵。又發兵擊却之。秋。七月。太祖有疾。八月。丙午。疾大漸。惟儲嗣未定。大貝勒代善子岳托薩哈麟謂代善曰。國不可一日無君。今惟四貝勒才德冠世。宜繼大位。代善曰。此吾志也。次日。即書己意以示諸貝勒。皆曰善。及太

太宗伐朝  
鮮以書責  
李侖

袁崇煥遣  
使來覘虛  
實因復關  
外四城

祖薨逝。因定四貝勒皇太極嗣位。是日太宗。○天聰元年。明天啓七年春。正月朔。太宗詣堂子拜天。還御殿。受朝賀。丙子。諭朝臣曰。彼朝鮮累世開罪於我。我當伐之。加以明將毛文龍近彼海島。納我叛民。更非用兵不可。壬午。貝勒代善引兵夜攻朝鮮義州。下其城。以明毛文龍在鐵山。亦朝鮮境文龍屯壘於此分兵擊之。文龍遁。再攻定州安州。皆克之。甲午。及平壤。朝鮮都城朝鮮王李侖遣使責書詰興師之故。丙申。答書。謂其助明人納文龍皆罪也。二月壬寅。趣進兵。拔黃州。次平山。國王李侖棄都城。攜妃眷入江華島。因遣劉興祚等十人往見李侖。責以每歲貢獻。初不可。繼允之。三月庚午。刑白馬烏牛爲歃血之盟。壬申。班師。四月。明遼東巡撫袁崇煥遣使來議和。以覘虛實也。崇煥欲規復關外四城。襄陽清河三岔撫順外託議和。內修戰備。太宗覺而留其書。不拒其議。五月。太宗引兵略大凌河。時明方增築城壘。工未竣而棄之。因趨錦州。明巡撫袁崇煥設備嚴。以總兵趙率教守城。命將滿桂尤世祿背城據濠。列車營。排火器。別遣兵襲右翼。太宗以兵萬人斷明援。復率衆力攻城西隅。勢將陷。忽南北東三面明兵合馳救。火器猛烈。滿軍不能支。遽

太宗戰明  
兵不利速  
引還

太宗與明  
戰和

太宗大舉  
伐察哈爾

敷外蒙悉  
遣滿制  
設文館  
繕漢文書

引退。太宗思踰岡誘之。明兵按不動。計無出。太宗命侍衛皆兜整盾而進。明將士殊死戰。礮火如雨雹。諸貝勒多受創。幾危。太宗以代善阿敏勸。乃引還。滿洲自太祖出師攻明。有勝無敗。是役太宗受挫於袁崇煥。尋崇煥為魏闖構陷。以王之臣代之。二年。明崇禎元年。春。正月。太宗用明俘銀住。賚書與明總兵。

祖大壽議和。擬致弔熹宗喪。并賀新君嗣位。時莊烈帝新立。明亦允通好焉。夏。五月。遣貝勒阿巴泰等略明邊。墮錦州杏山高橋三城。并毀十三站。以東墩臺。九月。大舉

征察哈爾。先是察哈爾林丹汗之婦。為葉赫勒貝金台什之女。與太祖本僚塔也。葉赫附明。為太祖所滅。遺眾投察哈爾。明諜知之。略林丹汗以利。使與他喀

爾喀諸酋共抗滿洲。而喀喇沁諸部。據老哈河上流。亦今內蒙古之一。與林丹汗有隙。願附太宗。乃遣阿濟格貝勒來約攻林丹汗。太宗嘉之。許親統軍先擊席爾哈席伯圖莫湯

圖諸路。今內興安嶺地方。至是皆克之。十月。還師。三年。春。正月。土謝圖。外蒙古略爾喀之一。汗額駙奧

巴來朝。敕科爾沁敖漢奈鼻。俱西內蒙古。喀爾喀。外蒙古。喀喇沁悉遵國制。二月。喀爾喀

扎魯特部來歸。夏。四月。設文館。分儒臣為兩直。以達海及剛林等繕錄漢文書

籍。庫爾纏及吳巴什等記注本朝得失。六月。喀喇沁部台吉。土默特部台吉。先

滿兵毀邊  
牆引入漢  
奸引之

太宗行反  
閉明執崇  
煥下之獄

明起孫承  
宗

後來朝貢。冬十月。太宗以蒙古兵爲嚮導。大舉伐明。師次青城。略喇沁部地貝勒莽古爾泰以襲遠。師餉不繼。恐爲敵乘。請勿進。太宗不可。以崇煥在。必去之。決由喜峯口毀邊牆入。圍遵化。巡撫王元雅部兵之被汰者。引滿兵入城。遂陷遵化。總兵趙率教力戰死。因進趨薊州。明督師袁崇煥急率祖大壽。何可綱。自山海關兼程至。滿軍營南海子。明軍營沙河門外。屢鏖戰。不能下。會捕得太監某。太宗縱使去。行反閉。明帝惑之。執崇煥下諸獄。先是崇煥殺毛文龍不以罪。有言於明帝者。明帝深疑之。以大同總兵滿桂爲經略。起孫承宗。字稚輔。高陽人。自通州移鎮山海關。時祖大壽何可綱次關外待命。滿桂軍承定門。一夕。滿軍僞爲明旗幟甲裝至。滿桂誤以爲大壽。可綱軍來援也。不及備。滿軍因乘之。滿桂血戰死。總兵黑雲龍麻登雲均被禽。捷聞。太宗佯爲書與明議和。乃移師略薊州而東。四年春正月。滿兵由榛子嶺抵灤河。壬午。攻永平。克之。明兵備道鄭國昌死之。守將白養粹降。以爲永平巡撫。時永平附屬州縣。皆望風降。惟昌黎集潰兵。抵死抗。由達爾漢引兵晝夜進攻。不能下。三河寶坻。亦以堅守全。滿軍姑引退。太宗因營永平河北。留貝勒濟爾哈朗守永

孫承宗戰收所失處

滿洲鑄紅衣大礮

小凌河之戰大礮突入滿營幾危太宗

太宗逼降祖大壽

平。及遷安灤州遵化。尋以阿敏代其軍。夏五月。明集各路軍二十萬。以馬世龍統之。與孫承宗守關軍東西相犄角。一夕。乘滿軍東移。先出兵攻灤州。人斫一柳。立平其濠。復發巨礮。毀其堞。滿守將潰。明兵及永平。阿敏棄城遁。復失所侵略諸地。六月。阿敏還瀋陽。太宗數其罪。幽禁之。五年春正月。始鑄紅衣大礮。名曰天祐助威大將軍。秋七月。始定官制。設吏戶禮兵刑工六部。滿蒙漢各一缺。八月。大舉兵伐明。報永平之役也。明孫承宗既復關內四城。謂永平遷安灤州遵化。復規關外舊疆。先築城大凌河。工將竣。滿軍遽攻之。別以一軍截錦州之援。九月。明巡撫邱禾嘉及總兵吳襄。高郵人三桂之父。宋衛等引步騎四萬。逾小凌河而陣。太宗分軍爲二。以一軍先衝宋偉營。偉殊死戰。礮火如雨雹。滿軍多死傷。太宗知不利。復以一軍攻吳襄營。礮火既發。黑雲驟起。風從西來。襄乘勢縱火。火將及。忽大雨反風。又燬襄營。宋偉懼有失。急縱兵混擊之。時祖大壽弟大弼。軍中稱三龜子。官副總兵。號萬人敵。率死士百二十人。能滿洲語者。易服編髮。乘夜突入白雲山。偵知太宗在中軍。人各一斧。嗾而入。縱火及大帳。幾搆太宗。會諸營馳赴速。近侍殊死鬪。



太宗優待漢官

明殺沈檠此後無敢議款

孔有德耿仲明尙可喜先後降

滿兵分四路伐明

得免難。十月。滿軍圍大凌河。大壽守城中。太宗詭爲明援。誘大壽出與戰。敗之。比明兵真援至。大壽拒不納。太宗因乘閒說使降。大壽爲言妻子在錦州。請往爲內應。因許之。及往。大壽無降意。六年。定朝儀。太宗用貝勒岳托言。始優待漢人。凡漢人官一品者。以諸貝勒女妻之。官二品者。以滿大臣女妻之。夏。四月。太宗親征察哈爾。趨歸化城。山西與明大同總兵沈檠議修好。刑白馬烏牛盟。明聞其事。逮檠治罪。此後無人敢議款者。七年。春。三月。明故將孔有德、耿仲明、由登州航海來降。兩人皆毛文龍舊部也。旣至。太宗郊迎之。冬。十月。明廣鹿島副將尙可喜亦來降。太宗優待之。一如孔耿。八年。春。二月。定以領火器者爲一軍。以孔有德、耿仲明爲天佑兵。尙可喜爲天助兵。秋。七月。大舉伐明。分兵四路。一從上方堡之宣府趨應州。至大同。一由龍門口入。會於宣府。一由獨石口入。會於應州。一由得勝堡入。歷大同趨朔州。又有兵沿邊繞殺虎口至朔州者。太宗親率大軍入上方堡。由宣府趨朔州。四路兵。以次來會。所向克捷。惟龍門大同未下。八月。察哈爾林丹汗病殂。其妻高爾士門福金。率諸宰桑以千二百戶來

太宗納林丹汗之妻

青歷世傳

多鐸多爾袞次第伐

建國大清  
改元崇德  
清又崇德  
伐明凡克  
十二城五  
十六戰皆  
捷服疆臣  
日服大黃  
求死

降。謁太宗於上方堡。貝勒代善因勸納入後宮。許之。十二月。還瀋陽。命吳巴海、荆古爾代率兵征瓦爾喀。九年春。二月。編內外蒙古為十一旗。夏。五月。命貝勒多爾袞、岳托、豪格往收察哈爾部落。林丹汗子額哲率眾宰桑出迎。多爾袞等以之歸。并獲歷世傳國璽。元順帝敗走沙漠。崩於應昌府。是璽迷失。越二百年。有牧羊者。掘土得之。歸於元裔博碩圖克圖汗。後其國為林丹汗所侵。遂得歸。存蘇秦太妃處。璽文乃漢篆制誥之寶四字。六月。命貝勒多鐸攻明錦州。從漢人高鴻中、鮑承先、寧完我、范文程。字憲斗。瀋陽諸生。等議也。軍至松山。與明軍遇。破之。擒游擊曹得功。降之。八月。多爾袞又引兵渡河。由朔州平魯衛毀寧武關入。略代州忻州至崞縣。遇明兵。擊敗之。十年春。三月。改文館為內三院。曰國史院。秘書院。弘文院。夏。四月。內外諸貝勒文武羣臣表請稱制。由多爾袞奏。稱字表文。土謝圖濟農。奉蒙古字表文。孔有德奏漢字表文。太宗允之。乙酉。祭告天地。稱寬溫仁聖皇帝。建國號大清。改元為崇德元年。明崇禎九年。五月。敕內院各官。以希福、范文程、鮑承先為大學士。丁巳。設都察院官。庚午。命武英郡王阿濟格與貝勒阿巴泰超品公揚古利、固山額真拜尹圖率師征明。面授方略。癸酉。分師逾獨石口。直隸赤城縣東北。入居庸關。直隸昌平縣北。克昌平。逼燕京。兵過保定。克十二城。五十六

太宗再親  
征朝鮮既  
克因設壇  
受降

明遣瞽者  
六人來議

戰皆捷。明督師兵部尙書張鳳翼、宣大總督梁廷棟均按兵不動。惟日服大黃求死。九月。清兵從建昌冷口出邊。明守將崔秉德擬以兵扼我歸路。太監高起潛不敢進。俟我兵出口二日。始至石門。明亦不之罪也。冬十一月。傳檄朝鮮。太宗將親征焉。時太宗改國號稱制。朝鮮不奉命。決親征。以鄭親王濟爾哈朗留守。武英郡王阿濟格等收集邊民防敵。十二月。太宗親統大軍。先從寬甸入長山口。取郭山城定州。後渡漢江。抵南漢城。崇德二年春正月。清兵圍攻南漢城。先是國王李倬守城。別寘妻子匿江華島。太宗偵知之。命多爾袞造舟往取之。獲王妃一。王子二。閣老一。侍郎一。以示李倬。倬因入道援絕。妻子爲虜。乃乞降。獻明代所給敕印。太宗因設壇建黃幄。行受降禮。至是朝鮮平。二月。命阿濟格孔有德、耿仲明、尙可喜等取皮島。因還師。秋八月甲午。弟九子福臨生。母博爾濟吉  
特氏。時爲永福宮莊妃。順  
十一月始生。三年二月。太宗率豫親王多鐸及阿濟格、阿達禮、岳托、貝子大臣等引兵征喀爾喀。以代善、濟爾哈朗、多爾袞等留守。師出喀爾喀部不戰遁。因駐軍杜陵城。有明鎮守三邊太監高起潛遣瞽者周元忠等六人來議和。太宗薄

和太宗拒

胤大壽猶  
無降意

清兵入關  
直隸涿州及  
各府

頻年用兵  
皆不得明  
尺寸地

其人而拒之。秋八月。復命睿親王多爾袞等大舉伐明。面授方略。冬十月。清師從密雲北牆子嶺口。毀邊牆進。明督師吳阿衡逆戰。失利遁。十一月。太宗統兵至中後所。以書諭祖大壽。使內附。時大壽子可法。已仕清也。大壽猶無來附意。四年春。二月。太宗引兵次松山。遣孔有德以礮火擊城外諸臺。克之。明兵出城逆戰。有德請穿地道。攻之。工未成。為蒙古援明兵所阻。師遂還。三月。貝勒杜度以右翼兵由北京南之通州。西行至涿州。分兵數道。一軍由臨清德州渡河。陷濟南府。擒明德王由樞。一軍攻保定。明督師盧象昇。以兵逆之。力戰死。時象昇名為督師。所統不過宣大山西三路之兵。又扼於中官高起潛。尙書楊嗣昌。既戰於蒿水橋。死之。五年春。正月。都察院參政祖可法。張存仁。請乘勝深入明境。三月。命濟爾哈朗於義州屯田。夏五月。太宗至義州。以兵攻錦州杏山。時明杏山總兵劉智周。錦州總兵祖大壽。松山總兵吳三桂。字長白。吳襄子。協力拒戰。由濟爾哈朗出奇兵擊敗之。六年春。三月。太宗復伐明。意以頻年用兵。均不能得明尺寸地。由山海關限之也。今欲入關。非得關外四城。下見不可。決命多爾袞豪格合兵攻錦州。繼以濟爾哈朗代之。使逼錦州。築長圍。并絕松山杏山援路。時

明道洪承  
督師大承  
明語以勿  
浪戰

清總承  
餉道終乃  
成禽

清克錦州

錦州有內外城。其外城以祖大弼督蒙古兵守之。會大弼病不能軍。蒙古兵約清襲其外。克之。其內城由大壽固守。清軍攻甚急。大壽飛章告明。明遣薊遼總督洪承疇字亨九南安人率八總兵以步騎兵十七萬來援。大壽語承疇勿浪戰。但以車營徐徐出隄。承疇議以兵護送糧餉輜重。先由杏山輸松山。再輸錦州。計且定。兵部尚書陳新甲恐師老餉匱。屢請旨勅速戰。承疇不敢違。乃留糧餉於寧遠杏山。自率兵六萬先進。入總兵繼之。太宗偵知之。急馳抵錦州。直以全師進松山杏山間。諸王貝勒共議圍敵之策。太宗曰。否否。敵如不逃。我自能破之。蓋用意以絕援軍糧道。為惟一妙計也。由是以重兵橫塹錦西大路。斷杏山之餉。并分軍擊破塔山護餉之兵。遂盡獲筆架岡之積粟。明兵既失餉道。又不敢戰。食盡將却走。太宗因縱兵擊之。伏四起。明兵亂。斬馘無算。七年春二月。明松山副將夏承德遣人來密約降。并以子夏舒為質。太宗喜。急遣兵往攻。承德果內應。清兵入城。遂生獲總督洪承疇。巡撫邱民仰。總兵王廷臣。曹變蛟等。三月。錦州內城以糧盡援絕。亦不守。祖大壽就濟爾哈朗軍乞降。受之。錦州既下。諸杏山

明遺馬紹  
愉議和因  
事成殺陳  
新甲

清又由雁  
門進兵下  
三府十八  
州六十七  
縣

太宗崩而  
世祖立

塔山有抵抗者。均用火礮毀其城。并松山城亦毀之。以濟爾哈朗、多爾袞、阿巴泰、更番守錦州。夏五月。明帝聞洪承疇全軍覆沒。示意尙書陳新甲。謀媾和。新甲遣員外馬紹愉。主事朱濟之。副將周維墉等八人。僧一。從者九十九。至寧遠議好。太宗召入盛京。示以條件。一。通遼甲。二。贈錢幣。三。互交逃叛人民。四。定國界。五。開互市場。六。雙方越界之人。當處以死刑。來使持約歸。明帝將允之。會新甲以密約洩於外。朝臣爭之。明帝引爲羞。執新甲殺之。議遂寢。冬十月。清以利議不成。決伐明。分兵爲左右翼。左翼由界山毀邊牆入。右翼由雁門關黃匡口會於薊州。直入山東境。凡下三府十八州六十七縣。抵兗州。執魯王以派。荒王禮。十世孫。殺之。并殺樂陵、陽信、東原、安邱等諸郡王。八年春正月。太宗構疾。三月。召諸路還師。四月。阿巴泰軍由天津還至涿鹿。車駝連三十餘里。渡蘆溝橋。經旬未已。時明經略閣臣周延儒。字玉繩。宜興人。頓兵通州。不敢阻。清軍得徐徐出關。秋八月庚午。太宗崩。禮親王代善集諸王貝勒會議。皆以皇九子福臨嗣位。爲宜。因年齡冲幼。由濟爾哈朗、多爾袞、同輔國政。旣而阿達禮謀立多爾袞。事洩。執而誅之。皇太子嗣位。尊母后博爾濟吉特氏爲皇太后。

吳三桂向  
清乞師  
清師因入關

一片石之  
戰

論者曰。滿清經太祖太宗兩世經營。終不能僭入關弘願。必由吳三桂至清請兵。然後清師入燕。遂走關逆。及世祖定鼎。猶必用兵十八年。而土宇始一。何其締造之艱也。蓋種族之見。未可遽泯。稽之往史。遼胡人也。當五季時。威勢甚盛。不過割有山後十六州。金胡人也。在宋中葉。用兵中原。不過畫天下之半。元亦胡人也。雖曰得志吾華。統計傳位十葉。不滿百年。夫以異族主治華土。是豈人心所欲哉。然而清之代明。由明之自造孽也。明末稅政種種。造成亡國之禍。關豎橫於內。闖獻劫於外。舉國自殘。遂授他人以隙。烏虜國必自伐。而後人伐。復何言哉。復何言哉。

三月乙丑。清以睿親王多爾袞為奉命大將軍。率師取明關外地。會明平西

伯吳三桂來乞師。遂入燕京。先是明以流寇內逼。急召寧遠總兵平西伯吳

三桂入衛。三桂兵抵豐潤。縣名屬直隸會闖賊李自成已陷燕京。并劫三桂家屬。脅其

父襄手書召三桂。三桂方欲往。至灤州。聞愛姬陳沅。三桂姬陳沅。本姑蘇倡。姓邢氏。以從假母。改姓名為陳圓圓。初歸田曉。三桂見

而納被賊將劉宗敏掠去。憤甚。急歸山海關。襲破賊營。自成怒。執吳襄斬之。親

率眾二十萬。東攻三桂。別以騎二萬。從一片石。關名。在永平府撫甯縣東北越關外。三桂懼。乞附

於清。時統兵睿親王師次翁後。得三桂書。即遣使報之。三桂復請速進兵。遂疾

馳至沙河。三桂報賊已出邊。立寨柵。清軍迎擊之。敗賊將唐通於一片石。至山

海關。三桂開關出迎。清軍令三桂兵纏白布為識。使先驅入關。時賊眾陣於關

清兵大敗  
李自成

自成走入  
京悉鎔金  
銀載之去

清為崇禎  
帝發喪

清定議遷  
都

內。自北山亘海。清軍布陣。不能橫及海岸。乃令部衆鱗次布列。對賊陣尾。三桂居右翼之末。先挑戰。賊重圍之。良久。清軍從三桂陣右突出。衝賊中堅。會大風。沙飛石起。礮火藥之。自成方登高岡觀戰。見清軍甲而盤辮。則大呼曰。滿洲兵至矣。急策馬走。衆大潰。自相踐踏。死者無算。自成奔永平。清軍急追之。走還京。挾太子。慈娘及永定二王西走。五月己丑。清軍至燕京。故明文武諸臣郊迎於五里外。下令安民。并以禮改葬崇禎帝后。并葬帝妃袁氏兩公主。及熹宗后張氏。神宗妃劉氏。皆如禮。令臣民服喪三日。後議加諡曰莊烈愍皇帝。陵曰思陵。

時牛金星居守。諸降臣。叩訊。金星曰。論言方起。諸君可自為計。由是降者多逃。

悉鎔所劫金。及宮中帑藏器皿。鑄為餅。載之去。并

林畏廬曰。清師入京。首為明莊烈帝發喪。令官民服喪三日。何處實之得當也。且清之來也。由吳三桂乞師而來。其取燕京也。取於闖賊之手。弔民伐罪之宣言。是必憲斗亨九兩人有以教之。市義沽名。莫妙於此。

**編**清令並寘滿漢官員。**圖**令原在內閣六部都察院各衙門官員。俱以原官同

滿員一體辦事。其印信用滿漢文并鑄之。**編**夏五月。清軍報捷盛京。定議遷都。

**紀**燕京既平。捷至盛京。清帝率鄭親王等祭告天地。御殿受賀。并頒詔朝鮮。及



明史可法  
來福王監  
國稱制南  
都

明臣擁立  
之爭執

明遣左懋  
第等通聘

蒙古尋由多爾袞與諸貝勒建議遣輔國公屯齊喀和托固山額真河洛會謁

清帝請定都燕京清帝韙之。圖明兵部尙書史可法等奉福王由崧。神宗孫福恭王常洵長子初

封德昌王崇禎十  
六年圖封福王監國南京尋稱制。圖明義正也燕京雖陷明緒未墜明大臣奉迎宗室近支而立之名正言亦順也北京既覆南京得

信甚後時兵部尙書史可法。字憲之一字道鄰  
祥符人籍大興方督師勤王次於浦口諸大臣議立

君而福王由崧潞王常澆。穆宗孫潞簡  
王峭鏐之子俱以避賊至淮安倫序當屬福王諸臣如

侍郎呂大器都御史張慎言詹事姜曰廣廢籍侍郎錢謙益郎中周鏞僉事雷

縝祚等皆以福王昏不如潞王明議立潞王移牒可法可法還南京而鳳陽總

督馬士英。字瑾草  
貴陽人擁兵於外早密結操江城意伯劉孔昭。基之十  
二世孫總兵高傑劉澤清

黃得功劉良佐以書抗之可法意未決四月甲申集衆議主立潞王者數過半

獨給事中李佔辯甚力劉孔昭亦面斥大器方糾紛而士英已與諸將送福王

至儀真連營江北燄甚張可法無如何乃以福王名告廟乙酉迎王於江浦丁

亥百官迎見於龍江關五月戊子朔王謁孝陵奉先殿始稱監國繼改帝制遣

其臣左懋第。字蘿石  
萊陽人馬紹愉陳洪範賈書幣通聘於清并海運米五萬石銀五萬

於清井就  
三桂擒軍  
多爾袞致  
書史可法

綱鑑易知錄續編 卷上 清鑑 清紀

兩餉吳三桂軍均却之。懋第等至北京。清限制從人。館之於鴻臚寺。懋第請祭告諸陵及崇禎帝。清不許。乃

諸將劉澤清等。使內附。并擬留懋第不遣。清廷從之。於是縱洪範等。而追還懋第。改館太醫院。明年南都亡。而懋第殉焉。復由多爾袞致書史可法招之降。書曰。

濟陽。即知燕京物望。咸推司馬。後入關破賊。得與都人士相接。識介弟於清班。嘗託其手勸平安。李致衷緒。未審以何時得達。比聞道路紛紛。多謂金陵有自立者。夫君父之仇。不共戴天。春秋之義。有賊不討。則故君不得嘗葬。新君不得嘗即位。

所以防亂臣賊子。法至嚴也。闖賊李自成稱兵犯關。手毒君親。中國臣民。不聞加遣一矢。平西王吳三桂介在東陲。獨效包胥之哭。朝廷感其忠義。念累世之宿好。棄近日之小嫌。爰整貔貅。見除狗鼠。入京之日。首崇懷宗帝后。隆號下葬山陵。悉

如典禮。親郡王將軍以下。一仍故封。不加改削。勳戚文武諸臣。俱在朝列。恩禮有加。耕市不驚。秋毫無犯。方擬秋高氣爽。遣將西征。傳檄江南。聯兵河朔。陳師鞠旅。戮力同心。報乃君國之仇。彰我朝廷之德。豈意南州諸君子。苟安旦夕。弗審事

機。柳墓虛名。頓忘實害。予其惑之。國家之撫定燕都。乃得之闖賊。非取於明朝也。賊毀明朝之廟主。辱及先人。我國家不憚征繕之勞。悉索敵賦。代為雪恥。孝子仁人。當如何感恩圖報。茲乃棄逆寇禘。王師暫息。遂欲雄據江南。坐享漁人之

利。摩詰情理。豈可謂平。將以為天塹不能飛渡。投鞭不足斷流耶。夫闖賊但為明朝崇耳。未嘗得罪於我國家也。徒以薄海同仇。特申大義。今若擁稱尊號。便是天有二日。儼為勁敵。予將簡西行之銳。轉旆東征。且擬釋彼重誅。命為前導。夫以中

華全力。受制潢也。而欲以江左一隅。兼支大國。勝負之數。無待龜著矣。予聞君子之愛人也。以德。細人則以姑息。諸君子果識時知命。篤念故主。厚愛賢王。宜勸令削號歸藩。永綏福祿。爾廷當待以虔賓。統承禮物。帶礪河山。位在諸王侯上。庶不

負朝廷申義討賊。興滅繼絕之初心。匡南州羣彥。翩然來轅。則爾公爾侯。列爵分土。有平西之典例在。惟執事實圖利之。輒近士大夫大好高樹名義。而不顧國家之急。每有大事。輒同策舍。昔宋人議論未定。兵已渡河。可為股鑿。先生領袖名流。主

持至計。必能深維終始。審忍隨俗浮沈。取舍從違。應早審定。兵行在即。可西可東。南國安危。在此一舉。願諸君子同以討賊為心。毋貪一身瞬息之榮。而重故國無窮之禍。為亂臣賊子所笑。予實有厚望焉。記有之。惟善人能受盡言。敬布腹心。佇

聞明教。江天在望。延跋為勞。書不宜意。**可法報書不屈。**書曰。南中向接好音。法隨遣使問訊。吳大將軍。未敢遽進。左右非委隆誼。於草莽也。誠以大夫無私交。春秋之義。今怪德之陽。忽來琬琰之書。真

不齊從天而降也。循誦再三。殷殷至意。若以逆賊尚稽天討。煩貴國憂。法且感且愧。懼左右不察。謂南中臣民。始安江左。竟忘君父之怨。敬為貴國一詳陳之。我大行皇帝。敬天法祖。勤政愛民。真堯舜之主也。以庸臣誤國。致有三月十九日之事。

法待罪南樞。救援無及。師次淮上。凶聞遂來。地坼天崩。山枯海泣。嗟乎。人孰無君。雖肆法於市朝。以為泄泄者之戒。亦奚足謝先皇帝於地下哉。爾時南中臣民。哀慟如喪考妣。無不撫膺切齒。欲悉東南之甲。立摘兇仇。而二三老臣。謂國破君

可法報書  
不屈

亡。宗社爲重。相與迎立今上。以繫中外之心。今上非他。神宗之孫。光宗猶子。而大行皇帝之兄也。名正言順。天與人歸。五月朔日。駕臨南都。萬姓夾道歡呼。聲聞數里。羣臣勸進。今上悲不自勝。讓再讓三。僅允監國。迨臣民伏闕屢請。始以十五日正位南都。從前鳳集河清。瑞應非一。卽告廟之日。紫雲如蓋。祝文升霄。萬目共瞻。欣傳盛事。大江涌出。柁棹數十萬章。助修宮殿。豈非天意也哉。越數日。遂命法禱師江北。刻日西征。忽傳我大將軍吳三桂借兵貴國。破走逆賊。爲我先皇帝發喪成禮。掃清宮闕。撫輯羣黎。且罷薙髮之令。示不忘本朝。此等舉動。震古鑠今。凡爲大明臣子。無不長跽北向。頂禮加額。豈但如明諭所云感恩圖報已乎。謹於八月。薄治篋篋。遣使犒師。兼欲請命鴻裁。連兵西討。是以王師既發。復次江淮。乃聲明誨。引春秋大義。來相詩貴。善哉乎推言之。然此乃爲列國君。世子應立。有賊未討。不忍死其君者立說耳。若夫天下共主。身殉社稷。青宮皇子。慘變非常。而猶拘牽不卽位之文。坐昧大一統之義。中原鼎沸。倉猝出師。將何以維繫人心。號召忠義。紫陽綱目。踵事春秋。其尚特書。如莽移漢鼎。光武中興。丕發山陽。昭烈踐阼。懷愍亡國。晉元嗣基。徵欽蒙塵。宋高宗。是皆於國仇未撤之日。亟正位號。綱目未嘗斥爲自立。率以正統子之。甚至如玄宗幸蜀。太子卽位。城武。讓者皆之。亦未嘗不許以行權。幸其光復舊物也。本朝傳世十六。正統出承。自治冠帶之族。繼絕存亡。仁恩遐被。貴國昔在先朝。夙膺封號。載在盟府。甯不聞乎。今痛心本朝之難。驅除亂逆。可爲大義復著於春秋矣。昔契丹和宋。祇歲輸以金縷。向紇助唐。原不利其土地。况貴國篤念世好。兵以義動。萬代瞻仰。在此一舉。若乃殘我蒙難。棄好崇仇。規此幅員。爲德不卒。是以義始。而以利終。爲賊人所竊笑也。貴國豈其然乎。往者先帝軫念潢池。勛撫互用。貽誤至今。今上天縱英明。刻刻以復仇爲念。廟堂之上。和衷體國。介冑之士。泣枕枕戈。忠義民兵。願爲國死。竊以爲天亡逆闖。當不越於斯時矣。語曰。樹德務滋。除惡務盡。今逆賊未服天誅。諫知捨土西秦。方圖報復。此不獨本朝不共戴天之恨。抑亦貴國除惡未盡之憂。伏乞堅同仇之誼。全始終之德。合師進討。問罪秦中。共築逆賊之頭。以洩敷天之憤。則貴國義問。昭著千秋。本朝圖報。惟力是視。從此兩國誓通盟好。傳之無窮。不亦休乎。至於牛耳之盟。則本國使臣。久已在道。不日抵燕。奉饗孟從事矣。法北望陵廟。無涕可揮。身陷大戮。罪應萬死。所以不卽從先帝者。實爲社稷之故。傳曰。股肱之力。繼之以忠貞。法處今日。鞠躬致命。克盡臣節。所以報也。惟執事實昭鑒之。

**清命文臣衣冠暫從明制。**

**清建堂子於玉河橋東。****滿洲舊制。有揭竿祭天之儀。又總祀諸神鬼於一室。名曰堂子。至是百度創始。首建堂子於玉河橋東。凡舉大事及歲首。必祭之以爲常。****清加封多爾袞爲叔父攝政王。尋稱皇父。**是日有二日。名不正而言不順也。

建堂子於玉河橋

清封多爾袞爲叔父

攝政王并稱皇父

明分淮揚鳳廬為四鎮由史相開府揚州

明封左良王為甯南侯以鎮武

明追尊崇禎帝后諡

多爾袞既晉崇封。并加鄭親王濟爾哈朗為信義輔政叔王。復肅親王豪格爵。晉武英郡王阿濟格豫郡王多鐸俱為親王。貝勒羅洛弘為衍禧郡王。碩色為承澤郡王。吳三桂孔有德耿仲明尚可喜均受賜有差。時三桂已督平西王。有德仍恭順王。仲明仍懷順王。可喜仍智順

王。明分淮揚鳳廬為四鎮。以黃得功劉澤清劉良佐高傑領之。時明閣相

史可法開府揚州。規復中原。以劉澤清鎮淮海。經略山東路。高傑鎮徐泗。經略

開歸路。劉良佐鎮鳳壽。經略陳杞路。黃得功鎮滁和。經略光固路。并晉得功靖

南侯。封傑興平伯。澤清東平伯。良佐廣昌伯。先是傑附闖逆。後歸明。至是與得

功澤清爭駐揚州。殊私鬪。可法和解之。傑畏可法。然以其溫語拊循。則又易之。

明加封左良玉。字岷山。臨清人。為寧南侯。時良玉駐武昌。得以其閒稍復楚西境之

荊州。德安。承天。而巡撫何騰蛟。字雲從。黎平衛人。總督袁繼咸。字季通。宜春人。適居江西。與良玉相

策應。故南都倚為屏蔽焉。良玉兵八十萬。號百萬。前五營為親軍。後五營為降軍。每春秋肆兵武昌。一山一

去。六月。明追上崇禎帝后諡號。命諡崇禎帝曰烈皇帝。廟號毅宗。后曰孝

節皇后。又追諡其祖母鄭貴妃曰孝甯太后。考福恭王曰恭皇帝。上嫡母鄒氏。

明起用阮大誠由馬士英引進

呂大器劾奏士英翻先皇手定逆案

清發兵討李自成

尊號曰恪貞仁壽皇太后。字圓海，懷甯人。闖者，奸人進用而國事去也。闖者大誠以挂名逆

案失職。匿居南都。至是招納游俠。侈談兵事。復社中名士甚厭惡之。大誠獨陰

結閣相馬士英。士英於明主前稱其知兵。并以所著守江三要兩合十四隙各

策論進。明主奇其才。而召對稱旨。將大用。閣臣姜曰廣侍郎呂大器等執不可。

給事中羅萬象等僉以逆案不可翻。明主不聽。未幾用大誠為兵部侍郎。罷呂

大器姜曰廣官。大器疏劾士英翻先皇手定成案。并以其子為都督。以女弟夫為總兵。引姍姍惑其杰。田仰楊文聰盡登臆仕。與大誠表裏為奸。甚非社稷之福。疏上。經士英賊藩鎮劉澤濶劾免之。曰廣與高弘圖協心輔政。語侵士英。士英乃內結勸臣朱國澍劉孔昭韓之龍。外連諸鎮劉澤濶劉良佐謀除異己。曰廣懼為所陷。抗章乞休。明主初慰留之。士英大誠怒於色。卒昭宗案。朱統繼使數曰廣五罪。一引用東林死黨。二交結江湖大俠。三庇護從賊諸臣。四納賄。五奸媳。語悉誣讒。曰廣遂引疾去。後從桂王由榔。清兵下南昌。金聲桓敗。曰廣投復家池死之。

明命魯王以海。魯荒王檀之九世孫。居處州。時山

東殘破。以海棄藩南奔。泊舟京口。因命暫駐處州。秋七月。清大發兵討李自

成。自成走入陝。山西山東河南悉平。初。自成由山海關遁入燕京。遽僭號。於

武英殿稱制。盡滅三桂家。其子應熊及女及妾陳沅幸免。焚宮殿及九門城樓。翌日。挾明太子慈娘

永定二王西走。至定州。清引兵追敗之。斬賊將谷可成。自成又走真定。悉眾逆

戰。清軍復擊之。賊不支。自成中流矢。創甚。西踰故關。入山西。會清兵東返。自成

戰。清軍復擊之。賊不支。自成中流矢。創甚。西踰故關。入山西。會清兵東返。自成

自成因殺李巖賊衆解體

諸路兵齊準潼關賊不復出陝

張獻忠陷成都改國譜號

獻忠有妾子四人

乃收合餘燼走平陽。以讒殺其黨李巖。應審勳自成以不殺收人心。及在京。於人士多所保全。牛金星等大忌之。至是自成敗。州郡皆起擊賊。應請兵往。金星據於自成以巖有異志。遂醜殺之。賊衆俱解體。自成懼。因遁入西安。清復以大軍蹙之。用武英王阿濟

格爲靖遠大將軍。以吳三桂尙可喜副之。所至悉收山西河南地。同時肅王豪格亦以兵下濟南。破青州。斬賊將趙應元。并平滿洞之賊。於是黃河上下游。賊

氛肅清。諸師齊集潼關。賊不復再出陝矣。圖明釋高牆罪宗三百餘。皆爲庶人。

太祖八世孫唐端王碩燾之孫。世子器盛之子。等三百餘人。俱釋爲庶人。禮臣請復聿鍵王爵。

不許。尋命徙居廣西平樂府。未至。值南都失守。由杭州總兵鄭鴻逵等迎立之。事詳後。圖八月。流冠張獻忠陷成都。

明蜀王至澍。蜀獻王樞九世孫。及巡撫都御史龍文光。巡按御史劉之勃。死之。圖初。獻忠

陷鄂。遇左良玉。兵敗入湘。後又由湘趨蜀。及夔州。石柱土官女將秦良玉。遽以

師掩擊之。獻忠走萬縣。破涪州。陷佛圖關。巡撫陳士奇死之。至是逼成都。蜀王

至澍議走滇。之勃持不可。會新撫龍文光總兵劉佳引以兵三千來援。與賊戰。

賊退二三里。明軍入城。翌日。賊縱火燒城。烟燄蔽天。守陴者噪而散。賊蹙之入

城。蜀王率妃妾自沈於井。之勃文光被執。不屈死。未幾。獻忠據全蜀。僭號爲大

明大興士  
木選淑女

明封鄭芝  
龍南安伯  
大鉞巡閱  
江防

西國王稱大順元年。修蜀王府。居之。設丞相尙書五軍都督府等官。養子孫可望、艾能奇、劉文秀、李定國，皆稱將軍。明起前大學士王應熊，前甯夏巡撫樊一蘅，以兵入蜀討之。賊有懼心。明大興與土木，并詔選淑女。先是洛陽之陷，福恭王妃與子相失。居河南郭守義家。明主既立，因遣使迎母至南都。命於三日內搜括萬金，以充賞賜。又以行宮湫隘，諭工部亟營興甯宮。慈禧殿以居。母后尋又封母弟鄒存義爲大興伯，并以母后命採選淑女。羣閹藉端騷擾，民不能堪。兵科給事中陳子龍，字臥子，華亭人，後歸唐，死節，謚忠裕。疏陳其弊，不省。尋又使太監李國輔等分赴蘇杭採訪。民間婚娶一空。明封鄭芝龍爲南安伯。尋命爲總兵官。鎮福建。以其弟鴻逵駐舟師於鎮江。明命阮大鉞以兵部侍郎巡閱江防。大鉞之用。大學士高弘圖以去就爭。士英意稍折。至是由安遠侯柳祚昌薦。竟擢用之。左都御史劉宗周疏稱大鉞昔爭吏垣不得，致魏大中死詔獄。是殺大中者魏璫。其主使者大鉞也。即使才具可用。臣慮黨邪害正。終必禍國。懇乞收回成命。明主不報。未幾宗周又嚴劾士英。士英嗾其私人朱統鑽布以蜚語。宗周

清世祖入  
燕京稱制

高傑移駐  
徐州

可法以大  
義喻高傑

竟不安於位。九月乙亥。清帝發盛京。甲辰。至京師。十月乙卯朔。布告中外。始稱制焉。先是遷都議定。由叔父攝政王遣臣奉迎。至九月晦。始至京師。多爾袞率諸王貝勒貝子公及文武大臣郊迎。清帝以叔父尊。止不拜。翌日。十月朔。清帝先詣南郊。祭告天地。卽皇帝位。頒時憲歷。布告中外。除明苛政。明督師史可法遣諸將分守要道。高傑移駐徐州。先是可法出淮安閱劉澤清軍。返揚州。向明廷請餉。士英靳之。可法疏陳。爲今之計。莫先於討賊復仇。舍籌餉籌兵無議論。舍治兵治餉無人才。明廷雖優詔答之。而餉實不至。至是可法議分布諸將。奏請以總兵李成棟鎮徐州。賀大成鎮揚州。王之綱鎮河南。李本身胡茂植隸高傑麾下。爲前鋒。別令劉肇基屯高家集。李棲鳳屯睢寧。以防河。用張天祿爲閣標前鋒。屯瓜洲。高傑故跋扈。可法日以君臣大義曉之。傑感其忠。奉約束。可法因與謀恢復。將調黃得功劉澤清二鎮赴邳宿防河。命傑提兵直取開歸。且瞰宛洛荆襄。以爲根本。傑甚韙之。卽具書與得功釋前憾。然得功終不欲爲傑後勁。澤清尤狡橫難任。可法不得已。乃移得功廬州。以防桐皖。調劉良



明用張縉  
彥由李維  
邁嚴劾之

多鐸以兵  
下江南  
史可法於  
鶴鎮敗清  
師

佐赴邳徐。進復黃汝。與傑相聲援。傑遂移師徐州。明以左中允衛允文監其軍焉。**圖**明以前兵部尙書張縉彥督北直山西河南軍務。**圖**馬阮當國。日以勦正人引兇黨爲務。縉彥前在北京。首先開門從賊。自成敗走。縉彥竄河南。至是自言招集義兵。多所規復。士英黨之。薦使總督軍務。得便宜行事。給事中李維楸劾其庸闇失機。寸斬莫贖。逆賊入宮。青衣候點。總督何官。顧畀之賊臣。成何政體耶。疏上不省。**圖**清命豫親王多鐸爲定國大將軍。帥師下江南。十一月。明督師史可法禦清帥於鶴鎮。戰敗之。**圖**幸之也。明戰清而勝。至爲可幸。奈何明廷斬其功而不賞乎。**圖**可法銳意北伐。旣遣高傑赴徐州。卽親督師至清江浦。擬屯田開封。爲規復中原計。時諸將各分汛地。擇便利。自王家營至宿遷。無有敢當其衝者。而可法獨任之。緣河築壘。旗幟一新。會清兵下海州。取宿遷。可法舟次鶴鎮。遣總兵劉肇基往援。敗清兵。復其城。未幾。清兵又圍邳州。肇基復馳赴之。鏖戰浹旬。清兵退。明因棄勝復贛榆。豐沛等縣。捷至南都。士英以可法報不實。一笑付之。**圖**清兵克河南府。**圖**清遣精兵從孟津渡河。沿河十五寨堡。俱望風歸附。遂下河南府。總督李際遇迎降。

高傑進兵歸德

許定國誘殺高傑

馬士英黨用允文監軍以分可法兵權

總督張縉彥走沈邱。河南撫鎮向南都告急。明命高傑進兵歸德。備之。

乙酉二年。明弘光元年。是年五月。清破南都。睿明主由崧。六月。明魯王以海監國紹興。閏六月。唐王聿鍵又稱制福州。改元隆武元年。春正月。朝鮮奉清正朔。

遣使貢方物。自是歲以為常。明以南京宮殿成。推恩諸臣有差。加史可法

太保。馬士英少師。王鐸少保。予廕。仍以士英掌文淵閣印。充首輔辦事。可法力

辭太保許之。明總兵許定國誘殺高傑於睢州。叛入清。時傑兵次歸德。定

國方駐睢州。素與傑有怨。因遣使通款於清。并以二子為質。傑微聞之。招定國

不至。因邀巡撫越其杰同往睢州。定國出迎。故匿其精壯。以羸師見。執禮極卑。

傑易之。將入城。其杰止之。不聽。越日。定國寘酒享傑。并以妓侑之。飲酣。傑責定

國誤師期。微及送子為質事。定國惶懼。是夜。伏兵傳礮。其杰聞變走。傑以醉臥

未起。為定國執殺之。明日。傑部將引兵破睢州。定國叛入清。諸兵將因四出劫

殺。附城二百里。無一子遺。可法聞之。出涕曰。中原不可為矣。馳至徐州。以傑甥

李本身代統傑衆。并立傑子元爵為世子。令既下。監軍衛允文言於朝。謂可法

調度乖方。允文。故士英黨也。士英左袒之。即擢以為兵部右侍郎。總督與平標

李自成由  
陝窰鄂入  
九宮山爲  
村民殺

職方賤如  
狗都督滿  
街走

清定河南

下兵馬。經略開歸軍務。分可法權。而可法益不得展布矣。命劉良佐防歸德。二月。

清兵克西安。李自成走襄陽。復入鄂。鄉民殺之。命劉良佐防歸德。

格等引兵至潼關。賊將劉芳亮逆戰。清軍擊敗之。俘斬無算。自成又親率馬步

兵至。再戰。再破之。遂克潼關。僞伯馬世耀以七千人來降。斬之。進攻西安。自成

已焚宮室。由龍駒寨走武岡。入襄陽。復走武昌。清兵分兩道追躡之。自成尙有

衆五十萬。中途或降或逃。漸至不能成軍。由是走延甯蒲圻。至通城。竄入九宮

山。僅二十餘騎。掠食山中。爲村民所困。縊殺之。後清兵識自成者驗其尸。腐莫辨。獲自成兩從

之。其兄子過借。諸賊帥奉自成妻高氏。往降唐王。畢繼。未幾亦死。闖禍遂滅。闖禍遂滅。明以阮大鍼爲兵部尙書。大鍼雖職居兵部。而

干預銓選。賄賂公行。時人爲之語曰。職方賤如狗。都督滿街走。三月。清兵定

河南。清兵既定關陝。卽移師南下。出虎牢關口。分兵自龍門關及南陽三路。

同趨歸德。克偃城上蔡諸縣。所過城邑。皆望風款附。遂進取歸德。明巡按御史

凌駟及其從子。潤生死之。南陽副將李好降。河南悉定。明左良玉舉兵反。至

九江發病死。先是有王之明者。冒稱太子慈娘。來南都。下獄治之。供吐實。都

良玉與兵  
揃除君側

明撤諸路  
兵以禦良  
玉

良玉死其  
子祕不發  
喪功敗左  
軍於荻港

清兵下揚  
州

人士或冤之。黃得功左良玉先後具疏辨。詔諭之。得功默然。獨良玉與士英有隙。匿黃澍於軍。日夕謀清君側宵小。至是召集三十六營大將。議東下。傳檄遠近。以討士英爲名。自漢口達蘄州。列舟三百餘里。士英懼。急調劉良佐等入衛。時史可法以清兵南下。請毋撤江北防。大理少卿姚思孝御史喬可聘成友謙亦以江防重要爲言。士英厲聲叱曰。若輩東林。猶藉口防江。欲縱左逆入犯耶。北兵至。猶可議款。左逆至。則若輩高官。我君臣獨死耳。於是盡撤諸路兵。以禦良玉。良玉至九江。邀總督袁繼咸入舟中。語以舉兵東下意。繼咸正色曰。先帝舊德不可忘。今上新恩亦不可負也。良玉意少動。繼咸歸。方謀拒守。而部將郝效忠竟陰約良玉兵入城縱火。會良玉搆疾。夜望城中火光。嘆曰。吾負臨侯。繼咸遂嘔血數升死。其子夢庚祕不發喪。諸將推以爲帥。留七日而東陷彭澤。以下諸縣。時黃得功方駐軍荻港。在繁昌縣西聞敵至。卽進兵銅陵。大破之。尋明封得功清國公。命移家太平。一意辦賊。夏。四月。清兵克泗州。又進克揚州。明督師大臣史可法死之。屠城十日。圖先是清兵由歸德規取潁州太和。悉下之。將及泗州。豫王多鐸先遣將奪泗北

多鐸寓書  
可法終不  
降

清克揚州  
屠城十日

淮河橋。明守將焚橋走。清兵因藥夜渡淮。適明將侯方巖引援兵至。戰敗。死之。時江北軍因良玉內犯。悉撤防。可法亦奉召入援。既渡江。聞得功已破。良玉軍急返。趨天長。檄諸將救盱眙。兵未至。會方巖以戰死。泗州盱眙均失陷。因星夜奔還揚州。比至。譌言四起。咸以許定國將來。將悉殲高傑舊部也。可法急檄調各鎮兵。無一應者。獨總兵劉肇周自白洋河在桃源縣西。即潼河之下流也。趨赴。請背城一戰。可法不許。十八日。清兵大至。屯斑竹園。多鐸手書諭可法降。不從。明日。總兵李棲鳳監軍副使高岐鳳投清營納款。城中守益單。諸文武分陴拒守。西門最險要。由可法獨當之。作書寄母妻。且曰。我死必葬我於高皇帝陵側。越二日。清兵薄城下。用巨礮毀城西北隅。城遂破。可法自刎不殊。為清兵所執。因大呼曰。我史督師也。遂遇害。劉肇基以所部四百人巷戰死。清克揚州。屠城十日。人民無一生者。

伯通曰。此為最慘痛歷史。揚州十日記。與嘉定屠城記。皆當時實錄。清兵爭城奪地。殺人盈野。與閩獻又何異哉。

五月。清兵破南都。明將田雄馬得功劫明主出降。清兵既下揚州。將由瓜洲。渡江。隔岸相持。凡三日。每夜編巨筏。置燈火。放之中流。明兵守京口者。必開

清兵乘夜霧山瓜洲渡江

明主走太平

馬阮挾鄒太后走浙

明主入黃得功營

田雄等劫明主降清

清下薙髮令

礮擊之。且虛以報捷也。己丑。清兵乘夜霧渡南岸。明防江兵皆潰。蘇松巡撫霍達及副使揚文驄、馬逃。總兵鄭鴻逵縱兵大掠。亦去閩。清兵遂由鎮江直逼南京。先三日。明主已自通海門出走太平。劉孔昭亦斬關遁。馬阮挾帝母鄒太后東南走浙江。亂兵擁王之明出獄。將奉以爲主。會清兵至。總督京營忻城伯趙之龍開城降。勳戚自魏國公徐文爵弘基之子以下。大臣自大學士王鐸、尙書錢謙益以下。無不稽首乞命。京外如高元爵高傑之子、劉良佐已沿途歸附。豫王多鐸喜甚。卽日入城。殲亂兵。斬王之明。別遣劉良佐追及明主於蕪湖。屬太平府時明主已潛入黃得功軍。得功匿之於舟中。良佐至。諭得功降。得功方怒叱之。忽飛矢中其喉。得功知大事去。拔矢刺吭死。總兵田雄、馬得功、劫明主出降於清。

伯通曰：南都失敗，由馬阮當國人盡知之，然而重用馬阮，執迷不悟者，弘光帝也。君臣酣嬉，夜以繼日，燕雀處堂，而不知火之將至，欲國無亡，寧可得乎？書曰：天作孽，猶可違，自作孽，不可活，信然信然。

清下薙髮令。違者殺無赦。令甚嚴。限十日內一律薙髮。并有留髮不留頭。留頭不留髮之警告。然江以南多抗之。清兵下杭州。明潞王常澆降。豫王

張秉貞  
洪範以歸  
清王常滂降

張國維  
魯王監國

明黃道周  
奉唐王在  
閩稱制

既克南京。卽遣貝勒博洛東下蘇常。各郡縣皆望風降。既至杭州。時杭人以南都既破。潞王常滂爲明室近支。合請監國。以繫民望。常滂不許。會巡撫張秉貞及陳洪範有降清意。乃引常滂出降。紹興諸郡悉望風下。明左都御史劉宗周絕粒二十三日死。大學士高弘圖。右都御史祁彪佳。亦先後殉節死。六月。明兵部尙書張國維奉魯王以海監國紹興。時浙江屬郡多降清。甯波亦議通款。惟籍紳錢肅樂字希聲。鄞縣人。持不可。士民多附之。肅樂乃建牙行事。聞魯王以海在台州。遣舉人張煌言往說之。會兵部尙書張國維起兵紹興。給事中熊汝霖僉事孫嘉績亦自餘姚響應。既而國維迎以海至紹興。用方逢年崇禎間大學士。議稱爲魯王監國。以國維爲太傅。兵部尙書武英殿大學士。諸軍歸節制。議畫錢塘而守。閏六月。明禮部尙書黃道周字幼玄。一字石齋。漳浦人。等奉唐王聿鍵稱制福州。唐王聿鍵走至浙。遇敗將鄭鴻逵等擁至閩。會道周得南都失陷清師東略報。乃與巡撫都御史張肯堂字載箴。華亭人。南安伯鄭芝龍等奉王稱監國。鴻逵以名未正。不能資號召。因擇日稱制福州。改元隆武。以福州爲天興府。大赦。進芝龍鴻逵爲侯。鄭

分八國為上下遊

何楷呵斥鄭鴻達

清以洪承疇招撫江南各省

博爾濟吉特后曾飲承疇以參汁勸降

清命勒克德渾平南

芝豹鄭彩為伯。兵事悉付芝龍。以天興建甯延平興化四府為上游。汀州邵武漳州泉州四府為下游。自仙霞關而外。擇要設備。計守兵十萬。戰兵十萬。尋以道周為武英殿大學士。張肯堂吏部尚書。何楷戶部尚書。郭維經禮部尚書。蘇觀生翰林學士。時鄭氏弟兄驕甚。一日明主賜羣臣讌。芝龍欲上道周。道周抗之。明主將郊天。芝龍兄弟稱疾不往。何楷劾之。又鴻達扇殿上。楷呵止之。明日。鴻達遇楷於途。竟截其一耳。國罪承疇也。承疇臣於明又效忠於清。列二臣傳首宜矣。癸巳。清以洪承疇總督軍務。招撫江以南各省。在考承疇征清敗衄。為清軍所執。由太宗諭以降。初不肯。絕粒七日。由博爾濟吉特后授以上葠汁。飲之。遂降。官大學士。時明莊烈帝不知其降清也。自製祭文。設祭十六壇以哭之。入關之策。翊贊實多。及清下南都。嚴令薙髮。諸路多反抗者。因命承疇以在明資望。南下招撫江南各省。同時并命恭順侯吳惟華招撫廣東。兵部尚書孫之獬招撫江西。兵部左侍郎黃熙允招撫福建。原任大同巡撫江禹緒招撫湖廣。兵部右侍郎丁之龍招撫雲貴。右都督謝弘儀招撫廣西。圖秋。七月。清命貝勒勒克德渾為平南大將軍。同固山額真葉臣等往



詔多鐸還京。唐魯兩王監國稱制。諸路多響應者。

典史閻應元守江陰。清兵百計攻之不能下。

清兵下江西。

籍紳楊廷麟集衆起兵。

江南代豫王多鐸。改南都應天府爲江甯府。清豫王多鐸班師。清帝率朝臣出正陽關迎之。清勒克德渾分兵略江以南諸路。唐魯既同時起兵。監國稱制。諸路聞風。無不先後響應。不歸於唐。卽歸於魯。於是勒克德渾就承疇議規取方略。乃分遣都統馬喇希思格圖敗黃蜚援兵於常州。敗王佐才援兵於崑山。宜興常熟別遣明降將劉良佐圖江陰。時典史閻應元守江陰。清兵百計攻之不能下。又太湖吳易一軍亦嚴整。清兵戰屢敗。後經貝勒博托回師夾攻之。始敗吳易軍。聞江陰未下。急藥之。良佐攻其前。博托軍攻其後。凡八十一日。值大雨城崩。乃下之。應元死焉。清兵下江西。明黃道周出師援之。清兵至江西。左夢庚子良玉率所部三十六營降。明巡撫曠昭棄南昌走。明益王山本憲宗六世孫在建昌布防。有客軍應清。城破。遁入唐。清兵藥勝下袁州廣信。遂收吉安。長驅至萬安。會明永甯王慈炎招連子峒土兵入。撫州揭重熙李永茂等舉兵應。清引偏師擊敗之。江西諸郡皆平。惟贛州未下。適明主聿鍵以手書至。加籍紳楊廷麟兵部尙書。劉同升國子祭酒。於是集議明倫堂。得壯健三萬。氣稍振。

明相黃道周從廣信出兵

清兵克徽州

金聲被執其門人江天一見洪承疇為祭文

唐魯失和

明主聿鍵駐建甯以圖北征

七月杪。明閣相黃道周乃以兵九千從廣信出衢州。義旗所指。全贛響應焉。時

遣黃熙允招撫福建。熙允與芝龍同里。密約通款明廷。促出兵。芝龍以餉絀辭。道周謂得實。乃自請募兵江西。所至安撫遺黎。聯絡聲勢。遠近附之。

冬十月。清兵克徽州。明左

都御史金聲死之。先是徽州聞南京破。知府秦祖襄遁走。推官溫璜代攝郡

事。明在籍左都御史休甯金聲糾集義勇。保績溪黃山。扼六嶺之險。與璜相犄

角。前山東巡撫邱祖德職方郎中尹民興監紀推官吳應箕字次尾。貴池人。等多聚兵應

之。聲乃遣使通表於明。明主聿鍵以聲總督諸道軍。因引兵收旌德甯國諸縣。

會奸人黃澍導清兵襲擊聲。聲敗被執。其門人江天一字文石。歙縣人。從之。至江甯。即南京。

清經略洪承疇諭之降。天一為面誦莊烈帝祭文。承疇愧汗下。令與聲并殺之。

吳應箕亦以戰死。祖德退還山中。清兵攻拔其寨。不降。磔死。時溫璜猶守徽州。

黃澍又以城獻璜。闔門死之。唐魯失和。時明主聿鍵稱制於義為正。以倫

序言。唐為叔而魯為姪。以姪附叔。又奚不可。乃明主聿鍵詔諭以海。諸臣欲應。

獨熊汝霖行檄拒之。十二月。明主聿鍵自福州駐蹕建甯。時楊廷麟等守

贛州。請明主出江右。同時總督何騰蛟又請出湖南。浙中諸將又請出衢州。朝

清下婺源  
黃道周以  
不屈死

明主移駐  
延平

鄭氏兄弟  
不肯出兵

臣蘇觀生因諸鄭握權。又請出贛州。明主因遣觀生先赴贛州募兵。以曾櫻鄭芝龍守福州。司餉運。十二月。明主發福州。駐建甯。將以規畫北征焉。**圖**清下婺源。明督師大臣黃道周死之。**圖**道周既至贛州。轉入婺源。遇清博洛征南軍戰敗。被執至江甯。承疇說之降。不從。幽於別室。明年竟遇害。道周尊崇理學。著博物典彙等書。南都亡。忠義奮發。及被害。士民無不流涕。

**圖**丙戌。三年。明隆武二年。是年六月魯亡。九月唐亡。十一月。桂王由榔稱制肇慶。改元永歷焉。春。二月。明主聿鍵移駐延平。**圖**先是

明主駐建甯。誓北伐。以恢復舊物。詔促鄭芝龍出關。即仙霞關。芝龍無可諉。因請以鄭鴻逵為左先鋒。鄭彩為右先鋒。出江西。并築壇行推轂禮。鴻逵出城。忽馬蹶仆地。不肯行。既而強之。方出關。終以候餉為辭。彩行百里。亦稱餉缺不進。明主無可如何。召芝龍至。示以決心。出汀州趨入贛。與湖南為聲援。時可騰蛟在湘。軍勢甚盛。芝龍不欲。令軍民數萬人遮道呼號。尼其行。明主遂駐延平。**圖**三月。清兵克吉安。遂圍贛州。**圖**先是吉安守將為楊廷麟。會廷麟往贛。因以萬元吉代之。元吉約束嚴。其時客軍在吉安者有三。一為滇軍。由明末中書舍人張同敝往調勤王。中途聞南都失守。遂至吉安。廷麟留以為助。其將有趙印選胡一青皆驍勇善戰。

萬元古重  
用張安輕  
視滇粵兩  
軍以致失

清兵克紹  
興

錢塘沙漲  
圖賴得策  
馬渡江

清兵克金  
華將入閩  
芝龍託故  
逃仙霞關  
無一守兵

一為粵軍。一為汀贛間峒賊。由張安招降者。安驍勇善戰。有克復撫州功。明主聿鍵因賜名龍武新軍。元吉以安為足恃。遂蔑視滇粵軍。滇粵軍解體。然安故為賊者也。清軍既至。安亦不戰退。遂破吉安。元吉退入贛州。清兵進圍之。廷麟留元吉守城。別遣使調廣西狼兵。而身往雩都。召安軍入援。既戰於梅林。明軍敗。廷麟復回城嬰守。幸李永茂以兵五千至。圍始解。夏四月。蘇尼特部叛清。投喀爾喀。清命豫王多鐸討平之。六月。清兵克紹興。明魯王以海遁。清征南大將軍貝勒博洛等。以五月二十日抵杭州。明諸軍列營錢塘東岸。亘二百餘里。艤舟江上以待。清兵未具舟楫。不能渡。忽江沙暴漲。水淺可涉。二十七日。清大將圖賴策馬先。眾隨之。既渡。明將方國安盡棄其舟師。遁紹興。并劫魯王以海去。六月朔。清兵入紹興。國安欲挾以海降。會得閒脫走。以海至台州。命張國維圖後舉。國維知事不濟。於東陽赴水死。以海航海遁。清兵克金華。明督師朱大典闔門死之。時魯王以海至石浦。定西侯張名振從之。至舟山。守將黃斌卿不納。乃浮海至廈門。遂走南澳。

方國安來降。時馬士英阮大鍼皆在方軍。亦乞命。清軍用為前驅。大鍼至仙霞關墜崖石死。士英以殘部投閩。明主聿鍵

清以孔有德兵征湖廣

自成餘黨  
自附何騰蛟  
蛟明拜騰蛟  
蛟為東閣  
大學士

清下全國  
隆武帝后  
均殉國

嚴拒之。復折回。清軍執而殺之。并殺國安。閩中大震。鄭芝龍假言海寇內犯。疏請往禦。盡撤兵回安平鎮。

守關將士皆隨之。仙霞嶺二百里閒。遂空無一人。秋。七月。清禁白蓮等教。

時邪教散布。有白蓮大成混元無為等教。皆政治之害也。由給事中林起龍請

禁之。并捕其黨魁如千人。八月。戊子。清以恭順王孔有德為平南大將軍。率

滿蒙兵征湖廣。先是闖賊李自成敗走死。其將劉體仁郝搖旗等議歸明。明

湖廣總督何騰蛟方駐兵長沙。劉郝引眾五萬至湘陰。時偏沅巡撫傅上瑞請

出避。騰蛟不可。遣監軍章曠及萬大鵬以手書往撫。搖旗等相率至軍降。并招

致同黨袁宗第。蘭養成。王進才。牛有勇等。騰蛟受之。遽增兵十餘萬。未幾自成

兒子錦即李過改名奉自成妻高氏及高氏弟一功。復擁眾三十萬。驟至澧州乞降。騰

蛟并命湖南巡撫堵允錫字仲緘無錫人往撫之。軍益厚。事聞於閩。明主聿鍵詔拜騰蛟

東閣大學士。兼兵部尚書。加允錫兵部右侍郎。并令規取江西。清廷聞之。至是

特命有德大起兵圖之。九月。清兵克建甯。并延平汀州攻下之。明隆武帝及

曾后殉焉。先是明主聿鍵巡行金衢。兵軍奄至。

隆明明莊烈帝殉國。正也。隆武帝殉國。亦正也。光昭日月。死得其正。故特筆書之。

明臣楊文驄即由京口兵敗逃此約誠意伯劉孔昭來援。孔昭觀望。而文驄以戰敗死

之。明主還至建甯。時鄭鴻逵方駐兵關外。聞清兵至。徒跣走三日。入浦城。明主

怒甚。詔削鴻逵爵。清兵至仙霞嶺。關門無一守兵。遂長驅直入。既克延平。明主

奔汀州。清兵又趣圍汀州。明總兵姜正希引兵來援。已無及。城破。從官奔散。明

主聿鍵與后曾氏皆被執。曾后警敏知書。每羣臣奏事。於屏後聽之。共決進止。明主頗憚焉。曾后至九瀧投水死。明主至

福州亦以不食死。同死者有陽曲王盛渡。西河王盛塗。松滋王演漢。西城王通節。大臣楊文忠。曹學佺。馬思理。王瑞。郭符甲等。清軍因分徇漳泉諸郡

縣。皆下之。鄭芝龍自安平奉表降。其子成功不從。成功初名森。明主聿鍵愛其才。賜以國姓。并尚主焉。封忠孝王。與叔鴻

逵彩各率所部航海遁。

論者曰。隆武帝稱制僅一年。雖無具體設施。第以君父之仇。期在必報。亦英雄也。加以曾后匡助於內。史稱警敏知

書。每羣臣奏事。必屏後聽之。共決行止。誠哉夙興夜寐。一德一心矣。然而國本未立。遽以覆滅。何哉。蓋唐魯交惡。變

生閭牆。鄭氏一門。竊有國柄。有可爲之君。而生不逢辰。遽遭慘禍。誰爲爲之。孰令致之。吾不得不太息天時。并歸咎

人事。

**編**清兵克贛州。江西平。留金聲桓鎮守之。**紀**先是明以萬元吉守吉安。及清下

吉安。元吉惘惘若失。至贛州。終日無一言。會諸路援軍稍有集者。如部將汪起龍引兵數千至。瀆將趙印

鄭芝龍降  
清其子成  
功不從

清軍克江  
西留金聲  
桓鎮守

此次元吉  
又重賴海  
盜羅明受

明丁魁楚  
羅式耜奉  
桂王由榔  
稱制肇慶

蘇觀生又  
別立聿鏗  
於廣州

選胡一青亦有衆三千。大學士蘇觀生兵亦如之。兩廣總督丁魁楚亦遣兵四千。楊廷麟又收集散亡。得數千人。

皆請戰。元吉不許。必待水師。水師主將羅

明受海盜也。桀驁難制。比來清兵截於江。縱擊之。焚巨舟八十。明受戰敗遁。於

是滇粵軍不戰潰。他營亦稍稍散。會清下全閩。人情洶懼。清兵用嚮導。夤夜登

城。元吉與廷麟皆死焉。同時殉國者有郭維經姚奇允楊文薦彭期生等。凡數

十人。江西平。留總兵金聲桓鎮南昌焉。圖冬十一月。明兵部尙書丁魁楚

侍郎瞿式耜字也田。常州人。等奉桂王由榔。明神宗孫。桂王常瀛子。稱制肇慶。圖初桂王常瀛卒於梧

州。長子安仁王由授襲封。未幾病卒。由榔當嗣爵。會明主聿鍵敗亡。報至粵。明

總督尙書丁魁楚侍郎瞿式耜巡按御史王化澄與舊臣呂大器李永茂等議

所立。乃共推桂王由榔。王太妃持不可。魁楚等請益堅。遂以十月十四日稱監

國於肇慶。以魁楚大器式耜并爲大學士。未幾司禮太監王坤聞清軍平全贛。

急奉由榔奔梧州。式耜爭之不能得。時大學士蘇觀生別謀立隆武帝之弟聿

鏗。先是觀生亦遣職方主事陳邦彥奉表來勸進。及邦彥至。又別立聿鏗。而主事陳邦彥不謂然。既謁由榔。因請速回肇慶正

大位。繫人心從之。由魁楚式耜定議於十一月十八日。奉王至肇慶。即帝位。改

邦彥

粵紳倡及之  
終弟及之  
議以迎合  
觀生

觀生以兵  
攻肇慶既  
勝而驕委  
政關梁招  
致盜殊  
屬失策

永歷元年。明大學士蘇觀生奉唐王聿錕稱制廣州。觀生原與魁楚等定策立桂王。惟魁楚素輕觀生。不欲其位居己右。大器亦以觀生非甲科。叱辱之。觀生憤甚。適隆武帝弟聿錕與大學士何吾騶自閩浮海至。南海關捷先番禺梁朝鍾首倡。兄終弟及議。觀生從之。因與吾騶及顧元鏡王應華會道。唯林察等奉聿錕稱制。改元紹武元年。十二月。清兵克廣州。獲紹武帝聿錕。廣東平。

先是明主由榔遣給事中彭曜致書聿錕。諭以宗支倫序。監國先後。請除帝號。語詆蘇觀生。觀生怒。執彭曜殺之。即日引兵攻擊肇慶。由陳際泰林察戰勝之。師還。觀生意驕甚。一切朝政。悉以委之。關捷先梁朝鍾及楊明競梁鋈等四人。皆輕躁妄進。未可與謀國也。而又招致海上鄭石馬徐四盜。姓。境益擾。會清兵由福建趨潮州惠州。諸官吏悉降附。即用其印移牒廣州。報無警。觀生信之。是月望。聿錕視學。百僚咸集。忽報清兵已至。觀生叱之曰。潮州昨尚有報。安得遽至。三報。三叱之。而清兵已入東門矣。觀生聞變。始召兵搏戰。兵精者皆西出。觀生知事不可為。自縊死。聿錕易服匿王應華家。俄縋城下。為追騎所獲。亦雉經。



清平四川

獻忠走入鳳皇坡遇伏被殺

獻忠餘黨轉趨貴州

停止漢人入旗籍

死。何吾騶及應華等皆降清。圖明主由榔奔梧州。圖以清下廣州。將逼肇慶也。

圖清兵平四川。殺流賊張獻忠其黨潰走川南。圖清命肅王豪格爲定遠大將

軍。大舉入川。僞大西王張獻忠分遣黨衆禦之。多潰敗。將抵成都。獻忠知事不

可爲。盡屠川民。焚城郭宮殿。走川北。將窺西安。會清命陝西總督孟喬芳都統

和洛輝引兵逆擊之。獻忠至鹽亭。天大霧。猝遇清兵於鳳皇城。中矢墮馬。伏積

薪下。清兵曳出斬之。其黨僞平東將軍孫可望。安西將軍李定國。撫南將軍劉

文秀。定北將軍艾能奇。都督白文選。馮雙禮等。俱潰走川南。時川中明將競擁

兵自固。可望等出不意。縱賊焚掠。陷綦江。明督師大學士王應熊戰失利。走永

甯山中。踰月。賊陷遵義。入貴州境。後明總督侍郎樊一爵再駐兵江上。謀恢復。報書明主。由榔。明因拜一爵兵部兼戶部尚書。使一意經略全川。

編丁亥四年。明永曆二年。春。正月。清頒律例。圖諭中外施行之。圖清停止漢人投入旗

籍例。圖先是漢人迫於飢寒。凡投入滿籍者。概容納之。後則不論貧富。相率投

充。意以一入旗籍。即可倚勢凌人。至是諭戶部將舊例革除。圖二月。清兵連克

肇慶平樂。明主由榔奔全州。以大學士瞿式耜留守桂林。圖清兵自廣州逼肇

清兵入粵  
明主奔全  
州式耜守  
桂林

趣何騰蛟  
以兵入衛

明主德焦  
鍾用爲總  
兵清兵圍  
桂林矢石  
破城中城  
得不破

邵夫人撤  
簪珥助軍

慶。明總督朱治憫棄城去。因入城。別將徇高雷二府。進取梧州。明巡撫曹華又  
 出降。明主由榔計無所出。欲走依何騰蛟於湖廣。丁魁楚王化澄不從。化澄走潯  
 州。魁楚  
 走潯溪。輜重壘粟。由清將李成棟追及之。魁楚請降。成棟不許。請留其二子。亦不許。蓋成棟素與魁楚有隙。至是戮及全家。惟式耜及吳炳宜興人、吳貞毓字元聲。宜興人。等從  
 之。乃由平樂抵桂林。趣騰蛟以兵入衛。未幾。清兵又破平樂。又及潯州。明主恐  
 甚。會武岡鎮將劉承允以兵至全州。王坤請赴之。式耜不可。因言桂林形勢最  
 要。請駐蹕於此。明主不許。式耜因自請留守。許之。進文淵閣大學士。兼吏兵二  
 部尚書。賜劍便宜行事。以麾下焦璉爲總兵。明主由榔爲獻忠所執。因而械之。璉破空入。負以行。明主因德之。封陳邦傅  
 爲思恩侯。守昭平。明主遂走全州。三月。清兵攻桂林。尋引還。明主既出走。  
 桂林危甚。其時總督侍郎朱盛濃走臨川。巡按御史辜延泰走融縣。官吏遁者  
 日數起。式耜因與鄭國藩李世榮等修戰備。忽清兵掩至。以騎數十直入文昌  
 門。登城樓下瞰。式耜揮焦璉急拒戰。自立矢石中有進無退。積雨城壞。吏士無  
 人色。式耜督戰守如故。援兵索餉而譁。式耜括庫金不足。其妻邵夫人撤簪珥  
 助之。既而劉承允所遣援兵與焦璉部曲不和。大掠城中而去。璉兵亦出城赴

孫可望李定國據雲南

楊畏知投水不死

楊畏知與可望約三事得保

黃沙鎮。城幾破者數矣。卒以清兵東還。桂林得無恙。川賊孫可望李定國等入據雲南。先是可望等率衆入貴州。明守城張曜吳子騏等與戰失利。均遇害。既而賊衆又窺伺雲南。會雲南土官沙定洲作亂。逐走黔國公沐天波。黔甯王沐英裔沙定洲作亂。逐走黔國公沐天波。全滇騷動。可望等喜其有隙可乘也。於是兼程趨滇。僞稱爲黔國焦夫人弟。來此復仇。滇人信之。定洲亦不疑。引兵禦可望軍於草泥關。敗而遁。可望破曲靖及交水。俱屠之。遂由陸涼宜良入雲南城。別遣李定國徇迤東諸府。而自與劉文秀艾能奇率衆西略。遇畏知於啓明橋。戰敗之。畏知投水不死。可望趨慰之曰。聞公名久矣。吾爲討賊來。公能共事。相與匡扶明室。非有他也。畏知不信。可望因折矢誓之。畏知因要以三事。一不用獻忠僞號。二不殺百姓。三不擄婦女。可望皆許之。乃與略定大理諸郡。使文彥至永昌迎天波歸。而定國軍之徇臨安等地者。所過屠滅。惟迤西八府。以畏知在軍。得保全。至是可望等遂據雲南。清兵克長沙。明督師何騰蛟退守衡州。騰蛟初奉隆武帝。及帝敗亡。明主由榔稱制。亦

孫以總兵官世鎮雲南

清兵見長  
沙何騰蛟  
退守衡州

劉承允劫  
明主移駐  
武岡

陳邦彥起  
兵廣州清  
軍敗之而  
執其妾與  
二子諭書

效忠焉。明主因進騰蛟武英殿大學士。加太子太保。駐軍長沙。建十三鎮。黃朝宜張先璧

劉承允李赤心郝永忠即郝搖旗改名。袁宗弟王進才董英馬進忠馬士秀曹志建王允成盧鼎皆開鎮湖南。北。大抵為自成餘黨。及良玉舊部也。

至是清以孔有德耿仲明尚可

喜等率師南征。至益陽。總兵王進才不戰退。清兵因進逼長沙。騰蛟戰失利。援

不至。遂退守衡州。圖夏四月。明將劉承允劫明主移駐武岡。圖先是明主之至

全州也。承允迎奉頗如禮。後與司禮監王坤不相能。逐去之。政由己出。自封安

國公。封其弟承永武岡伯。馬吉翔文安伯。郭承昊太和伯。嚴雲從清江伯。厚結

黨羽。明主無如何也。至是承允聞清軍南下。乃揚言瞿式耜已通款。全州不可

守。即日劫明主遷武岡。圖明主命李赤心取荊州。又陳邦彥起兵廣州。均失利。

圖荊州之役。赤心戰敗。揚言就食湖南。劉承允懼為所併。非借重堵允錫不可。

於是言於朝。加允錫東閣大學士。封光化伯。賜劍。得便宜行軍。廣州之役。由兵

科給事中陳邦彥召集余龍部。係萬元吉舊部及其他潰卒。達二萬。分道會珠江。所以牽

綴清師也。既圍廣州。清援軍由桂林來。先獲邦彥妾何氏。及二子。以書諭降。不

允。邦彥判其書尾曰。妾辱之子殺之。身為忠臣。義不顧妻子。既乃遣門人馬應芳會龍軍。陷順德。清援至。卒大破之。

清兵下衡州何騰蛟入武岡爲部衆所劫又退白牙

明主與騰蛟謀去承允

明盡復廣州已失地

邦彥乃棄高明山名邦彥收餘衆。徇下江門。據之。**編**五月。清兵下衡州。何騰蛟入武岡。既駐白牙。**圖**騰蛟所部十三鎮。大都驕從自恣。鮮可共事者。清兵既薄衡州。而盧鼎與張先璧又自相鬪。黃朝宣又以城降清。清帥孔有德以朝宣反復不常。數其罪而支解之。騰蛟爲部衆所劫。退走白牙。會明主患劉承允之偏已也。密遣中使至白牙。召騰蛟速入武岡。騰蛟從之。因以兵事屬章曠。而走謁明主。明主及母后皆召見。承允聞之怒。先是承允由小校以騰蛟薦。得至大將。每見必稱門生。至是倨傲。不奉騰蛟節制。至黎平。執騰蛟子。借以索餉。騰蛟優容之。并約爲婚姻。承允貌善之。心仍忌其出己上也。言於朝。欲去騰蛟兵部。祇留戶部。明主不許。與騰蛟謀。圖承允。騰蛟言無兵。因命以雲南援將趙印。選胡一青兵隸之。及辭還。賜銀幣。命羣臣郊餞。承允乃伏千騎襲騰蛟。賴印選引軍戰敗之。騰蛟乃還駐白牙。**圖**秋七月。明盡復廣州已失地。**圖**明大學士瞿式耜遣總兵焦璉連取陽朔及平樂。陳邦傳由賓州取潯。合兵陷梧州。於是廣西全省地復爲明有。明因封式耜臨桂伯。璉新興伯。式耜堅請明主返全州。不許。又請返桂林。亦不許。**編**明魯王以海以兵略崇明。不利。又

粵督佟養甲請與法蘭西通商

清兵克武岡州

明陳子壯引兵攻廣州敗死

略福州亦敗走。以海既航海。走南澳。又走長垣。用熊汝霖鄭彩鄭遵謙張名振等。收合餘燼。以兵攻海口鎮東據之。連陷海澄漳浦諸縣。又遣總督水師侍郎沈廷揚字季明崇明人北略崇明。舟抵福山。次鹿苑。忽颶風作。膠於沙。清兵困之。既執廷揚。諭以降。不從。因殺之。以海聞報。又率鄭彩阮進攻福州。戰未下。旋據連江。夔長樂永福羅源甯遠等縣。皆下之。清兩廣總督佟養甲請與法蘭西互市。許之。養甲為清室姻親。從博洛由閩入粵。戰有功。至是授兩廣總督。因法蘭西人僑居澳地。多有以舶來品與廣州互市者。制之不便。應請援明崇禎十三年先例。許該國商人載貨下澳貿易。從之。八月。清兵克武岡。明主由榔奔柳州。時清兵由常德寶慶趨武岡。馬吉翔挾明主走靖州。劉承允以城降。參將謝復榮戰死之。兵部尚書傅作霖冠帶坐堂上。承允勸之降。不從。殺之。明主由靖州。又奔柳州。道出古泥。總兵侯性太監龐天壽具舟迎之。供張甚豐。明主喜。封性商邱伯。授天壽司禮監。以吉翔沿途擁護功。并晉侯爵。明東閣大學士陳子壯起兵攻廣州。戰敗死之。子壯家居九江村。受朝命總督廣東福建江

子壯邦彥  
俱戰不  
屈死  
清兵攻永  
州明主  
奔象州

清兵克黎  
平

西湖廣諸路軍務。會高明陳邦彥新會王興潮陽賴其肖先後起兵。子壯亦於八月聚衆九江村。衆多蠻戶番鬼。善戰。乃約邦彥共攻廣州。結故指揮使楊可觀爲內應。子壯先至。駐五羊驛。會機事洩。清總督佟養甲執可觀殺之。子壯將引退。而邦彥軍適至。謀伏兵禺珠洲側。俟清兵出。因縱火焚舟。子壯如其計。果焚舟數十。清兵引而西。邦彥尾之。惟日晚。子壯不能辨旗幟。陣遂亂。清兵縱擊之。子壯敗。邦彥亦失利。後俱以力戰不屈死。**圖**九月。清兵克永州。明主由榔又奔象州。**圖**時清兵盡定湖南地。明何騰蛟與瞿式耜共守桂林。分遣焦璉郝永忠盧鼎趙印選胡一青扼興安靈川永甯義甯諸州縣。清兵知有備。不攻桂林而攻永州。克之。時狼兵覃鳴珂聞清兵至。僞言爲復父仇。先是狼兵覃遇春以縱兵淫掠。爲瞿式耜按法誅之。後其子鳴珂詣明廷訟寃。明主受之。因命襲父職。仍領狼兵。縱兵掠柳州。矢及御舟。明主患之。復南走象州。**圖**冬十月。清兵克黎平。**圖**守將蕭曠。本劉承允舊部。後由何騰蛟拔用之。清兵至。承允令降將陳友龍招曠。曠不從。已而城破。曠死之。友龍遂盡劫騰蛟眷屬以去。**圖**十一月。清兵由沅州進攻全州。戰失利。因襲取梧州。**圖**先是清兵攻沅州。明貴州巡撫

清兵攻全州為何騰蛟戰敗因襲取梧州

明主還桂林

金聲桓起兵應明

米壽圖戰死之。偏沅巡撫傅上瑞以城降。明年上瑞與劉承允均被殺。因分取全州灌陽。明督師

何騰蛟率焦璉郝永忠盧鼎趙印選胡一青等合力守全州。既戰。清兵傷亡過

當。急引還。明主由榔以戰勝清兵。加騰蛟太師。與焦璉并督侯爵。封趙印選新甯伯。胡一青興甯伯。因襲梧州。時梧州守將陳邦傳將引舟

師攻肇慶。遇清營游騎。遽折回。清兵遂泝流追之。至梧州。邦傳不知所為。急遁

還潯州。清兵因入梧州。十二月。明主由榔還桂林。清兵又略全州。下之。明

主在象州。聞梧州復破。欲走南甯。瞿式耜等力爭之。乃以是月初五日還桂林。

以嚴起恆為大學士。與式耜王化澄同入直。何騰蛟仍出督師。師未發。清兵又

略全州。時全州守將為郝永忠盧鼎焦璉。有言陳邦傳將襲其輜重之在會城

者。郝盧聞信。遽撒兵馳桂林。焦不知。亦倉皇走平樂。城無備。諸裨將聞清兵至。

議出降。監軍御史周震持不可。眾怒戕殺之。舉城降清。

戊子。五年。明永曆三年。春正月。清江西總兵金聲桓起兵應明。國朝特書起兵。清叛臣。明忠臣也。後李成棟起兵。例亦仿此。

聲桓本左良玉部將。後附清。令與降將王體忠規取江右。聲桓計殺體忠。以

其黨王得仁代之。得仁亦闖部裨將。所稱王雜毛者也。江西既平。清授聲桓總



迎在籍大  
學士姜曰  
廣資號

明朱容藩  
稱監國於  
夔州尋走  
死

兵駐省撫按。每裁制之。聲桓得仁心怏怏。嘗遣其客通款於明。惟聲桓以妻子在京師。未敢發。會有以兩人陰事告巡按御史董學成者。兩人懼。適金之眷屬亦自京來。於是謀遂決。以是月二十五日閉城。先殺學成。并執巡撫章于天。然後迎明在籍大學士姜曰廣。以資號召。并奉表桂林。尋明主敕封聲桓爲昌國公。得仁爲新喻侯。得仁引兵陷九江。揚言將取江甯。盛說聲桓曰。贛州居省會上游。文武督在焉。宜急攻之。不然。且躡我後。聲桓從之。立召得仁還。與并力攻贛州。以宋奎光守南昌。旣因贛州守禦固。攻不下。聲桓乃令得仁以兵牽綴之。自率衆踰嶺規雄韶。明朱容藩稱監國於夔州。尋走死。時川地屬明。明總督尙書樊一蘅駐敘州。惟川桂路隔。或有譌傳。明主由榔已殂者。容藩不察。遂以己爲明宗室。當襲尊號。因稱監國。天下兵馬副元帥。并建行臺夔州。稱制封拜。明御史錢邦芑傳檄討之。堵允錫亦由黔走蜀。引大義責容藩。繼而大學士呂大器來蜀。代王應熊督師。布告明主德意。容藩知難立足。乃北依譚詣兄弟。以兵攻石柱。未幾兵敗。走死雲陽。二月。清始眞六部漢尙書。及都察院漢都

清特許滿漢通婚

清幽肅王豪格

清兵至靈川明主奔南甯

式耜切諫遷之弊明主不聽

御史。各實一員。從漢臣請也。清特許滿漢通婚。諭禮部曰。方今天下一家。滿漢官民。皆朕赤子。欲其互相親睦。莫如締結婚姻。自後滿漢官民。有欲聯姻者。聽之。其滿官民娶漢女。必實係爲妻。方准其娶。清降鄭親王濟爾哈朗。爲多羅郡王。并幽肅王豪格。先是清太宗逝世。濟爾哈朗欲立豪格。計未行。至是由貝子公等訐發之。叔父攝政王實專制之。宮闕事祕。外閒莫名。計得罪者凡數十人。而鄭王止於降封。肅王以幽錮終身焉。清兵至靈川。明主由榔奔南甯。清兵前驅至靈川。明將郝永忠戰敗。奔桂林。請明主卽夕西走。大學士瞿式耜持不可。謂朝廷播遷不已。國勢愈弱。兵氣愈難振。民復何依。明主不聽。左右請速駕。式耜又言。俟督師還。當背城借一。明主歎曰。卿不過欲予死社稷耳。式耜爲涕泣如雨。嚴起恆。請改明日議決之。至夜。則車駕行矣。甫出城。永忠卽大掠。并捶殺太常卿黃太元。後趙印選至。亦大掠。各載貨物而去。既去。式耜收拾餘燼。焦璉及諸鎮周金湯。熊兆佐胡一青等。各率所部至。何騰蛟亦自永福至。民心粗定。明主自象州走南甯。

未幾清兵攻桂林。何騰蛟率焦璉胡一青等分三門力戰拒守。清兵引還。城獲全。式耜遣使至南甯慰問兩宮起居。爲之泣。

清兵克興化盡復魯王以海所陷諸州縣

李成棟起兵應明  
明 佟養甲降

清命譚秦等規復贛粵

天津婦人張氏自稱天啓后明復全州

下。三月。清兵克興化。遂盡復魯王以海所陷諸州縣。魯王以海自航海後。從錢肅樂計。數遣兵規復閩境。先後攻陷三府一州二十七縣。軍勢頗盛。至是。清兵克興化。明大學士朱繼祚。及參政湯芬。給事中林嵎。知縣都廷諫等。并死之。遂連克永福。長樂。建甯諸郡縣。凡以海所得地。悉為清有。自是以海不用兵於閩。而用兵於浙。夏。四月。清廣西提督李成棟亦起兵應明。成棟本高傑部將。由徐州降清。清用以平粵。擢為提督。後不樂總督佟養甲節制。與金聲桓時有信使往來。至是成棟藉口部兵索餉。要養甲蒞教場。脅使降。遂傳檄各屬。使附明。廣西巡撫耿獻忠亦舉梧州應明。明主由榔封成棟惠國公。養甲襄平伯。以獻忠為兵部尙書。清以都統譚秦為征南大將軍。命與耿仲明尙可喜會師規復贛粵。先行為和洛輝。所向多立戰功。閏四月。清命固山貝子屯齊為平西大將軍。同都統韓岱率師討陝西叛回。以回人半喇印、丁國棟、踞蘭州作亂也。五月。天津婦人張氏自稱為明天啓后。清以兵捕誅之。張氏挾其同黨王禮、張天保、私製玉印令旗。謀不軌。清以兵捕誅之。并滅其黨。明

明主又至潯州

明主又至肇慶  
明廷諸臣分黨分派

明復湖南諸郡縣式紀請北伐

復全州。時金聲桓李成棟先後起兵應明。明督師何騰蛟乘勢復全州。別遣曹志建、盧鼎、焦璉、趙印選取永州。六月。明主由榔至潯州。李成棟請明主入廣州。車駕將行。瞿式耜請還桂林。疏言：「駕若東幸，軍中將帥謂朝廷樂新復之士，成棟亦有邀駕之嫌。號令既遠，人心渙散，臣不能制也。」一再遣檢討蔡之俊、給事中蒙正發奉迎，皆不報。尋至潯州，封潯帥陳邦傳為慶國公。秋八月，明主由榔至肇慶。大學士瞿式耜慮成棟專柄，一如劉承允，復上書力爭。明主乃駐蹕肇慶。成棟來謁，明主拜為大將軍。以其子元允為錦衣指揮使，封南陽伯。成棟言式耜為擁戴元臣，不宜久在外。明主因召式耜，式耜願留桂林，以規復中土焉。

時明諸臣各樹黨，從成棟至者，曹華、耿獻忠、洪天擢、毛毓祥、李綺，自誇內附，攻氣凌朝士。從廣西區從至者，朱天驤、嚴起恆、王化澄、吳貞毓，其雷洪、王彭、尹三聘、許兆進、張孝起，皆自恃舊臣，不屑與新進為伍。久之，舊臣中又分吳楚兩黨，吳黨中如朱天驤、張孝起等，皆內結馬吉翔，外結陳邦傳，以厚植黨援也。楚黨中為袁彭年、劉湘客、丁時魁、蒙正發、金堡，皆內結李元允，外結瞿式耜，以增加黨勢也。彭年欲去馬吉翔、陳邦傳及中官龐天壽，列其種種罪惡，由天驤幹旋之，明主不得已，召諸臣盟於太廟，雖信誓旦旦，而始終黨見不泯，黨爭如故。

冬十一月，明復湖南諸郡縣。何騰蛟遣曹志建等攻永州，圍三月，卒拔之。未幾，明監軍御史余鯤起職方主事李甲春復寶慶，又復衡州。馬進忠復常德，王進才、李赤心、高必正等復桃源、澧州、臨武、藍

大同姜瓖  
作亂清遣  
英王等平  
之

清復鄭親  
王爵兵伐  
湖南何騰  
蛟以戰敗  
殉國

山道州靖州荆門宜城所失湖南郡縣十復七八騰蛟議進兵長沙大學士瞿式耜以機不可失疏請明主還桂林以圖北伐不省圖清大同總兵姜瓖作亂秦晉大震圖瓖本明將降清後頗不自安會蒙古喀爾喀部克楚虎爾行獵近邊清遣英親王阿濟格統兵戍大同瓖意其圖已亦起兵聲言應明阿濟格引兵圍之久不下清別遣端重郡王博洛敬謹郡王尼堪以師征之瓖分兵下忻州朔州明在籍諸官多有應者秦晉大震明年瓖為部將所殺山西平

圖己丑

六年明永歷四年

春正月清定內三院官制圖清復濟爾哈朗爵引兵征湖南

至湘潭明大學士定興侯何騰蛟死之圖濟爾哈朗師次湖南適明總制堵允錫所部李赤心高必正與督師何騰蛟所部馬進忠爭常德進忠因焚常德走武岡李赤心等尾追之各郡縣守將皆焚城遁騰蛟閒道馳湘潭既入空城也清軍偵知遣將徐勇引兵至勇亦騰蛟舊部至則率眾羅拜勸其降騰蛟怒叱之勇遂擁之去至長沙絕食七日不死遂遇害

伯通曰。明主由椰終歲播遷。其所以特爲長城。別何騰蛟。翟式。紹兩人而已。騰蛟亡。則式紹勢益孤。明之大事去矣。自是以後。節節失敗。不至明亡不止也。

清兵克南昌金聲桓戰敗死

清兵克南昌。明昌國公金聲桓敗死。先是都統譚泰等率師討聲桓。連克

清兵用鐵圍法

九江。南康。饒州諸府。進圍南昌。聲桓兄成功密約降。爲宋奎光諜知。殺之。清兵攻得勝門。門壞。奎光囊土塞之。得不破。時聲桓方引兵襲贛州。聞南昌危。遽折反。遇伏。損其衆。乃盡撤城外屯。兵入城。爲死守計。清兵因用鑊圍法。東自王家渡。西自雞籠山。掘濠築圩。使聲桓日陷於絕境。至是糧盡援絕。清兵復以大礮

清兵趨信豐李成棟敗走死

攻之。城破。聲桓巷戰。身中二矢。力竭赴水死。王得仁。宋奎光被執。殺之。明大學士姜曰廣投楔家池。殉國難焉。二月。清兵至信豐。明惠國公李成棟敗走死。

清兵克衡州

譚泰和洛輝旣定江西。復泝流援贛州。直趨信豐。會成棟入贛。兵敗。諸將欲拔營歸粵。成棟不許。天久雨。召諸將議事。去者已大半。成棟命酒痛飲。旣大醉。左右扶之上馬。渡水。竟溺死。諸營潰。清兵追至南雄而還。三月。丁丑。清豫親王多鐸卒。年三十六。清兵克衡州。明堵允錫與胡一青守衡州。清兵至。

孫可望向  
明求封

景錫制  
明封可望  
景錫制  
封孫平遠  
王陳邦傳  
又封孫為  
秦王

清兵定湖  
南

戰不利。一青走廣西。允錫走桂陽。夏四月。雲南孫可望向明求封。可望既占雲南。欲得明封號自重。會楊畏知亦以奉明正朔為言。可望乃遣畏知及彝奉表赴肇慶。請王封。明主將從之。大學士嚴起恆持不可。畏知曰。可望弟欲位在同黨。李定國劉文秀上耳。可等差之。乃議封可望景國公。賜名朝宗。定國文秀皆列侯。特用大理寺卿趙昱為敕使。加畏知兵部尚書。彝兵部侍郎。與同行。時堵允錫改駐梧州。欲結可望為援。因備有空白敕書。乃矯制封可望為平遠王。允錫尋至潯州。自恨發病死。武康伯胡執恭者。慶國公陳邦傳之中軍也。守泗州。與雲南接壤。謀於邦傳。亦矯制鑄金印一。文曰秦王之寶。另填空敕。由執恭自送之。先至滇。可望出郊迎之。既而畏知奉印敕至。可望辭不受。曰。我已秦王矣。畏知曰。彼偽也。執恭至前曰。此亦偽也。可望弗與辨。乃下執恭及畏知於獄。五月。清攻封恭順王孔有德為定南王。懷順王耿仲明為靖南王。智順王尚可喜為平南王。各授金敕王印。并吳三桂為異姓四王。六月。清開捐例。給內外僧道度牒。准徒杖等罪折贖。因戶部奏歲用不足也。秋八月。清兵定湖南。清館

晉王以海入舟山

耿仲明白自殺

清兵克南雄

清兵克韶州明主奔梧州

親王濟爾哈朗等引兵克辰州。進攻寶慶。明將王進才馬進忠等戰敗遁去。又分兵攻阮州。靖州。守將皆棄城走。至永州。周金湯熊兆佐等立柵大松橋拒戰。又敗之。下其城。復拔黎平府。郝永忠攜其妻子遁。編九月。明魯王以海入舟山。紀時張肯堂以私財募兵海上。附者甚衆。以海遺肯堂書約共事。因遣張名振阮進合取舟山。既建行宮。遂以肯堂爲大學士。吳鍾巒爲禮部尙書。編清靖南王耿仲明有罪。自殺。紀仲明率師征廣東。以失察部下魏國賢劉養正。隱匿滿洲逃人。事發。清廷嚴譴之。仲明行至江西吉安。因自裁焉。清以其子繼茂襲父封編清攝政王多爾袞元妃薨。紀令上三旗皆縞素。下五旗官員皆去纓。明年有皇太后下嫁皇叔攝政王多爾袞事東華錄削之編冬。十二月。清兵克南雄。紀平南王尙可喜靖南王耿繼茂等率兵征廣東。除夕。襲南雄。明守將江起龍棄城去。時羅成耀方駐韶州。聞清兵至。亦棄輜重走高州。

編庚寅。七年。明永曆五年春。正月。清兵克韶州。明主由榔奔梧州。紀清兵下韶州。明主聞庾關不守。大懼。急登舟走梧州。加馬吉翔兵部尙書。與南陽伯李元允留守



多爾袞納  
豪格之妻

清誅叛臣  
李建泰

明下金堡  
等五人於  
獄由黨爭  
也

清兵克全  
州

攝政王出  
獵儀制一

肇慶大學士瞿式耜馳書請留。不報。慶國公陳邦傳謁明主於梧州。以其將毛  
守憲率兵入衛。清封鄂爾多斯部 內蒙古之一。居河套者。單達為貝勒。沙克查為貝子。

嘉其率部投誠也。清攝政王多爾袞納肅親王豪格福金博爾濟錦氏 亂也。

多爾袞叔也。豪格姪也。幽姪納媳淫亂甚矣。清誅叛臣李建泰。建泰由

明降清。順治初用為弘文殿大學士。坐事罷歸。與姜瓖通謀。據太平 安徵省內。作亂。

至是清兵執而誅之。二月。明主由榔下給事中金堡等於獄。堡與袁彭年

劉湘客丁時魁蒙正發五人。 時稱五虎。內結李允元。外結瞿相。把持朝政。戶部尙書

吳貞毓等欲排去之。會明主入梧州。上疏極言五人罪狀。明主以彭年有歸附

功。不問。下堡及湘客時魁正發於獄。并杖之。式耜七疏論救。不報。清兵圍廣

州。明使李建捷却之。建捷亦成棟子。以功封安肅伯。清兵克全州。清定

南王孔有德軍至廣西。明將曹志建戰敗。清兵入龍虎關。復敗馬進忠於瓜里。

因藥勝趨全州。時明開國公趙印選居桂林。衛國公胡一青守榕江。與甯遠伯

王永祚皆懼不敢出。清兵遂下全州。夏。五月。清攝王率諸王大臣出獵於山

如乘輿起  
明罷殿正  
力解之

孫可望獻  
金求封明  
允其金不

可望以不  
得明封州  
并陷嘉定

海關。圖儀制如乘輿。無敢議其非者。圖明罷大學士嚴起恆。尋召還。圖起恆性廉潔仁恕。與馬吉翔龐天壽因共患難。無忤色。五虎即袁彭年劉湘客丁時魁蒙正發金堡五人自為邪黨。及五虎敗。起恆反營救之。吳貞毓益稱其奸。比為嚴嵩。起恆不與辨。辭官去。會鄭國公高必正入朝。必正與李赤心同黨。赤心死。明使必正代領其衆。貞毓欲藉其力傾起恆。言朝事之壞。由於起恆。請必剷除之。必正許之。有言於必正者曰。昔五虎攻起恆。起恆反救五虎。此長者。非奸人也。必正意感動。既見明主。請召起恆還。復其職。圖孫可望復遣使求封於明。却之。圖可望使至。并獻白金玉帶。邀王封。明主因下其議。大學士嚴起恆持不可。曰。本朝無異姓封王例。今可望來歸。當矢忠報國。洗去賊名。封以上公足矣。何得妄邀非分。責其使。并獻物却之。圖秋。八月。清晉封巴林部輔國公額駙色卜騰為多羅郡王。蒿齊忒部多羅額爾德尼貝勒李羅特。為多羅額爾德尼郡王。科爾沁部輔國公顧穆。為多羅貝勒。喀喇沁部固山貝子古魯思喜布為多羅都冷貝勒。圖皆屬內蒙古部。以內附加封也。圖孫可望舉兵襲明貴州。并陷嘉定。圖可望以不得明封。自引兵襲貴州。別遣將白文選破遵

明因廣州  
之捷又進  
攻桂林城  
中無備張  
同敵與壘  
式同結以  
死殉

義。明忠國公王祥戰敗死。張先璧馬進忠率所部降賊。軍達二十萬。可望喜甚。復分遣王自奇、劉文秀入川。先是明主由郾以巡撫尙書李乾德入蜀。經略川湖雲貴事務。乾德重用驍將袁往說嘉定楊展。爲韜籌餉。與韜約爲兄弟。既而乾德利展實財。欲悉以助軍實。乃與韜搆殺。展。蜀人咸薄乾德之爲人。遂可望有圖蜀志。既據貴州。聲言爲楊展復仇。遣白奇、文秀入川。一由川南進。明將袁韜方引兵拒之。一渡金沙江。出黎州。趨嘉定。明經略李乾德聞警。急檄袁韜及武大定馳救。比至。賊以兩軍夾攻。明軍殲焉。乾德義不附賊。投水死。賊將劉文秀等遂據四川。圖冬十一月。清兵克廣州。又陷桂林。明督師大學士臨桂伯瞿式耜。總督兵部侍郎張同敞死之。圖廣州城三面臨水。經李成棟於兩翼築礮臺。繚以水。堅固非常。清兵圍攻十閱月。不能下。至是明守臺將范承恩約內應。遂占礮臺。克其城。時定南王孔有德在軍。聞廣州之捷。亦督衆攻桂林。明督師瞿式耜急令趙印選出城備戰。辭不行。再趣之。則盡室逃。胡一青及武陵侯楊國棟。綏甯伯蒲纓寧等亦逃去。王永祚出迎降。城中空無人。有戚良勛者。請式耜速上馬走。式耜叱之。會總督諸路軍務張同敞自靈川至。見式耜。式耜曰。我爲留守。當死此。子毋然。同敞曰。昔人恥獨爲君子。何其輕同敞也。式耜喜。留

明主奔南  
雷陳邦傳  
劫其扈從

多爾袞死  
年三十九  
已貌若衰  
翁

清帝始親  
政

既孽多爾  
袞為成宗  
而為其  
襲爵內告  
發者不一  
其人

同啟對飲。明旦清兵至。執二人以見。有德有德微時曾服役於同啟之家。同啟見而辱罵之。有德不能堪。有德勸之降。不

從。令為僧。亦不從。閱四十餘日。式耜同啟均遇害。**○**明主由榔奔南寧。**○**陳邦

傳於路。劫其扈從。并殺部郎潘駿觀。童英許玉鳳等。**○**十二月。戊子。清攝政王

多爾袞薨於喀喇城。詔臣民易服舉喪。喪儀悉如帝制。**○**先是攝政王有疾。不

樂。猶率王貝勒貝子行獵邊外。入則恣其淫慾。年僅三十九。已貌若衰翁。至是

死。太后博爾濟吉特氏哭之尤哀。

**○**辛卯。八年。明永曆六年。春正月。清帝始親政。**○**多爾袞死。清帝年已及冠。御殿稱制。

甚英明焉。**○**清祔攝政王主於太廟。追尊為懋德修道廣業定功安民立政誠

敬義皇帝。廟號成宗。尋議撤廟享。奪襲爵。發明始尊之。繼又議之。出爾反爾。何以訓後。**○**先是清太宗崩。

睿親王多爾袞攝政。帝僅八歲。諸王貝勒皆依附睿親王。密謀推戴。王弗聽。并

治倡議者之罪。及統兵入關。定鼎燕京。規取中原。皆王一人之力。因尊為皇父

睿親王。王以政權獨操。凡有批擬。即用皇父攝政名義。以令代旨。符璽悉收入

府中。王死。朝旨有云。當朕躬嗣服之始。謙讓彌先。迨王師滅賊之時。勳猷懋著。

清復肅王  
豪格爵

罷關推官  
吏

孫可望至  
南甯迎明  
主劫殺大  
學士嚴起  
恆等

關輿圖爲一統。攝大政者七年。今追尊號。於典爲宜。未幾內政大臣蘇克薩哈  
詹岱穆濟倫。首告王私製帝服。匿御用珠寶。證爲圖謀不軌。詔下廷議。鄭親王  
端重郡王敬謹親王巽親王等皆合詞證實。并連及逼死肅親王。而納其妃。於  
是撤去廟享。并奪其嗣子多爾博襲爵。其同母弟豫親王多鐸降郡王。大學士  
剛林祁充格及何洛會吳拜蘇拜羅什博爾惠。皆以黨附寘重典。惟大學士范  
文程與王蹤迹疏。得免議。圖清追復肅親王豪格爵。封其子富壽爲和碩顯親  
王。圖清以前圈民地仍還民。圖清罷增設推關官吏。圖清帝諭吏部。推關之設。  
國家藉以通商。非以苦商。今者關員無定。恆有未出都門。先行納賄。戶部又填  
給糧單。沿途騷擾。民何以堪。著仍舊。每關設官一。其添設者悉裁之。圖二月。清  
兵攻克肇慶高州梧州柳州。圖明南陽伯李允元安肅伯李建捷以兵敗走南  
寧。尋出靈川。收高雷兵。復略廣東郡縣。圖孫可望遣兵至南甯。迎明主由榔。殺  
其大學士嚴起恆等。圖明主走南甯。求救於可望。并敕封爲翼王。可望不受。必  
得封秦王。心始快。李定國因勸以賀九儀與楊畏知可率勁旅五千。武力解決。

清主封可望秦王

楊長知除冠擊可望者兵克嘉定

清誅譚泰

清克舟山張肯堂死

可望從之。至南甯。九儀直入御舟。與起恆相辨難。起恆曰。君遠迎主上。功甚偉。若以此挾封。非迎主上也。九儀怒。竟格殺起恆。并殺給事中劉堯珍、吳霖、張載。述及兵部尙書楊鼎和。皆當時之阻封議者。明主無如何。乃敕封可望爲秦王。畏知旋至。語多自劾。并斥可望不臣。明主因留爲東閣大學士。與吳貞毓同輔政。既而可望聞之。使人召畏知至貴陽面責之。畏知憤除頭上冠擊可望。遂遇害。三月。清兵克嘉定。明巡撫川南僉都御史范文光死之。巡撫川北僉都御史詹天顏亦被執不屈死。明主擬遣大學士文安之入川督師。爲孫可望所尼。不果行。夏。四月。清誅吏部尙書譚泰。籍其家。譚泰以驕橫伏法。亦睿親王黨也。秋。八月。清兵攻克舟山。明魯王以海遁。清將金礪、劉之源、陳錦、田雄等會師攻舟山。以大艦藥潮至蛟門。魯王遣阮進拒戰。敗死。清兵遂壅霧集螺頭門。定西侯張名振。兵部尙書張煌言。知不守。急奉以海航海去。留大學士張肯堂守城。血戰十餘日。清兵掘地道破之。肯堂閣門殉難。同死者有尙書李向中等二十一人。九月。清兵略潯州。明將陳邦傳叛降清。并殺害新興侯焦璉。

清克潯州

陳邦傳請  
殺焦璉降

魯王以海  
依鄭成功

清兵陷廣  
西諸府明  
主計無所  
出奔廣南

清帝避痘  
免朝賀痘  
孫可望劫  
安隆所於

清定南王孔有德駐兵賓州。遣總兵線國安等分略廣西郡縣。明將陳邦傳時在潯州。適焦璉兵敗。因約降清。璉不從。邦傳計殺之。函其首至清營。并所部叛降清。編冬十一月。明魯王以海遁金門。依延平王鄭成功。紀時成功已受明永歷封號。以海亦去監國。遣使奉表詣行在通款。編十二月。明主由榔奔廣南。紀可望駐桂陽。欲挾朝廷以自重。請車駕移黔。明大學士吳貞毓持不可。會清兵盡陷廣西諸府。南甯危迫。明主集眾議。有請走海濱依李元允者。有請避入安南者。有請泛海抵閩。依鄭成功者。惟馬吉翔龐天壽欲附可望。議不決。會開國公趙印選衛國公胡一青戰敗還。請車駕急由水道走土司。抵瀨湍。清追騎將至。乃遽由龍英入廣南。編清江甯巡撫王國寶有罪自殺。紀國寶以貪婪被劾。革職嚴訊。因畏罪自縊死。  
編壬辰九年。明永歷七年春正月。癸酉朔。清帝避痘南苑。免朝賀。編二月。孫可望劫遷明主由榔於安隆所。紀可望劫明主居安隆所。當改所名為安龍府。於米銀極有限制。明主不能堪。時馬吉翔掌戎政。龐天壽督勇衛營。俱諂事可望。惟大學

可望令古  
其畫堯舜  
禪位圖  
明世兵  
湖南孔  
有德桂

清兵取廣  
信揭重熙  
死之

明李定國  
克桂林係  
有德沒於

士吳貞毓不附可望。令其黨冷孟銓等交劾之。吉翔又遣門生說主事胡士瑞勸進。士瑞呵止之。又求郎中古其品畫堯舜禪位圖。其品拒不從。竟杖殺之。明主知之。則終日芒刺在背矣。**圖**夏五月。明封李定國西甯王。劉文秀南康王。大起兵圖湖南。**圖**清定南王孔有德率輕兵出河池。向貴州。別以一軍駐柳州。接應。可望聞之。乃分遣李定國馮雙禮由黎平出靖州。馬進忠由鎮遠出沅州。會於武岡。以圖桂林。又劉文秀張先璧由永甯出敘州。白文選由遵義出重慶。會於嘉定。以圖成都。可望言於明主。封定國文秀皆王爵。因攻靖沅武岡。俱陷之。有德還守桂林。**圖**清兵襲廣信。明總督尙書揭重熙死之。**圖**先是金聲桓失敗。江西諸軍盡散。獨總兵張自盛引兵走閩。重熙入其軍。約廣信曹大鎬。先期起事。會事洩。自盛戰敗死。重熙以數十人投鎬大營。清兵諜知之。率衆掩至。射重熙中項。執至建甯。殺之。大鎬亦敗走死。**圖**六月。清兵攻下高雷廉瓊諸府。**圖**明南陽伯李元允。與弟建捷爲土兵。執送清營。義不降。均執而殺之。右僉都御史張孝起被執。亦以不食死。**圖**明西甯王李定國克復桂林。清定南王孔有德沒



清兵敗李定國於衡州尼堪遇

清殺大豪李三

李呈祥請裁滿官用

於軍。國定國效忠於明與孫可望不同故特書戰功以子之。定國由西延大埠疾趨而進清兵與戰於全州殊失利。定國薄桂林驅象隊攻城陷之。定南王孔有德自經死。其女四貞單騎走京師太后留為養女。定國獲陳邦傳及其子會禹去其皮而殺之。傳屍安隆尋又分略廣西郡縣下梧州柳州。又遣白文選攻下辰州。清總兵徐勇戰歿。冬十一月清軍擊敗李定國於衡州。敬謹親王尼堪遇伏死。定遠大將軍敬謹親王尼堪帥師南下次湘潭。明將馬進忠引兵遁。清兵追之至衡州方列陣。定國兵已至清兵奮擊之。定國走。敬謹親王尼堪自率精騎追之遇伏殤於陣。定國乃收兵退屯武岡。清殺京師大豪李三。先是黃騰李三建築房屋悉如宮殿亦分寘六部所為不法。清帝知之捕李三至鞫之甯完我陳之遴默然。由鄭親王詰之再三之遴乃曰李三巨惡誅之則已。倘不行正法之遴必被陷害。故遲回而不敢言也。陳名夏又曰李三雖惡御史足以治之。某等叨為大臣發奸摘伏非所司也。且李三廣通聲氣言出禍隨顧惜身家亦人之恆情也。既而定讞誅之。

癸巳十年。明永曆八年。春正月清諭內三院求直言。二月清革少詹事李呈祥職。

漢人因革  
職徒盛京

可望欲殺  
定國因遁  
至柳州

清兵敗可  
望於寶慶

李定國防  
可望襲自  
思據地自  
固因略廣

徙盛京。**○**呈祥疏請部院衙門應裁去滿官專任漢人。清帝覽奏大怒。革呈祥職。流徙盛京。**○**明西甯王李定國自湖南遁廣西。**○**定國既連陷楚粵諸郡。兵力益強。不復受可望節制。可望忿甚。會定國兵敗衡州。可望欲召其至而殺之。定國不奉召。乃率馬進忠等略永州。清定遠大將軍多羅貝勒屯齊。引兵至衡州。將選精騎襲擊之。未至。定國已渡龍虎關入廣西。清兵因復桂林。定國乃據柳州。**○**三月。清兵敗孫可望於寶慶。**○**可望以定國不附己。自引兵追擊之。由靖州入寶慶。清兵迎之。遇馮雙禮於周家坡。雙禮營山頂。據地險。可望軍與之合。詰朝大戰。清兵無不一以當百。可望敗。遁還貴州。盡殺明宗室之在黔者。**○**夏。四月。清罷各省巡按官。**○**從鄭親王濟爾哈朗之請也。**○**明西甯王李定國略廣東。**○**孫可望以寶慶之敗。憾定國益甚。然以將兵在外。不敢樹敵。仍厚養其妻子於雲南。定國亦防可望襲己。益思據地自固。乃與馬寶引兵略廣東。圍肇慶。會清師來救。定國遽移兵攻平樂。下之。殺清守吏周永緒尹明廷。又進攻高州廉州雷州諸府。皆下之。**○**六月。清冊封達賴喇嘛為西天大善自在佛。領

清用一條鞭法

明主體可  
望逼已因  
遣臣召李  
定國入衛

明鑄屏翰  
親臣金印  
賜定國

天下釋教。清定各省錢糧，仍用一條鞭法。古來稅法，有田賦丁役土貢等，名目繁多，明萬歷時，將丁役土貢等悉併於田賦，計畝徵收，名爲一條鞭法。

清制宦官不過四品，一切政事不許干預。秋七月，明召西甯王李定國入衛。時明主在安隆，事事受可望壓迫，情不能堪，而前御史任撰、中書方于宣每見可望，輒殷勤勸進，可望遂自設內閣六部等官。以范繼馬兆義任撰萬年策爲吏戶禮兵尚書，後又以文安之爲東閣大學士，安之不

命。立太廟，定朝儀，改印文爲八疊，盡易其舊。明主聞之，密與中官張福祿全爲國議，召李定國。二人因言徐極、林青陽、張鐫、蔡續、胡士瑞，却非孫黨，當可與謀。明主卽令告之。五人許諾。因又轉告大學士吳貞毓，貞毓曰：「主上憂危，正我輩報國之秋。諸君中誰能充此使者？」青陽請行，乃令佯乞假歸葬，別書明主手敕以付之。青陽於歲盡得閒道，馳至定國所，定國奉敕感泣，許以奉迎車駕。然猶未敢遽發兵也。明主念青陽久不歸，將復遣使。貞毓因薦翰林孔目周官，而又懼馬吉翔之洩其謀也，於是使吉翔往祭梧州陵寢。周官得堯閒而行，比詣定國，則已知通款內嚮矣。事聞，明主因更鑄屏翰親臣金印，賜定國焉。清定立限報災例。夏災限六月，秋災限九月。其有逾限不報者，一月之內，巡撫及道

清殺大學士陳名夏

孫可望遺將鄭國劫明主并逮吳貞毓等衆誣其罪能堪

府州縣各罰俸一月之外。則各鐫一級。如遲緩已甚者。革職。永著爲例。

甲午。十一月。明永曆九年春。正月。清以金礦爲兵部尙書。總督川陝三邊。二月。清

命靖南王耿繼茂移鎮廣西桂林。清殺大學士陳名夏。并其子掖臣杖戍之。

由議政大臣甯完我劾其結黨懷奸也。戊申。清皇子玄燁生。即清聖祖仁皇帝也。清

停命婦更番入侍后妃之例。三月。孫可望遣人劫明主由榔。殺明大學士吳

貞毓等。先是馬吉翔奉命往祭梧州南甯。微聞林青陽受朝廷密敕事。遣人

至定國營偵之。信。因反報可望。可望怒。且疑吉翔之預謀。急遣將鄭國至南甯。

逮吉翔。會張鐫徐極蔡縝胡士瑞皆以不次遷美官。龐天壽馬雄飛吉翔弟忌甚。

因嗾其黨謀陷之。張徐蔡胡等亦劾吉翔天壽奸。明主得疏。下廷臣議罪。天壽

與雄飛急馳貴陽報可望。而鄭國亦已械吉翔至安隆。與諸臣面質。貞毓謝不

知。國怒。挾貞毓與見明主。索主謀。明主無以應。國遂努日出械貞毓。并鄭允元

李元開徐極張鐫蔡縝胡士瑞朱東旦等。且入破明主行宮。生禽張福祿。全爲

國而去。翌日。由國等嚴刑拷掠。備極慘毒。會天暮。風雷震烈。徐縝厲聲言曰。今

李定國陷  
高明

清行編審  
法

日之事。惟有直承而已。國因問主上知否。續以未經奏明對。國乃定其欺君誤國盜寶矯詔罪報。可望。可望。請明主親裁。明主不勝悲憤。惟下廷議。時張佐辰。蔣御曦謂鄭國曰。此輩盡當處死。倘留一人。後將爲患。於是御曦執筆。佐辰擬旨。以鐫福祿爲國爲首罪。凌遲。餘悉處斬。明主以貞毓大臣。言於可望。得絞決。諸臣死後。合葬於安隆北關之馬廠。已而青陽逮至。亦被殺。獨周官走免。冬十月。明李定國陷高明。定國猝引兵攻高明。陷之。進薄新城。城中糧盡。至屠馬爲食。清平南王尙可喜。靖南王耿繼茂。率師往援。次三水。靖南將軍珠瑪喇等亦至。合兵進擊。敗定國於珊州。既抵新會。定國猶據險不去。清平南王尙可喜。靖南王耿繼茂。俱遣子入侍。蓋陰用質子法也。清行編審法。戶部奏明例各直省人丁。或三年五年。查明造冊。謂之編審。每十年。又將見在。黃造黃冊。進呈。我朝尙未舉行。今議自順治十二年起。各省責成於布政使司。直隸責成於各道。凡故絕者。開除。壯丁脫漏及幼丁長成者。增補。其新舊流民。俱編入冊。年久者與土著者。一體當差。新來者五年當差。至各省土地。凡辦錢糧者爲民地。不納錢糧者。不

清命濟度  
鄭成功師征

馮銓為魏  
璠私人并  
受美璠賄  
徒以博洽  
多聞保位

李定國戰  
清不勝遁  
南甯

分有主無主。俱為官地。各邊鎮俱應照例分別。其荒田曠土。招民開墾。一如興屯之法。從之。**圖**十二月。清命世子濟度為定遠大將軍。貝勒巴爾處渾貝子吳達海都統噶達渾。帥師征鄭成功。**圖**成功。芝龍子也。初芝龍降清。成功諫不從。乃率屬數百人亡海島。已而芝龍舊部皆歸之。又併鄭彩鄭聯之軍。兵勢大盛。據金門廈門。東角海寇多受其號令。清廷屢以書招之。鄭氏族屬多降。獨成功不至。至是清命濟度帥師征之。

**圖**乙未。十二年。明永歷十年春。二月。清復設巡按御史。清初巡按。頗擾民。非善政。**圖**從宗人府丞原毓

宗請也。**圖**清大學士馮銓。以母喪奪情。入直辦事。銓係明季魏璠私人。入清為大學士。復以受美璠賄。為言路所敗。致仕去。然清帝以銓

博洽多聞。故特重用之。**圖**援洪承疇之先例也。**圖**明西寧王李定國。戰清不勝。遁遁南。**圖**定

國自新會失利。清靖南將軍珠瑪喇。以兵追擊於興業。又蹙之橫州江。皆敗之。

定國焚橋去。清兵躡之。定國自賓州走南甯。於是廣東高廉雷三府三州十八

縣。及廣西橫州等二州四縣。悉以屬清。**圖**夏五月辛卯。清和碩鄭親王濟爾哈

朗薨。詔輟朝三日。**圖**六月。清以和碩顯親王姊賜號和碩格格。下嫁耿繼茂子

清嚴禁中  
官不許預  
孫可望犯  
常德清遺  
屯齊等擊  
走之

巡按御史  
顧仁葵  
伏法

陳之遴有  
罪徒盛京

李定國至  
安隆奉明

耿精忠。圖清名紫禁城後山爲景山。名西華門外臺曰瀛臺。圖清嚴禁中官不

許預政。圖命工部立內十三門鐵牌。鐫敕諭於上。永著爲令。圖孫可望遣兵犯

常德。清軍擊走之。圖可望定國同爲張獻忠餘黨。但定國心迹。圖可望遣劉文秀盧明臣馮

雙禮等。率衆六萬。船千餘艘。分兵由常德攻岳州武昌。時經略湖廣雲貴兩廣

爲清大學士洪承疇。乃分遣貝子屯齊等設伏邀擊之。焚獲戰船無算。賊衆大

敗。明臣赴水死。雙禮被創走。文秀亦遁還貴州。其賊將力屈降清者。凡四十餘。

圖冬。十月。清詔定秋審決犯例。圖詔每年六月內審。定立決重犯。俟七月具奏

正法。永著爲例。從御史龔鼎孳請也。圖十一月。清順天巡按御史顧仁以婪贓

伏法。時巡按婪贓擾民者頗多。此特著一斑耳。

圖丙申。十三年。明永歷十一年。春二月。清移兩廣總督駐梧州。圖從經略洪承疇請也。圖

清大學士陳之遴有罪。徙盛京。圖坐以賄結內監吳良輔。鞫訊得實。加恩免其

革職。以原官發盛京地方居住。後卒於貶所。圖撤各省守催錢糧滿官。圖因御

史奏劾擾民也。圖明西甯王李定國由南甯走安隆。并奉明主由榔奔雲南。圖

主走雲南

馬吉翔 高 斬統武 高 事復入閣 辦

高勳 烏昌 期 紹興 人 高勳 烏昌 期 紹興 人

清兵至南甯。定國戰敗。將由安隆走滇。可望偵知之。乃遣將白文選促明主移黔。文選雖隸可望。然心不直其所為。因以情告明主曰。姑遲行。候西府至。謂定國也。明主然之。定國至安隆。與文選共奉車駕走滇。時守滇者為劉文秀。王尙禮。王自奇。賀九儀。文秀素怨可望。聞定國文選奉明主至。即取可望在滇宮府以奉迎安居。明主大慰。於是改封定國為晉王。加封文秀為蜀王。文選為鞏昌王。尙禮等皆封公。令文選還黔。慰諭可望。可望銜其背已也。悉奪所部兵羈留之。然以妻子在滇。則未敢遽發難也。願國無亡。得乎。定國既奉明主至滇。即捕馬吉翔及其家屬。令步將斬統武收繫。將殺之。吉翔日媚統武。會定國遣客至。吉翔復媚之。客與統武因於定國前譽吉翔。且為辨寃。定國惑之。召之至。吉翔則跪地哀號。叩首流血。既而稱王再造功。千秋無匹。其他諛詞。不可勝述。定國大喜。吉翔又陰賂客。令為關說入閣。事成。吉翔與客盤結內外。盡攬實權。於是龐天壽亦用事。定國與文秀時詣二人家。光祿卿高勳紹興人。御史烏昌期都勻人。患之。合疏言二王功高望重。不當往來權倖之門。



國明廷杖

清封黃梧  
為海澄公  
乾清宮落

清定治贓  
律得銀十  
兩者籍其  
家

清實盛京  
奉天府尹

清帝御經

恐滋奸弊。定國文秀聞之。遂停止朝謁。吉翔因激怒明主。各予以廷杖除名。有客金維新者。走告定國曰。勤等誠有罪。但不可使朝廷有枉殺諫官名。定國即偕文秀入救。乃復其官。編秋。七月。明將黃梧以海澄降清。編由貝子濟度入奏。清以黃梧世襲海澄公。編壬子。清帝移居乾清宮。癸丑。大赦天下。編因乾清宮落成。受朝賀也。編清嚴定治贓律例。編諭刑部。貪官蠹國病民。最為可恨。向因法律太輕。革職擬罪。猶得享用贓資。是勸貪也。嗣後內外大小官員。凡受贓銀十兩以上者。除依律定罪外。不分枉法與否。俱籍其家產入官。著為例。編秋。八月。清停遣滿官權關。編清命三年一大閱兵。著為令。編清令大學士在院辦事。不得復列為議政大臣。

編丁酉。十四年。明永歷十二年春。正月。清停八旗限年定額考取生童及鄉會兩試。編以

旗籍人才缺乏故也。編三月。清詔直省學臣求遺書。編夏。四月。清實盛京奉天

府尹。編先是盛京通稱瀋陽。至是特立奉天府。設府尹。如順天制。編夏。六月。清

洪承疇以積病請解經略任。回京調理。未允。編秋。九月。丙午。清帝初御經筵。編

孫可望引兵犯滇。明遣李定國等戰敗之。可望降清。經略洪承疇請大舉伐明。三路并進。清帝從之。先是明主遣張虎送可望妻子還黔。可望因舉兵犯明。人多不直。可望部下諸將皆願歸定國。馬進忠等言於可望。請以白文選出伐。文選於上年被可望羅留以馮雙禮留守。可望從之。於是文選統諸軍先行。可望繼之。既至三岔河。明軍與賊夾水而陣。文選先引輕騎投定國。定國受之。可望怒。乃并遣張勝馬寶。由尋甸閒道襲雲南。而自將勁卒擊定國。戰方合。其將馬惟興先走。一軍瓦解。可望狼狽遁。定國恐會城有失。特遣文秀文選追可望。自引兵還城。遇張勝於渾水塘。擒而殺之。馬寶棄勢歸定國。則可望不復成軍矣。至貴州。雙禮又紿言追者將及。可望益失措。急遣部將程萬里赴清營約款。清經略洪承疇許之。可望行至沙子嶺。爲總兵楊武追襲。幾殆。幸清援兵馳至。得不死。可望遂挈妻子詣承疇營請降。得清敕封爲義王。承疇詢悉明諸將內訌事。特疏請棄機大舉。清廷因命貝子洛托爲寧南靖寇大將軍。同經略洪承疇由湖南進。并命吳三桂爲平西大將軍。同都統墨爾根李國翰。由漢中四川進。都督卓布泰

爲征南大將軍。同提督線國安由廣西進。三路約會於貴州。是役也。明主以破走元惡功。特封馮雙禮慶陽王。馬進

忠漢陽王。馬惟興等皆爲公。

清治科場  
獄殺張我  
撰等數百  
人

清命多尼  
等征雲南

內監吳良  
輔伏法

直督張懸  
錫自殺

清兵取貴  
州

戊戌十五年。明永歷十三年春。正月。清治科場獄。以科場舞弊。下御史蔣篤行等於獄。時彈章交起。北闈殺張我樸等。牽連者數百人。又逮江南主考官及同考官十八人。河南陝西主考官亦被逮。山東因磨勘誤一字。逮同考官。又以御史等溺職不言。俱下獄。尋流徙尙陽堡。丙午。清命信郡王多尼爲安遠靖寇大將軍。同平郡王羅可鐸。貝勒尙善杜蘭。都統伊爾德。阿爾津。巴思漢。卓羅等。率師征雲南。三月。清內監吳良輔伏法。良輔以交通內外官員。營私作弊。屢爲御史所劾。至是伏法。因下詔誡諭羣臣。清真隸河南山東總督張懸錫自殺。懸錫奉命至順德府。迎義王孫可望。爲學士麻勒奇所辱。羞忿自剄。僕從救之。事聞。清帝以懸錫失大臣體。降三級調用。懸錫卒。雉經死。夏五月。清兵取貴州。寧南靖寇大將軍貝子洛托等由湖南。平西大將軍平西王吳三桂等由四川。征南將軍卓布泰等由廣西。分兵三路入黔。時蜀王劉文秀已死。晉王

王自奇關  
有才背定

定國取可  
望盡弛武  
備因之取

李壽以三  
十四歲入  
相定宮闈  
女官階級

李定國分遣劉正國楊武守三坡紅關諸要隘以防蜀。漢陽王馬進忠守貴州。會其將王自奇關有才背定國。定國自將擊之。楚師自鎮遠入。定國不及援。粵師亦盡下南丹那地獨山諸州。會於貴陽。進忠望風遁。清兵遂取貴州。六月。清兵取遵義。蜀師即吳三桂領部至三坡。劉正國拒戰大敗。自水西奔回雲南。清兵因取遵義。初李定國既敗孫可望兵。自以為無他患。武備盡弛。光祿卿高勳與郎官金簡諫曰。今內患雖除。外憂方大。而我酣歌溷舟之中。熟寢熟薪之上。能旦夕安耶。王老於兵事。勿泄泄查否如此。定國聞之怒。語於明主。明主欲杖二臣以解之。諸臣多爭不可。會三路敗書先後至。定國始遂巡引謝焉。秋九月。清除內三院祕書弘文國史諸名稱。設中

和保和文華武英文淵東閣各殿閣大學士。改大學士覺羅巴哈納金之俊為中和殿大學士。兼吏部尙書。額色黑成克鞏為保和殿大學士。兼戶部尙書。蔣赫德劉正宗為文華殿大學士。兼禮部尙書。洪承疇傅以漸胡世安為武英殿大學士。兼兵部尙書。衛周祚為文淵閣大學士。兼刑部尙書。李壽字景壽。高陽人。入相時。年才三十四。為東閣大學士。兼工部尙書。冬十一月。清定宮闈女官階級。凡乾清宮設夫人淑儀婉侍柔婉芳婉。自一品秩至四品。尙宮尙儀尙服尙食尙寢尙績各局秩六品。慈甯宮設貞容秩一品。慎容秩二品。勤侍無品級。十二月。清

清兵入雲南明主奔永昌

李定國分兵一路應付清兵

李定國以象神扼守雙河口清人戰敗之

清兵取雲南明主奔騰越

兵入雲南。明晉王李定國敗走。明主由榔奔永昌。**圖**時三路清兵俱集貴州。安

遠大將軍信郡王多尼等。即羅可鐸奇善杜爾伊爾德爾爾津巴思漢卓羅之二路征南者亦以師來會於平越府之楊老

堡。戒期入滇。明李定國與馮雙禮等扼雞公背。圖侵貴州。使白文選守七星關。

立營窺遵義。以牽制蜀師。即吳三桂部蜀兵出遵義趨天生橋。由水西直取烏撒。文選

憊。棄關走霑益州。粵兵至盤江。文選猶據險沈船。不令清兵即渡。時有泗城土

知府岑繼善向清營獻策。示以從下游潛師宵濟。清軍從之。遂入安隆。定國急

使其部將吳子聖拒戰。殊失利。定國乃以全軍據雙河口。清軍擊之。破其象陣。

又連敗之。羅炎涼水井。定國大營妻子俱失散。諸將各敗走不相顧。定國撤寨

遁歸。明主由榔將出奔。行人任國璽福建人獨請死守。明主合諸臣議。定國言行

人議是。但前途尙寬。全暫移蹕。捲土重來。再圖恢復。未晚也。明主遂走永昌。

**圖**己亥。十六年。明永曆十四年春。正月。清兵取雲南。明主由榔遂奔騰越。**圖**是月三日。清

兵自普安州襲取雲南省城。永昌警報日至。明主復走騰越。**圖**二月。清兵克永

昌。明主由榔奔緬甸。緬甸非中國地。明主而走緬甸。似以國亡矣。然明將李定國自文選等猶引兵入緬。以圖復國。不至背城借一。勢猶不止。故史氏仍予之。**圖**先是明

清兵克永  
昌明主奔  
緬甸伏精  
定國永昌  
兵於永昌  
磨槃山由  
降宜盧桂  
生泄其計  
至全軍皆  
覆

南主夜走  
右旋天明  
仍在故處  
緬人勒去  
從官盡去  
武器

三走永昌。洪承疇亦自貴陽來赴。信郡王多尼復遣將敗白文選於玉龍關。雲屬

南大理府

定國令靳統武以兵四千。扈明主走騰越。而自伏精兵六千於永昌之磨

盤山。山在潞江一名怒江左二十里。亦稱高黎貢山。西南第一穹嶺也。烏道箐藤。曲

通一騎。定國以清兵屢勝窮追。必不設備。寘柵數座其間。命竇名望初伏。高文

貴二伏。王璽三伏。俟追兵至三伏。山嶺號礮起。首尾橫突截攻。必無一騎返。時

清追兵渡瀾滄江。下流入緬界逐北數百里。無一夫守拒。方謂定國竄遠。隊伍散亂。上

山已萬有二千。詎降官盧桂生泄其計。則前驅已入二伏。清將急傳令舍騎而

步。以礮發其伏。明兵死林箐中者三之一。起而鬪死者亦三之一。定國坐山巔。

聞信礮失序。方驚駭。忽飛礮落其前。擊土滿面。乃奔。竇名望王璽皆戰死。而清

軍亦亡都統以下十餘人。喪精卒無算。窮追至騰越西北二十里。則中國界盡

矣。是役也。明臣李國泰馬吉翔從車駕奔緬。均以輜重多。恐遭劫奪。促明主夜走南甸。兵馬過處。火光燭天。左轉右旋。天

明仍在故處。總兵靳統武原派以扈從車駕者。至此棄明王仍歸定國。明主抵囊木河。是為緬界。緬人勒從官盡去武

器。方許入境。至暮上。緬人以四舟迎之。從官皆自覓江舟。隨行者六百四十餘人。陸行者自故岷王而下九百餘人。期

會於緬甸。緬人聞明主至。索觀。印。予之以册寶。視神宗時差小。疑為假。由黔國公沐大波取出己之封册比對。分寸不爽。

緬人乃信。因請明主。敕關上無得納漢兵。是年五月四日。緬人復具舟迎明主。明日發井豆。行三日至阿瓦。阿瓦者。緬王所

居城也。又五日。至緒。始知前陸行者多被緬人掠為奴。多自殺。惟岷王子等八十人流入羅。緬人於緒。檉草屋。居明

又以蠻印不合留難居明主於緒經

鄭成功引兵取江甯

成功受明封為大將軍所部為七十二鎮有衆十七萬

由崇明入江乘風潮狂避

成功入江甯謁孝陵

主以竹為城。從行諸臣。或短衣洗足。與緬婦相貿易為笑樂。則亦不恥矣。

**編**清以雲貴川廣五省蕩平。宣示中外。命洛托等班

師。以明安達禮駐防貴州。**編**三月。清命平西王鎮雲南。平南王鎮廣東。鎮南王

鎮四川。**編**秋八月。明延平郡王鄭成功。猝引兵取江甯。清帝將下詔親征。未幾

事平。雖不成。當亦人心稱快。宜史氏特書之。**編**先是清軍三路入雲南。時成功在福州。將

謀大舉。以圖牽制。無何。清督李率泰復海澄。而世子濟度又引軍凱旋。成功因

得引兵破閩安。圍福州。又轉略溫台。所向多克捷也。成功故事。隆武帝初。以唐

魯之釁。不肯奉魯王以海。後有戰事。屢上書告捷於明主。由榔。明主因封成功

為延平郡王。授以招討大將軍之職。成功嘗分所部為七十二鎮。設六官理事。

假永歷年號。便宜封拜。此次動議大舉。計戈船武士十七萬。其中以五萬習水

戰。五萬習騎射。以萬人往來策應。又以精銳萬人披鐵甲。踣陣前。專斫馬足。矢

銃不能入。用張煌言先從魯王以海者為鄉導。抵浙東諸路。後由崇明入江。乘風潮狂進。

沿江木城俱潰。破瓜洲。獲提督管效忠。遂破鎮江。屬邑皆下。部將甘輝請取揚

州。嚴扼咽喉。號召各郡。南畿可不戰自下。成功不能用。是月薄江甯。謁孝陵。明

張煌言徽甯諸

清帝擬親

梁化鳳率突動旅五百

中軍慶蓋不動諸營進退失據甘輝死於陣成功亦揚帆去

達素自殺

陵。而煌言別領所部由蕪湖進取徽甯諸路。時江甯重兵移征雲貴。城大守備虛。而松江提督馬進寶陰附成功。又不赴援。成功得移檄遠近太平甯國等四府三州二十四縣。皆望風納款。維揚常蘇旦夕待變。東南大震。軍報阻絕。清帝幸南苑。集六師。議親征。兩江總督郎廷佐佯使人與成功通款。以緩其衝。成功惑之。按兵儀鳳門外。依山為營。亘數里。巡撫蔣國柱崇明總兵梁化鳳俱赴援。登高望明營。軍容不整。樵蘇四出。至有浮後湖而嬉者。化鳳乃率勁旅五百。夜出神策門。先擣白土山。破其一營。次日。大出師。由儀鳳鍾阜二門。以兵三路攻其前。而騎兵繞出山後夾攻。成功令甘輝守營。自出江上調舟師。諸營見麾蓋不動。不敢退。又未奉號令。不敢救。遂大潰。甘輝被執不屈死之。化鳳復遣兵燒海船五百餘。成功引餘艦揚帆出海。攻崇明不下。遂還島。時煌言軍遇貴州兵凱旋浮江下。亦戰敗。走徽甯山中。是役也。梁化鳳得授蘇松水師總兵。二等阿達哈哈番。并加左都督太子太保。清命內大臣達素為安南將軍。討鄭成功於廈門。兵敗自殺。阿達素同總督李率泰分兵出漳州。同安。因北人不皆水戰。由成功駕艦。乘風濤迫之。至一敗不可收拾。達素自



終成功之  
世氣敢言  
覆島者  
清兵定四  
川

緬人於會  
飲日沐  
擊使沐  
天波以  
禮見臣

清克沅江  
那嵩閣門  
死節

殺於福州。自是終成功世。無敢言覆島者。編清兵定四川。編初李赤心養子李來亨等久竄廣西。其衆食且盡。愬清兵襲擊。因率衆走川東。時川中舊將王光興譚弘等附之。衆猶數十萬。明大學士文安之。因率來亨及劉體仁袁宗弟等十六營。由水道襲重慶。會譚弘譚詣殺譚文。諸將不服。安之欲討弘。詣二人走降清。諸鎮遂散。而安之亦卒。至是清兵進取川南。克敘州馬湖二府。總兵杜之香降。成都餘黨聞風逃遁。清兵追至新津。斬溺無算。全川底定。於是獻忠之餘孽。擾蜀者亦盡矣。編明主由榔令黔國公沐天波屈見緬酋。編緬俗以中秋日大會羣蠻。其酋欲誇示諸國。召天波過河。令椎髻跣足。用臣禮見。天波不得已從之。歸泣告衆曰。我所以屈辱者。愬驚憂主上耳。否則彼將無狀。我罪益大。行人任國璽與禮部侍郎楊在劾奏之。時臘天壽已死。李國泰代掌司禮。古朔復與表裏爲奸。二日古朔奏大臣有三日不舉火者。明主不應。明日。古朔國泰合奏。明主怒。以御寶擲下。古朔即斃而碎之。散給諸臣。其兇悍如此。編冬十一月。清兵克沅江。土知府那嵩閣門死之。編明主由榔之走永昌也。道過沅江。土知府那嵩與其子燾迎謁。供奉惟謹。設宴用金銀器。悉以獻。明主既走緬甸。李定國不敢深入。聞白文選在木邦。就之謀。意不

合定國乃引兵自孟定過耿馬抵猛緬孟良不附定國移兵滅之據其地遣使號召諸土司嵩亦於沅江起兵應之至是清兵破沅江嵩登城自焚合家皆死其士民亦多巷戰死者。

清禁士人結社集會

庚子十七年明永歷十五年春正月清禁士子結社集會。因江南人士多立幾社復

社等名目遂禁士子不得糾眾盟會其投刺往來亦不許用同社同盟字樣違

者罪之。夏五月旱清廷詔求直言。六月清遣大臣清理刑獄。乙未清以

和碩承澤親王碩塞女為和碩格格嫁平南王尙可喜之子之降。清命靖南

王耿繼茂移駐福建。清平西王吳三桂奏設援勦四鎮。三桂請以投誠兵

丁分十營每營千二百名以投誠官統之并擬投誠官馬寶等十員為總兵詔

允之又奏設援勦四鎮。清平西王吳三桂疏請用兵緬甸務獲明主由榔以

絕後患。屬明罪之也罪其以明臣絕明後也。先是信郡王多尼班師回京留漢兵數萬以都統伊爾

德卓羅等分兵守要害時明主由榔已入緬清廷謂不足為患方議撤兵節餉。

三桂獨疏陳渠魁不擒則有三患四難於是特遣內大臣公愛星阿為定西將

清從吳三桂謀設援勦四鎮

吳三桂疏請用兵緬甸務獲明主

引兵攻緬甸  
與文選  
京學定  
文選

清御史楊  
素蘊請限  
制西選

清世祖廟

軍并頒敕印於沿邊各土司。使皆效忠於清。圖秋九月。明將白文選引兵攻緬甸。阿瓦幾陷之。圖文選自木邦至錫箔。所至縱兵大掠。進攻阿瓦。必索明主去。別圖恢復。惟阿瓦有新舊兩城。新城爲緬酋所居。文選急擊之。城且破。爲緬人所給。退兵十里。旣而城中備禦復完。文選反敗。乃引兵赴孟艮。會李定國。定國復同文選圍攻阿瓦。圖清御史楊素蘊奏請限制西選。圖三桂在滇題補官員。不由朝命。稱爲西選。御史楊素蘊奏稱。臣閱邸報。見三桂以副使胡允等十人。俱擬升雲南各道。并奏差部曹。亦在其內。臣不勝駭異。夫用人國家之大權。惟朝廷得主之。從古至今。未有易也。卽前此經略用人。奉有吏兵工部不得掣肘之旨。亦惟以軍前効力各官。或五省中人地相宜。資俸應得者。酌量具奏。從未聞以別省不相干涉之處。及現任京官。公然坐缺定銜。如該藩今日者也。伏乞中飭。嗣後一切威福大權。俱宜稟命朝廷。則君恩臣誼。兩得之矣。章下所司。圖辛丑十八年。明永歷十六年。是年十二月明亡。春正月。壬子。清帝不豫。丁巳。崩於養心殿。圖皇太子玄燁卽位。以明年爲康熙元年。圖上尊諡曰體天隆運英睿欽文大德弘功。

### 至純孝章皇帝廟號世祖

論者曰。世祖人關。方在冲齡。一切大政。由叔父攝政王主之。迨攝政王死。而世祖始親政。所有征南事業。一以付之。經略洪承疇。內部規畫。大學士范文程實左右之。雖曰開國之初。不無賢奸并用。然奸者無不敗露。賢者功名立。如日始出。雲蔚霞蒸。是亦滿洲建國之新氣象也。

遺詔以索  
尼等四人  
輔政

經略洪承  
疇乞休  
才秀  
才  
倪用賓等  
十八人

清世祖遺詔。以索尼蘇克薩哈遏必隆鰲拜四人輔政。二月。清罷十三衙門。仍以其事隸內務府。初。世祖開國。鑒明代宦官干政之失。始設內務府。罷太監不用。至十年。乃設乾清宮執事官。及直殿局。十一年。裁內務府。實十三衙門。凡八監。曰司禮。御用。御馬。內官。尚衣。尚膳。司設。尚寶。有三司。曰尚方。鐘鼓。惜薪。有二局。曰兵仗。織染。嗣改鐘鼓司為禮儀監。尚寶監為尚寶司。織染局為經局。後又改尚方司為尚方院。十七年。又改內官監曰宣徽院。禮儀院。設郎中以下官。至是悉詔罷之。革去十三衙門。復設內務院。夏。四月。清經略洪承疇乞休。許之。優詔特允。并給三等阿達哈哈番。襲四次。五月。清殺江蘇秀才倪用賓等十八人。國權士氣也。文字之獄。價始於此。江蘇吳縣知縣任維初。性貪酷。諸生倪用賓等

明李再合兵  
將緬人放  
攻緬人  
不許

緬殺明主  
從人四  
二

深惡之。會世祖哀詔到蘇。巡撫等官哭臨。用賓等乃聚哭文廟。多張揭帖。巡撫朱國治指爲震驚先帝之靈。將聚衆倡亂。事聞於朝。特遣侍郎葉尼往勸。定爲不分首從。一例處斬。圖明李定國白文選再合兵攻緬甸。不克而還。圖明主由榔久居赭磴。從官資用盡竭。錦衣趙明鑑謀竊其儲嗣以出。爲馬吉翔等所阻。李定國以三千餘疏奉迎車駕。俱不答。白文選復密遣人告明主。爲言不敢速進者。恐有他害。必得緬人送出爲上策。明主乃以書答之。文選卽陰造浮橋。謀奉迎焉。事爲緬人所覺。不允行。久之。定國文選復會兵阿瓦。使人入緬求明主。緬人不許。以象兵與定國戰。定國前隊稍失利。文選引兵橫擊之。緬人大敗。退保新城。然終不肯出明主。定國文選復議以舟師攻之。遣人於上游造船。爲緬人所燒。定國文選移兵洞烏。未幾文選兵潰走錫箔。定國亦引還。圖秋七月。明主由榔從官盡爲緬人所殺。圖時緬酋以弟弒兄。欲盡殺亡明諸臣。乃遣人告明主曰。蠻俗貴誼盟。請與天朝諸公飲呪水。馬吉翔李國泰邀諸臣盡往。至則以兵圍之。令諸臣以次出外。出輒殺之。凡殺四十二人。吉翔國泰及黔國公沐

清殺鄭芝  
龍及其子

天波華亭侯王維恭。綏寧伯蒲繆。寧將軍魏豹。都督馬雄飛。吏部侍郎鄧士廉。禮部侍郎楊在。御史烏昌期。任國璽。光祿少卿高勣。兵部郎中金簡等預焉。惟都督同知鄧凱。以傷足未行。僅免。緬人復以兵圍行宮。其左右被殺及自縊者。不可勝數。祇存明主與眷屬二十五人。圖清復設內三院大學士。圖八月。清於直省各設總督一。并增設五省提督。圖五省。謂直隸山東山西河南雲南也。圖冬十月。清殺鄭芝龍及子世恩世蔭。皆族滅之。圖先是芝龍降清。復以陰謀通成功。爲家人尹大器告發。於是部議芝龍必不可留。清帝謂世祖也命流徙寧古塔地方。家產籍沒。至是浙閩總督李率泰。又疏稱芝龍一日不殺。成功之心一日不死。羣逆之意。亦觀望不決。請速就寧古塔將鄭芝龍正法。朝廷從之。并族誅其子世恩世蔭。以弟芝豹投誠在先。姑免死。圖十一月。清整飭編審法。圖御史胡秉忠奏直隸各省州縣衛所編審苑戶人丁。俱沿襲舊數。壯不加丁。老不除籍。差役偏枯不均。或流入邪教。或逃竄盜藪。或投遁他鄉。漏戶逋糧。爲害匪細。請敕有司核實。年十六以上成丁。六十七。准予豁免。其充僧道無度牒者。悉

清兵入緬  
執明生由  
榔歸

白文選降  
清李定國  
走死

輔政大臣  
索帝即位

令爲農從之。**編**十二月。清兵至緬甸。緬人執明主由榔以獻。明亡。**圖**清平西大將軍平西王吳三桂定西將軍內大臣公愛星阿等率師征緬。兩路進兵。預約會師木邦。李定國先奔景綫。白文選據錫箔。憑江爲險。清兵自木邦晝夜行三百餘里。臨江造筏。將渡。文選復奔茶山。清總兵馬寧等以偏師追及之。文選降。清兵直薄緬城。先傳諭緬酋。令執送明主。緬酋懇。因遣數十人至赭磴。將明主由榔擁之去。并其眷屬亦送軍前。清兵凱旋。明年四月。三桂試明主於雲南。并禍及其子。六月。李定國走死。猛臘。其子嗣興與劉文秀子劉震俱降清。而

明緒  
以亡。

論者曰。明主由榔倉皇建國。終歲無一寧所。始翟式耜何騰蛟雖不得志。尙英英時露生氣。詩不云乎。人之云亡。邦國殄瘁。迨翟何兩公死後。又值孫李交鬪。定國心迹。洵較可望光明。然以君既善奔。臣亦好走。不幸遁入緬甸。所謂自覓死路。則又怨誰。

### 聖祖仁皇帝

名玄燁。世祖第三子也。母孝恭皇后佟氏。在位六十一年。享壽六十九歲。○帝生而英睿。年六歲。嘗借皇二子福全。皇五子常寧。問安宮中。世祖各問其志。皇五子甫三齡。

未對。皇二子言願爲賢王。帝奏云。待長而效法皇父。世祖遂嗚呼。八齡踐阼後。太皇太后問上何欲。奏曰。惟願天下父安。生民樂業。共享太平之福而已。史稱洵齊天縱。爲有清一代英主。

**編**壬寅。康熙元年。春正月朔。輔政大臣索尼、蘇克薩哈、遏必隆、鰲拜。奉帝祭堂。

時甫八齡

定督撫加  
銜平滇功  
賞三桂永  
歷帝

雲南一歲  
俸餉在千  
萬以上之  
亂平于七

金之俊勸  
下蠲租之  
心以收人

子御正殿受朝賀。國朝帝年幼以大臣輔政得義之正也。帝即位年甫八齡。由索尼等四大臣受先朝

遺詔輔政。班在太學士之上。時繁拜領侍衛內大臣信用其子那摩佛侍讀熊賜履頗規諷焉。三月甲戌葬孝陵。世祖陵也。

夏四月定總督巡撫加銜。部議總督加兵部銜巡撫以停止提督軍務應加

工部銜從之。五月賞平滇功。時吳三桂幽明永歷帝於雲南終慮為患命

其下竟弑之。並殺華亭侯王維恭等百餘人。事聞朝廷議平滇功。晉三桂親王。

雲貴二省自總督巡撫以下悉聽節制。時吳藩所屬有五十三佐領綠旗兵又二萬二千以彼大破流

精兵猛士來附者甚眾。彼以人口五丁則使出一兵以滿二百甲。設一佐領而積至五十佐領則為常備之勁兵。大約不下

十萬。當三桂初入滇時除掌軍國事外朝使雲貴督撫悉受節制。類如用人雖吏兵二部亦不能掣肘。用財雖戶部亦

不能稽查。彼所授官吏名為西選當時有無限西選滿布四方。山東土賊于七作亂以都統濟

什哈為靖東將軍平之。先是濟什哈察其性富從世祖入關隨英王阿濟格追擊

流寇。又定河南江南征浙江福建所在有功。封三等男。至是命征山東兵未血

刃而于七亂平。秋八月大學士金之俊乞休。之俊初仕明闖賊陷京師之

俊被拷掠不能死。後降清勸朝廷先下蠲租之詔以收人心從之。官祕書院大

學士。順治十五年改中和殿大學士。十八年仍祕書院。

至是因老乞休。命以原官致仕。癸卯尊皇太后為太



任宜河工官員  
久於其具

明史獄起  
殺莊胤城  
而賞吳之  
榮

之榮索賄  
不得因而  
首告

株連達七  
十餘人

皇太后尊皇后爲仁憲皇太后。母后爲慈和皇太后。頒詔天下。編十一月乙亥。議行河工官員久任法。編戶科給事中史彪占奏河工官員宜久於其任。以專攷成。請將沿河州縣。升沿河府廳。沿河府廳。升沿河道員。庶駕輕就熟。可收長治久安之效。下部議行。自是河工官員視爲要職。

編癸卯二年春二月庚子。停止六部漢司官內外京堂例。編庚戌慈和皇太后崩。編平西王吳三桂請以雲南提督駐大理府。從之。編三月己巳。命廣東總督

移駐廣州。編明史獄起。殺莊胤城等。籍其家。賞歸安知縣吳之榮。編吳之榮。國著文字之。編初。明相國朱文恪公國楨嘗著明史稿。藏於家。國變後。朱氏中落。質其稿於湖

州。富人莊廷鑑。廷鑑爲補崇禎朝事。語多指斥滿清。因竄入己名。將刊行。會病

卒。其父胤城蔽其事。歸安知縣吳之榮向索賄。靳不予。之榮首告之。事聞。朝旨

收胤城窮治之。起廷鑑戮尸。并殺其弟廷鉞。凡書中有名之士。及官吏失察。刊刻收藏者。達七十餘人。皆坐死。卒之賞之榮而殺胤城。并籍其家。編秋七月。田

雄死。

國書死。去其官爵。編惡其賣國求榮也。

編浙江提督田雄曾任明總兵。豫王征江南。雄與馬得功

鄉會試停  
制義改用  
策論

平王鐵佛  
之亂

以川滇湘  
三路兵會  
剿川東各  
匪

鄭成功卒

縛弘光帝以獻。因得封二等侯。至是卒。并賜諡毅勇。編八月。禮部奏停鄉會試制義。改用策論表判。從之。圖詔自甲辰科起。第一場試策五篇。二場試論二篇。三場表一篇。判五道。圖乙巳。復行滿蒙漢繙譯鄉試。圖福建賊王鐵佛作亂。官兵討平之。圖鐵佛擾延平建寧等處。官兵擒獲之。亂平。圖吳三桂平川東各匪。圖初三桂由保寧趨遵義。祇定川北入滇一路。其後川南川西以次平定。而川東之亂復熾。四川總督李國英奏蜀寇竄入湖南陝西邊界。請以川滇湘三省兵會剿。詔從之。用都統穆里瑪為征西將軍。都統圖海為定西將軍。與三桂分路刁勦。於是以荊州宜昌兵平遠安興山巴東歸州之亂。以興安鄖陽兵平房縣竹山之亂。以四川兵平夔州建始巫山大寧大昌之亂。刻期并進。截其去路。既而斬劉體純於巫山之天池寨。擒袁宗第於黃草坪。又擒東南王朱盛蕩於小尖寨。又郝搖旗即進忠原名等皆戰敗就戮。川東悉平。圖臺灣鄭成功卒。子經嗣立。圖國明子成功之能獨立也。書卒書于嗣立。儼然以國君待之。圖先是成功自江南敗。出沒羣島間。乃謀取臺灣為根據。臺灣為福建口外一大島。本荷蘭國據有之。成功以兵進迫。荷蘭人不能守。遂

成功在臺  
灣立法  
設百官  
屯田永  
駐

馬尼刺  
不附成功

都將擁  
鄭經嗣位

三桂平  
廣納隴  
山寇  
繁拜  
殺內  
大臣  
揚古  
搗古

棄去。成功既得臺灣。以赤嵌城。即後稱臺府為承天府。寘天興萬年二縣。立法制。設百官。為屯田永駐之計。以國姓爺名義號召全島。獎勵農業。所有各處田園。不得荒廢。嚴官守。振紀綱。遣其長子經駐廈門。統附近水陸軍隊。別寘將軍於澎湖島。以相策應。更遣僑居廈門之西班牙人。使往馬尼刺。說其歸附。馬尼刺者。亦西班牙之占領地也。其地有兵八千。猶可一戰。於是就土著之非種者去之。以防內應。成功志不得騁。竟鬱鬱以死。生年僅二十九也。有子鄭經。臺人以其曾得罪於父。不之立。而立成功弟世襲。其時部將之駐廈門者。咸不平。以舍子立弟非義。乃擁經入。而攻殺世襲。於是嗣位遂定。時靜南王耿繼茂總督李率泰以帶招安。鄭經不報。冬。十二月。甲午。靖南王耿繼茂引兵渡海。克廈門。圖時繼茂伺臺灣有隙可乘。因總督李建泰結荷蘭兵艦渡海。既克廈門。又乘勝取洛嶼金門二島。圖甲辰。三年。春。正月。平西王吳三桂勦平廣納隴山寇。在臨桂縣境。妖人阿仲伏誅。圖夏。四月。輔政大臣鰲拜殺內大臣費揚古。圖費揚古為開國世臣。鰲拜與有隙。坐以守陵怨望。并其子尼侃薩哈連俱論絞。時侍讀學士熊賜履條陳時政。有云。內臣者。外臣之表也。又曰。愈公喜事。但知趨

諫祭安南  
國王黎維

趙廷臣執  
張煌言於  
花山

煌言改作  
緇流居  
島著雙猿  
以伺動靜

施琅不附  
鄭成功

留一患於  
中原

目前尺寸之利。以便其私圖。語皆指刺。繁拜。繁拜感其甚已。請治以妄言之罪。上不許。然終繁拜世。賜履亦不獲選。

遣使諭祭安南國王黎維祺。以內

祕書院編修吳光為正使。禮部司務朱志遠為副使。禁非刑。時直省繫囚。

往往用非刑酷虐。特申禁之。浙江總督趙廷臣。執明臣張煌言於

花壘。不屈死之。爾明煌言始終忠。明特書予之。煌言字晉自蕪湖敗歸。事見前。變姓名。輾轉山中。由天

台入海。嘗以書抵鄭成功。勸其以兵內嚮。成功不能用。及成功卒。煌言亦盡散

其部曲。遁入花壘。總督趙廷臣偵知之。親赴定海。與提督哈爾庫張杰定計。引

水師出洋搜勦。降其將陳棟。聞煌言已改作緇流。乃遣騎將偽為僧服。率健丁

伏普陀山朱家尖蘆花壘三路。既乃得煌言竄匿處。係在南田之懸巖。其地荒瘠無人。南為

何動靜。詎徐元率健丁以夜。漢港。北為峭壁。煌言結茅其間。蓄雙猿趣執之。至杭州。不屈死。遺民萬斯大等帶煌言於南屏禁外國餽遺

邊藩督撫。秋。七月。以福建水師提督施琅為靖海將軍。征臺灣。琅字尊侯。晉江人。為

明隆武帝舊將。隸鄭芝龍麾下。明亡來歸。後鄭成功據臺灣。招琅不赴。成功因

歎曰。吾留一患於中原矣。執其父大宣并弟顯殺之。琅以父弟之仇。蓄志必滅

臺灣。從大將軍濟渡屢立戰功。升總兵。改水師提督。至是任命為靖海將軍。以

張長庚勦  
西山巨寇

李來亨為  
赤心子

彗星經五  
十餘日歷  
五十三宿

復行京察  
大計

給孤貧口  
糧  
三桂平水  
四酋安重  
坤

承恩伯周全斌左都督楊富副之。使經略臺灣。八月。湖廣總督張長庚勦西山寇。平之。時西山巨寇為李來亨。赤心子。與郝搖旗劉汝魁勾結一氣。郝劉既戰敗身死。來亨獨擁眾茅麓山。山最險峻。長庚因請以靖西將軍都統穆里瑪定西將軍都統圖海。引禁軍與三省綠旗各營合兵進勦。既抵茅麓。日夜環攻。賊勢窮蹙。其黨潛出乞降。八月五日。來亨舉火焚山。全家縊死。西山餘寇。遂以蕩平。冬十一月。以魏裔介字石生。直隸柏鄉人。為祕書院大士學。彗星見。詔求直言。給事中楊茲建奏。本年初旬彗星見。經五十餘日。歷十三宿。乞力圖修省。廣求直言。上是之。

乙巳。四年春正月。復行京察大計。先是上以內外大小官員。歷俸三年。考滿。視其稱職與否。即可分別去留。其京察大計。應行停止。至是以御史季振宜言。命復舊。給孤貧口糧。山東巡撫周有德疏請復孤貧口糧。以卹無告。從之。二月乙巳。平西王吳三桂征水西酋。平之。三桂疏稱總兵官李世耀等自烏蒙進征水西。烏蒙水西。皆雲南邊外土司。其酋安重坤悉眾抵敵。我軍大破之。追獲重坤及

免積難

復制義

帝得反問  
承不以為  
聖之反詔  
承之勸三  
桂勿嚴追  
永明王

裁併各省  
督撫

三桂請以  
水西地設  
三府

其黨安如鼎。又僞黔陽王皮熊亦煽惑安氏為亂者也。是役并擒之。而蠻方悉平。捷聞。下部議敘。**圖**彗星復見。詔臣工言闕失。**圖**三月。詔免順治十八年以前積逋。**圖**以星變地震。故掇災卹民也。**圖**復鄉會試三場舊制。仍以制義取士。**圖**原任大學士經略洪承疇死。圖書死者罪其為二臣也**圖**先是承疇奉命鎮江寧。駐防總管巴山張大猷奏得明魯王封承疇國公。及其總兵王斌卿致承疇與巡撫王國寶書。有伏為內應。殺巴張二將。則江南不足平矣等語。帝覽奏不問。反詔謂承疇曰。朕益知賊計。真同兒戲。因卿等皆我朝得力大臣。故反閒以陰圖陷害。朕豈墮此小人之計耶。承疇讀詔大泣。他書載承疇由平瀆班師。嘗語矣三桂曰。公與我。雖止清。實一時變。三桂不能用。致有兵下。輔甸之役。○永明王即永歷帝。至是卒。予諡文襄。**圖**夏五月。命裁併各省督撫。**圖**議政大臣九卿科道會議。吏部奏請裁併督撫一疏。得旨。湖廣四川福建浙江四省。仍各留總督一員。貴州總督裁併雲南。廣西總督裁併廣東。江西總督裁併江南。山西總督裁併陝西。後又併直隸山東河南設一總督。總管三省事。其鳳陽巡撫。寧夏巡撫。南贛巡撫。俱裁去。**圖**平西王吳三桂請以水西地設三府。從之。**圖**三

王耀祖據  
新甯借號  
大慶三桂  
討平之

吳六奇嘗  
行乞吳越  
間稱鐵丐  
實德佐厚  
遇之

溧陽縣民  
獲玉璽

桂疏言水西地有十一則溪。應設三府。以隴勝等四則溪爲一府。法戈等四則

溪爲一府。以著等三則溪爲一府。其府治一建於比喇。二建於大方。三建於水

西城。原設分巡畢節道。應改爲整飭三府分巡貴寧道。其二府應易新名。從之。

平西王吳三桂討雲南叛酋王耀祖。執而殺之。先是土酋王耀祖窺三桂

遠征水西。竊糾衆據新寧。今休納縣僭號大慶。勢甚猖獗。至是三桂命將出兵。破其

城。執耀祖殺之。秋九月。冊立何舍里氏爲皇后。后爲內大臣噶布喇女也。

冬十月。贈故廣東饒平總兵官吳六奇少師。兼太子太師。諡順恪。六奇

伯豐少有勇力。好飲博。明末嘗行乞吳越間。每僵臥雪中。無餒色。時稱鐵丐。海

寧查繼佐見而異之。與以酒。贈貲遣行。初仕明。永歷朝。位總兵。以舟師據南澳。

尙可喜。下韶州。六奇來附。招徠旁邑。四方響應。以功授潮州總兵。後征鄭成功。

所戰多捷。今死。因加封贈。并賜諡焉。溧陽縣民獲玉璽。總督郎廷佐以聞。

溧陽縣民顧起龍。獲得玉璽一枚。篆文爲人心惟危。道心惟微。惟精惟一。允執

厥中十六字。事爲江南總督郎廷佐聞知。因索璽。具表奏獻於朝。璽貯內庫。

三桂平祿  
昌賢之亂

李率泰遺  
疏請其  
禁時謂其  
知治體雲  
貴總督駐  
貴陽

封黎維祿  
王爲安南國

厄魯特伊  
斯丹津來

一切新政  
文程規畫  
爲多

丙午五年春正月雲南土酋祿昌賢作亂吳三桂以兵討平之。丁未福建  
 總督李率泰卒。率泰漢軍籍額駙李永芳子初名延齡太祖賜易率泰少從  
 太宗征察哈爾朝鮮錦州山東并有功順治間屢遷兩廣及福建總督戰績卓  
 著及死遺疏言海禁太嚴遷移之民盡失故業宜略寬界限俾獲耕漁稍蘇殘  
 喘時人謂其知政體焉。朝廷予諡曰忠襄。二月併設雲貴總督駐貴陽。時  
 平西王吳三桂疏稱貴州總兵舊駐安順。貴州府今縣名雲南總督現駐曲靖。雲南府今縣名  
 均不適宜。應請合併爲雲貴總督移駐貴陽。詔下部議。允行。夏五月勅封黎  
 維禧爲安南國王。兩廣總督盧興祖奏安南國王黎維禧繳送明永歷帝勅  
 命一道金印一枚。朝廷嘉之。因勅封焉。秋八月厄魯特此指西蒙片伊斯丹津來  
 歸。封多羅郡王。厄魯特固始汗幼弟之子伊斯丹津爲其兄弟所迫棄妻子  
 來歸。因勅封之。前內祕書院大學士范文程卒。文程佐命四朝於崇德二  
 年授內祕書院大學士職。八年撥隸漢軍鑲黃旗。順治初三桂請兵首贊入關  
 大策。一切新政。文程規畫爲多。因與攝政王多爾袞不甚附合。故免於黨議。六



紮汗擢殺  
人學士蘇  
納海總督  
朱昌祚巡  
撫王登聯

以孔有德  
之婿孫延  
齡爲廣西  
將軍

沈天甫等  
以撰逆詩  
棄市

年以議政大臣乞休。十四年詔遣畫工就第圖像。至是卒。上爲輟朝二日。文程嘗音天下

治安。惟在得賢。庶官中有一費不掩者。爲奏請簡雪。後皆稱職。於直臣善類。保全尤多。故世服其德量。

予諡文肅。冬十二月。輔政鰲拜殺大學

士蘇納海。總督朱昌祚。巡撫王登聯。先是睿親王多爾袞攝政時。以鑲黃旗應得之地。給與正白旗。而別給鑲黃旗地於右翼之末。事已二十餘年。旗民安業。及鰲拜輔政。與蘇克薩哈不協。鰲拜隸鑲黃旗。蘇克薩哈隸正白旗。乃以私意倡互相圈換之議。蘇納海與朱昌祚王登聯爭言不便。疏入。鰲拜大怒。欲寘三人於死。帝不允。鰲拜乃矯制悉處以絞罪。家產皆籍沒。舉國寃之。

丁未。六年春正月。以故定南王孔有德之婿孫延齡爲廣西將軍。初。有德戰沒於廣西也。其子庭訓亦爲明將李定國所殺。有女四貞。匹馬入京。詔養宮中。視郡主食俸。長適延齡。至是延齡鎮廣西。節制定南舊部。夏四月。江南民人沈天甫、呂中、夏齡奇。以撰逆詩棄市。沈天甫三人。以所撰逆詩二卷。詭稱黃尊素等百七十六人作。陳濟生編輯。故明大學士吳性等六人爲之序。沈天甫使夏麟奇詣吳性之子中書吳元萊所。詐索財物。元萊察其非父手蹟。控於

索尼請帝親政

吳三桂請解雲貴事務定錢糧征收期限

帝始親政

廷議裁官

蘇拜發哈

巡城御史以聞。上以奸民誑稱謀叛。誣陷平民。大干法紀。下所司嚴鞫。獄成。沈天甫等皆棄市。被誣者釋不問。封大學士索尼為一等公。索尼為碩色子。以從龍功。至一等子爵。因不附攝政睿親王。坐罪奪爵。世祖親政。復之。晉一等伯。擢內大臣。比因鰲拜遇事專擅。力不能制。疏請帝親政。帝心然之。疏本留中。晉一等公爵。五月。吳三桂以目疾請解雲貴兩省事務。部議令照各省例歸督撫管理。其大小文武官。由部題授。從之。定徵收錢糧期限。順天府尹李天浴奏徵收錢糧。請夏稅定五六月。秋稅定九十月。戶部議駁。有旨允行。丙申。輔政大臣一等公索尼卒。賜諡文忠。秋七月。己酉。上始親政。開幸之也。政在人主。則權臣失勢矣。先是索尼疏請親政。留中未發。至是以太皇太后諭。命禮部擇吉以聞。是日。上御太和殿受賀。詔加恩中外。罪非殊死。皆赦除之。廷議裁官。吏部奏議政王等以各省設官太多。因命會議。將河南等十一省。俱留布政使各一員。停左右布政使之名。至江南陝西湖廣三省。俱有布政使各二員。分駐衙署理事。又裁各省守巡道一百八員。推官一百四十二員。得旨允行。鰲拜殺

蘇拜拉魯  
帝前

蘇克薩哈并赤其族。國去輔政。以失大臣之義也。書殺。以日無君也。特著之。蘇克薩哈既與鰲拜不合。奏求守

陵。鰲拜必欲寘之死。奏言其怨望。并諷王大臣等列彼二十四大罪。帝悉其情。

持不下。鰲拜攘臂帝前。強奏累日。竟坐蘇克薩哈處絞。其子查克旦等俱凌遲

處死。弟姪皆斬決。并殺其族人白爾赫圖等。加恩輔政大臣。遏必隆。鰲拜俱

授一等公。國人臣專恣驕橫。宜加罪。而反加恩。其失刑賞甚矣。雲貴總督等請以吳三桂仍管兩省事務。不許。

上太皇太后徽號。大赦。

戊申。七年。春。正月。御史楊維喬請仍行跪奏禮。國惡詔也。故特著其名。維喬奏稱先朝

引見官員。皆跪奏履歷。今不跪。於尊卑之分未合。得旨仍行跪奏禮。定各省

督撫薦舉屬吏額數。限制濫舉也。詔求精通天文占候者。上方研求歷

算推步方法。故有是命。先是宋元時代。中國以天元一術為最高算法。至明失傳。清初西洋代數學已輸入中土。上得其術。又根據於梅氏二十九種。於中西天文并數理。無不闡習。故益職色歷

算推步人才。○梅氏文鼎生於明末。與王錫勳同以歷算著名。三月。己未。停巡視茶馬差。停叩閣例。諭內外臣民

果有冤抑。許於通政司登聞鼓衙門告理。毋庸叩閣。夏。四月。定巡視鹽政例。

部議覆奏。嗣後巡視鹽政。不必專差御史。應於六部滿漢司官內。揀選賢能

楊維喬請  
仍行跪奏  
禮

限制濫舉  
詔精通天  
文占候者

停巡視茶  
馬差  
停叩閣例

民人郁褒  
郁廣爭代  
父成邊

停巡倉御  
史早清理  
刑獄

吳惟華以  
請加賦稅  
獲非

以歐人南  
懷仁為欽  
天監監副  
遺戍楊光  
先

之員。一併差遣。從之。編詔特宥民人郁之章罪。編浙江嘉善民郁之章有罪。當流徙尚陽堡。其子郁褒郁廣爭請代父之徙所。部議不允。上矜其孝友。特并赦之。編停巡倉御史差。編并前各差停止。以各省督撫奏報擾民故也。編五月。金星晝見。編大旱。詔內外清理刑獄。編飭廷臣各修職業。詔內外理刑獄。釋輕繫矜重囚。編平南王尚可喜遣子之信入侍。編由可喜自請也。編議漕運總督吳惟華罪。編惟華已革職。謀起復。奏請徵各州縣鎮市房號銀兩。及江南三十餘洲。令民納價耕種。上惡其害民斂財。交刑部議罪。編冬。十月。裁湖廣總督。編己酉。八年。春。正月。政仕吏部尚書明安達禮卒。編明安達禮蒙古正白旗人。以從龍功。駐防荊州。又征臺灣。鄭成功有功。還京。授兵部尚書。至是卒。予諡敏果。編三月。以歐人南懷仁比利時人為欽天監監副。其監正楊光先遣戍。編初。順治二年。歐人湯若望日耳曼人。至京上書。言新法。世祖令與南懷仁同入欽天監。以西法造時憲書。頒行天下。而新安衛今廣東寶安縣人楊光先著論攻之。世祖用光先為欽天監正。罷西法不用。既而光先論閏法多不合。南懷仁請移八年十二月閏於明年二月。

帝幸大學  
釋奠先師  
孔子

暴鰲拜罪  
凡三十款

帝以小兒  
布庫之戲  
執鰲拜

定各省卹  
刑減等例

停止圈地

得旨允行。遂授南懷仁欽天監監副。光先坐遣戍。**圖**夏四月丁丑。帝幸大學。釋奠先師孔子。圖持爵予之。白入闕。以<sub>來此爲創典也</sub>。**圖**五月。暴鰲拜罪。宥死革職。籍其家。圖止革職。讎失刑。

**圖**鰲拜結黨擅權。驕恣日甚。帝惡之。乃與索額圖索尼弟謀。因其入見。命武士

執之。一說帝居宮中。每選滿洲小兒善撲者戲於前。名曰布庫。鰲拜以帝有童心好弄。益輕侮之。不介意。一日入見。心爲兒輩所掩。康親王傑書勸問鰲拜罪三十

款。帝親加鞫問。情罪俱實。諸臣請寘重典。帝以鰲拜顧命大臣。且宣力先朝。特

宥其死。從寬革職。籍沒。與其子那摩佛并拘禁。其弟穆里瑪。從子塞本得。俱伏

誅。遏必隆額亦都弟十六子。母爲和碩公主。附和鰲拜。廷議治罪。帝念其爲助臣子。止咎其曲意瞻

徇。尙未躬蹈重愆。著宥罪。仍以公爵宿衛內廷。其黨班布爾善。阿思哈噶褚哈。

泰璧圖訥莫。俱立斬。後鰲拜死。乃釋那摩佛於獄。**圖**六月。內大臣巴哈革職。籍沒。**圖**康親王傑書

奏內大臣巴哈係鰲拜親弟。應革職立斬。家產籍沒。帝以巴哈効力有年。免籍

沒。削爲民。**圖**定各省卹刑減等例。**圖**上以各省罪囚。舊遣卹刑官審錄。今卹刑

罷遣。遇熱審時。有非實犯死罪者。宜具題減等。如在京法司例。命刑部通行直

隸各省。著爲令。**圖**停止圈地。圖以係卹民之政。故持筆書之。**圖**諭戶部。朕纘承祖宗丕緒。又安天

戴直魯豫  
總督

追賜蘇納  
海等諡

圖海兼大  
學士都統  
二職

巡撫得題  
參副將以  
下武官

下。撫育羣生。滿漢軍民。原無異視。比年以來。復將民間田地圈給旗下。以致民生失業。衣食無資。深為可愍。自後永行停止。其今年所已圈者。悉令給還。秋七月。裁直隸山東河南總督。給還蘇克薩哈并其族白爾赫圖世職。熬拜敗。言官白蘇克薩哈之冤。故有是命。追賜故尚書蘇納海等諡。凡為熬拜所害者。至是咸昭雪。因追賜蘇納海諡襄敏。直隸總督朱昌祚諡勤愍。直隸巡撫王登聯諡愨愨。并各廕其子入監讀書。大學士都統圖海辭兼職。不許。圖海姓馬佳氏。字麟洲。滿洲正黃旗人。奏臣以一身膺二任。才媿兼長。且以國家文武分途之制。乞解機務。專力戎行。得旨卿才猷敏練。不必固辭。命巡撫得題參副將以下武官。康親王傑書奏文武既分職。巡撫例不管兵。但有未設總督之省。如遇軍需急務。提督總兵仍應會同巡撫料理。至副將以下武職官員。若有貪酷殃民。侵餉等事。亦應巡撫察實題參。從之。冬十二月。擒斬雲南叛酋阿戎。雲南總督甘文焜字仲明。雲南正定旗人。奏阿戎作亂。踞阿魯山。雲南邊境山名。在喬州土司界。副將冶秉忠擒斬之。其黨悉平。

流徙罪人  
於十月至  
正月停遣

復設浙江  
湖廣兩省  
分巡守道

金之俊以  
碧眼大貴  
秩敘百官  
品

復設江南  
福建兩省  
分巡守道

庚戌九年春二月諭流徙尙陽堡寧古塔罪人。惟六月停遣。今思十月至正月俱嚴寒之候。部向例流徙尙陽堡寧古塔罪人。惟六月停遣。今思十月至正月俱嚴寒之候。罪人貧者殊多。凍斃可愍。繼自今以十月至正月俱勿遣。復設浙江湖廣兩省分巡守道。於浙江設分巡寧紹道。分巡溫台道。分守杭嘉湖道。分守金嚴衢道。於湖廣設分巡辰沅靖道。分守岳常道。分守衡永郴道。致仕內國史院大學士金之俊死。之俊由明降清。在職頗有建白。至是死。予諡文通。之後骨相甚寒。相者謂當不祿。既觀其碧眼。乃笑曰貴在是矣。復設四川湖廣福建總督。敕百官品秩。議政大臣遵旨。議敘滿大學士。尙書。左都御史。俱一品。侍郎。學士。副都御史。通政司。大理寺卿。俱二品。漢大學士。今爲二品。尙書。左都御史。俱二品。侍郎。學士。副都御史。通政司。大理寺卿。俱三品。滿郎中三品。員外郎四品。漢郎中正五品。員外郎從五品。今若將漢人官員品級與滿洲畫一。則在外升調品級不符。查順治十五年。曾將滿官與漢官畫一。康熙六年。改爲照舊。今應將滿官品級照順治十五年之例。其見在品級仍准存留。從之。夏四月。復設江南福建分巡守各道。於

河決歸仁

復設江西

復設殿閣大學士

督撫以品級支俸

耿繼茂請以子精忠代管軍務

江南設分守蘇松常道。分巡鳳廬道。分巡徽寧道。於福建設分守興泉道。分巡延建邵道。己丑。以蔡毓榮字仁庵。漢軍正白旗人。為四川湖廣總督。河決歸仁隄。在山東曹縣之

牛市屯。淮揚等處田地被災。命督撫設法振濟。秋。七月。復設江西各道。於

江西設分巡贛南道。分巡饒九南道。及驛鹽道。改內三院為內閣。復設殿閣

大學士。諭大學士學士官銜。及設立翰林院衙門等官。均著察順治十五年

例議奏。尋以圖海巴泰為中和殿大學士。兼禮部尚書。索額圖李蔚為保和殿

大學士。兼戶部尚書。杜立德字純一。寶坻人。明崇禎進士。為保和殿大學士。兼禮部尚書。對咳

納為文華殿大學士。管刑部尚書事。魏裔介為保和殿大學士。兼禮部尚書。冬。十一月。命總督巡

撫以品級支俸。戶部奏。嗣後督撫自一二品推授者。仍照原品支俸。自三品

以下推授者。俱支三品俸。永著為例。從之。

辛亥。十年。春。正月。靖南王耿繼茂有疾。疏請以子精忠暫管軍務。許之。歷明不

漸也。繼茂疏稱臣父子祖孫受國厚恩。忝列王爵。捐軀報効。乃臣職當然。奈

臣之



罷各衙門  
通事

纂孝經衍  
義

實日講官  
始御經筵  
復設山西  
各道漕糧  
截留濟糧  
以振海揚  
饑民

御史趙璟  
請增加官  
俸

臣自去年八月至今。舊疾日劇。閩省瀕海重地。盜賊蠢動不測。病軀豈能料理

臣長子精忠侍從多年。在臣軍前閱歷。又經四載。儘堪報効。伏祈恩賜管理軍

務。俾祇奉簡書。以任國事。得旨。覽奏積勞成疾。情詞懇切。准爾子精忠暫管軍

務。爾仍加意調理痊愈。副朕倚任至意。世祖弟五子封弟常寧。為和碩恭親王。罷

各部院及各省將軍衙門通事。罷除弊去弊。亦善政也。諭兵部各部院及各省將軍衙

門通事悉罷之。大學士魏裔介以病乞休。命回籍調理。二月。以馮溥字孔博益都人

為文華殿大學士。入竹漸多也。丁未。命編纂孝經衍義。是時帝典學甚勤。故

有是命。攷察八旗官。三月。實日講官。上始御經筵。夏四月。復設山西

各道。於山西設分巡雁平道。分守河東道。截留漕糧。振淮揚饑民。戶部

遵議。准揚饑民。應發銀六萬兩。振濟得旨。饑民待食甚急。予銀無益。著截留漕

糧六萬石。并各倉撥四萬石。遣侍郎田逢吉會同督撫散給。九月。靖南王耿

繼茂死。予諡忠敏。并命子精忠襲爵。御史趙璟請加官俸。報聞。璟疏言

今官俸太薄。比之順治四年所定官員經費錄內。減去數倍。例如見在總督每

罷民間養馬之禁

頒聖諭十條

徵明翰林葛世振不降孫可望封爵

年支俸一百五十五兩。巡撫一百三十兩。知縣止四十五兩。每月三兩。不足五日之費。不取百姓。勢必飢寒。若督撫勢必取之下屬。所以懲貪而愈貪也。請將本省應徵稅銀與納贖之款。加增官員俸祿。疏入報聞。圖秋。七月。諭禮部編輯會典。送內院纂修。頒行天下。圖九月。辛亥。上奉太皇太后皇太后至盛京謁陵。冬。十一月。庚戌。還京師。圖十二月。罷民間養馬及用馬駕車之禁。

圖壬子。十一年。夏。四月。召原任大學士衛周祚。字文錫。曲沃人。明崇禎進士。來京。命入閣辦事。

諭吏部衛周祚。品行端方。清慎素著。擬以引疾回籍。今因閣務殷繁。翊贊需人。

著卽召取來京。入閣辦事。圖六月。頒聖諭十六條。一敦孝悌以重人倫。二篤宗族以昭雍睦。三節儉以惜財用。六務學校以端士習。七黜異端以崇實學。八講法律以儆愚頑。九明禮讓以厚風俗。十務本業以定民志。十一訓子弟以禁非為。十二息誣告以勸良善。十三誠逃匿以免株連。十四完錢糧以省催科。十五聯保甲以弭盜賊。十六解仇忿

以全性。圖徵明翰林院編修葛世振不至。圖秋。八月。停孫可望世襲王爵。

降慕義公。圖御史孟飛熊奏孫可望係流寇張獻忠餘黨。復為李定國所敗。衆

散勢孤。窮蹙乞降。前有重大之罪。後無纖微之勞。我國家格外殊恩。授以義王

顯爵。及伊身死。已襲替二次。今孫徵淳沒。若令再襲。則後此世世冒濫無已。應

顯爵。及伊身死。已襲替二次。今孫徵淳沒。若令再襲。則後此世世冒濫無已。應

命福建總督移駐省城

馮銓死士論薄之

免貴州各府經徵錢糧

韓莢賜及第

巴泰不附權貴頗尙風節命傳達禮集滿文字

請停其襲爵。或減等降封。疏上。有旨降慕義公。命福建總督移駐省城。自漳州移福州也。裕親王福全世祖第二子辭議政。允之。康親王傑書安親王岳樂順承郡王勒爾錦。貝勒察尼。董額。尙善。亦合疏同辭議政。不允。丁卯。大學士衛周祚乞休。命以原官致仕。

癸丑。十二年。春。正月。甲申。前致仕內祕書院大學士馮銓死。銓在前明附

魏維即忠賢與東林諸人爲難。事見明鑑士論薄之。至是死。予諡文敏。免貴州各府

經徵錢糧。貴州巡撫曹申吉疏稱設官分職。上下相維。天下通義。獨黔省知

府知縣。各有親轄地方。分徵錢糧。并無經徵督徵之異。非所以垂定制。而專責

成也。請將貴陽等七府知府經管地方錢糧。各歸知縣管理。從之。三月。癸巳。

賜韓莢字元少。長洲人。等百六十六人進士及第。出身有差。闕前賜科第不書。此書以重韓莢。著得人也。中和殿

大學士巴泰以病乞休。許之。巴泰本姓金氏。漢軍鑲黃旗人。初任侍衛。後以

戰功顯。不附權貴。頗尙風節。夏。四月。命學士傳達禮集滿文字彙。諭傳達

禮滿漢文義。照字繙譯。可通用者甚多。後生子弟。漸致差謬。爾可將滿語照漢

暹羅國王  
請封  
修太宗實  
錄

吳三桂於  
雲南稱兵  
謀覆清室

朝議撤尙  
藩吳耿亦  
爭請撤兵  
米思翰明  
珠莫皆  
主張撤藩

三桂稱天  
下都招討  
兵馬大元  
帥以明年

文字彙。發明某字應如何用。某字當某處用。集成一書。俾有益後學。**編**丁巳封暹羅國王。**編**國俗奉佛。其王曰森烈拍臘。照古龍拍臘。馬呼陸坤司由隄坊。菩埃。上表請封。許之。**編**命重修太宗實錄。**編**冬十一月辛巳。復設浙江驛傳道。**編**十二月。禮部尙書龔鼎孳死。**編**鼎孳字孝升。合肥人。仕明。崇禎末。李自成陷京師。因降賊。授僞指揮使。清師入京。鼎孳迎降。至是死。**編**吳三桂於雲南稱兵。謀覆清室。尙之信耿精忠應之。**編**吳三桂背清。不肯反。書稱兵。內漢族。外滿族也。編目先例。於秦於隋於元。凡尚偶亂。皆書起兵。亦春秋晉戎狄。懲加楚意也。茲書稱兵。以係藩封。而非崛起。特異之。

先是尙可喜受制於其子之信。用客金光計。冀見帝得自陳。於是年三月上疏。請歸老遼東。而留其子之信鎮粵。部議令其盡撤藩兵回籍。三桂精忠聞之。亦爭請撤兵。以探朝旨。廷臣多言其不便。惟戶部尙書米思翰姓富察氏。滿洲鎮黃旗人。內什屯之子。兵部尙書明珠姓納喇氏。滿洲正黃旗人。刑部尙書莫洛姓伊爾根覺羅氏。滿洲正紅旗人。等議從其請。三桂初冀朝廷慰留。得如沐氏故事。明沐氏世鎮雲南。及詔下。大失所望。乃與其黨聚謀。陰勒兵馬。禁止郵傳。廷遣侍郎哲可肯學士傳達禮至滇。辦理撤藩事宜。并促其行期。三桂遂於十二月殺巡撫朱國治。大發兵。移檄遠近。自稱天下都招討兵馬大元帥。假

爲大周年

方知拒虎  
進狼之非  
莫挽抱薪  
救火之誤

紛紛入京  
告變  
索額圖請  
誅諸臣之  
主撤藩者

分遣兵將  
扼守要地  
以勒爾錦  
爲密首靖  
寇大將軍

立明後蓄髮易衣冠旗幟皆白以明年爲大周年

徵曰原鎮山海關總兵官今奉旨總理天下水陸大元帥與明討虜大將軍

傲天下武官軍民人等知悉本鎮深叨大明爵命鎮山海關維時李逆倡亂聚賊百萬橫行天下旋寇京師痛哉殺  
皇烈后之寶天慘矣東宮定藩之願賂普天之下竟無仗義舉師勤王討賊者傷哉國運夫復何言本鎮獨居關外矢盡兵  
窮淚乾有血心痛無聲不得山歎血訂盟許虜藩討暫借以兵十萬身爲先驅乃將入關則李賊已遁夫君父之仇不  
共戴天必親擒賊帥獻首太廟始足以對先帝之靈方幸賊之退魁已經授首正欲擇立嗣君繼承大位封藩割地以謝  
滿倉不意狡虜逆天背盟棄我內虛雄據燕都竊我先朝神器變我中國冠裳方知拒虎進狼之非莫挽抱薪救火之誤本  
鎮刺心嘔血追悔靡及將欲反戈北伐掃蕩腥羶適遇先皇之三太子年甫三歲刺股爲記寄命託孤宗社是賴姑飲血隱  
忍未敢舉故避居窮壤養海待時選將練兵密圖恢復迄於今日蓋三十年矣茲者虜囚無道奸邪當張道義之傷  
悉處下位斗筲之輩居顯秩山慘水愁婦號子泣以致彗星流隕天怒於上山崩土裂地怨於下本鎮仰觀俯察是誠  
伐暴救民順天應人之日爰下甲寅之年恭奉太子祭告天均赦曾大寶建  
元開啓○亦稱奉立明之三太子係假其名義以資號召實則無有明後

貴州巡撫曹申吉提督李本

深雲南提督張國柱皆以兵附之雲貴總督甘文焜在貴陽聞變與其下十餘  
人馳至鎮遠爲三桂部衆所執死之有郎中覺務穆薩哈在黔督理移藩舟馬  
疾馳十二日至闕上變湖廣總督蔡毓榮亦奏至舉朝震動大學士索額圖請  
誅諸臣之主撤藩者上不許惟馳詔止閩粵二藩勿徙削三桂封爵下其子世  
熊於獄時世熊尚主居先遣都統巴爾布等率滿洲索倫兵三千由荊州守常德命  
都統珠滿由武昌赴守岳州都督雅尼翰赫業席布根特穆占佟國瑤等分馳  
西安漢中安慶兗州鄖陽汝寧南昌諸要地聽調遣命順承郡王勒爾錦爲寧

南靖寇大將軍。統師至荊州。又以滇蜀接壤。命西安將軍瓦喀率騎兵赴蜀。大學士莫洛經略陝西軍事。

伯通氏曰。三桂起兵。惜不於順治之末。康熙之初。其時主少國疑。機會較易。又惜不留明永歷帝於緬。以為起兵號召之資。既失時機。又失憑藉。一誤再誤。何足圖功。然則三桂進退。純為私也。三桂之志。其細已甚。推其本願。亦不過欲如沐氏之在滇。此大誤而特誤也。沐氏有功於明。由濠潞發迹者也。三桂由明附清。不與同族。何來信用。既無信用。遲早必去。三桂苟善自為謀。第一束身歸命。第二即敢作敢為。不後時。不失據。以挽天運。以合人心。庶乎得之。

楊忠隆詐稱朱三太子在京謀亂

授孫延齡撫蠻將軍

三桂進兵湖廣入長沙岳州所至多有應者

**圖**楊起隆詐稱朱三太子。在京謀亂。都統圖海等破走之。**圖**起隆襲用明國號。自稱朱三太子。改元廣德。其黨以白布纏首。約於京城內外放火舉事。潛聚降將周全斌家。全斌之子周公直。家人陳益等與焉。鑲黃旗監生郎廷樞首告其事。正黃旗滿洲都統圖海。漢軍都統祖承烈等。以兵圍周公直家。生擒其黨數百人。磔於市。惟起隆遁去。**圖**命孫延齡線國安守廣西。**圖**上以廣西隣近貴州。授孫延齡撫蠻將軍。線國英都統。令統兵固守。

**圖**甲寅十三年。周王吳三桂稱國元年春。正月。周王吳三桂進兵湖南。入長沙。岳州。清命寧南清寇大將軍順承郡王勒爾錦督師討之。**圖**勒爾錦啓行。上出長安門送之。聞

羅森以全川應三桂

清命莫洛經略陝甘孫延齡以廣西應三桂耿精忠以福建應三

范承謨足職劉秉政耿分軍三路取浙東

三桂遣其二將馬寶本李定國舊部由貴州入湖南。遂陷沅州。總兵崔世祿被執。巡撫

盧循棄長沙。遁走岳州。三桂進兵攻常德。原任提督楊遇明寄居城中為內應。

常德亦陷。提督桑格援兵至。不得入。退還澧州。已應三桂。長沙副將黃正卿。參

將陳武衡。又以長沙降三桂。三桂兵至岳州。參將李國棟應之。岳州亦陷。四

川巡撫羅森等以全川應三桂。羅森與提督鄭懷麟。總兵譚洪。吳之茂。聞三

桂起兵。先後約降。三桂甚喜。二月。清欽天監奏欽造儀象告成。進呈新製

靈臺儀象志。加南懷仁太常寺卿。辛酉。清一等公遏必隆卒。予諡恪僖。

清命莫洛經略陝甘。加武英殿大學士。賜敕印。甘肅提督張勇告發吳之茂

叛降三桂。上嘉許之。孫延齡據廣西應三桂。延齡執廣西巡撫馬雄鎮勳字

蕃。鳴佩子。漢軍鎮紅旗人。而幽之別室。旦晚說使降。雄鎮不從。雄鎮被幽四年。後三桂

建應三桂。精忠與三桂信使往來。已有密約。福建巡撫劉秉政隱與之合。獨

總督范承謨文程次子。字觀公。意不為屈。執而囚之。時精忠閉承謨於土室。絕粒八日。遣秉政說之降。秉政且進且揖。承謨奮足蹴之。仆地。罵曰。逆臣不日當就誅。我

先禱其魄。械土室三載。每朔望。必奉時憲書一帙。北面再拜。後三年。遇害。精忠又別遣將會養性馬九玉。白顯忠。分兵三路。取

耿聚忠往  
說精忠不  
應

清殺吳應  
熊

三桂由湖  
南進窺江  
西陝西

三桂軍勢  
甚張荆襄  
雲與荆襄  
間無敢渡  
者江櫻其  
錄

清以尙善  
出江西以  
喇布鎮江  
南學善圖  
浙尙善寓

浙東陷溫台處諸州。浙江總督李之芳字鄭國，山東武定人。聞變疾馳至衢州。分兵扼常山要隘。養性兵遽至。之芳親督陣戰而敗之。養性遂不得越衢州而西。時清廷使精忠弟聚忠賚敕諭兄無抗命。精忠不納。因命內大臣希爾根爲定南將軍。帥師由贛入閩。清命尙之孝襲封平南王。以之信反狀著。故命之孝代之。清殺吳應熊。子弟俱免死入官。尙可喜執三桂信使檻送入京。清帝特獎藉之。清皇后何舍哩氏崩。諡仁孝皇后。周王吳三桂由湖南進窺江西陝西。清命貝勒尙善簡親王喇布貝子洞鄂莫洛康親王傑書貝子傅拉塔及尙可喜金光祖等分道禦之。岳州既陷。三桂軍勢甚張。親赴常德督兵。而令其將守岳州。備禦甚至。并布重兵於澧州石首華容松滋三縣名，俱屬荆州。華容今裁。間爲犄角。清兵雲集荆襄武昌宜昌諸郡。無敢渡江櫻其鋒者。三桂以荆楚大兵扼其前。乃思出閒道。使其將一由長沙窺江西。一由四川窺陝西。其江西之兵入袁州。今宜春縣。陷萍鄉。今縣名，舊屬袁州。安福。今縣名，舊屬吉安。上高。今縣名，舊屬瑞州。與耿精忠之兵合。陷三十餘城。於是清帝命貝勒尙善爲安遠靖寇大將軍。出江西。又以簡親王喇布爲揚



書三桂不報

王輔臣以陝西應三桂

劉進忠以潮州應耿藩  
祖弘勳以溫州應耿藩

馬雄郭義以廣西應三桂

清經略莫洛死於甯羌州

威大將軍鎮江南。又定西將軍貝子洞鄂與莫洛由陝入蜀。奉命大將軍康親

王傑書與貝子傅拉塔由浙入閩。別遣尚可喜與總督金光祖討孫延齡。此大命善未出

兵。先寓書於三桂。其略曰。蓋聞殿下以勝國為口實。果爾則亦人臣之當然。不能忘忠於舊君者。惟果欲納忠於勝國舊君。則殿下不宜受我清朝之爵土。不宜倒永歷之干戈。既已使舊君無噍類。而自求利達。臣僕於我朝。禮承恩寵。今復回心轉

慮。納忠舊君。果何心哉。（下略）書去。三桂不報。**○**王輔臣以陝西應三桂。**○**輔臣本姜瓖部校。殺瓖來降。授

侍衛。從旗兵入滇。隸三桂部下。後任陝西提督。三桂起兵。初招致之。不應。既又

通誠於三桂。**○**潮州總兵劉進忠以潮州應耿精忠。**○**尚可喜密報清廷。謂進

忠暗通耿藩。將引閩兵入潮州城。**○**浙江總兵祖弘勳以溫州應耿精忠。**○**據

浙江提督塞白理入奏也。**○**秋。七月。清特設江西總督。**○**以董國衛為之。防三

桂東略故也。**○**廣西提督馬雄左江總兵郭義以廣西應吳三桂。全省震動。**○**

清命安親王岳樂為平寇大將軍。引兵至廣東控制之。**○**冬。十月。命廣東督撫

俱歸平南王尚可喜節制。**○**十二月。王輔臣陷寧羌州。今縣名屬陝西清經略莫洛死之。

**○**清軍敗績。貝勒董額退守漢中。今南鄭縣上切責統兵諸大臣。遷延觀望。因議親

征。羣臣力諫。乃止。**○**調平寇將軍哈爾哈齊赴江寧。參贊軍務。

遣使諭祭 朝鮮李

清帝不以 三藩兵 罪米思翰

王輔臣 甘肅 王輔臣 府 孫思克 王 不為動 福

察哈爾 鄂尼叛 布 鄂扎圖 海

乙卯十四年。周王稱國二年春正月。朝鮮國王李淵卒。清遣使諭祭。予諡莊恪。封其

嗣子李焯為朝鮮國王。二月辛丑。清前戶部尚書米思翰卒。米思翰力主

撤藩。迨三桂精忠相繼稱兵。滇黔楚蜀閩粵悉為所據。僉言撤藩實以速變。人

咸為持議者危。帝諭廷臣曰。朕在少時。即以三藩勢燄日盛。不可不撤。豈因其

叛。遂諉過於人耶。寘不問。至是卒。予諡莊恪。王輔臣進陷甘肅諸府縣。輔

臣之變。清援師悉集西安。詔分千人守蘭州。貝子洞鄂留不遣。致秦州。

水。蘭州鞏昌。今隴西縣。定邊。舊屬延安。臨洮慶陽。二縣屬甘肅。綏德。屬陝西。延安。今廣施縣。花馬池。今甘肅鹽池縣。

相繼失陷。輔臣自據平涼。今縣。使其黨分據各郡。惟提督張勇。陝西咸甯人。明副將降清。總兵

孫思克。字蘊臣。漢軍正白旗人。王進寶。字遠和。靖遠人。陳福。字東海。榆林人。各斬其招降之使。故河西陝西得不

全陷。洞鄂督諸將移秦州。進攻平涼。張勇遣諸將復蘭延鞏諸州。自守鞏昌秦

州。以隔蜀隴相通之路。詔以張勇為靖逆將軍。便宜行事。并命其賞敕招撫輔

臣。輔臣雖具疏謝罪。而負隅如故。蒙古察哈爾王布爾尼叛清。詔信郡王鄂

扎副將軍圖海擊斬之。圖海二藩稱兵。及各路照者。皆不書反書。初。太宗平察哈爾。走林

耿精忠重  
違朝旨上  
不罪其兄  
弟同族

王輔臣陷  
漢中

清立胤祔  
爲皇太子

丹汗其子額哲以傳國寶來上封親王位在四十九旗貝勒之上其衆編旗安  
 寘義州額哲卒其弟襲爵傳至布爾尼當三桂稱兵清徵其兵不至係受王輔臣勾結旋  
 煽奈曼一作乃蠻內蒙古之一等部擁衆同叛詔以信郡王鄂扎爲大將軍同副將軍圖海  
 率不附逆之蒙古各部討之是月師次達祿布爾尼設伏山谷以兵三千來拒  
 清師進攻伏發敗土默特歸化城之旗之軍圖海分兵力戰殲其救應之衆四百布爾  
 尼乃悉衆用火器來攻圖海令嚴陣以待連擊大破之布爾尼以三十騎遁由  
 科爾沁額駙沙津追斬之圖清前致仕保和殿大學士衛周祚卒圖予諡文清  
圖清遣使招耿精忠降不至圖精忠重違朝旨上并不罪其兄弟同族諭稱精  
 忠雖行同禽獸孤負國恩伊弟耿昭忠聚忠及族人等道途遠隔實未與謀若  
 竟爾株連朕心不忍姑從寬免罪圖九月王輔臣陷漢中圖鎮西將軍卜席臣  
 奏食盡自漢中出擊賊遂退至西安上命暫駐西安以圖進取圖冬十二月丙  
 寅清立皇子胤祔爲皇太子廢明著睿嫡之兆也圖上御太和殿受朝賀加恩赦天下殊死  
 以下

甯見兵變  
陳福遇害

鄭經入漳

尚可喜被  
幽囚  
請派大臣  
鎮攝

董額等久  
攻平涼無  
寸進  
苗之秀吳  
啓鎮應三  
桂  
尚之信受  
周封職

國三年內辰十五年。春。正月。寧夏兵變。殺提督陳福。福次惠安堡。值歲暮大雪。衆請暫歸。福不許。越日兵變。遇害。事上。予諡忠愍。命以西寧總兵王進寶代其職。  
國自成功沒後。久無鄭經入漳州。舉兵機會。書以幸之。  
 尚可喜乞清廷遣員鎮攝。可喜扼於其子之信。如被幽囚。因奏言臣病日劇。寇在門庭。臣子之孝。又統兵在潮。謂涼州。請遣威望大臣來此鎮攝。帝諭王於諸子中擇才之素優者。遣赴潮州。整理軍務。著之孝。遄回省城。二月。清以都統大學士圖海爲撫遠大將軍。著迅赴陝西。  
字勤止。長沙人。學宗白沙陽明。諭令貝勒董額以下悉歸節制。以彼輩久攻平涼。毫無寸進。故有是命。三月。賜彭定求等二百九人。進士及第。出身有差。江西總兵苗之秀。副將吳啓鎮。相繼應三桂。  
姓兆佳氏。滿洲鎮白旗人。尚之信受周封職。之信陰與三桂通。受招討大將軍輔德親王封號。遂於是日守其父尚可喜第。舉兵倡首。清鎮南將軍舒恕引兵歸。副都統莽依圖  
 自肇慶突圍出。總督金光祖巡撫佟養鉅陳洪明俱降三桂。人清撫遠大將軍圖海敗王輔臣於平涼。輔臣降。命圖海留陝。穆占移師湖南。初三桂遣將

圖海督政  
平涼取虎  
山墩  
清王輔臣降

耿鄭交惡  
清兵乘機  
取圖

王屏藩譚洪吳之茂分兵三路取秦隴與平涼兵合并令雲南總兵陸道清率苗獠千人助攻守。圖海至督諸將一戰大敗之於平涼城北。奪其虎山墩。在平涼城外要險。斷敵餉道。俯瞰城中。輔臣懼。遂率其巡撫總兵等降。敵將王屏藩吳之茂與張勇王進寶戰。屢失利。因遁回漢中。清復固原。今縣名屬甘肅。慶陽。詔圖海留陝。而令征南將軍穆占率滿兵及平涼兵移征湖南。圖秋七月。清大學士熊賜履革職。圖巴泰等奏賜履誤書票擬。欲掩飾已過。私取大學士杜立德所票改寫。殊失大臣體。應革職。得旨依議。以細事進退大臣。非政體也。耿精忠與鄭經交惡。九月。清康親王傑書入閩。大破精忠兵。會養性以溫州降。圖傑書至浙江。破會養性於衢州城外。引兵圍溫州。久而不下。而敵將馬九玉方據江山常山開化三縣。與李之芳相持。會耿繼祚再攻建昌。今縣名屬江西。方戰。忽棄營遁。事聞。清帝料精忠必與鄭經啓釁。有機可乘。詔傑書傅立塔撤圍溫之師。直取福建。先是精忠起事。約鄭經以兵相助。許以漳泉二府給之。既而經取漸惠二州。精忠忽背前約。遂與經交惡。經奪其泉漳汀邵諸府。精忠與爭。遂為清兵所乘。傑書得旨。即合兵趨衢州。大破馬九玉之衆。乘勝復江山。因長驅入仙霞關。直抵浦城。今縣名屬福建。建陽建甯相繼下。養性聞之。舉溫州降。同時白顯忠亦

耿精忠 范承謨 以其口因 清繼印信降

尚之信亦 密奏降清

勒爾錦進 規湖南失 利

三桂自松 滋回長沙

清帝料湖 口兵防必 弱當命荆 岳諸軍渡 江急進

降於安親 王岳樂

冬十月。耿精忠降清。命仍舊封爵。從征自効。傑書兵抵延平。精忠

大懼。先遣其子繼祚繳送印信。師至福州。精忠先殺范承謨以滅口。前事見率所

屬文武出降。詔命還精忠封爵。仍使率所部兵從征。鄭經自効。尋以精忠為鎮

閩將軍。駐福州。十二月。尚之信遣人賈密奏至揚威。大將軍簡親王喇布軍

前乞降。事聞。許其立功贖罪。

丁巳。十六年。周王稱國四年春二月。清承郡王勒爾錦進規湖南。失利。退守荊州。先

是周王吳三桂得陝西王輔臣之助。將從秦蜀以規取燕京。因親至松滋。今縣名屬湖北先

督戰。未幾輔臣失敗。清將張勇孫思克等擇要備戰。三桂志不得逞。適聞長沙

圍急。時安親王岳樂既定江西邊境。因引兵圍長沙。乃自松滋回軍。自將援長沙。并悉調夷陵南漳。皆湖北地諸軍

併力堅守。清帝以三桂之嚴備長沙。則湖口各路之兵防必弱。當命荆岳諸軍

渡江急進。於是勒爾錦敗敵於公安。今縣名屬荊州之虎渡江。察尼敗敵於澧州之太

平街。尚善又遣舟師入洞庭湖。克君山。獲敵船五十艘。時下游三桂兵少。望風

潰遁。已而勒爾錦軍失利於太平街。退守荊州。岳樂攻長沙軍亦引還於時長江之險。復為敵

韓大任自稱小淮陰

喇布不知追敵

清師克南雄

尙可喜以憂死

封世祖乳母朴氏奉聖夫人

清帝始設南書房張

有。夏四月。清軍定江西。周王吳三桂因引兵規取廣東。既清師躡之。降尙之信而略定輿地。喇布等攻吉安。久不下。敵將韓大任在三桂軍中。具有謀略。自稱小淮陰。因糧盡遁走。喇布不之追也。朝旨至。切責之。適三桂又使驍將馬寶胡國柱往攻尙之信於韶州。以圖廣東。之信於上年冬向清廷通款。三桂伐之。清將莽依圖請於喇布。願先行攻克南安。比至。原任提督嚴日明以城降。其守將郭義亦遁。清師遂踰嶺克南雄。今縣名。屬廣東。直至韶州。之信聞訊。急遣其弟之瑛奉迎。金光祖原任總督。降三桂者。亦自肇慶至。之信又以書招致原任高州總兵祖澤清。澤清卽以高廉雷三州復降清。原任瓊州今瓊山縣。總兵佟國卿亦附之。廣東略定。清廷詔以之信仍襲父爵平南王。已而劉進忠亦以潮州降清。六月。平南王尙可喜以憂死。尙之信奏報清廷。稱臣父尙可喜於去年二月兵變之後。投繯自盡。被左右救甦。至是憂鬱而卒。可喜子女凡百餘人。清帝覽奏。以可喜始終未改臣節。賜祭葬。并予諡曰敬。清封世祖章皇帝乳母朴氏爲奉聖夫人。闡明發明客氏例。譏失政也。清大學士巴泰乞休。允之。秋八月。清立鈕祜祿氏爲皇后。后爲遏必隆女也。清帝始設南書房。闡明著右文之始也。時帝意方傾向漢

英高士奇  
嘗入直

人文學。特設南書房。簡學士張英。字敦復。桐城人。中書高士奇。字澹人。錢唐人。曾在京醫字。作春帖。自爲書句。聖祖賞之。入值

供奉。冬十二月辛酉。金星晝見。

清舉博學  
鴻儒

戊午十七年。周王吳三桂稱帝。建元利用元年。春正月。清舉博學鴻儒。不論已仕未仕。令在京

三品以上。及科道官。在外督撫布按。各舉所知。備親試錄用。故慶陽知府傅

宏烈。字仲謀。江西進賢人。說孫延齡奉迎清軍。詔授宏烈廣西巡撫。撫蠻滅寇將軍。先是

延齡以廣西應三桂。所有舊軍。分設五鎮。每鎮兵二千。騷掠遠近。有傅宏烈者。

舊爲慶陽知府。當三桂未稱兵時。嘗許其不軌於朝。坐誣罔大臣。謫戍蒼梧。今縣

名。屬廣西。及是欲集兵圖恢復。思假其事權。乃僞受三桂倍勝將軍之號。入思州泗

城廣南富川。俱廣西境。諸土司。及交阯。今安南國。界。聯絡義勇。得五千人。遂移檄討三桂。

三桂殺其家三百口於柳州。今廣西馬平縣。然不能害宏烈。宏烈以大義說延齡。延齡與

其妻孔四貞謀。約宏烈往迓清軍。至卽反正。宏烈來迎請。獨當廣西一路。但當

假以虛銜。以資號召。宏烈先遣人至廣州。致書鎮南將軍舒恕。言延齡夫婦歸誠狀。復又報書麻爾吉。言大兵若速進南安。宏烈當從韶州策應。舒恕麻爾吉先後奏聞。○時麻爾吉在廣西督辦軍務。

詔授宏烈廣西巡撫。撫蠻滅寇將軍。俾增募義兵。便宜行事。另命額楚守韶。莽

弘烈獨當  
廣西一路

博弘烈說  
孫延齡迎  
清軍



詔西巡撫  
廣西寇  
撫軍不爲  
大將圖具  
莽依圖謀  
舟機致誤  
戎機

馬雄鎮不  
降三桂

莽依圖退  
縮無能始  
吳三桂稱  
制於衡州

龜蹠環  
走不出長

依圖以兵八千往援宏烈。尙之信再益兵三千。詔至之信不遣兵，又不爲莽依

圖具舟艦。師久不集。宏烈竟獨領所部萬人。乘機先進。克梧克潯。下鬱林。今縣名。屬廣西。

所向皆捷。**[圖]**二月。三桂將韓大任降清。**[圖]**詔驛送入京。**[圖]**皇后鈕祜祿氏崩。**[圖]**

閏三月。周王吳三桂以兵陷桂林。殺清故撫蠻將軍孫延齡。延齡死而具官。許其忠於清也。**[圖]**莽

依圖軍至廣西。進圍平樂。而三桂遣將馬寶吳世琮。三桂姪孫。急攻孫延齡於桂林。

城陷。延齡死之。敵兵遂乘勝援平樂。莽依圖退回梧州。所復郡縣復陷。前廣西巡撫馬雄鎮爲延

齡拘囚四年。三桂軍既破桂林。擁之出。說使降。雄鎮不從。因刃其幼子。世洪世泰以懼之。雄鎮大罵曰。三桂能舍其父。我獨不能舍其子耶。手奮剛兒頭擊敵將遂遇害。**[圖]**祖澤清復應三桂。**[圖]**

清帝切責莽依圖。退縮無能。令圖功贖罪。**[圖]**夏五月。周王吳三桂始於衡州稱

制。醫圖讓失時也。於地利人和亦非失之。**[圖]**時三桂年六十七矣。方失陝西及閩粵三大援。已而又失江

西。清兵雲集湖湘閒。疆宇日蹙。乃思稱帝以自娛。其下亦爭勸進。三桂以衡州

當兵衝。自長沙徙都之。稱國號曰大周。改元利用。改衡州爲定天府。賞百官。大

封諸將。更造新歷。舉行雲貴鄉試。以帝制詔遠近。殿瓦不及易黃。以漆髹之。構

蓬舍萬閒爲朝房。擇日御殿受朝賀。相傳三桂始起事時。奉輿圖卜之龜。龜惟蹠蹠環走。不出長沙衡水之間。**[圖]**六月。清貝子

沙衝水之

三桂以衡州與戶勢所必爭張蓋策騎往來甚指揮軍勢

三桂殂於軍清帝因罷親征之

傅拉塔卒。傅拉塔統兵入閩。精忠既降。以積勞卒於軍。得旨予諡惠獻。秋八月。清安遠靖寇大將軍貝勒尙善卒於軍。以貝勒察尼代之。周主吳三桂自將兵攻永興。今縣名。舊屬郴州。未下。殂於軍中。諸臣奉其孫世璠嗣位。周主三桂以永興爲衡州門戶。相距僅百餘里。勢所必爭。遂召回驍將馬寶王緒胡國柱等併力進攻。已則高張麾蓋。策騎往來指揮。軍勢甚盛。清都統伊里布副都統哈克山相繼戰沒。前鋒統領碩岱等入城死守。周兵三面環攻。晝夜不息。時簡親王喇布屯茶陵。今縣名。屬湖南。不敢救。穆占在郴州遣兵來援。亦逡巡不敢進。城壞於礮。囊土補之。且築且戰。垂二十日。城之欲陷者屢矣。一日。敵忽拔營去。急覘之。則周主三桂已發暴病殂。諸將俱召赴衡州矣。先是清帝以將帥暴師日久。復下親征之議。及聞三桂死。乃罷。其嗣孫世璠自滇至衡。始發喪。羣臣擁戴。稱制如故。改明年爲洪化元年。刻日奔喪還滇。

劉星北曰。三桂稱兵五年。蔓延十省。而卒地蹙身亡者。由其始。手自刈勦明裔。不足號召海內。既不得人心。其中觀望川湖之間。不能乘勢併力中原。又不得地利。其局促一偶。竊帝號以自娛。奄然遽沒。復不得天眷。可惜亦可怪也。

四子胤禛

察尼復岳州由林與珠獻計絕敵之糧道

試博學鴻儒得士百四十三人

地震詔羣臣言政事得失

開運河於駱馬湖旁

修明史

冬十月戊午皇四子胤禛生。即世宗憲皇帝。母為吳雅氏也。稱孝恭仁皇后。

己未十八年。周主吳世璠嗣立。稱洪化元年。春正月。清察尼復岳州。初岳州之糧。俱取給於

常德。而圍師僅守君山。敵船往來自如。至是周降將林興珠獻策。請以舟師分

泊香蛇峽。在洞庭湖北岸。等處。并立陸營於九貴山。在岳州。以斷長沙衡州之路。敵可坐困。

清帝然之。命察尼如法布寘。水陸之圍始密。敵將杜輝遣使約降。事洩。為吳應

麒絞死。城中糧日竭。其部將王度冲陳珀詣清軍投降。應麒棄城走。清遂復岳

州。二月。清撫遠大將軍圖海仍赴陝西。三月丙申。清試博學鴻儒於體仁

閣。得士百四十三人。取一等彭孫遜。字羹門。海鹽人。等二十人。二等李來泰。字石壑。臨川人。等三

十人。俱以翰林官纂修明史。秋七月。京師地震。詔羣臣各言政事得失。清

獲其叛將祖澤清。斬之。澤清既降復叛。至是執之。械送至京師。斬於市。冬

十月。清詔開運河。河道總督靳輔。字紫垣。漢軍鑲黃旗人。請為開運河於駱馬湖。在清江浦以北。之

旁。詔如所請。

庚申十九年。周洪化二年。春二月。清命內閣學士徐元文。字公肅。崑山人。主修明史。元文奏

黃宗羲  
徐元文  
許夷齊  
白

薦黃宗羲

字太冲，號梨洲，餘姚人。

姜宸英

字西溟，慈谿人。

萬言

字貞一，鄞縣人。

汪懋麟

字季角，江都人。

等到館編纂。從之。宗

師劉蕡山。爲人尚氣節。負學術。逃亡在外。不肯仕清。上年舉博學鴻儒。學士葉方藹欲薦之。陳錫嘏曰：是將使爲疊山九靈之殺身也。議遂止。是年。元文薦修明史。宗羲辭不赴。朝廷知不可屈。特詔浙江督撫抄其著述之闕史事者。送京師。元文又延其子百家及門人萬言。宗羲爲書報之曰：昔聞首陽二者。託孤於尙父。遂得三年食薇。顏色不壞。全吾遺子從公。可以實我矣。○蕡山。劉理順字。

以精忠具疏陳情。故特許之。清贈故福建總督范承謨太子少保。予諡忠貞。

帝愍其冤死。特加優卹。秋八月壬午。清鎮南將軍莽依圖卒於軍。以貝子賴塔代之。

先是莽依圖由平樂退梧州。受清廷切責。憤甚。明年周主世璠立。復遣將吳世琮略梧州。因引軍與戰。大破之。捷聞。帝命進兵雲貴。將至柳州。

適周懷寧公馬承廕故提督馬雄子驅象隊逆戰。急以勁弩集射之。象反奔。敵軍亂。因突騎襲追之。會簡親王喇布亦遣將夾攻。敵不能支。承廕以柳州降。而莽依圖則

以積勞卒於軍矣。得旨以貝子賴塔代將其衆。清賜尙之信死。之信雖降。

仍懷兩端。奉詔不卽行。至是召入。賜死。僞朱三太子復出爲亂。捕處極刑。

先是楊起隆由京遁去。至是復出入山陝間。稱明朱三太子。號召遠近。縱迹得

之。論律。凌遲處死。

馬承廕  
卒以拒  
降

尙之信  
死

楊起隆  
伏法

傅弘烈死  
不降周

清始開海  
禁從姚啓  
聖莫與祚  
之言也

革除三藩  
弊政

清軍分三  
路入滇黔

辛酉二十年。周洪化三年。○是年十一月。清軍平滇。周亡。春正月。周主世璠誘執廣西巡撫傅宏烈。不屈

死之。時馬承蔭既降清而復悔。有衆七千。暫乞巡撫傅宏烈改編。宏烈允代

奏聞。旨未下。承蔭請宏烈至軍訓誡。左右或阻之。宏烈曰。人已降。奈何疑之。因

僅率數十騎往。諸將慮有變。踵及之。承蔭疑圖己。遽揮兵執宏烈而縛送貴陽。

時周已改都貴陽。周主世璠重宏烈名。誘以官。宏烈罵曰。爾祖未反時。我即劾奏。知爾家

必作賊。恨不早滅爾家。肯從賊耶。再勸再不從。遂遇害。事聞。清贈太子太師。兵

部尚書。予諡忠毅。二月。清始開海禁。福建總督姚啓聖字熙之。會稽人。巡撫吳興祚

字伯成。山陰人。入漢軍。正紅旗。請開邊界。俾沿海人民復業。許之。自遷界令下。民多失所。至是始慶

更生。清革三藩弊政。帝以尚之信在廣東時。令其部人私充鹽商。據京口。

立總店。耿精忠之在福建。亦復橫征鹽課。擅設報船。苛派夫驛。勒索銀米。久爲

民害。悉革除之。又雲南吳藩官兵侵占民田。不一而足。不日事平。著該省總督

悉心查勘。給還小民。夏五月。清軍分三路入滇黔。克貴州。周主世璠奔雲南。

先是岳州既復。勒爾錦率師自荊州渡江。周夷陵醴陵守將。皆以舟師降。常

此爲由湘  
入黔之師

此爲由粵  
入滇之師

德長沙守將。亦棄城遁。安親王岳樂由長沙進兵衡州。周吳國貴夏國相亦遁。岳樂入衡州。追敗國貴於永州。復其城。湖南上游惟辰州之辰龍關。與武岡之楓木嶺。爲入黔要路。皆天險。時吳國貴馬寶駐武岡。胡國柱據辰州。岳樂至武岡。以兵出楓木嶺。值巡撫傅宏烈。孫述十九年戰事。時宏烈尙未死。設伏截其餉路。南北夾擊。遂破斃吳國貴。餘衆潰遁。清軍復武岡。同時貝勒察尼攻辰龍關。徑狹籌密。僅容一騎。敵跨隘口。立五營以相拒。相持踰年。始由閒道襲破之。清軍又復辰州沅州。胡國柱走貴陽。是爲由湘入黔之師。又周將吳世琮敗死於廣西。馬承蔭降清。復叛。清貝子賴塔代莽依圖而領其衆。連敗敵軍於安隆所。即前孫可望劫。永歷帝居此者。及黃草壩。并俘叛將馬承蔭送京師。斬之。是爲由粵入滇之師。又清之趙良棟王進寶分道入川。周將王屏藩棄漢中走保寧。自縊死。清軍生擒吳之茂。而良棟一軍則由略陽。今縣名。屬陝西。進克陽平關。遂入成都。降其守將。將及文武官屬百餘。同時清圖海亦復興安。將軍偉尼勒等復永寧馬湖。湖廣提督徐治都敗周將楊來嘉於巫山。復夔州重慶。川省大定。會是秋譚洪復叛。清帝詔王進寶留鎮四川。加

此爲由蜀入滇之師  
章泰代岳樂總帥

清定貴州姚啓聖等以舟師破海澄

劉國軒援軍姚啓聖亦用計敗國軒

趙良棟勇略將軍兼雲貴總督。統川師進討。是爲由蜀入滇之師。惟是師分三路。必得總帥。特命貝子章泰代安親王岳樂爲定遠平寇大將軍。規復雲貴。別以總督蔡毓榮節制漢兵。是役也。湘軍進拔鎮遠。今縣名。屬貴州。遂自平越。亦縣名。屬貴州。趨貴陽。周主世璠偕其臣吳應麒奔雲南。周之文武官吏降清者二百餘人。於是遵義安順石阡都勻思南。以上五府。今皆改縣。等府相繼下。貴州悉定。清姚啓聖等以舟師伐鄭經。破之。經遁入臺灣。先是耿精忠降清。導康清王傑書等攻鄭經。以次收復漳泉邵興各府。惠潮。二府屬廣東。亦降。鄭經遁回廈門。未幾復出。連下沿海城堡十餘。遂圍海澄。及援軍至。其將劉國軒恐內外受敵。乃開一面縱之入。以耗城中糧。圍復合。城中食盡。遂陷。都統提督以下皆死。詔罷總督郎廷相。以姚啓聖代之。國軒與其黨分據龍虎蜈蚣二山。皆在海澄城外。勢甚張。漳州兵少。啓聖乃閉城。偃息旗鼓。稟務。率精兵五千突出。敵陣亂。啓聖因連破十六營。斬馘四千級。國軒遁還海澄。然猶引巨艦出沒汀漳閒。啓聖患之。因與巡撫吳興祚提督楊捷。字月三。揚州人。謀厚集舟師。水陸夾攻。并檄荷蘭夾板船爲助。會藩禍將結。帝詔水師提督萬

鄭經遁入臺灣

清軍至雲南始由章泰賴塔合圍欒山趙良棟連踰三橋遂薄城下

正色督湖南江浙戰艘二百。由海赴閩。其時啓聖等新修三百艘亦成。於是配兵三萬。復縱行反閒。離其黨羽。重賞購募。先後降其職官四百。及兵萬餘。以之編隸水師。使攻前敵。未幾得海壇名島。守將爲內應。啓聖知時機已熟。不待荷蘭助力。遽攻拔海澄。萬正色亦以水師復海壇。進廈門。敵將朱天貴來降。因卽棄勢擣襲。敵寨不支。經與國軒遂棄金廈二島而遁入臺灣。清撤耿精忠尙之信所屬人員還京。冬十一月。清軍滅周。周主吳世璠自殺。國書滅周。著其爲敵國也。書世璠自殺。予世璠之能死。

先是清軍雲集雲南。周主世璠使其將軍郭壯圖三桂之壻率步騎數萬列象陣迎戰於三十里外。章泰攻其左。賴塔攻其右。自卯至午。敵五却五進。殊死戰。象忽反踐其軍。勁騎左右衝之。始大却。進追至城東歸化寺。禽斬殆盡。自歸化寺列營亘碧雞山。爲長圍數十里。敵盡移家於五華山。在南城外。明永歷帝宮殿舊址在焉。留空城分門守禦。誓必死。數月。臨安永順姚安大理諸路總兵皆受周封拜者相繼降清。世璠將割地乞師於達賴喇嘛。書方發。而趙良棟之師已由川入滇。初長圍距城遠。敵負固抗拒。數月不下。良棟至。連踰三橋。諸軍從之。薄城下。合圍數重。又於昆



世璠及郭壯圖皆自殺。周亡。

趙良棟獨以所部入城。

穆占蔡毓榮皆有沾。良棟矚然不滓。有古大臣風。

圖海能激將用術。

明池內橫筏。施樓櫓。以斷接濟。城中食盡援絕。其將軍線緘吳國柱吳世吉等內應。世璠及郭壯圖皆自殺。其大學士方光深陷入清。清軍又爾世璠首獻闕下。周亡。自三桂稱王四年。又四月。稱帝。僅五月。孫世璠嗣位三年有奇。

論者曰。三桂祖孫稱王稱帝。與李闖張獻不同。圖獻圖明。因以斷送故明三百年天下也。至三桂出關乞清師平亂。闖去清來。所謂竊我先朝神器。變我中國衣裳。方知拒虎進狼之非。莫挽抱薪救火之誤。(見三桂討清檄文)此至理。亦實情也。清前借口以賺取燕鼎。三桂獨不可借口以索還大業乎。如必斥為草竊。刪去國號。不惟三桂祖孫死不瞑目。恐亦非據事直書之通義也。

趙良棟疏請入覲。移軍曲靖以待命。雲南既平。諸將帥爭取子女玉帛。獨良棟飭所部不以一騎入城。既告捷。即疏請陛見。移師曲靖。以待朝命。繼又速當時司筦庫者。以藩宮簿籍擋冊進呈帝覽。所有三桂寵姬一歸將軍穆占。一歸總督蔡毓榮。自餘均有染指。案發。均嚴旨查辦。上獨嘉良棟矚然不滓。有古大臣風。十二月丁酉。大學士圖海卒。察哈爾之役。禁旅悉銳南征。宿衛空虛。圖海奉命選八旗家奴之驍健者以行。所過州縣村堡騷掠。悉不問。至敵境下。令曰。察哈爾。元之後裔。數百年珍寶山積。我軍能破之。富且百倍於此。衆踊躍。無不一以當百。遂大破之。尋請豁免所過宣府田賦。以卹貧民。意以駭烏合。

以禦方張之寇。非此無以得死力也。至是卒。予諡文襄。

○壬戌二十一年春正月。殺耿精忠。滅其族。○精忠凌遲梟示。并斬其子耿顯

祚及曾養性劉進忠等。初精忠謀反。有閩人陳夢雷者。以編修在籍。被迫受職。嘗私以消息告其友李光地。光地據以入奏。及亂平。光地蒙優擢。而夢雷被逮下詔獄。光地始出疏救之。得不死。夢

雷告光地不先言。因發憤與書絕交。○李光地。字晉卿。福建安縣人。○二月。以文字獄殺朱方思等。○楚人朱方思刊刻祕

書。其徒顧宏齊陸光旭等。互相標榜。比之宣聖。事聞。命有司捕殺之。大將軍勒

爾錦統兵駐荊州時。嘗顏其堂曰聖人堂。名其里曰至人里。至是告發。上以勒

爾錦方因罪羈禁。即因入川避退。坐失機宜事。釋不問。○癸巳。上以雲南平。謁陵祭告。辛丑。出山

海關。○三月。上駐蹕盛京。○夏。四月。遣使封琉球國王。○使翰林院檢討汪楫。

中書舍人林麟焞。同往册封尙貞為琉球國中山王。○五月。辛亥。上還京師。○

六月。甲辰。文華殿大學士馮溥。字孔博。益都人。以老乞休。允之。○秋。七月。己巳。彗星見井

宿度尾。○詔羣臣各言政事闕失。○冬。十月。酌裁各省分守分巡道。○如江南

分守鎮江道。分巡徽道寧。山東分巡驛傳陝。道西分守關西道。關南道。分巡驛

傳道。浙江分巡杭嚴道。江西分守湖西道。湖東道。廣東分守嶺東道。嶺西道。羅

李光地。友陳夢雷。為作絕交書。以文字獄殺朱方思。

册封琉球國十尙貞。

彗星見。言政事闕失。

議修蕭家  
渡決口

册封安南  
國王黎維  
正

諭邊疆提  
鎮不時入  
觀

我將軍亦  
跪人耶

鄭經日近  
醇酒婦人

定道。分巡雷廉道。嶺南道。廣西分守蒼梧道。江左道。分巡桂平道。江右道。鬱林道。四川分守督糧道。貴州分守桂東道。雲南分守臨沅道。洱海道。悉裁之。編召河道總督靳輔來京。編以蕭家渡決口議修也。編十二月。岳樂傑書罰俸。革喇布王爵。編岳樂傑書以討賊失機。簡親王喇布以調度乖方也。

編癸亥。二十二年。春。正月。遣使册封安南國王。編使翰林院侍讀學士明圖編修孫卓同往。以國王黎維正嗣位。故册封之。編二月。甲申。上幸五臺山。三月。戊

申。還京師。編復設廣西蒼梧守道。右江巡道。編夏。四月。諭邊疆提鎮宜常入京覲見。編防患未然。編法益加密矣。編上諭大學士等。邊疆提鎮久握兵柄。殊非美事。倘使常來朝

見。則心生敬異。如吳三桂耿精忠尙之信輩。亦以不令來朝。心生驕妄。以致反叛。況邊陲將士。惟知其統轄之主。不習國家法度。前者朕曾降敕於廣西將軍

馬承蔭。承蔭跪受。諸人皆驚曰。我將軍亦跪人耶。即此觀之。兵權不可令久擅也。編六月。上奉太皇太后出古北口。秋。七月。還京師。編八月。提督施琅字尊侯。晉江人。入

臺灣。鄭克塽降。寘臺灣府。編先是鄭經自廈門敗歸。日近醇酒婦人。委政於其

鄭氏嫡庶  
爭嗣至於  
亡國

姚李并薦  
施琅

我舟泊海  
中十二日  
忽大霧潮  
高丈餘舟  
浮而進遂  
得古灣

平壤之功  
上在平壤之

長子克壘。克壘賢。信用陳永華。禮賢下士。物望歸之。而羣小畏其明察。爭煽流言。謂克壘為乳婢子。不當立。侍衛馮錫範先以計罷陳永華兵柄。永華鬱鬱死。克壘失助。時成功妻董氏尚在。入閒言。遣人襲殺克壘。而立次子克塽。克塽弱。不能蒞事。一切待決於錫範。於是鄭氏遂敗。總督姚啓聖以有機可乘也。據實聞於朝。并薦水師提督施琅才可用。李光地奏亦如之。上遂諭琅專任臺事。時劉國軒守澎湖。琅軍攻破之。國軒由吼門逸。琅軍藥勝抵臺灣。至鹿耳門。舟膠淺不得入。泊海中。十有二日。忽大霧。潮高丈餘。舟師浮而進。鄭氏皆駭曰。我先王得臺灣鹿耳。今復然天也。遣使乞降。許之。於是國軒錫範以克塽降。繳上成功所受明延平郡王招討大將軍金印各一。公侯伯及將軍都督等銀印五。籍土地戶口府庫軍實以獻。臺灣平。琅由海道報捷。七日。至京。而啓聖由內地馳驛。遲二日。詔封琅靖海侯。策勛在平。濱諸將上。克塽入都。授公爵。國軒錫範俱伯爵。鄭氏自成功傳三世。三十八年而滅。收其地。置臺灣府。設諸羅臺灣鳳山三縣。九月己卯。上奉太皇太后幸五臺山。冬十月丙午。還京師。予殉難陝西徑略武英殿大學士莫洛諡忠愍。

子成龍爲清官第一

魚亮自行投罪

中山王尙貞遣陪臣子弟入監讀書

李霽老成持重風度端凝帝始南巡

諭巡幸供張勿擾害

甲子二十三年春正月諭內外問刑官毋得非法拷訊夏五月己巳故江

南江西總督于成龍卒字北溪山西永甯人初選廣西羅城令備嘗諸艱三桂稱兵

時攝武昌府事籌餉弭盜政績卓著洊升至江南總督以清介受主知稱爲清

官弟一江甯大盜魚亮倚駐防都統爲解有司莫敢捕成龍至有按察使某爲之羞成龍笑曰子毋以他物誑我第以其頭曰盍取之魚亮長跼笑曰取公頭不待公命也方下梁時如有物擊我首公神人亮心服矣遂收之至是卒予諡清端諭九卿詹事科道舉

清廉官吏直隸靈壽縣知縣陸隴其字稼書浙江平湖人與焉六月琉球國中王尙

貞請遣陪臣子弟入監讀書許之上出古北口避暑秋八月還京師故靖

逆侯張勇卒贈少師予諡襄壯甲寅大學士李蔚卒臺灣新復施琅請

設官如內地廷臣多以海外難守議棄其地霽持不可遂從琅議霽爲人老成

持重風度端凝至是卒予諡文勤九月帝始南巡國圖著始也詢疾苦以此築遊觀亦以此禮臣稱

虞舜東巡至於岱宗燔柴致祭漢高過魯以太牢祀孔子俱係巡幸所至行致

祭禮今皇上聖德神功同符堯舜仿古之制爰事東巡經過泰山闕里亦應致

祭泰山照祀五嶽禮行孔子照闕里祀典行從之又諭戶部朕巡幸供張悉從

祭禮今皇上聖德神功同符堯舜仿古之制爰事東巡經過泰山闕里亦應致

百姓

祀東岳

設七星太平二壩以分水勢

江甯較射

祀孔子先師

命彭春駐兵黑龍江著國際交涉之始

節儉。勿令地方官科取民間。擾害百姓。**編**冬十月。庚子。上至濟南府。壬寅。至泰

安府。登泰山。祀東嶽。**圖**上自泰山南行。庚戌。駐郟城。壬子。臨視天妃廟。臨黃河渡口。見

水勢湍急。指授河臣。改爲草壩。設七星太平二廡。以分水勢。是日過清河縣。屬舊

淮安府。今改淮陰。乙卯。自儀徵渡江。泊京口。今丹徒縣。丙辰。幸金山。在丹徒縣西門外。遊龍禪寺。戊午。駐

蘇州府。己未。幸虎邱。山名。在蘇州閶門外。吳王闔閭葬此。庚申。幸惠山。山在常州府無錫縣。**圖**十一月。壬戌。上至江

寧府。今江甯縣。謁明太祖陵。**圖**上駐蹕江寧城。登雨花臺。謁明孝陵。甲子。幸江寧教

場。命各將軍副都統總兵官及內大臣侍衛較射。遂回鑾。丁丑。經泗水東境。幸

泉林寺。戊寅。幸曲阜。舊屬兗州。孔林所在。己卯。詣先師廟。**圖**庚寅。上還京師。

**編**乙丑。二十四年。春正月。癸未。命都統彭春等。以兵駐黑龍江。備羅刹。即東俄也。羅國著國際

交涉之始也。**圖**羅刹爲俄羅斯東部。與中國以外興安嶺爲界。明末。清兵定黑龍江。及

使犬使鹿各部。東北際海。彼羅刹者。亦東踰外興安嶺。侵偪黑龍江之雅克薩

及尼布楚二處。築城居之。兩師相值。各罷兵。既又南向。侵掠布拉特烏梁海。奪

四佐領。清廷因遣兵毀其木城。兵退而羅刹復居如故。康熙初年。嘗附貿易商

議攻雅克薩城

修賦役全書

修政治寶訓

我軍克復雅克薩城

王趙爭功互劾帝還令其奏章而全保護矜

召斬輔子成龍至京議河工事

人尼果賈貽察罕汗書。俄羅斯真不答。而侵掠如故。帝命都統瓦山往黑龍江。

同將軍薩布素議攻雅克薩城。且擾其田禾以困之。羅刹仍死守不去。至是以

薩布素師久無功。乃遣彭春等統兵赴之。仍管督耕事務。尋遣鑾儀使侯林興

至彭春營。參贊軍務。乙酉。召試翰詹諸臣於保和殿。二月。詔修賦役全書。

夏。五月。命大學士勒德洪王熙字子雍宛平人等修政治寶訓。六月。庚寅。帝巡幸塞

外。癸巳。出古北口。是日。都統彭春奏克復雅克薩城。其羅刹城守頭目額里

克舍等詣軍前乞降。戊戌。帝還京師。乙巳。帝又巡幸塞外。秋。九月。戊午。至

博洛和屯。聞皇太后有疾。回鑾。己未。入京。辛巳。故奮威將軍陝西提督王進

寶卒。進寶與趙良棟以功名競爭。不相能。先是周將胡國柱夏國相引兵由

黔入川。川將譚宏彭時亨叛應之。永寧建昌相繼失。良棟劾進寶擁兵不救。進

寶亦疏劾良棟。二人由此交惡。及滇黔平。帝召二人至京。命王大臣發還前此

互訐奏章。宣諭二臣功績并茂。宜保護矜全。其私忿攻訐。甚無謂也。冬。十月。

癸卯。召南河總督靳輔按察使于成龍字振甲。漢軍鑲紅旗人。與己故江南總督同名。至京。詳議河工事務。

罰朝鮮國銀二萬

訪求遺書

黃機熟於掌故

蘇撫湯斌毀五通淫祠并奏請立案

靳輔議開大河。建長隄。高一丈五尺。束水一丈。以敵海潮。于成龍議疏浚海口。故道。帝命工部尙書薩穆哈學士穆稱額速往淮安高郵等處。會同徐旭齡字元文錢湯斌字孔伯。睢州人。詳問地方父老。期於兩旬內回奏。後卒用輔議。編十一月日食。會諸臣極言闕失。

編丙寅。二十五年春。正月。遣副都統馬喇等往黑龍江屯田。編二月。罰朝鮮國

王銀二萬兩。編以韓人韓得完違禁越江探葭。且擅放鳥槍。打傷官役。故罰之。

編三月己未。命纂修一統志。編停三年大計例。編并將各省藩臬賞冊入覲例

停止。編夏四月。詔訪求遺書。編帝方典學右文。欲網羅古今遺佚書籍。故有是

命。編丁酉。故大學士兼吏部尙書黃機卒。編機字次辰。錢唐人。修太祖實錄。三朝聖訓。平

定三逆方略等書。充總裁官。熟於掌故。官至大學士。卒賜祭葬。予謚文僖。編閏

四月。以江蘇巡撫湯斌為禮部尙書。編斌在江蘇。嘗疏言蘇州府上方山有五

通淫祠。幾數百年。遠近之人。奔走如鶩。牲牢酒醴之享。歌舞笙簧之奏。無時閒

歇。諺謂其山曰肉山。其下石湖曰酒海。凡少年婦女。有寒症者。巫覡輒曰五通



魏裔介屢  
曠屢起終  
不易操

河工重大  
不能輕易  
人員

帝閱兵於  
蘆溝橋

欲娶為婦。病者神魂失據。往往羸瘵以死。每歲無慮數十百家。視河伯娶婦為更甚。臣多方禁止。其風稍息。比因臣勘災至淮。乘隙益復猖獗。臣遂收妖像木偶。付之烈炬。土偶投之深淵。民始而駭。以為從前會有長官銳意革除。旋即遇崇身死。皆為臣危。數月以後。見無他異。始悟往日之非。然吳中巫覡。最黠且悍。恐臣去任之後。箕斂銀錢。更議興復。請賜特旨嚴禁。永遠勒石。詔如所請。五月。原任保和殿大學士魏裔介卒。裔介居諫垣數十年。最為敢言。屢躓屢起。終不易操。至是卒。國人惜之。後雍正十年追諡文毅。六月。工部奏參河道總督靳輔。詔免議。工部以輔經理河工。已歷九年。虛糜錢糧。成功無日。應議處。上曰。河工重大。一時不能成功。即行處分。或另派人承乏。必多貽誤。不許。秋。七月。辛亥。帝巡幸塞外。八月。丙子。還京師。

丁卯。二十六年。春。正月。喀爾喀諸汗請上尊號。不許。喀爾喀土謝圖汗察罕。車臣汗納爾布及七旗濟農台吉等。合詞請上尊號。上以治功未竟。却之。二月。癸丑。帝大閱於蘆溝橋。秋。七月。故大學士宋德宜卒。德宜字右之。長洲人。與弟

三宋

魏象樞造  
鄉泣諫請  
去明珠索  
鄉圖

寒松老人

琉球王尙  
貞留子弟  
於國學讀  
書  
郭琇參  
輔治河無  
功

又劾明珠  
余國柱佛  
倫諸不法

德宏德宸俱以文學著名。時稱三宋。至是德宜卒。予諡文恪。編八月己酉。帝巡幸塞外。九月己卯。還京師。編冬十月。故刑部尙書魏象樞卒。圖象樞字環溪。山西蔚州人。以剛鯁受主知。時索額明珠用事。嘗因地震造鄰泣諫。謂二相植黨市權。排忠良。引僉壬。甚非國家之福。上雖不能用。亦優容之。既告歸。賜寒松堂額。因自號寒松老人。卒年七十一。予諡敏果。編十二月己巳。太皇太后崩。

圖戊辰二十七年春二月。琉球遣使入貢。并子弟留國學讀書。圖琉球中山王尙貞遣使入貢。并請以子弟梁成楫等三人留國學讀書。許之。圖御史郭琇字華野。即墨人。疏參靳輔治河無功。詔免輔職。并革其幕客陳潢官銜。又揭參大學士明珠。余國柱植黨營私。連及尙書佛倫。得旨降黜有差。圖初靳輔以公事過邯鄲。見有題壁詩甚美。署名爲秀水陳潢。因蹤迹得之。延爲幕賓。凡輔奏牘。皆潢所爲。帝於閱工時。嘗從容問輔曰。爾左右必有通今博古之人。輔以潢對。復疏薦之。得賜僉事道銜。至是琇劾靳輔派累擾民。涉及陳潢。上罷輔任。并奪潢官秩。同時琇又疏劾明珠。余國柱佛倫諸不法。上震怒。革明珠大學士。

國圖者言官不避權貴。能盡職也。

華字

郭琇由此受知得大用  
武昌兵變  
夏逢龍稱  
總統兵馬  
大元帥

葉映榴令  
妻奉母出  
險然後坐  
公堂罵賊

瓦岱平武  
昌之亂

其黨余國柱佛倫及李之芳熊一瀟科爾坤等亦以此獲罪。上因諭諸臣潔己奉公。勿蹈陋習。琇由此受知。遂得大用。不二年擢為左都御史。圖夏六月。武昌兵變。夏逢龍自稱總統兵馬大元帥。巡撫桐永昇遇害。署布政使葉映榴字炳霞上海人死之。圖先是三藩之禍。朝議以湖廣當兵衝。增設總督標兵二營。事平。以次裁撤。遊兵散勇。嘗往來於湖湘閒。及湖廣總督裁併後。并舊有之標兵。亦議截止糧餉。於是眾論洶洶。相聚謀變。有景陵人夏逢龍者。使氣好大言。素以排解服眾。人呼之曰夏包子。又有妖僧大元。相逢龍必大貴。逢龍惑之。至是遂勾眾圍巡撫署。遇襄陽鎮總兵許盛於轅門。射殺之。永昇投井死。逢龍自稱總統兵馬大元帥。劫署布政使葉映榴以下諸官至。迫令受職。映榴佯應之。始以無殺百姓。三日當如約。於是令其妻奉母自水關出。而自具遺疏付家人先逸走。然後升坐堂皇。罵賊自剄死。事聞。帝意惻然。特命從優議卹。當是時也。賊兵數千。皆征滇白賊。又招徠江湖盜賊。四出劫掠。連陷

嘉魚咸甯蒲圻漢陽諸縣。脅從數萬。使其總兵胡耀乾偕僧大元守省城。而逢龍自將渡漢陽。犯德安。石城知縣齊國政率眾固守。逢龍竭力攻之。不能下。圖秋七月。詔以都統瓦岱為振武將軍。調江寧。滿漢兵會武昌。執夏逢龍等誅之。圖瓦岱兵既出。已陷諸郡。

帝南巡

因高家堰各處堤工  
得法復斬  
輔官

郭琇又揭  
參高士奇  
王鴻緒陳  
元龍

許三禮疏  
効徐乾學

縣皆反正。提督徐治都與逢龍戰於赤磯山之鯉魚壕。適薄暮驟雨。亂眾軍械火藥多半沾溼。官軍於上風縱火。以鐵騎蹴之。亂眾潰。逢龍單騎入武昌。詎守城之胡耀乾已斬僧大元來乞降矣。逢龍知事敗。亡命黃岡。乞食村寺。官軍走捕之。與胡耀乾并誅之。

**編**丙戌。帝巡幸塞外。九月辛卯。還京師。

**編**己巳。二十八年春正月丙子。帝南巡。**編**甲申。至濟南府。壬辰。御舟由中河巡閱河道。遂自清河縣渡黃河。乙未。至揚州。二月辛丑。至蘇州。丁未。至杭州。辛亥。渡錢塘江。泊舟會稽山麓。乙卯。自杭州回鑾。癸亥。至江寧府。三月戊辰。啓蹕。壬申。至淮安府。甲戌。閱視高家堰一帶隄岸。廝壩以前任河督靳輔修治有功。復其官。丙戌。還京師。

**編**秋七月。立皇貴妃佟氏爲皇后。甲辰。皇后崩。**編**八月。癸酉。帝巡幸邊外。九月癸卯。還京師。

**編**高士奇王鴻緒字季友陳元龍字乾齋有罪。休致回籍。**編**御史郭琇奏參原任少詹事高士奇左都御史王鴻緒植黨營私諸罪。并何楷陳元龍王頊齡字顯阿附有迹。得旨高士奇王鴻緒陳元龍俱休致回籍。王頊齡何楷著留任。

**編**冬十月。副都御史許三禮字典三疏効原任刑部尙書

帝書光燄  
萬丈四字  
賜乾學以  
寵其行

惟明珠一  
擊於歷史  
較有聲價

徐乾學字健庵，  
崑山人。奉旨嚴飭。三禮劾乾學律身不嚴。大干物議。以張汧所供納賄

事為證。張汧者。湖北巡撫。以貪墨被議者也。又許其子考御史。徐樹穀不遵回

避例。乾學具疏辨論。帝以三禮所劾俱不實。降二級調用。三禮疏許不已。并及

乾學之弟大學士徐元文。帝終不直三禮。特加嚴飭。初乾學疏解部務。詔許領

各史館總裁。至是遂告歸。帝書光燄萬丈額以寵其行。乾學既歸。又為兩江總

督傅臘塔所劾。帝寘不問。乾學以文學負重名。輕財好客。為士類所歸。因交遊太廣。其家人  
門客。時因緣為奸。故屢為言路所攻。帝知無他。卒保全之。

伯通氏曰。康熙中葉。不獨滿大臣有黨也。即漢大臣中亦然。如是則抨擊之事起矣。滿人之黨。如明珠圖海章秦科

爾坤佛倫團結一氣。而以李之芳余國柱熊一瀟等附之。於是勢燄薰灼。致來郭琇之彈章。郭為漢人。亦非無黨也。

當時彭鵬許三禮輩。位居諫垣。自命清流。亦極互相聲援。非常風厲。故吾謂彭鵬劾李光地貪位奪情。（事見後三  
十三年。）三禮劾徐乾學元文兄弟招搖受賄。郭琇劾高士奇王鴻緒等營私植黨。則皆黨同伐異。無非意氣用事。

然而就事論事。當以華野明珠一擊於歷史上較有聲價也。

庚午。二十九年春正月。命大學士等察閱宮中御用器物。圖圖書之。志帝  
意在示儉也。尋據

大學士等奏稱。前奉上諭。以前明宮殿樓閣命名。并慈寧寧壽乾清三宮嬪妃  
宮人及老嫗數目。宣示外廷。續又奉諭。以天旱擬減宮中所用器物。因自來未

清宮御用  
器物及服  
役人數比  
較前數不  
及十分之  
一

清命索額  
等與俄使  
定邊界用  
五體文字  
勒石為約  
凡七條

嘗有餘。不能再減。命臣等詳加察閱。臣等查故明宮中。每年用金花銀九十六萬。係兩今已悉數充餉。光祿寺送內用銀二十四萬。今止三萬。每年木柴二千

六百萬斤。今止七八萬斤。紅螺炭一千二百八萬斤。今止百萬餘斤。各宮牀帳

輿轎花球等。每年需銀二萬。今俱不用。前明宮殿樓閣亭門。共七百八十六座。

今不及十分之一。至各宮殿基址牆垣。俱用臨清甌木。皆柟木。今則常甌松木

而已。皇上凡百擗節。儉約至矣。使令老嫗。灑掃宮女。除慈寧寧壽兩宮外。如乾

清宮自妃嬪以下。共止百三十四人。可云至少。不獨三代以下所無。即推而上

之。恐亦未有如此者。**圖**三月。命內大臣索額圖等與俄羅斯使臣會議於黑龍

江。定邊界。國此為尼布楚條約。志與外國定約之始。**圖**先是荷蘭貢使杜都稱與俄為近隣。乃以國書附

令達俄汗。時舊汗已沒。新汗大彼得嗣位。復書稱中國來書。無人通解。今已知

邊人構釁之由。即遣使臣詣邊定界。朝命索額圖為正使。以都統公國舅佟國

綱尚書阿爾尼左都御史馬齊副之。繙譯為宣教師。徐日昇張誠。至黑龍江與俄使費要多羅會

議。定約七條。一將由北流入黑龍江之綽爾納河。及烏倫穆河相近格爾必齊河為界。循綽爾納河上流不毛之地。有石大興安嶺以至於海。凡山南一帶。流入黑龍江之溪河。盡屬中國。山北一帶之溪河。盡屬於俄。烏地河

大清會典  
成張玉書  
為大學士  
噶爾丹犯  
邊帝下詔  
親征

噶爾丹率  
騎三萬擊  
走喀爾喀  
三部

以南與安嶺以北中間所有地方河道暫行存放。續後再定議。二將流入黑龍江之額爾古納河為界。河之南屬中國。河之北屬俄。其南岸之盾勒爾喀河口。所有俄人房舍。遷移北岸。三將俄人所修之雅克薩城。盡行除毀。該處所居俄人及牲畜等物。盡行撤往察罕汗之地。凡獵戶人等。不許越界。如有越界捕獵偷盜者。即行擒拏。定各地方該管官懲處。或十八十五人相聚持械捕獵殺人搶掠者。即行正法。不以小故阻壞大事。仍與中國和好。毋啟爭端。五從前一切舊事不議外。中國所有俄人。俄國所有中人。仍留。不必遣還。嗣後有逃亡者。不在此例。六今既永相和好。以後一切行旅。有准令往來文票者。許其貿易不禁。七關於兩國疆土之一切紛擾告終。和好既定。兩國須確守前記之諸項。用滿漢

拉丁蒙古俄斯五體文勒石。立於黑龍江西岸。此為尼布楚條約。夏四月丁

亥。大清會典成。大學士徐元文字公肅休致回籍。以張玉書字素存丹徒人為文華殿大

學士。六月。帝以噶爾丹犯邊。下詔親征。噶爾丹者。蒙古厄魯特部酋長也

元之亡。蒙古分為三大部。曰漠南蒙古。曰漠北喀爾喀蒙古。皆成吉思汗之裔。

惟居西域者。非元太祖後。出脫歡太師及也先一作額森。瓦刺可汗之裔。是為厄魯

特四衛拉蒙古。四衛拉者。曰準格爾居伊犁。曰都爾伯特居額爾齊斯河附近。曰土爾扈特居塔

爾巴居烏魯木齊。曰和碩特居烏魯木齊。康熙中。準格爾綽羅斯台吉死。子僧格立。僧格死。子索諾

木阿拉布坦立。僧格弟噶爾丹弑之而自立。為準格爾汗。未幾兼有四衛拉部。

而與喀爾喀為隣。適喀爾喀三部內鬩。噶爾丹率騎三萬。逾杭愛山山形似駱駝故名。突

擊土謝圖汗。走之。又攻破其隣部右翼車臣汗。左翼扎薩克圖汗。又劫其大喇

準部至烏  
蘭布通

帝下詔親  
征分三路  
出兵

敗噶爾丹  
於烏蘭布  
通

嘛哲卜尊丹巴胡圖克圖之帳。於是喀爾喀三汗部落數十萬衆。皆來奔。帝命  
 尙書阿爾尼等發歸化城張家獨石二口倉儲。并賜茶布牲畜十餘萬。以贍之。  
 借科爾沁水草地。使游牧。噶爾丹亦遣使入貢。帝命歸喀爾喀侵地。不應。踞喀  
 爾喀王庭。徵諸屬國。控弦之士二十餘萬。以追喀部爲名。選銳東犯。於是年五  
 月。侵及烏蘭布通。土謝圖汗地。內蒙  
古。中。東。四。盟。北。境。帝集羣臣議。乃下詔親征。命撫遠大將軍裕親  
 王福全帝之兄爲左翼。皇子胤禔副之。出古北口。安北大將軍恭親王常甯帝之弟爲  
 右翼。簡親王雅布信郡王鄂扎副之。出喜峯口。內大臣身身佟國綱佟國維大  
 臣索額圖明珠阿密達都統蘇努喇克達彭春阿席坦諾邁護軍統領苗齊納  
 楊岱前鋒統領班達爾沙邁圖俱參贊軍務。又命康親王傑書率兵會福全。又  
 命都統希福亦參贊軍務。旋以胤禔與福全不協。撤回京。圖秋七月。癸卯。帝巡  
 幸邊外。八月。乙丑。還京師。圖我軍大敗準格爾兵於烏蘭布通。噶爾丹遁。命班  
 師。圖噶爾丹之侵及烏爾會河尙書阿爾尼以蒙古兵擊之。而令喀爾喀奪還  
 所損牲畜。喀部貪利爭取。陣遂亂。反爲厄魯特所敗。乘勝東趨。我右翼兵遇之



駝城

噶爾丹得生還科布多者僅數千人

杜立德每歲求辟為求生路

馮溥萬柳堂於京

於烏珠穆沁。東二盟之一旗戰復不利。噶爾丹遂深入烏蘭布通。去京師七百里。乃止。右翼改命康親王傑書等屯歸化城。要其歸路。是月。裕親王福全軍遇敵於烏蘭布通。敵騎數萬。陣山下。依林阻水。以萬駝縛足臥地。背加箱垛。蒙以溼氈。柵列如牆。士卒於垛隙發矢銃。備鉤距。謂之駝城。我師隔河而陣。以火器為前列。遙攻中堅。聲震天地。自晡至暮。駝斃於礮。頽且仆。陣斷為二。步騎爭先陷陣。噶爾丹大敗。遣使卑詞求和。不俟報。即拔營越大磧山宵遁。沿途饑踣。得生還科布多者。僅數千人。噶爾丹具疏謝罪。上因班師。

**圖**辛未。三十年。夏。四月。帝巡閱邊外。**圖**庚午。次古北口。閱兵。因命土謝圖汗哲

卜尊丹巴胡圖克圖進行。幄朝見。喀爾喀汗台吉等行禮畢。以次序坐。賜宴。**圖**

五月。癸卯。帝還京師。**圖**秋。七月。己酉。保和殿大學士杜立德卒。**圖**立德字純一。寶坻人。明崇禎

禎士。官刑部尚書時。每讞重辟。必為求生路。沒後。帝對大臣稱其老成恪慎。意

甚惜之。予謚文端。**圖**閏七月。帝巡幸塞外。九月。乙丑。還京師。

**圖**壬申。三十一年。春。三月。甲戌。原任文華殿大學士馮溥卒。**圖**溥字孔博。益都人。好賢禮

上以三大  
事書之宮  
中柱上

新輔疏陳  
治河方法  
帝謂其經  
理之任雖  
後有來河  
互有損益  
以規畫也

士賞築萬柳堂於京師。暇則與賓客觴詠其閒。風流文采。當世誦之。至是卒。予諡文毅。圖夏四月。復用靳輔爲河道總督。圖上嘗諭閣臣。以三藩及河務漕運爲三大事。夙夜靡念。會書之宮中柱上。至是尙存河務未了。適河道總督玉新以侵盜庫銀被劾。著革職。以靳輔代之。輔以老病固辭。不許。圖秋七月乙亥。帝巡閱塞外。九月乙卯。還京師。圖冬十二月。河道總督靳輔卒。圖輔字紫垣。遼陽人。始領軍鎮黃旗。受命治河。值黃水四潰。不復歸海。清口運道盡塞。輔上疏。言清江口以下不浚築。則黃淮無歸。清口以上不鑿引河。則淮流不暢。高堰之決口不盡封塞。則淮分而刷河不力。黃必內灌。而下流清水潭亦危。且黃河南岸不堤。則高堰仍有隱憂。北岸不堤。山以東必遭衝潰。故築堤岸。疏下流。塞決口。但有先後。無緩急。今不爲一勞永逸之計。屢築屢圯。勢將何所底止。疏上。羣臣多異議。帝特允所請。功未竟。而于成龍等極言其失。輔遂解任。去後。帝悟。復使輔任其事。輔既卒。帝思之曰。靳輔經理之任。雖後來河臣互有損益。而規模創實。不能易也。予諡文襄。

命費揚古為安北將軍。備噶爾丹。

問于成龍。反對靳輔。理由安在。成龍不能答。

彭鵬嚴劾李光地奪情不守母制。

○癸酉三十二年夏五月。命費揚古為安北將軍。備噶爾丹。姓董鄂氏。滿洲正白旗。  
○時為侍衛大臣。襲爵三等伯。帝以噶爾丹終叵測。乃命為安北將軍。總管歸化城官兵。整飭訓練。以待時機。  
○秋八月。癸未。帝巡幸塞外。九月。丁卯。還京師。  
○冬十月。嚴禁造酒。帝以畿輔米價翔貴。嚴禁順天永平保定河間諸府製造燒酒。

○甲戌三十三年春正月丙辰。命河道于成龍革職留任。  
○朝議成龍請增設河道官員。及豁免民夫。俱不合。應革職。帝召成龍來京。詰以往日力詆靳輔。反論減水壩宜塞不宜開。理由安在。成龍引罪。命革職留任。戴罪圖功。蓋成龍從前專與靳輔為難。後繼輔任。方悉其謬故也。  
○夏五月。命提督順天學政李光地解任。在京守制。  
○光地遭母喪。帝命在任守制。光地乞給假數日治喪。御史沈愷會楊敬儒交章論劾。給事中彭鵬字奮斯。福建古田人。詆光地為貪位忘親。傳旨詰問。鵬執奏愈力。且言臣與光地皆閩產。今若此。人人切齒。桑梓汗顏。帝嘉其直。因令光地解任。在京守制。  
○兩江總督傅臘塔卒。  
○傅臘塔姓伊爾根覺羅氏。滿洲鑲黃旗人。與征滇之傅拉塔同名。在

江南清官  
總于成龍  
後者惟傳  
臘塔

吳璵有守  
有為

帝以堤岸  
應加增築  
指示巡撫  
總兵

江南時嘗疏言淮揚所屬多版荒田前撫臣宋犖曾奏請緩徵格於議臣查鹽城高郵等州縣因遇水災業戶逋逃者衆今田有涸出之名人無耕種之實小民積困之餘熟田額糧尙多懸欠何能代賠盈萬之荒賦倘拘責保甲里鄰逃亡益多是使熟田盡變荒田於國課毫無裨益請特恩蠲除許之及卒民誦其仁帝諭閣臣曰兩江總督居官善者自于成龍後惟傅臘塔一人予諡清端

擢吳璵爲湖廣總督

湖北自裁兵而後經夏逢龍之變黠者率指仇人爲賊株連不已巡撫吳璵

字伯美沁州人

概不究治懲其妄訐者人心大定帝以璵有守有爲擢爲湖廣總督

秋七月帝巡幸邊外九月己卯還京師

乙亥三十四年春二月原任文華殿大學士李之芳卒

之芳當耿藩稱兵與將軍賴塔

姓那穆都魯氏滿洲正白旗人

自杭趨衢時自巡撫以下僉謂會城根本不當移鎮之

芳不應後卒全三衢爲破敵根本人始服其先見至是卒予諡文襄

夏四月山西地震命尙書馬齊往振

以壓斃人民甚衆故也壬申帝巡視新河及海口運道

車駕自通州崔家樓登舟乙亥閱寶家口隄岸以應加增築處指

帝再親征  
噶爾丹命  
皇太子留  
守京師

沙磧不宜  
停車留大  
隊馱子母  
而行

示巡撫沈朝聘。總兵李鎮鼎等。戊寅。閱海口。命於其處立神仙廟。戊子。還宮。  
六月。庚子。以京師久雨。詔廷臣言事。  
勒和洛。內蒙古地。命都統公宗室蘇努都統阿席坦護巴等。分統大軍備噶爾丹。授  
費揚古右衛將軍。仍兼攝歸化城將軍事務。

丙子。三十五年。春。二月。丙辰。帝親征噶爾丹。命皇太子胤礽留守京師。  
是噶爾丹入犯敗歸。遣使至歸化城。聲言入貢。下詔徵之。不報。而侵略喀爾喀  
益甚。屢書索士謝圖汗及哲卜尊丹巴大喇嘛。且害我使臣。而陰遣使內蒙古。  
使各部叛歸己。科爾沁土謝圖汗親王以聞。帝以前此烏蘭布通之役。敵幾可  
滅。我師舍之不追。坐失機宜。今欲復致其來。一戰覆之。乃密令復書。偽許內應。  
而預調士馬芻糧以待。噶爾丹果率騎三萬。沿克魯倫河而下。侵掠至巴賴布  
通。自秋徂冬。踞之不去。帝決計親征。自出中路。命將軍護布素出東路。大將軍  
費揚古出西路。時西安將軍博濟甘肅提督孫思克等督陝西諸軍。來與費揚古會師。皆赴瀚海。即大沙漠也。一稱戈壁。而北。約期夾攻。沙磧  
不宜停車。乃留大隊。但馱子母。每止營。帝視軍士結營畢。然後休息。

我軍大敗  
噶爾丹於  
昭莫多

御軍至克  
魯倫河敵  
猶不信及  
徵實乃遁

帝自追噶  
爾丹不及  
而還

昭莫多之  
戰由費揚  
古能反客  
為主

五月。我軍大敗噶爾丹於昭莫多。一名東庫倫。在土拉河上流之東岸。地有大森林。故名。噶爾丹遁還。大兵由科圖返逼敵境。諸臣以沿途阻雨。士馬飢疲。乞待西路之師同進。途次復傳有俄羅斯助兵之信。大學士伊桑阿。姓伊爾根覺羅氏。滿洲正黃旗人。等力請回鑾。帝不許。率兵疾趨克魯倫河。遣使告噶爾丹。噶爾丹不信。登孟納蘭山。望見黃幄龍纛。環以幔城。網城軍容山立。乃大驚。拔營宵遁。翌日。大軍至河。則北岸已無一帳矣。克魯倫河者。起車臣汗西界。東北近黑龍江。橫亘瀚海二千里。乃內外蒙古之界也。帝初意敵必扼河拒戰。故兩路出師。攻其腹背。及是知敵已喪膽。遂命領侍衛內大臣馬思哈等搜討巴顏烏蘭近地。而自率前鋒追之。三日。至拖諾山。不及而還。命內大臣明珠盡運中路之糧。以濟西師。敵奔馳五晝夜。中途欲拒戰於拖諾山。而衆奔不能止。適我西路兵。即博濟孫思克之軍。往會費揚古而來者。邀之於昭莫多之地。時敵軍至者近萬。然皆百戰之士。我師以道遠飢疲。馬僵其半。士多徒步。費揚古議以馬力不能馳擊。非反客為主不可。距敵三十里。即止營設伏以待。先遣前鋒四百。且戰且却。誘敵至昭莫多。左右翼騎兵。一據山陣於東。一沿土拉河陣於西。敵冒

我軍殪其  
可敦阿努

帝召見格  
納古英諭  
囑爾丹降  
至仍備強不

噶爾丹流  
渾漠北其  
伊犁根據  
子地已為兄

矢礮鏖戰。自未至酉不退。日暮費揚古命左右翼勁騎橫衝突陣。以襲其後。輜重敵始敗潰。追北三十餘里。斬數千級。并殪其可敦阿努。可敦者。準部稱其汗之妃也。頗哲敢戰。至是亦斃於礮。噶爾丹以數十騎遁。捷聞。帝命費揚古留防科圖。護喀爾喀部。并御譔銘勒察罕拖諾山。及昭莫多之山石而還。六月。至京師。秋。九月壬申。帝巡幸塞北。經理軍務。帝於十一月戊寅。駐蹕東斯垓。內蒙古地。噶爾丹使人格納古英至。帝召見。數噶爾丹侵犯喀爾喀。及擾我邊境之種種罪惡。且許其降。尋放還。遂命班師。而噶爾丹仍倔强不至。冬十二月壬寅。帝還京師。

編丁丑三十六年春。二日。帝親征噶爾丹。三月。車駕至甯夏。夏四月。泊舟布古圖。今阿拉善厄魯特北境。聞噶爾丹自殺。乃班師。先是噶爾丹自破喀爾喀。流連漠北。久久不歸。其伊犁舊有部落。漸為其兄子策妄阿拉布坦所收服。自阿爾泰山以西。盡非噶爾丹所有地。及至昭莫多一敗。一時精銳喪亡。牲畜皆盡。急歸收合舊部。從者或僅千人。或數百人。自相偷盜羊馬。不能成軍。帝欲乘其窮蹙降之。適

噶爾丹飲藥自盡

施琅晚年頗恃功驕

明珠抑敍良棟之功為義子吳丹報復

帝稱良棟為偉男子帝屏左右召見丹濟拉

康親王傑書卒於軍。姑緩發。三月。帝至甯夏。集衆決策。分兵兩路。以馬思哈費揚古夾擊之。噶爾丹以糧不繼。遣其子塞卜騰巴珠至哈密今新疆縣名徵軍糧。回人執而獻之。閏三月乙未。帝自甯夏啓蹕。四月甲子。泊舟布古圖。大將海費揚古以噶爾丹飲藥自盡聞。上命還師。噶爾丹欲四歸伊犁。則根據地已失。且聞其兒子股伏中途。將執已以獻。欲南投西藏。則清軍絕其交通之路。不得遁。乃以是年閏三月十三日飲藥自盡。兄子策妄阿拉布坦以其骸骨及一女來獻。帝許葬。土謝圖汗復歸舊牧。朔漠悉平。

五月乙未。帝還京師。五月。靖海大將軍施琅卒。琅晚年頗有言其恃功驕蹇者。上謂其功大。卒保全之。至是卒。予諡襄壯。六月己巳。原任勇略將軍雲貴總督趙良棟卒。平滇之役。良棟功最高。為大學士明珠所抑。不得敍。良棟之征滇也。以將軍吳丹總兵朱衣客失機。嘗疏劾之。上交部議。衣客論斬。吳丹奪職。籍沒。吳丹故明珠之善子也。良棟自陳戰功。故明珠輒廢之。

嘗見帝自陳。且及明珠與圖海章泰諸人朋謀傾害。帝責其器量偏狹。還其疏。仍敕部優敍。部議授爵三等子。詔晉為一等公。至是卒。上諭閣臣曰。勇略將軍趙良棟。偉男子也。為國家宣力。厥功甚茂。倏以疾逝。朕甚愍焉。可令皇子臨視奠醊。予諡襄忠。秋八月。帝巡幸邊外。九月甲申。駐蹕特木爾達巴漢地方。內蒙古地。厄魯特台吉丹濟拉至。帝屏左右見之。語良久。丹濟拉出。驚謂諸大臣曰。



奪情之典  
不復行

命張翮  
屈從入京

我乃叛逆罪人。因家困來歸。帝乃待之不疑。我自今誠心感戴。不敢有貳心矣。

甲午。帝還京師。

戊寅。三十七年。春。正月。癸卯。帝巡幸五臺山。甲辰。車駕至涿州。二月。戊辰。

帝還京師。夏。四月。癸酉。帝閱漕河。五月。癸未。還京師。六月。戊辰。大學士張

玉書。丁母憂。命回籍守制。自是奪情之典不復行也。秋。七月。辛丑。帝奉皇

太后至盛京。冬。十一月。癸未。還京師。

己卯。三十八年。春。二月。帝奉皇太后南巡。車駕自京啓行。三月。庚午。渡河。

泊清江口。閱視高家堰歸仁堤等工。辛未。閱爛泥淺等處。壬申。閱視黃河堤岸。

駐淮安。丙子。駐楊州。癸未。駐蘇州。戊子。至浙江。辛卯。駐杭州。戊戌。回鑾。夏。四月。

庚子。駐蘇州。己酉。駐江甯。庚申。駐揚州。五月。庚午。命張鵬翮字運奇。麻城人。時為兩江總督。扈從入

京。賜朝服鞍馬弓矢。以陶岱署兩江總督。辛未。泊舟仲家牖。乙酉。帝還京師。

秋。閏七月。壬子。封乳母瓜爾佳氏為保聖夫人。癸丑。帝巡幸塞外。九月。乙巳。

還京師。大學士阿蘭泰卒。阿蘭泰姓富察氏。滿洲鑲藍旗人。勤慎從公。上征噶爾丹時。命

帝巡行一切章奏交閱  
阿蘭泰閱視奏聞

李天馥有  
人倫鑒

李蟠姜宸英均於科場得罪

留京與尙書馬齊佛倫直宿禁城。特諭之曰。朕巡行後。蒙古事情。及一切章奏。爾可閱視奏聞。其信任如此。上年以年老健忘乞休。不許。至是卒。予諡文清。圖冬十月。武英殿大學士李天馥卒。圖天馥字湘北。號容齋。合肥人。為政以簡易為主。謂欲變法不如守法。欲祛弊未必無弊。上語人曰。李天馥侍朕三十餘年。未嘗有失。薦吏得陸隴其邵嗣堯彭鵬。世以為有人倫鑒。至是卒。予諡文定。圖十一月。順天鄉試正副考官修撰李蟠編修姜宸英俱得罪。嚴加議處。圖御史鹿祐疏參考官考試不公。言皆有據。因命取中舉人集內廷覆試。去留有差。蟠宸英嚴加議處。既而陝西道御史李先復言科場之弊。與其既萌而嚴其法。何如未發而絕其根。請從舊制。會試及順天鄉試內簾。設滿漢御史各一員。不與衡文之事。專主察場中情弊。從之。

圖庚辰三十九年春二月乙丑。帝出京巡閱河堤。圖帝閱華家口攔河壩。丁卯。閱匡兒港。辛未。乘舟至靜海縣東。閱于牙河堤。甲戌。閱郎城柳岔等處。辛巳。還次南苑。圖河道總督于成龍卒。圖成龍與于清端公同姓名。同以廉介稱。卒諡

因張鵬翮  
之請詔加  
河神封號

襄勤。圖三月丙辰。賜汪繹字玉輪。常熟人。少負才名。等三百一人進士及第有差。圖詔加河神

封號。圖國朝有其非祀典也。圖從河道總督張鵬翮之請。例如封英衛公伍員於錢塘。敷澤興

濟通祐王李冰父子於灌。顯佑安瀾寧漕助順之神張巡於浮梁丹徒清河。誠

應武肅王錢鏐於臨安。顯佑通濟昭靈効順廣利安民金龍四大王謝緒於宿

遷及濱河各邑。靜安公張夏於蕭山。寧江伯湯紹恩於紹興。寧漕公宋禮及永

濟之神白英於汶上。威顯靈佑王許遠於山陽之高堰。彰靈衛漕神張襄於清

河。佑民衍澤太湖神王天英於湖州及蘇州。靈感普濟神許遜於南昌。廣濟孚

順侯蔣崇仁。利濟孚順侯蔣崇義。靈應孚佑侯蔣崇信於仁利。保濟顯佑侯戴

繼元於德清。孚惠善政靈德侯王元暉於鄞。孚惠祐民天井潭神劉揚祖於慈

谿。誠孚利濟之神陳道興於義烏。宣威助順靖遠侯楊瀨於永綏廳。靈佑宏濟

顯惠王黃守才於陳留閩鄉及濱河各邑。張桓侯飛趙將軍雲於曹。諸葛武鄉

侯亮於成都。宣威布德康濟雷神陳文玉於雷州。英佑驍騎將軍江起龍襄靖

普佑神張瑜於徐。顯佑英濟廣福王武當於義寧。敷佑康澤靈應侯耿裕德於

昭莫多之戰孫思克功尤第一

王新命以誤工冒銀論死

李光地請裁河兵於河工緊急時可雇募民夫

上御箭亭較引費揚

運河揚糧廳。靈應鎮海威遠金華將軍曹杲於錢塘。敬義侯尙義侯秉義侯詹姓三神於翁源。孚惠侯晁說之於鄞。顯佑宣靈王周雄於新城。昭應伯王光鼎於建德。靈應伯周文煜於建陽。猛將軍劉承忠於各直省州縣。凡此皆春秋二仲。命所在守土官致祭如儀。**[編]**振武將軍甘肅提督孫思克卒。**[紀]**思克字蓋臣漢軍正白旗人為三等男成功子。於征滇之役。卓著戰功。及噶爾丹昭莫多之戰。功尤第一。封一等男。卒諡襄武。**[編]**冬十一月辛亥。帝巡幸邊外。十二月戊辰。還京師。

**[編]**辛巳。四十年夏。四月。河道總督王新命坐罪論死。**[紀]**新命在永定河監修誤工。浮冒銀一萬六千餘兩。刑部議罪應斬監候。從之。**[編]**五月。直隸巡撫李光地

請裁河兵。從之。**[紀]**光地疏稱。永定河南北兩岸。原設河兵二千名。所以備險工。

搶修防護也。乃兵遇緊急。率多逃竄。及水緩工停。則又坐食糜餉。今應揀選八

百名。裁一千二百名。餘餉銀一萬六千四百餘兩。可於工程緊急時。雇募附近

民夫充用。從之。**[編]**丙辰。帝巡幸塞外。**[編]**秋。九月。領侍衛內大臣費揚古卒。**[紀]**費

揚古有識量。上嘗御箭亭。命大臣校射。獨奏臣臂痛不可以弓。許之。出語人曰。

占獨辭臂  
痛恐不中  
有損國威  
人服其量

御製飭士  
太學勒石

自後塞外  
避暑率以  
爲常

我曾爲大將軍。倘一矢不中。有損國威。且爲外藩所笑。故不與諸將軍角藝也。人服其度。卒諡襄壯。**圖**乙巳。帝還京師。**圖**冬十月。癸酉。大學士張英乞休。**圖**英因衰病乞休。命以原官致仕。

**圖**壬午。四十一年。春。正月。壬寅。詔修國子監。**圖**庚戌。帝幸五臺山。二月。丁丑。巡視子牙河。三月。壬午。還京師。**圖**夏。六月。御製飭士子文。命勒石太學。**圖**時士風不整。特爲文儆飭之。

文曰。國家建立學校。原以興行教化。作育人才。典至渥也。朕臨御以來。隆重師儒。加意庠序。近復慎簡學使。益剔弊端。務期風教修明。賢才蔚起。庶幾械撲作人之意。乃比來士習未端。儒教罕著。雖因內外臣工。奉行未能盡善。亦由諸生積習已久。猝難改易之故也。茲特親製訓言。再加儆飭。爾諸生其敬聽之。從來學者。先立品行。次及文學。學術有功。源委有序。爾諸生幼聞庭訓。長列宮牆。朝夕誦讀。當無講究。必也躬行實踐。砥礪匪懈。敦本順以事親。秉忠以立志。窮經考義。勿雜荒誕之談。取友親師。悉化驕盈之氣。文章歸於醇雅。毋事浮華。軌庶式於規繩。最防蕩洗。子矜佛達。自昔所譏。苟行已有虧。雖讀書何益。若夫宅心弗淑。內間多愆。或盡語流言。侮制官長。或隱纏包訟。出入公門。或撥掠奸猾。欺孤凌弱。或招搖朋類。結社要盟。乃如之人。名教不容。鄉黨勿齒。縱幸逃禍。盜竊章縫。返之於衷。能無愧乎。且夫士子出身之始。尤宜心正。若茲厥初。拜獻便已作奸犯科。則異時敗檢論閑。何所不至。又安望其秉公持正。爲國家宣猷樹績。暨先後疏附之選哉。朕因嘉嘉爾等。故不禁反復倦倦。茲訓之頒到。爾等務共體朕心。恪遵明訓。一切痛加改省。爭自濯磨。積行勤學。以圖上進。國家三年登造。束帛弓旌。不特爾身有榮。卽爾祖父亦增光寵矣。逢時得志。當自他求哉。若仍視爲具文。玩愒勿儆。毀方鑿治。暴棄自甘。則是爾等冥頑無知。終不能率教也。既有栽培。復干咎戾。王章具在。朕亦不能爲爾等寬矣。自茲以往。內而國學。外而直省學校。凡學臣師長。具有司鐸之責者。并宜傳東諸生。多方誡勸。以副朕懷。否則職業勿修。告亦難道。勿謂朕言之不預也。爾多士其敬聽之。

始。率以爲常。**圖**閏六月。連山。廣東縣名。獠人作亂。都統嵩祝討斬之。**圖**先是獠人倡

亂。韶州副將林芳被殺。命都統嵩祝副都統達爾占率兵往勦。至是。瑤人先後  
出降。共八千餘人。將爲首殺害官員之李貴鄧二等九人擒獲。卽行正法。得旨  
嘉獎。**編**秋。七月。庚戌。帝駐蹕熱河。八月。戊申。還京師。**編**九月。癸酉。帝巡視南河。  
冬。十月。駐德州。癸卯。還京師。**編**因皇太子胤礽有疾。故未及徧視而還。**編**十一  
月。大學士伊桑阿乞休。**編**命以原官致仕。

**編**癸未。四十二年。春。正月。壬戌。帝南巡視河。**編**自京師啓鑾。庚午。過濟南府。二

月。丁丑。由宿遷渡黃河。徧閱徐家灣等堤。至烟墩。登岸。己卯。自桃源。今泗陽縣登舟。

徧視河堤。入清江口。泊大旆。壬午。舟過邵伯埭。在今江都縣境駐揚州。甲申。渡江。登金山。

江天寺。丙戌。駐蘇州。庚寅。駐杭州。癸巳。回鑾。辛丑。至江寧。三月。戊申。閱高家堰。

翟家壩等堤工。**編**庚申。還京師。**編**夏。四月。辛巳。賜王式丹。字方石。寶應人。曾會試皆第一。等一百六

十三人進士及第。出身有差。**編**丁亥。大學士熊賜履。字青岳。孝感人。以年老乞休。**編**時年

七十餘。命以原官解任。仍食俸留京師。備顧問。**編**致仕保和殿大學士王熙卒。

**紀**熙。字子雍。宛平人。習國書。以滿語受知於上。歷官至大學士。遇事務持大體。卒諡文靖。

裕親王薨  
帝哭之哀

伊桑阿鎮  
靜和平

辰沅道移  
駐鎮寧  
帝西巡至  
洪河

侍衛拉錫  
往探河源

庫爾滾爲  
峴嶺字音  
之轉

五月己巳。帝巡幸塞外。秋七月乙巳。還京師。裕親王福全薨。王爲帝之

兄。征準之役。王爲東路大將軍。帝還京。自東直門入。聞王薨。臨哭甚哀。壬戌。致仕文華殿大學

士伊桑阿卒。伊桑阿在朝十五年。以鎮靜和平稱。卒謚文端。湖南鎮寧紅

苗作亂。官軍討平之。命移辰沅道駐鎮寧。鎮寧設鎮自此始也。冬十月癸未。帝西巡。

丁酉。至太原。十一月乙巳。次洪洞。山西縣名。十二月庚辰。駐磁州。今改縣屬直隸。庚寅。還京師。

編甲申。四十三年夏六月乙亥。帝巡幸塞外。秋九月癸亥。還京師。遣侍衛拉

錫等往探河源。先是帝遣拉錫等西行。至是回奏。於本年四月初四日自京

起程。五月十三日至青海。十四日至呼呼布拉克。六月初七日至星宿海之東。

有澤名鄂陵。周一百餘里。初八日至鄂陵西。又有澤名扎陵。周三百餘里。鄂陵

與扎陵之間。相距僅三十里。初九日至星宿海。蒙古名鄂敦塔拉。登至高之山

視之。則見星宿海之源。小泉萬億。不可勝數。周圍羣山。蒙古名爲庫爾滾。卽崑

崙字音之轉也。南有山名古爾班吐爾哈。西南有山名布胡珠爾黑。西有山名

巴爾布哈。北有山名阿克坦因奇。東北有山名烏蘭杜石。古爾班吐爾哈山下

冰山高可  
中猶天一  
日僅三四  
月可

諸泉。西番人名爲噶爾馬塘。巴爾布哈山下諸泉。名爲噶爾馬春穆朗。阿克坦因奇山下諸泉。名爲噶爾馬沁尼。三山之泉。流出三支河。卽古爾班索羅謨也。一河東流入扎陵澤。自扎陵澤又一支流入鄂陵澤。自鄂陵澤流出。乃黃河也。此外爲小河者不可勝數。盡歸黃河東下。臣等自星宿海於六月十一日回程。向東南行二日。登哈爾吉山。見黃河東流。至呼呼託羅海山。又南流繞撒除克山之南。又北流至巴爾托羅海山之南。次日至冰山之西。其山最高。雲霧蔽之。蒙古言此山長三百餘里。有九峯。高可插天。自古及今。未見冰消。常雨雹。一月中僅三四日晴而已。自此南行十六日。至席拉庫特爾之地。又向南行。過僧庫里高嶺。行百餘里。至黃河岸。見黃河自巴爾托羅山向東北流於歸往堡之北。達喀山之南。從兩山峽中流入蘭州。甘肅省城自京至星宿海。共七千六百餘里。甯夏之西有松山。至星宿海。天氣漸低。地氣漸高。人氣閉塞。故多喘息。此係瘴氣。薄之故。謹繪圖呈覽。報聞。

乙酉。四十四年。春。二月。癸酉。帝南巡。自京師啓鑾。甲午。泊舟濟甯。浙江巡



浙民望幸

帝巡視黃河至九里

張鵬翮治河要略

帝信鵬翮清廉而責其任意

勵杜訥樸直勤勞

吳璵熟於掌故

撫張泰以浙民望幸。奏聞。帝允其請。三月壬寅。渡黃河。閱楊家莊堤。乙巳。駐

揚州。辛亥。駐蘇州。己未。駐松江。夏四月丙寅。駐杭州。癸酉。回鑾。乙酉。駐江甯。辛

卯。駐金山江天寺。閏四月癸卯。登陸。幸高家堰。徧閱河堤。丙午。閱視黃河九里

岡。見其工程完固。修理得法。因召河督張鵬翮面訓之。先是鵬翮回河督任。即條程河工十

在六壩。而六壩之中。又以夏家橋最要。又高家堰容約七十二處。山河之水。前河臣于成龍改六壩為四。濬水壩。今宜井而為

三。其餘分別地段。有創有修。有仍有改。又將駱馬湖旁之新河舊河合而為一。以避黃河百八十里之險。於漕運大有裨益。

既又流。陳臣遵聖方略。先疏海口。水有歸路。則黃水不出岸矣。既挑芒稻河。引湖水入江。則高寶等處水由地中行矣。再

關清河。開張福口。裹家場。引河。則淮水有出路矣。加修高家堰。堵塞六壩。遏清水使歸故道。今清水大半入黃。少半入運。一

水兩分。若有神助。請加封河神封號。下所司知之。事見二十九年。嗣因河工以次就緒。并將秋汛情形。繪圖說明。具疏

以聞。上曰。覽奏挑水壩築成。黃河大溜直趨陶莊。引河循北岸而行。黃水從大通口出。海口極其深通。淮水從清口暢流

敵黃。絕無倒灌之患。高家堰堤工完固。運河之水由涇河潤河芒稻河入字河分洩。河工大有望矣。鵬翮在職任勞任怨。部臣

有劾其侵蝕公款十三萬者。上曰。河工錢糧。原不限數。水大則所需多。水小則所需少。謂張鵬翮小有所取。亦未可知。謂以

十三萬兩入己。此必無之事也。至是因面諭之曰。爾居官固好。惟為下屬所蒙。任意而行。致人心不服。凡大臣必須為國為民。求有實濟。若徒欲食非薄。自表廉明。於國事有何益耶。甲寅。泊舟考城縣。

乙卯。過景州。辛酉。還京師。**編**刑部侍郎勵杜訥卒。**圖**杜訥字近公。直隸靜海人。官雖僅至侍

郎。帝以其樸直勤勞。特援沈荃字貞義。華亭人。之例。予諡文恪。後高士奇亦用此例。**圖**五

月。保和殿大學士吳璵卒。**圖**璵熟於掌故。中外章奏可否。見輒洞然。其有往事

可援據者。雖久不忘。奏對皆能稱旨。家於沁。沁人以其免增糧千三百兩。德而

報卓異不許填虛詞

鵬年得拜阿山阿山為

張英曹寅均在帝前力保鵬年

敕使封拉藏汗

祠之。卒諡文端。命報卓異不許填注虛詞。但言不虧空倉庫錢糧。地方無盜賊。省刑罰數條。著為例。丙戌。帝巡幸塞外。六月。駐熱河。九月。丙子。還京師。

丙戌。四十五年。春。二月。兩江總督阿山疏劾江寧知府陳鵬年貪酷溺職。特旨昭雪。鵬年。字北溟。湖南湘潭人。力持不

可。阿山銜之。故有是劾。上命漕運總督桑額河道總督張鵬翮審擬。論斬監候。特旨召來京。在修書處効力。蓋帝素知鵬年之為人。遂得昭雪。按鵬年昭雪。由致仕大

南廉吏。英以鵬年對。并言吏畏其威而不怨。民懷其德而不玩。士式其教而不欺。廉其末也。而織造使曹寅亦叩頭流血為請。故免之。未幾復授蘇州知府。鵬年之官。書

願聞已過。求通民情。八字於門。復忤總督噶禮。下獄。指所作游虎邱詩為怨望。

帝鑒其枉。命署霸昌道。後終河道總督。卒諡恪勤。以京師地震。詔羣臣言闕失。

夏五月。戊寅。帝巡幸塞外。秋七月。駐蹕熱河。九月己卯。還京師。冬十一月甲

戌。帝因謁陵。復巡幸塞外。敕使封拉藏。先是達賴喇嘛身故。由第巴

桑結匿其事。搆使厄魯特喀爾喀互相仇教。擾害治安。又假立博克達為達

賴喇嘛。以惑眾。且會毒害拉藏汗。和碩特部固始汗之孫。因其未死。後復逐之。於是拉藏汗蓄

藏中官。位如駐藏大

命各省設育嬰堂  
富民李天極作亂官軍擒而斬之

恨與兵執第巴而殺之。具表陳奏藏亂。現立達賴喇嘛非真。上因命護軍統領席柱學士舒蘭賚敕往封拉藏爲翼德恭順汗。令拘假達賴喇嘛赴京。拉藏汗恐衆喇嘛必至離散。不從。席柱等奏聞。上諭諸大臣曰。拉藏今雖不從。後必自執之來獻。至是拉藏果執送假達賴喇嘛博克達於京師。○壬寅。帝還京師。○命直隸各省建立育嬰堂。○從左都御史周清源江蘇武進人之請也。

○丁亥。四十六年。春。正月。丙子。帝南巡。○雲南富民今縣名李天極等作亂。官軍

擒斬之。○天極。昆明人。冒入廣通縣學。與臨安府諸生朱六非造爲符讖。以師

宗州諸生之子王枝葉流蕩不歸。誘之僞託明永歷帝之孫。陽以王姓相呼。遇

開化府今文山縣賣藥人楊春榮。蒙自縣談相人張平山。富民縣演技人楊起鳳。同

謀不軌。自稱文興三年。以鉛摹永歷璽印。散布總制大將軍總兵都督僉事等

劄。願入黨者。改裝蓬頭僧。或長髮道士。潛期先掠廣南。次掠開化。由蒙自刼省

城。爲督標弁兵首報。先後擒獲棄市。○夏。五月。癸酉。帝還京師。○帝自正月丙

子出京。二月壬寅。次清河。閱武家墩。癸卯。閱視溜淮套。由清口登陸。詳察地方

閱視淮  
套河督  
之輕舉妄

明珠專寵  
二十餘年  
帝始終保  
全之

殺明宗室  
朱三及其  
黨太子胤  
禩宣示中  
外

形勢駐曹家廟。見沿途所立開河標竿。多在墟墓之上。命盡行撤去。是日。江南百姓請臨幸江南。許之。以議開溜淮套。責河道總督輕舉妄動。革宮保銜。從寬留任。三月己未。帝駐江寧。己巳。駐蘇州。丙子。駐松江。夏四月甲申。駐杭州。至是還京。六月丁亥。帝巡幸塞外。七月。駐熱河。丁卯。發喀喇和屯。巡幸諸蒙古地方。沿途諸藩來朝。各賜衣幣。九月丙辰。帝還京師。

戊子。四十七年春二月甲午。帝巡幸畿輔。三月丙辰。還京師。夏四月。明珠死。明珠去官以罪之。善死以惡之也。丙辰。大臣明珠。姓那拉氏。滿洲正黃旗人。專寵二十餘年。帝始終保全之。并賜祭葬如例。

五月丙戌。帝巡幸塞外。六月丁未。駐熱河。殺前明宗室朱三及其黨。先是浙江大嵐山賊一念和尚為亂。由官捕獲之。供出朱三太子所在。巡撫以聞。因遣侍郎穆丹往審。急檄行山東。時朱三已易姓張。為人館師。或首於官。遂捕之。由山東巡撫解送浙江。得旨朱三及其黨并立斬。妻子發往寧古塔。秋九月。帝召諸王大臣集行在。下詔廢皇太子胤禩。祔歷舉罪狀。宣示中外。

著諸子窺竊儲位。帝為所蔽也。時帝次布爾哈蘇台。內蒙古地。既召集諸王大臣等。命皇太子跪於前。

胤初於帝  
之起居動  
聽作不探

索額圖為  
太子黨以  
居官貪墨  
幽禁死

胤禩有奪  
嫡意張明

帝垂涕諭之。略曰。今觀太子舉動。不法祖德。不遵訓誡。惟肆惡虐眾。暴戾淫亂。難以盡言。予包容垂二十載。乃其惡愈張。侮辱廷臣。擅權勾黨。窺伺予身起居動作。靡不探聽。夫國惟一主。胤初何得任意凌虐。恣行箠撻耶。又要截外藩入貢之人。攘取進貢之馬。致蒙古俱不心服。種種惡端。不可枚舉。又予知胤初賦性奢侈。因使彼乳母之夫凌普為內務府總管。俾便於取用。孰意凌普更加貪婪。下人無不怨憾。予於胤初幼時諄諄教訓。凡所用者。皆庶民之脂膏。應從節儉。乃不遵予言。窮奢極欲。逞其凶惡。今更加甚。有使予諸子無瞧類之勢。更可異者。彼每夜逼進布城。從製縫窺伺。不外欲為索額圖復仇耳。索額圖為太子黨。以居官貪墨。幽禁死。使予日在危險中。晝夜戒慎。未遑寧處。如此之人。豈堪託祖宗之弘業耶。且胤初生而尅母。自古稱為不孝。若以此不孝之人而為君。其如祖業何。語畢痛哭仆地。遂命以罪宣示中外。

**圖**己丑。帝還京師。丁酉。頒廢太子詔。**圖**居胤初於上駟院旁。命皇子胤禩胤禔看守。時胤初既廢。胤禩大有奪嫡之意。宣言相面人張明德謂己後必大貴。舉

總相其必  
大貴何焯  
以其女為  
胤禩養女

帝誅張明  
德而執胤  
禩付審理  
張英著聰  
訓齋語

帝召大臣  
命治胤禩  
結黨潛謀  
狀

馬齊拘禁  
復切責  
子胤禩  
胤禩

人何焯字義門附之。以其女為胤禩養女。舅舅佟國維孝懿仁皇后之父，封一等公及諸臣亦在帝前籲請。帝覺其謀，誅相者張明德，執胤禩交議政處審理，尋改封多羅貝勒而幽之。**○**冬十一月，革胤禩王爵，幽之內府。**○**以其黨於胤禩，且其母惠妃奏稱其不孝故也。**○**致仕文華殿大學士張英卒。**○**英致仕後家居七年，嘗著聰訓齋語，諄諄以務本力田隨分知足為訓，卒諡文端。

**○**己丑四十八年春正月癸巳，帝召大臣命治胤禩結黨潛謀狀。**○**帝召領侍衛大臣滿漢大學士尙書等問曰：去年朕躬違和，命爾等於諸阿哥中保奏可為儲貳者，爾等何以獨保胤禩？胤禩獲罪於朕，身嬰繯綫，且其母家微賤，豈可使為皇太子？况胤禩乃胤禩之黨，胤禩會奏言：若立胤禩為皇太子，伊當輔之。可見伊等結黨潛謀，早定於平日矣。其日先舉胤禩者為誰？爾等各據實陳奏。先是阿靈阿、鄂倫岱、揆敘、王鴻緒皆私議立胤禩，至是眾不敢聞。尋查明建言者馬齊，命將馬齊拘禁，交胤禩差使。其弟李榮保著免死，照例枷責。又召舅舅佟國維至，嚴旨切責之。未幾國維病卒**○**三月庚辰，復立皇太子胤禩，遣官祭告天地宗

廟社稷。先是帝有疾。皇太子侍疾。頗稱旨。又因胤禩事發。甚悔之。諭略謂邀天之佑。朕躬漸加康豫。事迹俱已昭著。太子胤禩累月以來。在朕前守視湯藥。其被鎮魔詛呪。以致迷惑之處。已經痊愈。是皆仰賴天地祖宗。眷朕眇躬。歷年勤瘁。以克有此。至是復召大臣諭曰。胤禩發染瘋疾。朕爲國家拘禁之。後詳查被人鎮魔之處。將鎮魔物俱令人掘出。其事乃明。譬有人因染瘋狂。持刀砍人。安可不行拘執。若已痊愈。又安可不行釋放。而必欲殺之乎。尋決議復立胤禩爲太子。祭天壇文曰。臣仰荷天庥。撫臨海宇。深維國本。統緒攸關。建立嫡子胤禩爲皇太子。歷有三十餘年。不意忽染暴戾狂易之疾。臣以祖宗所遺洪業。及萬邦民生。不敢姑息。遂行退廢。絕無纖毫私意。前者祭告。俱已悉陳。嗣是漸次體勘。當有此大事之時。生性奸惡之徒。因而各庇邪黨。借端構釁。臣覺其日後必成亂階。隨又不時究察。窮極始末。後乃確得病源。亟爲除治。幸賴皇天眷佑。平復如初。臣因此等情事。常切慚恨。心神耗損。致成劇疾。自維勢難必愈。但深念祖宗垂貽丕基。臣諸子中胤禩居貴。雖被鎮魔。已漸痊愈。可遂召諸臣明諭而

特使授皇太子及太子妃册寶

治巴漢格隆呪魔之罪

熊本竄改賜履遺疏按律治罪

帝次花峪溝較射

藍理勳平陳五顯反

寬釋之。自此以後。見其夙祇事。憂形於色。藥餌躬親。克盡子職。臣復屢加省驗。惟誠惟謹。歷久不渝。謹於是年月日用申虔告之儀。復正儲貳之位。尙祈昭鑒。

永錫寵綏。其他祭告文仿此 [圖] 辛巳。使授皇太子及太子妃册寶。 [圖] 以大學士溫達李光地爲正使。刑部尙書張廷樞左都御史穆和倫爲副使。使持節授胤祊册寶。復立爲皇太子。又以禮部尙書富寧安爲正使。禮部侍郎鍊圖爲副使。使持節復封皇太子妃。亦授以册寶。 [圖] 夏。四月。治呪魔皇太子胤祊者罪。坐喇嘛巴漢格隆等極刑。 [圖] 以顯親王衍潢等會議。巴漢等應凌遲處死。從之。 [圖] 丁卯。帝巡幸塞外。五月。甲戌。駐熱河。秋九月。庚寅。還京師。 [圖] 致仕東閣大學士熊賜履卒。 [圖] 予諡文端。賜履之沒。遺疏至京。其同姓編修熊本竄入薦語。帝祭其僞。命江南總督取其原著疏草以進。果無是語。本革職擬斬。

[圖] 庚寅。四十九年。春。二月。帝幸五臺山。三月。己巳。還京師。 [圖] 夏。五月。乙丑。帝巡幸塞外。駐熱河。 [圖] 癸酉。次花峪溝。集吉林烏喇黑龍江兵弁較射。 [圖] 福建盜陳五顯起事。提督藍理 字義甫。福建漳浦人。 革職。 [圖] 福建陸路提督藍理。奏稱福建所屬永春



因以獲罪  
由疏說不  
實者也

理之拖腸  
血戰一時  
聞名

錫免明年  
天下錢糧

陳延敬稱  
燕許大手

德化二縣。交界地方。有盜首陳五顯等。偪勒愚民二千餘人入夥。搶奪百姓。拒敵官兵。臣令參將尙之璫統領官兵往緝。兩次遇賊。殺八十餘人。中傷脫逃者。不計其數。盜黨張永王富蘇標俱已投到。其附近賊巢村民。仍不廢耕織。照常安業。惟陳五顯脫逃。俟拿獲正法。帝覽奏。以強盜多至三四十人。百姓尙畏。想逃避。况數千人爲盜。豈得謂不廢耕織。照常安業乎。此係掩飾已過。希圖卸罪。

著該部嚴察議奏。尋革藍理職。

理生而魁梧。虎頭燕頤。口可容拳。力舉八百斤。足追奔馬。能曳其尾。倒行。初投康親王傑書麾下。破會養性於溫州。以功授建甯遊擊。征臺之

役。靖海將軍施琅用爲前鋒。抵澎湖。遇敵將劉國軒曾堂等。以數萬衆迎戰。理身被十數創。不退。敵礮斜飛過理腹。理偃。敵疑其死。少退。其弟瑤掖理起。理奮拳戾吼曰。藍某在。曾遂死矣。哂。姪草苗持刀來。時理腹已破。腸出於外。急納諸腹中。以匹練裹之。仍前殺敵。斬曾遂而以捷聞。理所獲舟。用大旗方廣各二丈。書藍理二字。敵望而畏避。康熙二十六年入都。抵趙北口。聖祖出水圍。避無及。上問駭者誰。理下馬曰。臣藍理。上曰。是征澎湖時拖腸血戰之藍理耶。奏曰。是。上呼起。爲撫。傷處。嗟歎。其久。後擢川至提督。

九月辛丑。帝還京師。冬十月。命蠲免明年天下錢糧。諭

戶部明年爲康熙五十年。思將天下錢糧一概蠲免。自明年始。於三年以內。通免一周。俾遠近均沾。并歷年久欠。亦俱免徵。爾部移文各督撫。諭旨到日。卽刊刻頒布。咸令知悉。尋又定嗣後凡遇豁免錢糧。合計分數。業主蠲免七分。佃戶蠲免三分。永著爲例。大學士陳廷敬以老乞休。廷敬

字子瑞。山西澤州人。

以名進士位

擊

至台輔。多所撰擬。人比於燕許。唐張說蘇頌也大手筆。至是命以原官致仕。乙巳。帝謁

陵。十二月。庚午。駐熱河。戊寅。遂京師。

辛卯。五十年。春。正月。帝巡視通州河隄。庚午。還京師。二月。乙卯。辰。沅巡撫

湖南沅州。舊設潘宗洛請訓。帝從容諭曰。今天下太平無事。以不生事為貴。興一利即

生一弊。古人云多事不如少事。即此意也。夏。四月。庚辰。帝奉皇太后避暑塞

外。五月。己丑。駐熱河。丙午。文華殿大學士張玉書卒。玉書嘗進講乾清宮。

帝問理學之名。始於宋否。玉書奏對。道理自在人心。宋儒講辯加詳耳。帝曰。日

用行常。無非此理。自有理學名目。彼此辯論而言行不符者甚多。若不居講學

名。而行事允合。此即真理學也。及玉書卒。予謚文貞。秋。八月。十三日皇孫弘歷

生。弘曆筆也。是雍邸弟四子。母為鈕鈺祿氏。九月。戊申。帝奉皇太后自熱河

返京師。冬。十月。江南正考官左必蕃巡撫張伯行。字孝先。河南儀封人。奏請嚴訊科場

獄。先是必蕃奏。臣典試江南。撒闈後。輿論喧傳。有句容知縣王日俞所薦之

吳泌。山陽知縣方名所薦之程光奎。皆不通文理之人。臣不勝駭愕。或係傳遞

左必蕃張伯行奏江

皇孫弘歷

帝與張玉書論理學

帝訓潘宗洛省事無事

擡擁財神  
入學宮

趙申喬舉  
發戴名世  
文字狂悖

方李標於  
隆武永歷  
兩朝以帝  
制許之

名世罪族  
孝標到  
尸磔方  
苞入旗  
爲奴  
治諸臣詔  
附皇太子

代作文字。或與房官打通關節。亦未可定。請將吳泌程光奎或提至京覆試。或

發督撫嚴訊。以正國法。且自請議罪。尋巡撫張伯行奏。今歲江南文闈榜發後。

議論紛紛。於九月二十四日。有數百人擡擁財神直入學宮。口稱科場不公。臣

不敢隱匿。相應奏聞。命俱交部嚴察議奏。至明年趙申喬舉發編修戴名世

不取隱匿。相應奏聞。命俱交部嚴察議奏。案始定趙申喬舉發編修戴名世

受周王吳三桂官。著鈍齋文集。及滇黔紀聞。於隆武永歷兩朝。多以帝制許之。

頗觸忌諱。戴名世著南山集。子遺集。喜採用之。書成。汪灝安徽休甯人方苞字望溪桐城人爲之

序。尤雲鍰方正玉爲之刊行。至是左都御史趙申喬具疏揭參。言名世妄竊文

名。恃才放蕩。爲諸生時。私刻文集。肆口游談。倒置是非。語多狂悖。今身膺恩遇。

叨列巍科。猶不追悔前非。焚削書版。是何居心。帝覽奏。命下刑部獄逮問。名世

闔族棄世。孝標剝屍寸磔。餘如汪灝尤雲鍰等皆坐罪。方苞編入旗下免死。

壬午。治諸臣詔附皇太子罪。國朝者帝之復位。太子位不安矣。帝在暢春園召諸王大臣入諭。責

以諂附皇太子。援結黨羽之罪。尋將都統鄂繕尙書耿額齊世知拿問。冬。十

升宋儲朱熹位於大成殿十哲

再廢皇太子胤礽於咸安宮

一月辛丑帝謁陵十二月癸酉還京師

壬辰五十一年春正月癸丑帝巡幸畿輔二月庚辰還京師編升宋儒朱熹

配享孔廟熹字元晦婺源人帝究心理學得河南湯斌直隸魏裔介之貢獻造詣日深

嘗謂朱子學術凡天文地理樂律歷數俱非泛然空論俱確見其所以予細為

尋繹雖欲求毫厘之差而不可得至是因尊崇朱子之功升其位於大成殿十

哲之次編致仕大學士陳廷敬卒編予諡文貞編詔明年六旬萬壽特開鄉會

恩科編丙子帝奉皇太后避暑塞外壬午駐熱河九月庚戌還京師編冬十月

諭再廢皇太子胤礽廢開者反覆不定帝於是平晝荒為諸子所困矣編諭諸王大臣等前因胤礽行事乖戾

曾經禁錮既而朕躬抱疾念父子之恩從寬免宥朕在衆前曾言其以能悛改

乃自釋放之日乖戾之心即行顯露數年以來狂易之疾仍然未除是非莫辨

大失人心朕今年已六旬知後日有幾况天下乃太祖太宗世祖所創之業傳

至朕躬如此狂易成疾不得衆心之人豈可付託乎故將胤礽仍行廢黜禁錮

為此特諭己巳命禁錮廢太子胤礽於咸安宮編治江南科場獄總督噶禮巡

江南科場  
獄經兩起  
使者難治  
黜由宸斷  
伯行

帝以伯行  
為清官第  
一

噶禮以謀  
弑其母賜  
自盡

申喬請立  
太子

撫張伯行互劾。命黜噶禮職。**○**初康熙五十年閒。江南副考官趙晉與總督噶  
 禮交通關節。事發。帝命尙書張鵬翮侍郎赫壽出按其獄。鵬翮因其子懋誠任  
 懷寧令。縣屬安徽。為總督直轄地。恐遭陷害。瞻顧掣肘。讞莫能定。巡撫張伯行遂劾噶禮抗旨  
 欺君。營私壞法。噶禮亦劾伯行不肯出洋捕賊。及誣陷牙行張元隆諸款。帝命  
 俱解職。付使者雜治。尋奏晉與程光奎吳泌賄通關節。前事見擬罪如律。噶禮劾  
 伯行不能清理案件屬實。餘俱苛刻。應降留。伯行劾噶禮索金事全虛。應奪職  
 發徙。帝復令尙書穆和倫張廷樞覆訊。如前擬。帝以伯行為天下清官第一。責  
 諸臣變亂是非。伯行復任。黜噶禮職。噶禮尋以謀弑其母。賜自盡。**○**冬十一月  
 甲辰。帝謁陵。十二月丙寅。駐熱河。甲戌。還京師。**○**

**○**癸巳。五十二年春。二月。左都御史趙申喬上疏請立太子。不許。**○**自是無敢  
 以立儲說進者。**○**夏五月丙戌。帝奉皇太后避暑塞外。壬辰。駐熱河。秋九月甲  
 子。還京師。**○**坐胤初黨得麟極刑。**○**先是隨從廢皇太子胤初之得麟。為人狂  
 妄。帝命交伊父阿哈占處死。阿哈占詭稱得麟自縊。潛蹤逃避。未幾於山東膠

州捕獲之。凌遲處死。編冬十月丙戌。賜王敬銘等百四十三人進士及第出身

有差。此次為恩科進士。

提塘請禁

編甲午五十三年春正月甲子。文華殿大學士溫達以年老乞休。編禁各省提塘刷寫小報。聞譏其寒民智非政體也。編從左都御史揆敘疏請也。編三月丁巳。原任戶部尙

王鴻緒進  
所撰明史  
列傳

書王鴻緒進所撰明史列傳。編凡二百八卷。先是鴻緒任館職時。奉命總裁明史。與湯斌徐乾學葉方藹字紹庵。岷山人。諸人互相參訂。僅成數卷。及奉召重領史局。諸

公罕有存者。惟張玉書為監修。陳廷敬為總裁。各專一類。玉書任志。廷敬任本

紀。鴻緒任列傳。時鴻緒以原銜食俸。較張陳多暇晷。故數年間彙分成帙。會熊

賜履續奉監修之。命促取其傳稿以進。鴻緒與張陳皆未參閱。恐尙多舛誤。及

去職。在籍重理舊編。復經五載。始成此書。既上。命即宣付國史館。編嚴禁婦亂

小說。編諭坊間多售淫亂小說。所關於風化非細。應即通行嚴禁。編辛卯。帝奉

皇太后避暑塞外。夏五月辛丑。駐熱河。秋九月丙寅。還京師。編冬十一月丙辰。

帝巡幸塞外。辛巳。帝還京師。

嚴禁淫亂  
小說

張伯行以  
事革職

命伯行講  
太極圖說  
策妄寇哈  
密遣富甯

安費揚岡  
備之  
策妄兼有  
噶爾丹伊  
擊各部復  
成西域一  
大部落

乙未。五十四年春。二月。江蘇巡撫張伯行以事革職。先是伯行劾布政使

年欽元藏匿通洋匪徒張令濤。傳為噶帝命尙書張鵬翮副都御史阿錫鼎同赴

鎮江。屬江蘇省審勘。奏令濤良民。伯行誣劾。應斬。令濤自通海寇鄧盡心嫌疑。又上海民頗協一帝不

許。命免罪入都召對。旋命講太極圖說。入直南書房。未幾。權倉場總督。夏。四

月。庚子。以厄魯特策妄阿拉布坦寇哈密。遣吏部尙書富甯安。文奇公阿爾泰之子右衛將

軍費揚岡備之。初準格爾汗僧格死。其弟噶爾丹殺僧格長子自立。事見前其

次子策妄阿拉布坦與其父舊臣七人。逃居土魯番。在天山南路遣使乞降。帝納之。策

妄乘噶爾丹南侵敗屺之際。潛回伊犁。在天山北路遊牧博羅塔拉河。用其七舊臣收

集散亡。杜爾伯特諸台吉從之。闢地至額爾齊斯河。遂有準部大半。及康熙三

十六年。大軍殄滅噶爾丹。時伊犁數千里空無主。策妄生聚未盛。中國方乘屢

勝之勢。若驟進大軍。收其部落。立可設為郡縣。帝以其曠莽遼闊。費轉輸。又策

妄方獻噶爾丹之屍。外示馴服。遂畫阿爾泰山以西至伊犁。指給遊牧。復成西

域一大部落。策妄既得志。不復遵約束。至是哈密。今縣名扎密扎薩克。官名。如盟長克達

漢白克同官名額敏始咨甘肅提督帥懿德。言厄魯特遣兵至北境。侵掠五寨。又

咨言敵兵於三月二十五日抵哈密城下。帥懿德先後以聞。詔派富甯安領滿

州侍衛十員。馳驛前往。又徵外藩兵集歸化城。以右衛將軍費揚固總理軍務。

原任吏部尚書徐潮卒。潮字青來。錢塘人。為戶部尚書時。會總河張鵬翮誣奏淮安

同知佟世祿冒帑誤工。罰償工價銀七萬餘兩。世祿叩閹。帝命潮往讞。得鵬翮

刪供枉斷狀。鵬翮坐奪職。人服其允。至是卒。後於乾隆朝。追謚文敏。辛亥。帝奉皇太后避暑

塞外。五月己亥。駐熱河。庚戌。文華殿大學士溫達卒。予謚文簡。冬。十月

辛巳。帝奉皇太后還京師。山西太原知府趙鳳詔坐受贓正法。鳳詔。戶部

尚書趙申喬子也。申喬奏。臣子鳳詔受贓三十餘萬。臣不能教子。請賜罷斥。帝

誅鳳詔而寘申喬不問。

丙申。五十五年。春。二月乙丑。命副都統蘇爾德經理圖呼魯克四蒙古地方等處屯

田。夏。四月癸卯。帝奉皇太后避暑塞外。乙卯。駐熱河。秋。九月甲申。還京師。

冬。十月。命倉場總督張伯行往振順天永平二府。因疏請行社倉法。不許。帝

徐潮為佟世祿昭雪

趙鳳詔之子申喬以贓正法申喬姑寘弗問

蘇爾德經理圖呼魯克屯田

張伯行請行社倉法



帝以言易  
行難

以御纂周  
易折中賜  
羣臣  
帝自述讀  
由審深造之

禁入天主  
教

諭大學士等曰。張伯仁條奏宜立社倉。前李光地爲直隸巡撫時。曾先彼言之。朕當諭此事言之甚易。行之甚難。後試行之。果無成效。倉糧庫帑。設官專理。尙且虧耗。社倉所設。交百姓收貯。其虧耗又何待言耶。

丁酉五十六年春正月。以御纂周易折中賜羣臣。帝嘗語侍臣曰。朕五歲卽知讀書。自八歲踐阼。輒以學庸訓詁咨左右。自是日日讀書。必字字成誦。及四子書已通貫。乃讀尙書。於典謨訓誥之中。體會古帝王孜孜求治之意。卽欲使古昔治化。實現於今。及讀大易。觀象玩占。於聖人立教垂世之精心。予皆反復求之。必中心有得。無纖毫扞格。至是以手纂周易折中賜羣臣焉。左都御史兼翰林院掌院學士揆敘卒。予謚文端。夏四月戊戌。禁入天主教。時廣東碣石總兵陳昂奏稱。天主教設自西洋。今各省設堂。招集匪類。目下廣州城設立教堂。內外布滿。乞早爲禁絕。毋使滋蔓。上閱奏交部議。覆稱。查康熙八年。經集議天主教案。奉旨該教除南懷仁歐人。充欽天監副監。等照常自行外。其直隸各省立堂入教者。著嚴行曉諭禁止。但年久法弛。應令八旗各省并奉天等處。再行

道弘傑為良棟長子征瀛有功

殺翰林檢討朱天保

封尚敬為琉球國王

李光地釋經之書甚備

稱育才者以光地稱首

陳賡死惟一掃包覆

嚴禁。編辛丑。帝奉皇太后巡幸塞外。壬子。駐熱河。編六月。己酉。兵部尚書趙弘

燦卒。編弘燦為良棟長子。嘗以總兵官隨其父征雲貴有功。至是卒。予諡敏恪。

編冬。十月。帝奉皇太后還京師。編十二月。丙戌。皇太后崩。

編戊戌。五十七年。春。正月。殺翰林院檢討朱天保。編天保奏請復立胤初為太

子。內有皇太子聖而益聖。賢而益賢等語。帝問何所見而云然。天保奏云。係臣

父聞之看守之人。帝乃將天保并其父朱都納交與王大臣嚴審。尋將朱天保

正法。都納從寬免死。編夏。四月。辛卯。帝幸熱河。編六月。庚辰。遣使封琉球國中

山王。編命翰林院檢討海寶編修余葆光往琉球。諭祭故中山王尚貞。并冊封

世曾孫尚敬為中山王。編原任大學士李光地卒。編光地具疏乞休。帝以王揆

倉入。在告。候其還。至是薨於位。光地釋經之書甚備。嘗言寬則詰者無師。滯章句者無得。故學以能擇為先。其於程朱之說。篤信之。而時有異同。論大學宜還古本。而以知本為

格物第一義。易兼綜象數。禮兼采大戴記。論子雲仲淹等。有格言。節取焉可也。康節象山。所進高明慎師焉可也。知言者之為然。門下士揚名時。今級陳鵬舉。趙申喬。冉觀祖。蔡世遠。并以德望重於時。他若張戩。張瑛。惠士奇。秦道然。王蘭生。何焯。莊亨陽。以

徒。類皆道經術。能文章。故清代。鉅公。稱善育才者。以光地稱首。予諡文貞。編秋。九月。甲辰。帝還京師。編冬。十一月。福建巡

撫陳瓚卒。編瓚字文煥。廣東海康人。居官清介。衣布素。起居止一廳事。味爽治事。夜分始罷。

一布衾  
命年羹堯  
督爲四川總

或曰江南  
湖廣漕米  
備價

封黎維元  
爲安南國王

烏蘭布通  
之戰國維  
繼進立功

諭明年停  
止慶賀典  
禮

自奉惟草具疏糲屬續時一緋袍覆一布衾而已同僚入視者莫不感泣。**編**己丑命年羹堯字雙宰漢軍鑲黃旗人康熙進士爲四川總督仍管巡撫事。

**編**己亥五十八年春正月壬寅命江南湖廣截留漕米備荒。國書之以見當時物力之饒也**紀**凡

江西湖廣漕米四十三萬石貯蘇州鎮江江甯淮安安慶備荒。**編**二月壬子遣

使封安南國王。**編**命內閣中書鄧廷喆翰林院編修成文往諭祭故安南國王

黎維正并封嗣子黎維絢爲安南國王。**編**原任領侍衛大臣公鼻鼻佟國維卒。

**編**國維圖賴次子兄名國綱以烏蘭布通之戰沒於陳國維繼進遂擊敗噶爾

丹又以其爲孝懿仁皇后之父封一等公皇太子胤礽之廢國維欲立胤禔爲

帝切責國維伏地請死帝特宥之至是卒。後於雍正元年子諡端純**編**夏四月帝幸熱河冬十

月還京師。

**編**庚子五十九年春正月己卯諭明年停止慶賀典禮。**編**先是諸王大臣奏皇

上御極六十年請行慶賀典禮帝諭見在西垂用兵軍民勞苦去歲正月朔日

食今年七月朔又值日食海洋颶風飄泊官兵船隻山左東三府被淹黎民飢

命十四子胤禩與延信分別鎮兵定藏

新呼畢勒罕即喇嘛藏世祖第六世喇嘛之稱

饑。淮黃大水。僅能搶護。人心風俗未盡醇。官箴政事未盡理。此正君臣孜孜求治之時。慶賀之事著停止。圖丁酉。命皇十四子固山貝子胤禩為撫遠大將軍。授都統宗室延信為平逆將軍。分別領兵定藏。圖先是噶爾丹利用西藏為後援。及失敗。策妄阿拉布坦又思收藏地為己有。前年陰率兵由騰格里海入藏。幽其新達賴喇嘛而殺拉藏汗。全藏大亂。帝特命貝子胤禩為撫遠大將軍。駐兵西甯。未幾與弘曠同駐程營。斯烏蘇兼管糧餉。以護軍統領吳世巴噶爾弼為左翼。駐兵莊浪。甘肅縣名。副都統宗室赫石亨寶色為左翼。駐兵甘州。今甘肅張掖縣。前鋒統領弘曙駐穆魯斯烏蘇。別授都統宗室延信為平逆將軍。率兵進藏。以公策旺諾爾布副都統阿琳寶額駙阿寶侍讀學士常授提督馬見伯總兵李麟參贊軍務。又調西安將軍宗室查布駐防西甯。平郡王訥爾素駐防古木。圖二月。封新呼畢勒罕。主治西藏者。為宏法。覺眾弟六世達賴喇嘛。派滿漢官眾及青海駐兵送往西藏。圖初。明代諸法王即大喇嘛之稱。皆賜紅色禪衣。號為紅教。其後專以吞刀吐火炫俗。無異師巫。所謂婆羅門教也。有宗喀巴者。深觀時數。當改宗風。即會眾自黃其衣冠。遺屬二大弟子。

所立景喇爲  
假達喇喇  
喇巴由拉  
藏汗執送  
京師矣

命胤禩大  
舉伐藏

世世以呼畢勒罕轉生。演大乘教。呼畢勒罕者。華言化身也。二大弟子。一曰達賴喇嘛。一曰班禪喇嘛。喇嘛者。華言無上也。死而不滅。其性能自所知所從生。諸弟子親迎而立之。弟一世曰敦根珠巴。弟二世曰敦根嘉穆錯。弟三世曰鎖南嘉穆錯。是時黃教益盛。紅教中大乘大寶諸法王皆改從黃教。化行諸部。東西數萬里。熬茶膜拜。視若天神。諸番王徒擁虛位。不復能施其號令。弟四世曰雲丹嘉穆錯。弟五曰羅卜藏嘉穆錯。當太宗崇德二年。喀爾喀三汗奏請發幣。使延達賴喇嘛。四年。因厄魯特使貽達賴書。達賴亦遣使至盛京。獻書貢方物。順治九年。達賴朝京師。世祖賓禮之。侍建西黃寺居之。封西天自在大善佛。領天下釋教。康熙二十一年。弟五世達賴卒。其徒第巴名官桑結欲圖國事。託言達賴入定。居高閣。不見人。事皆決於第巴。後恐事敗。乃擁立假達賴博克達爲弟六世。青海諸蒙古不信。而別奉裏塘之噶爾藏嘉穆錯。卽茲所冊封之呼畢勒罕也。命皇十四子胤禩大舉伐藏。時胤禩屯青海之木魯河。治兵餉。別命振武將軍傅爾丹靖逆將軍富甯安出巴里坤阿爾台今鎮西縣。以截其北。以定西將

又命蒙古貝勒台吉等同送新嘉嶺喇嘛入藏

軍噶爾弼出四川。平逆將軍延信出青海。兩路入藏。初策妄阿拉布坦與和碩

特拉藏汗結姻親。誓盟好不渝。拉藏汗信之。策妄乘其不備。襲而殺之。即前記稱策妄由騰格里

海入而禁新達賴。即前記稱呼畢勒罕為拉藏汗所立者。於扎克布里廟。彼時上命西安將軍額倫特以

軍數千名。噶爾藏嘉穆錯赴援。別遣侍衛色稜促青海諸蒙古備兵。七月。師逾

木魯河。色稜次拜都嶺。額倫特次土庫塞嶺。敵佯敗。伏精兵喀喇河以待。額倫

特欲率所部先渡河。扼狼拉嶺之險。比至岸。兩軍相對陣。敵脅從番衆數萬。以

其半據河。拒我前。而分兵潛出我後。截餉道。相持月餘。糧盡矢竭。九月。我師覆

焉。此康熙五十六年事也。廷臣懲於前敗。皆言藏地險遠。不宜進兵。帝以西藏

屏蔽青海滇蜀。苟為準部盜據。將禍無甯日。遂決計討之。至是西藏諸土伯特

亦知拉藏汗所立之呼畢勒罕為真達賴。藏中舊立者為假達賴。合詞表請於

朝。乞擁寘禪榻。詔許之。於是諭飭蒙古汗王貝勒台吉等。各率所部。同送新達

賴喇嘛入藏。并使十四子胤禩以兵繼之。圖夏四月。戊申。帝幸熱河。圖秋八月。

我軍分路入藏。大敗厄魯特兵。圖厄魯特準部聞我軍分路入藏。策零敦多布

噶爾弼用  
岳鍾琪以  
計攻番之  
敵兵破

準部之生  
還伊犁者  
僅十之三

以拉藏舊  
臣康濟鼐  
駐前藏頗  
羅鼐駐後

趙申喬雖  
有清名而  
刻薄少恩

封李昫為  
朝鮮國王

噶爾弼用  
皆屬策妄

乃由中路自拒青海軍。而分遣其宰桑官如兵以兵三千六百拒我軍於南路。我南路將軍噶爾弼招撫巴塘裏塘二塘在川邊境。番衆進至察木多前藏要地。奪洛

隆宗亦前藏要地。三巴橋之險。旋奉大將軍檄。俟期并進。噶爾弼恐期久糧匱。用副將

岳鍾琪字東美。蘭州人。岳武穆二十一世孫。以番攻番之計。招土司爲前驅。集皮船渡河。直趨西藏。降

番兵七千。分敵塞險。扼敵餉道。而青海各軍亦三敗。敵衆來劫營者。厄魯特進

退受敵。不敢歸藏。兵潰北竄。崎嶇凍餒。其得生還伊犁者。僅十之三四。事定。詔

封呼畢勒罕爲弘法覺衆弟六世喇嘛。於九月登座。盡誅厄魯特喇嘛厄魯特部。大半奉回。

教。少半奉喇嘛教。之在藏助亂者。留蒙古兵二千。以拉藏舊臣貝子康濟鼐轄前藏。台吉

頗羅鼐轄後藏。即駐藏大臣。冬十月癸卯。帝還京師。甲寅。戶部尙書趙申喬卒。

申喬居官有清名。然以刻薄少恩。爲世所譏。卒諡恭毅。十一月辛未。遣使封

朝鮮國王李昫。遣散秩大臣查克亶禮部侍郎羅瞻諭祭故朝鮮國王李焯。

賜諡僖順。兼册世子李昫嗣王位。

辛丑。六十年春。三月乙丑。羣臣因萬壽節請上尊號。不許。大學士王揆御

王授陶幹  
以請建儲  
治罪

命朱軾往  
山西盧詢  
往陝西分  
路散振  
朱一貴之  
亂由台灣  
知府王珍  
澈成

周應龍逗  
留不進

南路北路  
響應一貴

史陶彞等以請建儲治罪。國不允可也。因以治罪則失常矣。時帝深惡言建儲事。凡疏及者無不

忤旨。至是揆等疏請及早建儲。下部議覆。從重治罪。尋命發往西埗軍前效力。

因王揆年老。以其子王弈清代之。夏四月乙未。賜鄧鍾岳等百六十三人進

士及第。出身有差。丙午帝幸熱河。封世保母葉黑勒氏為佐聖夫人。李佳

氏為佑聖夫人。五月命陝西備振。是年陝西荒歉。命運河南湖廣漕米各

十萬石貯陝備振。又令左都御史朱軾字若瞻。江西高安人。往山西。光祿寺卿盧詢往陝西。

各攜銀二十五萬。購買富戶囤粟。以備散賑。臺灣朱一貴稱兵。總督覺羅滿

保字九如。滿洲正黃旗人。提督施世驃瓊之第六子。率兵討平之。凡漢族起兵無一番反者。初臺灣知府王珍稅

歛苛虐。濫捕結會及私伐山木之民二百餘。淫刑以逞。鳳山民黃殿李勇吳外

等謀變。以一貴朱姓。一貴寒賤。為人牧鴨。可託明裔。奉以為主。率眾數百。夜劫岡山塘汛。岡

山距府城三十里。遊擊周應龍以兵四百。及四社土番四百往。行五里即止營。

次日再進十五里。一貴劫掠榔林汛。戕把總。掠軍械。應龍隔一水不能救。一貴

旁掠四出。於是南路民杜君英等亦遙逢起應之。應龍遇敵岡山。一交綏。敵即



一府一道  
棄地逃走

一貴解中  
與王號永  
和封衆官  
爵以千計  
施世驃先  
滿日出港  
藍保又調  
藍廷珍征

林亮董芳  
冒死敢戰  
舟師遂渡  
艤身

敗走入山。應龍又不追。而縱兵番焚掠近村。於時各鄉煽動。樹幟響應。南路民衆攻參將苗景龍於淡水。景龍敗死。府城大震。總兵歐陽凱遊擊劉得紫副將許雲率師千五百禦之。許雲躍馬陷陣。敵大敗。適水師遊擊游崇功以兵援鹿耳門。一貴君英又合隊來。歐陽凱許雲游崇功逆戰於春牛埔。把總楊泰遠爲內應。刺歐陽凱墜馬死。官兵潰。劉得紫引兵還救。馬踣被執。許雲游崇功皆力戰死。臺廈道梁文煊知府王珍等俱潛出鹿耳門渡海走。周應龍亦遁。臺灣府城遂陷。同日北路民衆賴池張岳等又攻陷諸羅。戕殺參將羅萬春。凡七日而臺地全陷。一貴自稱中興王。號永和。大封其衆。若公若侯。若太師將軍總兵。無慮千百。優伶冠服。充塞道途。民爲之謠曰。頭戴明朝冠。身著清朝衣。五月號永和。六月送康熙。總督覺羅滿保疾馳至廈門。提督施世驃已先二日率師出港。滿保復調南澳總兵藍廷珍字別璜。漳浦人。理之姪孫。至廈。使總統渡臺水陸兵八千。船四百艘。會世驃於澎湖。六月十日發澎湖。十三日林亮董芳以六舟冒死直進。遙望礮臺。火藥山積。因架礮注擊之。火藥暴發如轟雷。守臺者死無算。我軍遂揚帆

廷珍語世  
驃言不欲  
其多殺  
西港民導  
宜軍登陸  
遂平台灣

召集千叟  
宴年六十  
五以上者  
六百八十  
人

趙宏燮死  
帝察其情

渡鯤身。鯤身者。海河也。膠淺不能行大舟。是日海潮驟漲。四百戰艘。倏忽逼岸。敵遁保安平鎮。次日。世驃亦至。廷珍謂世驃曰。賊皆烏合不足憂。但衆至十餘萬。誅不勝誅。且多殺何益。宜止殲渠魁。餘弗問。則人人有生之樂。無死之心。可不血刃乎也。世驃深然。敵再犯。廷珍再敗之。敵退入府城。不敢出。有西港民某。載家屬爲質。願導官兵襲其巢。世驃卽遣林亮董芳等以兵二千往。廷珍亦率舟師二千會攻之。比曙。由西港登岸。敵與亮芳軍鏖戰。我軍嚴陣設伏而進。敵大潰。十九日。至府城。敵數萬皆遁。世驃亦連敗西南兩路之敵。同日抵城。自鹿耳至是。凡七日。一貴走灣裏溪。村民執而獻之。與杜君英等皆檻送京師。磔於市。其敗逃之周應龍及棄職。逃回各官。均訊明棄市。編秋。九月乙卯。帝還京師。

編壬寅。六十一年春正月戊子。召集千叟宴。編帝以六十晉九萬壽。召八旗滿漢文武大臣官員。及致仕退斥人員。年六十五以上六百八十人。宴於乾清宮前。名曰千叟宴。編夏四月。帝幸熱河。編福州兵變。將軍黃秉鉞奪職。編福州駐防軍譁變。將軍黃秉鉞不能制止。詔奪秉鉞職。誅爲首者。編秋七月。直隸巡撫趙弘燮卒。編弘燮。良棟次子。撫直十年。旗民安輯。惟庫款有虧。及卒。上察其清。

命子繼任  
巡撫料理  
善後

帝疾大漸  
召四子胤  
禩入宮受  
遺詔

帝見朝臣  
致仕奉章  
未嘗不流  
涕

白鬚皇帝  
自古能有  
幾人

命其子之桓以郎中署直隸巡撫。為料理善後。亦異數也。[圖]九月。戊戌。帝還京師。[圖]冬。十月。癸酉。帝幸南苑行圍。[圖]十一月。戊子。帝不豫。自南苑回駐暢春園。甲午。帝崩。[圖]甲午。丑刻。帝疾大漸。命趣召皇四子胤禩。胤禩聞召馳至。受遺詔。戊刻。帝崩於寢宮。在位六十一年。壽六十有九。[圖]辛丑。皇四子胤禩即位。以明年為雍正元年。[圖]敬上大行皇帝諡曰合天弘運。文武睿哲。恭儉寬裕。孝敬誠信。功德大成。仁皇帝。廟號聖祖。

稻葉君山曰。聖祖嘗自謂予自幼強健。筋力頗佳。能挽十五力弓。發十三握箭。雖用兵臨戎之事。皆優為之。然生平未嘗妄殺。平定三藩。掃清漠北。皆出於運籌之一心。戶部之帑金。非用兵振饑未敢妄費。以此皆小民之脂膏也。所有巡狩行宮。不施采績。每處所費。不過一二萬兩。較之河工歲費三百餘萬。實不及百分之一。又帝每覽朝臣致仕奏章。未嘗不流涕。以人臣有退休之時。君人者無退休之日也。年五十七。生白鬚數莖。有以染藥進者。帝笑而却之。謂自古白鬚皇帝。曾有幾人。予若鬚髮皓然。豈非佳話。觀此則帝之努力修養。與勵精圖治。能并為一談。殆有合乎公僕之義意矣。

[圖]命貝勒胤禩十三阿哥胤禩大學士馬齊尚書科隆多之子。總理事務。[圖]命

世宗即位  
即召胤禔  
及弘曙來  
京

於川督年  
於堯非常  
罷任

封胤禩胤  
祥胤禔胤  
哲胤親王  
郡王  
以富寧安  
白演為大  
學士

管西路軍務諸王宗室來京。諭總理王大臣等。西路軍務。大將軍職任重大。十四阿哥胤禔勢難暫離。但遇皇考大事。伊若不來。恐於心不安。著速行文大將軍。令與弘曙二人馳驛來京。軍前事務。甚屬緊要。公延信著馳驛速赴甘州。管理大將軍印務。并行文總督年羹堯。於西路軍務糧餉及地方諸事。俱同延信管理。年羹堯或駐肅州。或至甘州。辦理軍務。或至西安辦理總督事務。令其酌量奏聞。至見在軍前大臣等職名。一併繕寫進呈。爾等會議具奏。尋議諭旨。甚屬周祥。應速行文大將軍。將敕印暫交平郡王訥爾素署理。即與弘曙來京。得旨。副都統阿爾訥著隨大將軍來京。副都統阿林保著隨弘曙來京。又封貝勒胤禩為和碩廉親王。十三阿哥胤祥為和碩怡親王。貝子胤禔為多羅履郡王。二阿哥之子弘哲為多羅理郡王。十二月甲子。命富寧安為武英殿大學士。白演字近微。漢軍。鑲白旗人。為文華殿大學士。富兼吏部尚書。白兼兵部尚書。辛未。命諸王阿哥等名。上一字改為允字。以避上名胤字故也。

世宗憲皇帝 名胤禛。聖祖第四子也。母孝恭仁皇后佟雅氏。時太子胤礽廢。不復建儲。聖祖崩。召之入宮。受遺詔。在位十三年。壽五十有八歲。

頒諭旨十一道訓飭督撫州縣

撤西藏防但設成於察木多

年羹堯為私婢所生因有異徵故既棄復舉之

邊事以付羹堯

除山西教坊樂籍

楊名時請限收規禮實不問

癸卯。雍正元年春。正月。辛巳。頒諭旨十一道。訓飭督撫以下文武各官。督撫至縣令。無不以勤求吏治。嚴絕賄賂為主旨。詞多嚴勵。三月。甲申。撤西藏駐防官軍。及西甯八旗兵。因西藏已經入貢。故撤防。但設成於察木多。封川陝總督年羹堯為三等公。羹堯為年遐齡私婢所產子。其生也有異徵。故父已棄而復舉之。及長。弘毅多材略。入翰林。為考官。康熙末。西陲軍興。初擢為四川巡撫。繼升總督。尋又命兼督陝西。時皇十四子胤禩為撫遠大將軍。用羹堯參贊軍務。及帝嗣位。召胤禩還。而邊事以付羹堯。晉三等公。或曰。羹堯得勢。由其妹已册貴妃。未幾妹死。而羹堯亦敗。丁卯。尊聖祖仁皇帝陵曰景陵。夏。四月。帝初御乾清宮聽政。戊辰。除山西陝西教坊樂籍。國使改業為良民。著善政也。以後除惰民丐籍等仿此。帝為皇子時。頗出入京內外。習聞時弊。此其除弊之漸也。五月。辛丑。仁壽皇太后崩。或曰。后實殉先皇也。秋。七月。雲南巡撫楊名時請限收規禮。詔不問。名時奏巡撫衙門規禮。共銀五萬餘。准留若干。其餘應充公。諭謂督撫羨餘。豈可限以科則。拘以繩墨。惟視秉心何如耳。固不可朘削以困民。亦不必矯激以沽譽。若一切公用犒賞。

定建儲特例

親寫密封

乾清宮最

高處

藏丹津謀

亂命年變

羅卜威丹

汗之欲

供青海西

強建有力

王國

帝命常壽

命丹津不奉

之需。至拮据窘乏。殊失封疆之體。非朕意也。在爾等揆情度理而行之。**圖**秋八月。諭頒定建儲特例。**圖**諭謂朕諸子尚幼。建儲一事。此時未可舉行。然不得不預為之計。今將此事親寫密封。藏於匣內。寘之乾清宮正大光明殿匾額之後。乃宮中最高之處。以備不虞。諸王大臣咸宜知之。**圖**九月。青海羅卜藏丹津謀亂。命川陝總督年羹堯以兵征之。**圖**先是青海蒙古固始汗領有唐古特四大部。初不敢侵犯中朝。順治十三年。汗死。其裔分二支。在藏地者稱拉藏汗。見前文。在青海及河套者稱鄂齊圖汗。及阿拉善王。尋鄂齊圖為噶爾丹所破。阿拉善僅得以賀蘭山山形似駿馬為游牧地。故青海一時無汗。前聖祖出塞時。屢訪問固始汗後裔。因得達什巴圖。而封為親王。羅卜藏丹津者。達什巴圖之子也。既以主治青海。輒欲併西藏而有之。以建造一強有力之王國。於是除去清室錫封。而自號達賴渾台吉。并迫脅他部之察罕丹津及額爾德尼亦去清錫封爵。二人不從。星夜入關告變。至是帝命侍郎常壽宣諭往撫。羅卜藏丹津不奉命。因詔羹堯調集西寧兵討之。**圖**命纂修律例。**圖**除紹興府。屬浙江省。今改縣。惰民丐籍。**圖**冬。十

除紹興情  
民丐籍

以川督岳  
鍾琪參贊

軍務拘常  
壽於堪布

爾濟死之  
多

獎堯定包  
圍青海之

計

禁天主教  
移西洋人  
於澳門

月。命年羹堯為撫遠大將軍。改貝勒延信為平逆將軍。別以四川提督岳鍾琪參贊軍務。出西寧。時常壽以旨諭羅卜藏丹津。未及返。竟為所執。拘於堪布廟。隨員多爾濟死之。事聞。因諭羹堯等迅出師。羹堯先引兵於甘肅永昌及布隆吉河一綫。以防其南下。次又扼四川關外巴塘裏塘。及黃勝關。以遏敵入藏之路。又檄別隊出土魯番及噶斯泊。以截斷潛通準部。分別進行。為包圍青海之計。羅卜藏丹津聞信始懼。於是送還欽使常壽。請罪釋兵。上不之許。十一月。丁丑。賜于振等二百四十六人進士及第出身有差。禁天主教。移西洋人於澳門。廣東廣州府南飭官保護。浙閩總督覺羅滿保奏稱西洋人在各省起蓋天主堂。往來傳教。人心漸被感動。請將各省西洋人除送京効力外。餘俱安插澳門。原建天主堂。可改為公所。誤入其教者。嚴行禁飭。得旨。西洋人在各省居住年久。今該督奏請遷移。恐地方之人。妄行擾眾。茲諭各省督撫於外人搬移時。或給與半年數月之限。其來京與安插澳門者。委官沿途照看。毋得勞苦。丁卯。立妃那拉氏為皇后。

廣諭聖訓

大將軍年羹堯遺摺  
督岳鍾琪  
大敗羅卜藏丹津於柴達木

乘春草未生可出  
不意禽賊

地涌甘泉  
一軍歡奮

丹津著番婦衣騎白駝  
向逃至桑

甲辰二年春二月丙午頒聖諭廣訓。帝以聖祖仁皇帝御製聖諭十六條。

頒行日久慮民或怠乃復尋繹其義推衍其文共得萬言名曰聖諭廣訓并製

序文刊刻成編頒行天下。全國各府廳州縣每值朔望必遣諸生宣講學使考試亦必令諸生默寫著為功令。三月大將軍年羹堯

遣提督岳鍾琪大敗羅卜藏丹津於柴達木。地在青海因河得名。時岳鍾琪發西

甯以兵先搦其黨羽沿路焚毀廬舍斬馘至六千餘級惟羅卜藏丹津據烏蘭

呼爾之柴達木深溝高壘無奈彼何羹堯議集衆而後往攻且定長驅直入之

計鍾琪不可曰青海地方寥闊番衆尚不下十萬倘我軍深入敵衆散而誘我

四面受敵此危道也不如乘春草未生以精兵五千戰騎一萬以出不意則賊

可禽也羹堯壯之至是鍾琪取路往中途殪敵數百又夜破哈達河之守兵追

奔一晝夜士卒飢渴塞外嚴凍鍾琪禱於天忽涌甘泉一軍歡奮遂追殲敵衆

二千人敵於此地無邏者我軍得銜枚夜行百六十里黎明抵敵帳。即柴達木。一時

馬不及鞍人不及甲丹津著番婦衣騎白駝而遁我軍捕獲其母阿爾太喀屯

及其妹夫克勒克濟農藏濟吉查等并男女牛羊無數既又揮兵窮追日三百



駱海紅柳  
數天一望  
無際

李允禩爵

嚴禁百姓  
代賠州縣  
虧空錢糧

名曰樂捐  
其實強派

命允禩守  
景陵  
御製朋黨  
論頒賜羣

里數日。至桑駱海。在西藏青海交界處。紅柳蔽天。極目無際。乃退師。是役也。鍾琪斬餘番八

萬。降數萬。由是分青海為二十九區。其喀爾喀土爾扈特等部。各自獨立。不歸青海。至西寧附近之降番。別設土司統之。不隸蒙古。以分額特魯之勢。其朝三年一次。六年再大。准於西寧之日月山設場以互市場。

捷聞。授年羹堯一等公。更賞一精奇哈哈番。授岳鍾琪三等公。加年遐齡太傅。

賜緞九十四匹。圖革郡王允禩爵。圖因奉使口外。不肯前往也。圖夏閏四月丁丑。

命續纂大清會典。圖嚴禁百姓代賠州縣虧空錢糧。圖諭州孫有虧空錢糧。百

姓代償者。此端斷不可開。虧空之員。未必愛民。况百姓貧富不等。斷無合縣情

願賠償之理。或係棍蠹勾連。借端科斂。或不肖紳衿。一向出入衙門。通同作弊。

及本官被參。猶冀留題復任。因而號召多事之人。連名具呈。稱係合縣願賠。後

官畏懼呈追處分。接呈入手。即差役按里追呼。名曰樂捐。其實強派。嗣後紳衿

富民情願協助者。聽其自行完納。其有合縣具呈者。即將為首之人治以重罪。

圖禁止外省官員進獻。圖五月庚申。諭外省文武大臣。凡陛見來京。不必進獻

物件。且嗣後著永遠禁止。圖命郡王允禩往守景陵。圖御製朋黨論。頒

賜羣臣。圖因諸王宗室相互植黨。故著論做之。論曰。予續承皇考之火業。覺宗室之習氣彼此。不相往來。祇如仇敵。動語人曰。彼與我不甚相

停捐例

封明後裔  
朱之璉為  
延恩侯

日月合璧  
五星聯珠

鄂倫岱為  
允禩黨

合。專欲陷我。否則曰：彼與我原有仇。夫今日之宗室，皆同祖之骨肉也。仇從何來。此皆宵小讒間。使骨肉生隙耳。予未卽大位以前，兄弟宗室，固無論矣。卽八旗大臣，并無一人與予為仇者。予不但與人結仇，亦不與人結黨。爾宗室仇視一家之骨肉，反以母黨妻族及外人視為至戚，密邇往來，予在藩邸有年，舊族皇后族及諸親戚之家，絕無一甚相親密者，且并不與滿漢大臣及內廷之執事侍衛等之一人，密為交結。初時，兄弟等尙相往來，然自戊子年皇考下訓旨以後，亦并不私相往來，豈能掩衆人之耳目耶。或謂予與二阿哥（胤礽）不睦，不知二阿哥為皇太子時，乃國之儲君也，其未得罪之前，予但識弟道臣道，事以敬謹，但因皇考篤愛子躬，二阿哥恐其妨己，遂以非理相加，雖然，予惟需己之道恭敬翼順而已。此皆衆所共知者也。戊子歲，二阿哥得罪，使彼等保全者，抑誰之力耶。予之所以登大位者，卽以此無偏私朋黨之習故也。

行將結束。諭將捐納各項事例，一概停止。冬十月，戊寅，封前明後裔朱之璉為延恩侯。之璉官正定知府，以係明裔，特封之。十二月，癸未，故廢太子胤礽卒。追封為和碩理親王。諡曰密。諭祭故朝鮮國王李昫，并冊其世弟李吟為朝鮮國王。遣散秩大臣覺羅舒魯、翰林學士阿克敦同往，予諡曰恪恭。

乙巳。三年春二月，庚午，欽天監奏言日月合璧，五星聯珠。關國著帝之信符瑞也。月之二

日，欽天監上言日月合璧，五星聯珠，實為不世出之奇瑞，應請宣付史館布告

中外。此後符瑞之事不一而足，如四年嘉禾生於藉田，一莖雙穗，以至八九穗，又潮州進瑞蘭，其大如帽，又黃河六畜俱清，五星聚奎壁，七年孔廟大成殿上梁，卿雲見於闕里，八年鳳皇集天台山，皇陵產靈芝，以事涉附會，削而不書。

削鄂倫岱公爵，發往奉天居住。以其黨允禩也。三月，丁未，策妄阿拉布

策安進表  
實方物  
朱軾請修  
浙江江南  
海塘蘇松  
詔減蘇松  
浮糧  
調年羹堯  
爲杭州將  
軍  
年選

用蔡珽爲  
左都御史  
以岳鍾琪  
督代川陝  
總督  
羹堯與上  
官舉行  
革變堯二  
子年富年  
飛爵

垣遣使進表。貢方物。帝優詔答之。賞賚如禮。詔修海塘。尚書朱軾字若瞻，江西高請修浙江杭州府江南華亭縣等處海塘。以捍禦潮汐。從之。詔酌減蘇松浮糧。吳民以蘇松浮糧。自明迄今。相沿已久。懇由管理戶部事務怡親王允祥據情代奏。得旨酌量減成。調年羹堯爲杭州將軍。先是羹堯位大將軍。階級在督撫以上。所屬職官。得由己簡放。當時謂爲年選。四川巡撫蔡珽入見。平揖不拜。羹堯惡其慢己。值珽威逼所屬知府自盡。羹堯劾之。法司擬斬。帝寘不問。反內用爲左都御史。蓋惡羹堯深也。言官交章論其跋扈不臣狀。帝遂調羹堯爲杭州將軍。其川陝總督帥務。著四川提督岳鍾琪代理。所有撫遠大將軍印。應齎送京師。世傳羹堯自西軍中還朝。世宗郊迎之。羹堯遙與上並轡行。百官皆伏地謁。帝滋不悅。決意殺羹堯。六月癸酉。革年羹堯之子年富年興職。諭九卿曰。朕御極之初。隆科多年羹堯皆寄以心膂。毫無猜防。所以作其公忠。期其報効。孰知朕親如一德。伊乃竟有二心。朕予以寵榮。伊乃倖爲邀結。招權納賄。擅作威福。敢於欺罔。忍於背負。彼既視典憲爲弁髦。朕豈能姑息養奸耶。至其門下趨附奔走之人。或由希其薦拔。畏其加害。急宜解

削年羹堯  
太保銜

革貝子允  
禕爵

王頊齡兄  
弟以文章  
知名

定年羹堯  
大逆罪五  
欺罔罪九  
僭越罪十  
六專擅罪  
十六貪婪  
罪十八侵  
蝕罪十五  
忍罪十四  
計九共二

散黨與革面洗心。若仍舊情惟務。隱匿巧詐。一經發覺。定治以黨逆之罪。向日明珠索額圖結黨營私。聖祖仁皇帝洞見其情。因解其要職。寘之閑散。何嘗更加信用。隆科多年羹堯若自知恐懼。痛改前非。欲如明珠之故習。萬不能也。殊典不可妄邀。覆轍不可屢蹈。各宜儆懼。毋得自干誅滅。著先革其子富興爵職。交伊祖年遐齡管束。倘仍不悛改。卽行正法。○甲午。削年羹堯太保職銜。○革貝子允禕爵。○因其縱容屬下。騷擾地方。毆打人民也。○秋。八月。武英殿大學士王頊齡卒。○頊齡與弟鴻緒九齡。俱以文章知名。至是卒。予諡文恭。○甲戌。年羹堯以罪棄市。并罪其父子兄弟親族有差。○○議政大臣等承旨。奏稱羹堯叛逆不道。欺罔貪殘。罪迹昭彰。彈章交至。謹將其罪案列款陳之。凡大逆之罪五。欺罔之罪九。僭越之罪十六。專擅之罪六。貪婪之罪十八。侵蝕之罪十五。殘忍之罪四。尚有其它。計九十二大罪。應請立正典刑。以彰國法。有旨著將羹堯交步兵統領阿齊圖令卽自裁。其父年遐齡兄年希堯并革職免罪。子年富立斬。其餘十五歲以上之子。發往廣西。雲貴極邊煙瘴之

○不書伏誅。書以罪棄市。若羹堯見惡於帝。不罪亦罪。無可倖生。

浙人汪景  
祿以西征  
隨筆獲罪  
梟妻罪  
給與窮披  
甲之窮披  
奴爲披

整理直隸  
一阿防水利  
二設營田  
三選河員

地充軍。族中有候補文武官者。俱革職。其嫡親子孫。將來長至十五歲者。皆陸續照例發遣。永不赦回。亦不許爲官。有匿養年堯堯子孫者。以黨附叛逆例治罪。圖浙人汪景祺以文字獄棄市。籍沒。妻子爲奴。圖景祺爲年堯堯記室。堯堯爲人告訐。大逆罪中。有見汪景祺西征隨筆。不行參奏等語。尋由刑部等衙門議奏。妄作西征隨筆之汪景祺。照大不敬律擬斬立決。得旨汪景祺作詩譏訕聖祖。大逆不道。應當處以極刑。著立斬梟示。其妻子發往黑龍江給與窮披甲之人爲奴。其期服之親兄弟親姪。俱革職遣戍寧古塔。五服以內之族人。凡在官者。亦卽查明革職。令伊本籍地爲官約束。不許出境。圖怡親王允祥等議整理直隸河防水利事宜。圖先是怡親王等奏陳直隸水利營田事宜三款。一白衛淀永定等河情形。并繪圖說明。二請於灤薊等處各設營田。三請揀選河員。得旨直隸地方。向來旱澇無備。皆因水利未興所致。朕宵旰軫念。特命怡親王及大學士朱軾。前往查勘。今據覆奏。議甚明析。以從來未有之工程。照此措置。似乎可收實效。著九卿速核具奏。

尋由戶部等各衙門遵旨議奏。據和碩怡親王等疏。言直隸之衛河。河子牙。滹。并定河。皆匯於天津之大直沽。入海。此直隸水道之大略也。

衛河與汶河合流。東下德州無棣滄州景州以下。存多淺阻。一遇秋伏暴漲。不免潰溢。請將滄州南之磚河。青縣南之輿河。故道疏浚。於舊時建閘之處。築減水壩。以洩衛河之漲。於靜海縣權家口。亦築壩減水。曰塘口入海之處。并開直河一道。使磚河與濟河之委。同歸白塘出口。修理海口舊閘。以時啓閉。則滄瀛以北水利興而水患可矣。東西二淀跨雄鄆等十餘州縣。均應疏浚深廣。并多開引河。使諸淀脈絡相通。其已淤為田畝者。四面開渠。中穿溝洫。庶圩田旱澇有備。其趙北苑家二口。為東西二淀咽喉。趙北口堤長七里。板石橋共八座。俱俱升高加闊。苑家口北之中亭河。上流之玉帶河。對岸為上望河。均可開通。庶東西二淀無衝決之患矣。子牙河為滹沱河下流。清濁二源發源山西。經廣平(今改永年縣)正定。而滹沱隆陽大陸之水會焉。其下流有清河夾河月河。皆分子牙之流。同趨於淀。宜開決分注。以緩子牙河奔放之勢。永定河俗名濁河。水漲泥多。故道途湮。應自柳岔口引之稍北。繞王慶沱之東北入淀。兩河淀內之堤。至三角淀為止。為衆流之歸宿。應照舊開通。逐年疏浚。兩河之濁流。自不能為患矣。至各處堤防。衝潰甚多。均應疏浚修築。再請於京東之灤。天津京南之文(今文安縣)新邱新(今新城縣)雄等處。各設營田專官。經畫疆理。召募老農。勸導耕種。民力不辦者。動支正項錢糧。代為經理。田熟歲收十分之一。以補庫帑。足額而止。營田一頃以上者。分別獎案。有能出資代營者。民則修旌。官則議敘。至各屬官田。約數數萬頃。請遣官首先舉行。為農倡率。民間田廬有礙水道者。計畝撥抵。視其畝數。加十之二三。河淀淤地必須挖樹者。將附近官地。照數撥抵。則營田水利。人皆趨事樂從矣。

奏上。依議。

治允禩允禩禱結黨構逆罪

允禩用違經遠文字與允禩通訊

改允禩名阿其那允

丙午四年春正月戊戌。治允禩允禱結黨構逆罪有差。帝召貝勒貝子公滿漢文武大臣等。諭以廉親王允禩希冀非分。狂悖已極。情罪重大。宜削籍離宗。革去黃帶子。其黨允禱蘇努吳爾占。結黨構逆。亦將黃帶子革去。時允禩駐兵西甯。用西洋人 允禩往來。事覺。一并問罪。并令宗人府將允禩等名字除去。尋諭將允禩之妻革去。福金。休回外家。嚴加看守。二月。命貝子魯賓監禁高牆。因其諂事允禩也。又命將允禩允禱同時圈禁。將允禩改名阿其那。滿語謂狗也。 伊子弘旺改名菩薩保。允禱改

滿名塞斯  
黑

帝不惟不  
友抑亦不  
孝

書名教罪  
人四字給  
錢名世以  
等之  
查嗣庭以  
維民所止  
命題係雍  
正二字并  
去其首

停浙江鄉  
會試

名塞思黑。滿語謂猪也。未幾塞思黑於八月故。阿其那於九月故。

劉星北曰。帝於昆季中尤深惡允禩。以柔奸手段。籠絡人心。一時允禩允禩允禩等。皆立於被動地位。爲所誘惑。然以允禩矜立名譽。才望爲諸王冠。確難遽加之罪。乃封爲廉親王。令與帝黨怡親王允祥同理政務。而安寅允禩於西寧。以孤其勢。顧允禩傾險。造作蜚語。欲以惡名歸帝。允禩在西寧。以歐人穆經遠爲謀主。時有密書至京。與允禩往來通訊。帝益惡之。至是詔逮問罪。更允禩名爲阿其那。允禩名爲塞思黑。俱屏之於宗籍之外。阿其那塞思黑本滿語譯稱猪狗之義。帝加諸弟以惡名。且謂不似皇考所生子。蓋不惟不友。抑不孝已。

〔編〕侍講學士錢名世革職。〔編〕名世曾有詩投贈年羹堯。語涉頌揚。至是事發。帝深惡之。除革職外。并御書名教罪人四字。令地方官製造匾額。張挂其宅。以辱之。〔編〕秋九月。逮問禮部侍郎查嗣庭科以大逆重罪。〔編〕嗣庭爲江西考官。試題爲維民所止。題出大學。言官揭參。謂係雍正二字并去其首。誹謗大逆。尋詔以嗣庭所作日記有悖亂語。革職挈問。交三法司嚴審定擬。嗣庭在獄病故。仍戮其尸。其子坐死。家屬流放。查嗣庭爲吏部尚書。舅舅隆科多之黨。時帝正疾視隆科多。故執其黨嚴治之。〔編〕特授光祿寺卿王國棟爲浙江觀風整俗使。并停止浙江鄉會試。〔編〕帝以浙省風俗澆漓。因以文字獲罪之。

謝濟世揭  
參川文鏡  
十罪帝斥  
濟世而租  
文鏡

讀聖賢書  
自當忠諫

俄遣薩瓦  
來談國界

免江南伴  
僮世僕名  
色

汪景祺查嗣庭皆浙人也。圖十二月革御史謝濟世職。圖濟世字石霖廣西人奏參河南巡撫田文鏡。軍正黃旗人由長樂縣縣才發籍營私負國貪虐不法十罪。帝閱疏大怒曰：彼號能臣，朕方倚任，將大用之，爾毋誣奏。因擲還疏章。濟世伏地不起，爭益力。帝怒甚，命交九卿科道集刑部嚴訊。先是文鏡疏劾屬吏黃振國邵言綸汪誠等，直隸總督李紱字履堂臨川人辨護之，謂文鏡有心蹂躪讀書人。至是濟世於揭參文鏡十罪中，稍稍涉及前事。帝疑為朋黨，因付刑臣雜治。問誰指使，曰孔孟。問何故，曰讀聖賢書。自當忠諫，見奸弗擊，非忠也。奏上，議大辟，得旨免死，令往阿爾泰軍前效力。

編丁未五年春三月，俄羅斯女皇加他陵遣使薩瓦來京。圖為明定國界故也。

編夏四月辛卯，賜彭啓豐字翰文江蘇長洲人後官至尙書等二百二十六人進士及第，出身有差。

編命免江南民伴僮世僕名色。圖諭內閣，山西樂戶、浙江惰民，皆除其原籍，使

為良民。近聞江南徽州府則有伴僮，寧國府則有世僕，本地呼為細民。幾與樂

戶惰民相等。又其甚者，如二姓丁戶村莊相等。而此姓乃係彼姓伴僮世僕，凡



使額駙策凌與薩瓦定恰克圖條約

隆科多有

彼姓有婚喪之事。此姓即往服役。稍有不合。加以箠楚。及訊其僕役起自何時。

則皆茫然無攷。非有上下之分。不過相沿惡習耳。著該省督撫查明具奏。尋據

安徽巡撫魏廷珍遵奏江南徽寧等處。向有伴僮世僕名色。擬請嗣後紳衿之

家典買奴僕。有文契可攷。未經贖身者。本身及子孫俱聽從主家役使。至年代

久遠。文契無存。不受主家豢養者。概不得以世僕名之。得旨永著為令。**圖**秋。八

月。乙巳。命額駙策凌與俄使薩瓦議定國界。圖是即恰克圖條約。亦多涉之重要者。**圖**策凌與俄使薩

瓦相見。議定疆界事宜。以貝加爾湖南之恰克圖為起點。東則過普羅科提嶺。經啓蘭技古德亞羅波茲爾亞倫。瑪且孫諸村落。沿啓其河前進。更經哀爾伯加且茲安坎烏拉諸地。特爾俄人部落。與

蒙古部落間之沙漠。至亞爾坤河隄岸止。西由阿爾果子匹啓占特果斯各經過多羅斯果尼印諸嶺而至散賓嶺止。此界直至海末。尙有大變更。其關於通商者。則開放恰克圖些林亞尼布楚為通商地。於各地起造需用之建築。特於恰克圖設關稅倉

庫云。與伯四格圖理琛。時圖理琛為理藩院尚書。駐土拉河。等。以應立界石地方。繕寫給與薩瓦。薩瓦及

布里雅吳梁海等議定。俟回國後。即將界址小河地名。另行開明呈覽。遵即立

石定界。曉諭喀爾喀汗王。各扎薩克。黑龍江將軍等。令其約束屬人。不得越界

生事。得旨允行。**圖**冬。十月。隆科多有罪。永遠禁錮。**圖**隆科多為佟國維子。國維

乃孝懿仁皇后之父。帝於即位之始。詔稱舅舅隆科多。其尊崇至矣。官書稱康熙六

十一年甲午。丑

隆科多受顧命於御榻之前

年選佟選

詔斬其家人牛倫

奏列隆科多大不敬罪五款  
朝政罪三  
奸黨罪六  
不法罪七  
貪婪罪十  
共四十一款

刻。聖祖疾大漸。趣召皇四子入宮。戊刻。聖祖崩。似於授受間無可疑議。惟外國有謂聖祖疾甚。世宗與諸皇子方在宮門間安。隆科多受顧命於御榻前。聖祖親書皇十四子四字於其掌。俄隆科多請出。世宗迎問。速抹去其掌中所書字。祇存皇四子字樣。遂得立。說雖不見記載。然審以康熙末年十四子允禩為撫遠大將軍。柄用隆重。異於諸子。其得帝眷可想。抑證以世宗即位後。允禩自軍中歸。觀見世宗。不肯跪拜服臣子禮。其傳說亦非必無因。雍正初。命與

怡親王允祥總理政務。又命承襲一等公爵。并賞給阿達哈哈番世職。授吏部尚書。加太保。既與年羹堯相黨助。作威作福。專權擅政。故當時文武官吏。由羹堯簡任者為年選。由隆科多簡任者為佟選。其家人牛倫尤用事。前年坐徇庇羹堯。奪太保銜。復因其在吏部遇事專斷。奪世職。帝由此不時督過。上年正月。諭旨宣布其種種罪狀。令往阿爾泰畫定邊界贖罪。未幾。刑部劾其挾勢婪贓。詔斬其家人牛倫。本年六月。私抄玉牒事發。因藉此興起大獄。削爵逮問。至是順承郡王錫保等遵旨審奏隆科多罪案。凡大不敬之罪五。欺罔之罪四。紊亂朝政之罪三。奸黨之罪六。不法之罪七。貪婪之罪十六。應擬斬立決。妻子入辛者庫。財產入官。帝召諸王大臣諭之曰。隆科多所犯四十一款。實罪不容誅。但皇考升遐之日。召朕兄弟及隆科多入見。面降諭旨。以大統付朕。是大臣之內承旨者。惟隆科多一人。今因罪誅戮。雖於國法允當。而朕心則有所不忍。隆科

於暢春園附近造屋禁錮隆科多  
白帝城受命之日即至死期已免嘉湖二府浮糧

多免其正法。於暢春園外附近隙地造屋三間。永遠禁錮。其妻子亦免入辛者

庫。伊子岳興阿著革職。玉柱著發往黑龍江當差。當時隆科多獄詞有云。妄擬請亮奏稱白帝城受命之日。即是死期已至之時。觀此則世

宗之立。其曖昧情事。概可想見。○又隆科多之參揭。首爲河南巡撫田文鏡。相傳文鏡蒞官。由京薦一番客。爲紹興鄞姓。既見文鏡。卽問願爲名督撫乎。抑爲尋常督撫乎。文鏡曰。必爲名督撫。鄞某曰。若是可任我爲之。不可掣肘。既而爲撰一疏。不許文鏡見。既上。卽發劾。隆科多也。文鏡由此大用。

冬十月。諭免浙江嘉湖浮糧。嘉興府今改縣。湖州府今名吳興縣。諭戶部查各

省中賦稅最多者。莫如江南之蘇松。浙江之嘉湖。每府多至數十萬兩。地方百

姓。未免艱於輸將。其賦稅加重之由。始於明初洪武時。因四府人民。爲張士誠

固守。故平定後。籍諸富民田以爲官田。按私租爲稅額。夫負固之罪。在士誠一

人。而乃歸咎百姓。加其租賦。是洪武之苛政也。有明二百餘年。減復不一。我朝

定鼎以來。亦照明例徵收。蓋因陸續辦理軍需。經費所在。未便遽行裁減。我皇

考聖祖常論及此。雍正三年。將蘇松二府額徵浮糧豁免。彼時頒發諭旨甚明。

本欲一體加恩嘉湖二府。因浙江風俗澆漓。正須化導。故爾暫止。今見浙俗漸

次轉移。朕心渾然。查嘉興額徵銀四十七萬二千九百餘兩。湖州額徵銀三十

九萬九千九百餘兩。俱將減十分之一。二府共免銀八萬七千二百兩有奇。永

沈近思書  
程子滄齋  
須用靜進  
學在致知  
二語座隅

近思著陸  
子遺書

田雨時遇  
寇舍已子  
負兄遺孤

田從典疏  
陳調繁之  
弊三盜調  
之弊亦三

定保舉卓  
異人員處  
分

著爲例。**圖**十二月。定各省六年選拔一次。**圖**命國子監屆期題請候旨。**圖**左都御史沈近思卒。**圖**近思字位山，浙江仁和人。之學。平正切實。篤信平湖陸隴其。以上宗朱子。得濂洛關閩之正脈。居恆書程子涵養須用靜。進學在致知二語於座隅。嘗仿近思錄之例。就平湖學案。薈萃諸說而類編之。名曰陸子遺書。凡十四卷。卒諡端恪。

**圖**戊申。六年。春。三月。丁巳。大學士田從典卒。**圖**從典字克五，山西陽城人。父雨時。爲陽城諸

生。邃於易。明季流寇犯陽城。雨時挈幼子及兄遺孤。既遇寇。度不能兩全。因舍幼子負兄子走。寇退。得幼子於草閒。卽從典也。五歲誦三經。長負才名。爲御史時。嘗疏陳調繁之弊有三。曰希圖善地。規避衝地。預爲卓薦地。督撫濫調之弊。亦有三。曰曲徇請託。引用腹心。公行賄賂。其言頗切中時弊。雍正三年。授文華殿大學士。兼吏部尙書。在朝以謹密稱。至是卒。予諡文端。**圖**定保舉卓異人員處分。**圖**諭國家舉行大計。乃三年考績之大典。其中卓異人員。皆加以特恩。不次擢用。恐相沿日久。必有濫舉失實之弊。嗣後文武卓異官員。有犯貪贓不法

田文鏡  
佐貳察籍

文鏡以己  
非科甲厭  
惡屬吏科  
甲

論直省治  
績以文鏡  
為第一  
復浙士子  
鄉會試

派御史稽  
察淮船

之款而審訊確實者將從前列為卓異之上司一併議處倘於該員未敗露之先有能查出奏參者免其處分。[圖]授田文鏡為河東總督。[圖]文鏡以佐貳發籍康熙末內用京秩雍正元年遣祭華山歸白山西荒歉即命往振稱旨遽授山西布政使越年調河南擢巡撫其蒞官以嚴厲苛刻為能遇屬吏以己非科甲對於甲榜乙榜均厭惡之上年御史謝世濟揭參上謂如文鏡實心任事為近今督撫中不可多得至是論直省治績第一授河東總督管理河南山東二省事務後不為例。[圖]秋九月丁未始准浙士子應鄉會試。[圖]前以浙江風俗澆薄停其鄉會試至是諭內閣曰浙江士習澆薄朕為人心世道計不得不嚴加整理今年以來李衛江蘇桐山人由捐官員外郎入仕官至浙江巡撫與文鏡齊名然為政疏簡闊目有豪士風王國棟軍鎮紅旗人康熙五十二年進士即任觀風整俗使者先後奏兩浙士子感朕訓誨之恩省愆悔過可稱士風丕變明年即屆鄉試之期浙省士子准其照舊考試。[圖]十二月始立咸安宮官學。[圖]將包衣佐領內管領之子弟并景山官學生內揀選穎秀者入學肄業。

[編]己酉七年春正月癸丑派御史二員往淮安稽察淮船。[圖]帝以糧船過淮所

鄂爾泰奏  
卿雲見

建改土歸  
流之策帝  
稱奇才

帝有時自  
信不如信  
鄂爾泰之  
深

用傅爾丹  
為大將軍  
往征準格  
爾部

噶爾丹策  
零驍勇好  
兵大為邊  
患

岳鍾琪料  
傳之必敗

費陋規甚多。大為漕政之累。故有是命。圖雲貴廣西總督鄂爾泰奏卿雲見。得旨爵賞有差。圖鄂爾泰

圖鄂爾泰字毅庵。姓西林羅覺氏。滿洲鑲藍旗人。

圖鄂爾泰

初以侍衛和

聖祖詩稱旨。遷內務府員外。後以不附某王。并辱羹堯使者。為帝所知。雍正三

年。由廣西巡撫擢雲貴總督。因建改土歸流之策。疏上。盈廷失色。帝獨笑曰。此

奇才。天賜朕也。命兼督廣西。經理苗疆事宜。由此信任無比。每具一疏。帝必嘉

獎。嘗諭羣臣。朕有時自信。不如信鄂爾泰之深。及是奏卿雲見。加封三等阿思

哈尼哈番。文武各官俱加級有差。圖三月。以準格爾部噶爾丹策零為邊患。命

領侍衛內大臣三等公傅爾丹為靖邊大將軍。出北路。川陝總督三等侯岳鍾

琪為寧遠大將軍。出西路。討之。圖先是羅卜藏丹津之敗。往投準格爾策妄阿

拉布坦。納之。帝遣使往索。不奉詔。既而西師亦罷。雍正五年。策妄死。子噶爾丹

策零嗣立。驍勇好兵。大為邊患。廷議大舉出伐。大學士朱軾等以時機未至。惟

尚書張廷玉主戰甚力。并薦內大臣傅爾丹。傅爾丹者。開國元勛費英東之後

也。幹軀頹然。鬚髯秀美。有名將之風。帝用為帥。以滿漢兵五萬付之。

時岳鍾琪與傅爾丹同為大將

道不聽欲  
以轆滿灌

張廷玉詩  
六月之詩

謝濟世注  
釋大學

湖南人曾  
靜遺徒張  
熙說川督  
岳鍾琪

呂留良不  
就博學鴻  
儒披雍為  
爵

衆鍾琪笑頷之。出語人曰：爲大將者不恃謀，而恃勇，亡無日矣。都統達福靡力諫，帝不聽，曰：策妄砮落子新立，彼地有分裂之勢，又何不可。達福曰：策妄雖死，老臣固在，彼主少則易諫，臣強則制專，我以千里轉餉之勞，攻彼効死之士，臣未見其可也。况天漸暑熱，未便行軍。廷玉因在帝前詠小雅六月之詩。周宣王征伐玁狁，有六月之詩。帝笑曰：達福患暑疾，曷不灌以滷汁。達福聞之，詞色俱厲。帝曰：然則以汝副傅爾丹矣。達福語塞。帝因并諭岳鍾琪分兩路出兵。夏五月，御史謝濟世議罪遣戍。先是濟世以劾奏田文鏡忤旨，發往軍前効力。至是順承郡王錫保復奏其註釋大學毀謗程朱，帝閱其書而信，命九卿翰詹科道秉公議罪。尋議上應正法，奉旨免死。令當苦差，効力贖罪。川陝總督岳鍾琪奏湖南人曾靜遣其徒張熙投書謀反，詔刑部侍郎杭弈祿等治其獄，戮呂留良及其子葆中尸，免曾靜張熙死。

**圖**先是會靜字蒲潭，湖南靖州人。居鄉見浙人呂留良之時藝評選，內有關於華夷之別，封建井田復古之議論，心竊悅之，使其徒張熙至留良家訪求遺文。留良別號晚村，行在猶介，康熙間舉博學鴻儒，抵死不就，又恐人疑己爲山陰隱逸，乃披雍爲僧，自謂足迹不越江南，交游不及名位，因稱東海廣僧。推服甚至，對於時政，亟思改革，因又遣

列世宗罪惡九款

帝以留良之罪尚在上會靜之上

入蜀。說川陝總督岳鍾琪。列帝罪惡九款。一曰帝謀害父皇。以帝之傳位。由於強迫。一不出於聖祖之本意。二曰帝僭母。以仁壽皇太后。后非病死。三曰帝弑兄。以廢太子胤禛之。死。由帝陰殺之。四曰帝屠弟。即允禩允禟等。死於幽禁。五曰帝貪財。六曰帝好殺。七曰帝酗酒。八曰帝淫色。九曰帝誅忠用佞。鍾琪誘熙吐實。熙因言已師會靜師呂留良。更進述華夷之別。封建之利。謂鍾琪乃祖岳飛實死於金人。金爲清室遠祖。春秋復九世之仇。此種世仇。何可不報。鍾琪意弗爲動。遽以實告。帝乃遣刑部侍郎抗弁祿副都統海蘭迅往湖南。會同巡撫王國棟。拘提會靜質訊。靜不少諱。并涉及呂留良之徒嚴鴻逵。沈在寬等。往來投契。素稱同志。獄成。帝命將會靜張熙等。提解來京。并命浙江總督李衛。搜查呂留良嚴鴻逵。沈在寬家藏書籍。及隨筆日記等。并案內人犯。一併拿解赴部。既由內閣九卿。先將會靜問訊。帝以留良之罪。尚在會靜之上。諭將留良及見在子孫嫡親兄弟子姪。應照何等治罪之處。著由九卿翰詹科道具議。至各省督撫提鎮兩司。亦應秉公各抒己見。評議具奏。尋定呂留良嚴鴻逵及留良之子呂葆中。康熙末進士。官翰林院新修。皆判尸梟示。子孫遣戍。婦女入官。沈在寬凌遲處死。於會靜張熙則



呂文謂今日世怨之窮爲開闢以來所未見。帝以文字獄殺陸生。陸生梅作通鑑論十七篇。錫保爲指出抗憤不平之語。

可發大義覺迷錄

### 免罪釋放。

呂晚村之日記。其內容如何。不尋而知。據世宗明諭。謂其稱我朝曰清。曰北。曰燕。曰彼中。以逆藩吳三桂爲隣敵。於其反順舉兵。加以同情。又以永歷在緬甸。被其國酋長捕送之時。呂良稱滿漢之兵。齊蹙於永見。猖狂悖亂之詞。令人痛心疾首者。不可枚舉。呂留良生於浙江人文之鄉。初非曾靜僻陋之人。可上。且言讒誣止版一人。對於曾靜張熙謀反之本人。反示以寬容。而對於死者呂晚村。則極力追究。可知帝之態度。乃漸注意於種族同胎矣。

秋。七月。丙午。帝以文字獄殺陸生梅。

廣西人。

先是生梅與謝濟世交。連坐遣戍。發

往順承郡王錫保軍前効力。生梅曾作通鑑論十七篇。其論君主有云。人雖怒之而不敢洩。欲報之而不敢輕。其蓄既深。其發必毒。云云。錫保一一指出。謂論中盡抗憤不平之語。其論封建之利。更屬狂悖。顯然誹謗朝政。奏上。得旨謂生梅以封建制度爲萬世無弊之良規。廢之爲害。不循其制亦爲害。至於今日。害深禍烈。不可勝言。如此指摘。荒謬已極。大凡叛逆之人。如呂留良曾靜及陸生梅輩。皆以宜復封建爲言。蓋此種悖亂之人。自知奸惡傾邪。不容於鄉國。欲效策士之風。意謂不見用於此國。則去之他國。殊不知狂肆逆惡如陸生梅者。實天下所不容也。遂命於軍前正法。命刊大義覺迷錄頒行天下。

斷辭辨駁不實。其失厚嚴甚矣。

帝以曾靜等獄發生。知晚村學術深入人心。風行一世。甚爲驚駭。

因急加疏辨。冀以減殺排滿之思潮。爰取疏辨之語。及會靜供詞。合而為一。專論華夷之別。名曰大義覺迷錄。宣示中外。

其一一以中國疆宇古今廣狹不同。大旨謂德之在內。近者則大統集於內。遠者則大統集於外。中外不分。

其二更進一步立說

道。惟有德者可為天下之君。此乃天下一家。萬物一體。自古至今。萬世不易之常經也。書云。皇天無親。惟德是輔。德足以君天下者。天錫佑之。未聞有天下之君。不以德感乎。惟擇何地之人輔之之理。書又曰。撫我則后。虐我則仇。此民心向背之至情。未聞德兆不歸心。而但擇地之理。又順天者昌。逆天者亡。惟有德者乃能順天之所與。豈因何地之人。而生區別耶。我國家肇基東土。列聖相承。保乂萬邦。天心篤佑。德教弘敷。恩施遐邇。登民生於衽席。徧中外而尊親。於茲百年矣。夫我朝既仰承天命。為中外生民之主。凡所以蒙受此撫綏愛育者。可以華夷殊視。而中外之臣民。既共奉我朝而為君。歸誠効順。所以盡臣民之道者。尤不得以華夷異心。此乃揆之天道。驗之入理。滿隔日出之鄉。普天率土之衆。莫不知大一統之在我朝。悉臣悉子。無敢越志。乃逆賊呂留良。凶頑悖惡。私為著述。妄謂宋滅亡以後。為天地之大變。而逆徒嚴鴻遠等。轉相私附。餘波及於曾靜。推逆徒之意。謂本朝以滿洲之君。入主中國。妄生此疆彼界之私見。故遂為此誦謗詆譏之說。不知本朝之為滿洲。猶中國之有籍貫。舜為東夷之人。文王為西夷之人。曾何損於聖德。詩云。戎狄是膺。荆舒是懲。以其僭王猾夏。不知君臣之大義。故擊其踵而懲之。非為其戎狄而外之。若以戎狄言。孔子周游至魯。不當應昭王之恥。而秦穆公之霸西戎。孔子刪定之時。不當以其暫列於周書之後矣。從來華夷之說。乃晉宋六朝偏安之時。彼此不相向。北人詆南人為島夷。南人稱北人為索虜。當時之人。不務德行。徒事口舌相讓。已所謂卑卑陋陋之見解。今逆賊等於天下統一。華夷一家之時。妄判中外。謬生忿戾。豈非逆天背理之大罪乎。且以天地之氣數言。明朝嘉靖以後。君臣失德。盜賊起於四方。生民塗炭。疆圉無寧。其時可謂之天地閉塞。本朝定鼎以來。掃障驅寇。文物日盛。黃童白叟。一生不見兵革。今日之天地寧清。超越明代。三尺之童子。諒皆洞悉。而尚可謂昏暗乎。天地以仁愛為心。覆載以無私為量。是以恩之在內近者。則大統集於內近。德之在外遠者。則大統集於外遠。孔子曰。大德必受命。自有帝王以來。其授一也。今逆賊等以冥頑狂肆之胸。不論大心之取舍。政治之得失。不論民物之安危。疆域之大小。徒阿私瑣瑣之鄉曲。忿嫉區區之境界。公然指斥。竟敢指天地為昏暗。豈皇上帝上天。不若逆賊等之知識乎。中國統一之世。幅輿不備廣遠。其中若有向化者。則斥為夷狄。三代以上。有苗荆楚獫狁。即今湖南湖北山西之地。在今日可目為夷狄否。至漢唐宋全盛之時。北狄西戎。世為邊患。從未屈服。不能有其地。是以有此疆彼界之分。自我朝入主中土。君臨天下。蒙古梅邊之部落。俱版圖。中國疆土開拓之廣遠如此。乃中國臣民之大幸。何得有華夷中外之分論乎。○又曰。從來君上之道。當視民如赤子。臣下之道。當奉君如父母。若為子之人。其父母雖待之不慈。尚不可疾怨忤逆。况我朝之君。實盡父母斯民之道乎。從前康熙年間。各處奸徒煽動。以朱三太子為名。如一念

以為人但  
推戴朱明  
其實受之  
適以害之  
元汭不見  
儘多美德  
採韓愈中  
則夷狄之  
夷狄而中  
國則中國  
一兩言為  
歸結在首  
犯難者必  
然失收如  
鴻留良嚴  
鴻逸曾靜  
其鐵證也

和尚。朱一貴等。指不勝屈。近日尙有山東人張玉者。假稱朱姓。託明後裔。偶逢星士推算其有帝王之命。即希以此鼓惑愚民。卒被步兵統領衙門捕拿。從來異姓先後繼統。前朝宗姓臣於後代者甚多。否則藏匿姓名。伏處草野。從未有如本朝之奸民。假稱朱姓。搖惑人心。如此之多者。如此甚且不息。則中國人君之子孫。遇繼統禪之君。至將無噍類。豈非奸民迫之使然乎。况明之繼元有天下。明之太祖。即元之子民。以綱常倫紀言之。豈能逃篡逆之名。至於我朝之於明。則僅鄰國耳。日明之天下。要於流賊之手。其時邊患四起。饑饉騷動。流賊之名目。不可勝數。而各村邑無賴之徒。乘機劫殺。不法將弁兵丁等。又借征勦之名。肆行擾害。殺戮良民。以請功。以充獲賊之數。中國人民。死亡過半。即如四川之人。竟無子遺。其傷有生者。則支體不全。耳鼻殘缺。此外天下人所共知也。康熙四五十一年間。猶有目睹當時之情形。父老有南泣道之者。且我朝統存者。則支體不全。耳鼻殘缺。此外天下人所共知也。康熙四五十一年間。猶有目睹當時之情形。父老有南泣道之者。且我朝統存者。則支體不全。耳鼻殘缺。此外天下人所共知也。康熙四五十一年間。猶有目睹當時之情形。父老有南泣道之者。且我朝統禮。史不勝書。其藩王之後。實係明之子孫者。格外加恩。封以公爵。此又前代未聞之曠典也。而憫懷叛逆之奸民。勸以假稱朱姓為構逆之媒。呂留良輩又借明代為言。肆其分別華夷之新說。冀遂其叛逆之志。此不但本朝之賊。實明代之仇讎也。且如中國人輕待外國人入承大統者。其害不過一二匪類。妄行詆譭。原無損於非之公。人倫之大。倘外國之人入承大統。不以中國人為赤子。中國之人。何所託命耶。况撫之則后。虐之則仇。人情也。若撫之仍不后。殆非天合理之人情。假君以非常加之於下。下能堪乎。君尙不以不情施之於下。豈下轉以施之於上乎。孔子曰。君子居是邦。不非其大夫。况其君乎。又曰。夷狄之有君。不如諸夏之亡。夫春秋之時。以百里之國。為不非其大夫。况我朝為奉天承運大一統太平盛世。而君上尙可謗議乎。且聖人之在諸夏。猶夷狄有君。况在我朝之人。親被故澤。食贖服時。而為無父無君之論可乎。雖愈有言。中國而夷狄則夷狄之。夷狄而中國則中國之。歷代以來。如元之混一區宇。有國百年。幅員極廣。其政治規模。頗多美德。而後世稱之者寥寥。其時名臣學士。著作頌揚。紀當時之休美。載在史冊。亦復粲然備具。後人則故為貶詞。概謂人物無可紀。事功無足錄。此特挾持私心。識見卑鄙之人。不欲歸美於外來之君。祇欲貶抑淹沒之。不知文章著作之事。信今傳後。著勸戒於簡編。常平心執正而論。對以外國入受大統之君。其善惡尤宜公平書錄。細大不遺。庶使中國之君見之。以為外國之主。且明哲仁愛如此。自必生奮勵之心。外國之君信其是非不爽。直道常存。亦必愈勇於為善。深戒其為惡。此文變之功。所以有補治道也。若放貶抑淹沒。略其善而不傳。妄載以誣其惡。以為中國之君。概生中國。自應享有令名。不必珍德行仁。自臻邦治之隆。而自外國入承大統之君。以為縱能夙夜勵精。勤求治理。究竟無載籍之褒揚。為善之心。因之自怠。則內地之蒼生。其苦有底止耶。世道人心之害。可勝言耶。如流賊呂留良。乃誠千古之罪人。不待教而諫者也。夫以天下國家之貴固。豈為合風竊之輩。豈能輕易動搖耶。即當世近式徵之時。歷觀史冊。其首亂之人。從未有一人成大事者。自秦末之陳涉項梁張耳陳餘。至元末劉福通韓林兒陳友諒張士誠等。雖一時跳梁。究竟旋為炭極。總之此等奸民。不問君臣之大義。不識天命之眷。徒自取誅戮。為萬古之罪人而已。夫人之所以異於禽獸。以有此倫常之理。故五倫之所謂人倫者。非因華夷以區別人禽

也。朕之詳悉剖示。豈好辯哉。天下後世自有公論。著將呂留良嚴鴻逵曾靜等悖逆之言。及朕之諭旨。一一刊刻。通行天下。各州縣。頒布於窮鄉僻壤。使讀書士子。鄉曲小民。共知之。各貯存一冊於學宮之中。使將來後學知進之士。得觀覽而知焉。

論者曰。曾靜之供詞。是否真有其事。實難盡信。帝以九五之尊。不但據一落第書生之供詞。一為辯解。并對於晚村學術。詳細加以批評。命儒臣朱軾等編駁四書講義。公之於世。非吾人所歎異者乎。帝曾自道其心事曰。朕今若燬彼等之書。使將來不見此書。特滋疑惑誤會。以為得聖賢之真傳。此固非朕之本意也。帝之不殺曾靜者。因欲借此好題目。從根柢上斬除異說。又一方示以寬容之度。以得輿論上之同情耳。

**編** 庚戌。八年。夏。四月。命改大學士尚書品級。**編** 改大學士正一品。尚書從一品。

**編** 詔除常熟昭文丐戶籍。**編** 江蘇巡撫尹繼善字元長。姓章佳氏。滿洲鎮黃旗人。奏蘇州府屬之常

熟昭文二縣。舊有丐戶。不得列於四民。請除其籍。列為編氓。從之。**編** 詔革誠親

王允祉王爵。**編** 宗人府等衙門奏議誠親王允祉行事殘刻。罪惡日稔。應削去

親王。革退宗室。即行正法。得旨允祉著革去親王。其如何拘禁之處。候再降明

諭。**編** 秋。八月。烏蒙裸賊戕殺總兵劉起元。雲貴廣西總督鄂爾泰亟命哈元生

討平之。**編** 先是四川烏蒙土司祿萬鍾擾東川。府與滇接壤。總督鄂爾泰奏請

除常熟昭文  
文丐戶籍  
革允祉親  
王爵

烏蒙裸賊  
戕殺劉起元  
元由雲貴  
生討平之

殺河南道士賈士芳

殺翰林徐駿

傅爾丹和道泊之敗

敵來誘我由定壽永關海壽三  
人切諫傅爾丹不聽

以東川隸滇。詔許之。惟萬鍾不就撫。鄂爾泰因檄總兵劉起元往攻之。萬鍾遁。於是鎮雄威遠等處猺苗皆就撫。至是烏蒙猺賊復結諒山等蠻叛。起元引兵至。竟受害。而祿萬鍾弟萬福與賊合。鄂爾泰得報。急飭參將韓勳破賊於奎鄉。總兵哈元生又乘勝復烏蒙。未幾擒萬福而斬之。明年。疏陳烏蒙善後事宜。凡八款。**圖**九月。殺河南道士賈士芳。**圖**士芳居京師。白雲觀。自言知醫。以薦入宮治病。口誦經呪。有天地聽我。主持鬼神歸我。驅使之語。帝惡而殺之。**圖**冬十月。己亥。殺翰林院庶吉士徐駿。**圖**刑部等議奏徐駿於詩文稿內。造為譏訕悖誕之言。應照大不敬律。擬斬立決。從之。

**圖**辛亥。九年。夏。六月。靖邊大將軍傅爾丹等進攻噶爾丹策零於和通泊。在科布多東南

戰失利。**圖**噶爾丹策零遣大策零等以兵三萬犯北路。先遣一將來偽降。詭言

厄魯特大隊未至。其前隊千餘。駝馬二萬。在傅克托嶺。阿爾泰山之東幹距我軍僅三日

程。傅爾丹信之。即以兵萬餘往襲。副都統定壽永圖海壽等交諫。不聽。敵乃以

少兵誘我。別伏精兵二萬於深谷。初則不見賊壘。繼聞胡笳遠作。氍毹四合。乘

紅轟先遁  
白轟奮摩  
敵倫乃由  
索倫軍誤  
呼竟至是  
非顛倒

傅爾丹誤  
殺沙津幾  
釀兵變

命錫保往  
傅爾丹

策凌大敗  
準部鄂勒  
登楚勒河

高突擊。遂圍我前鋒四千於和通泊。萬矢雨集。衆寡不敵。傅爾丹以後軍往援。敵已攻破我參贊之師。直犯大營。傅爾丹命索倫蒙古兵先禦之。科爾沁蒙古樹紅轟先靡而遁。土默特蒙古樹白轟奮摩敵壘。索倫軍但知蒙古兵敗。不知誰屬。誤呼曰。白轟兵陷敵隊矣。諸軍不戰而潰。終夜甲仗聲不絕。惟滿洲兵四千衛輜重。且戰且退。渡哈爾納河。副將巴賽查納弼以下皆戰死。其得生還科布多者僅二千人。按科布多城。爲臨時新建。其建築材料。由喀爾喀部運至。敵獲我士卒。皆穿踵盛以皮囊。縛馬後。唱胡歌而返。蒙古科爾沁親王匿荏葦敗葉中。幸免。既至大營。訴於帥。傅爾丹信其言。彼亦謂白轟先靡。卸過於土默特。竟執土默特公沙津數其失律之罪。殺之。士卒憤怒。幾釀變。同時岳鍾琪聞北路被圍。急令總兵紀成斌進攻烏魯木齊。以分敵勢。奈敵已委城先徙。於事無濟。事聞。詔降傅爾丹爲振武將軍。以順承郡王錫保代之。移科布多營於察罕度爾。又以馬爾賽爲撫遠大將軍。屯歸化城。圖秋九月己丑。皇后那拉氏崩。圖郡王額駙策凌大敗準格爾部於鄂登楚勒河。在阿爾泰山之南。詔封爲和碩親王。圖傅爾丹和通泊之敗。準格爾部大策零効多。小策零効多卜。因

新敵驍將  
喀喇巴圖魯

築推河翁  
金河拜里  
達克河三  
城

以鄂爾泰  
為深和殿  
大學士

鄂爾泰三  
路進兵

鄂爾泰慶  
文武人

乘勝東犯喀爾喀。以察罕度爾科布多皆有大軍。乃取道阿爾泰山迤南。由小策零以精騎六千。逾額爾齊斯河深入。而大策零擁衆二萬於蘇克勒達。遙爲援應。我郡王額駙策凌與親王丹津多爾濟急合兵逆擊於鄂登楚勒河。先遣六百騎宵入敵營挑戰。誘其來追。而伏兵夾擊之。因大破敵衆。斬敵驍將喀喇巴圖魯。捷至。帝嘉其功。晉封額駙策凌爲和碩親王。時議以察罕度爾大營偏北。敵每引兵繞山南麓東犯。應於推河翁金河及拜里達克河三處築城。以遏要衝。從之。并命馬爾賽以綏遠即歸化城軍移守拜達里克城。

○壬子十年春正月。命鄂爾泰爲保和殿大學士。兼兵部尙書。○鄂爾泰以雍正四年。巡撫雲南。兼總督事。值貴州狝苗負險肆逆。議撫無成。因奏欲百年無事。非改土歸流不可。欲改土歸流。非大用兵不可。帝以爲然。特授鄂爾泰三省總督。分三路進剿。一由谷隆。一由焦山。一由馬落孔。焚苗寨無算。又擒鎮遠土府刁泮。霑益土州安於藩等。狝苗遂平。因條陳善後事宜十一款。越年。烏蒙土司祿萬鍾事見八年。鎮沅威遠猺賊刁如珍札鉄匠先後作亂。又悉遣將勦平之一。

才之盛

改流後反  
起者歲必數

造庚戌橋

鄂管巡閱  
三萬窮邊  
六千餘里

雍正時立  
軍機處

以高其倬  
為雲貴總

督岳鍾琪  
三等侯

岳奏軍事  
十六條

時麾下文武。如張廣泗張允隨哈元生元展成韓勳董芳等。則皆立功苗疆。而  
 才可大用也。惟按土官自漢唐世襲。迨今二千餘年。雄富敵國。一旦收入版圖。  
 受官制約束。其心終有不甘。而諸漢奸又陰嗾之。故改流後。反者歲必數起。如  
 蜀之烏蒙窩泥。滇黔之泗城長寨車擺夷。粵之西隆州等。旋撫旋叛。旋叛旋勦。  
 自丙午至庚戌。經五年用兵。而後事乃粗定。因於雲貴交界處造橋。名庚戌橋。  
 開通滇黔路。八百餘里。南與孟養老撾連界。鄂管巡閱三省。窮邊六千餘里。諸  
 頭目炳香跽迎道左。南詔諸國遣使上表貢方物。皆距中原萬里者也。事聞。加  
 少保。是年入京。陛見。詔拜保和殿大學士。兼兵部尚書。軍機大臣。清初不明制。於軍務  
 之內閣。後乃交議

政大臣擬奏。康熙中諭旨之撰擬。由南書房翰林進呈。彼時高士奇權傾一時。其他卿相如汲廷玉將廷錫。臨廷鑑。廷鑑  
 則皆參預機務也。雍正間。因西北兩路用兵。又內閣在太和門外。辦事者多。恐有漏洩。始設軍需房於隆宗門內。選內閣  
 中書之謹密者入值繕  
 寫。因名為軍機處。封一等襄勤伯。世襲罔替。另授高其倬。字魯之。雲南鎮白旗  
 人。為高天瓦獮子。為雲貴總

督。三月。詔降寧遠大將軍岳鍾琪三等侯。使戴罪立功。圖先是鍾琪在西路  
 奏長驅擣襲之策。繼知敵有備。不敢倖進。鍾琪於藏地青海調勝。全用車戰。  
 比因北路山多。車戰不適於用。及八年。牧場  
 被劫。欲勉踐前言。復奏軍事十六條。帝謂一無可采。且敵屢援土魯番。兵至即



岳道曹勤  
石雲停於  
山口遼遼  
歸路竟  
相望不戰

蔣廷錫善  
繪事

策凌戰勝  
準部於光  
顯寺  
噶爾丹潛  
襲策凌牧  
地

綽爾鐸激  
勦賴爾策

遁。朝廷責其墮敵計。無成算。未幾疏陳。巴里坤西北四百餘里之木壘。形勢衝要。宜築城。屯兵二萬。截敵來路。與巴里坤大營犄角。請以百口保其必效。帝從其議。會敵兵六千。自烏魯木齊掠哈密。鍾琪遣總兵曹勳拒之於二堡。又檄將軍石雲倬等以萬人赴南山口。邀其歸路。遇敵相望二十里。遷延不擊。縱其飽颺。鍾琪劾奏治罪。大學士鄂爾泰等因并彈劾鍾琪。鄂爾泰因改土歸流事。與鍾琪互有意見。詔降三等侯。仍留軍營戴罪立功。**圖**秋。七月。大學士蔣廷錫卒。**圖**廷錫善繪事。於禽鳥花卉。多用逸筆寫生。點綴坡石。無不超絕。藝林寶之。卒謚文肅。**圖**八月。和碩親王額駙策凌擊準格爾兵於杭愛山之光顯寺。蒙古語稱額。爾德尼招。大敗之。噶爾丹策零遁。帝以馬爾賽失機。詔斬以徇。**圖**方七月閒。噶爾丹策零親率其部衆。由北路傾國入寇。繞避科布多察罕廐爾大營。取道山南。潛至杭愛山。掠哲卜尊丹巴胡土克圖之地。時哲卜尊丹巴已徙帳多倫泊。空無所得。敵偵知額駙策凌軍赴本博圖山。遂突襲其帳於塔密爾河。盡掠其子女牲畜。額駙中途聞之。計無所出。見理藩院侍郎綽爾鐸。時駐漠北。謀奔訴於北京朝廷。侍郎曰。余素以豪傑待

脫先渾能 晝夜行千 里每登高 以手張衣 若望鵬然 策凌軍至 高山下如 風雨驟至

追敵至光 顯寺幾一 鼓聚鐵惜 馬保兵不 至爾爾不 師又肯出

王。今乃知王為匹夫。夫蒙古諸藩。以王為最。朝廷方倚之辦賊。今妻子雖擄。勁卒尚存。王若統率諸部。舉全力斷敵歸路。一戰成功。然後妻孥可全。疆域可復。朝廷必旌王之功。至爵賞不次。不然。不顧大計。單騎歸朝。諸將帥不知王之心。按以軍律。嚴行處罰。吾恐漠北諸部。非復王有矣。策凌聞之。因應聲曰。君言是矣。男兒一腔熱血。當為諾顏蒙古語君也而傾。因即返旆馳救。并急報順承郡王錫保。請師夾攻。時策凌部下。有脫先渾者。能晝夜行千里。每登高峯嶺。輒以兩手張其衣。若皂鵬鼓翅而立。故敵遠望不覺。盡得敵形勢。虛實歸報。遂嚮導蒙古兵三萬。繞閒道出山背。黎明。自高山下。如風雨驟至。敵夢中驚起。人不及甲。馬不及鞍。不戰潰竄。因乘勢追及於喀喇森齊泊。大戰二日。敵大敗。而西路援不至。編謂保軍沿途轉戰十數次。至鄂爾坤河之杭愛山。即古燕然山之南麓也。其地右阻山。左迫水。道狹不能容眾。前又橫亘以大喇嘛廟。名曰光顯寺。敵益窘迫。我軍乘暮薄險蹴之。呼聲震大漠。敵三萬。擊斬其半。墮厓溺水亦半。河流為赤。我軍僅傷亡十餘。以無兵夾攻。故噶爾丹策零乘夜突圍。繞山越推河。盡棄輜

封等爲  
超勇親王  
設三音諾  
顏部

以張慶泗  
代岳鍾琪

各省設立  
書院  
撤回防藏  
兵

重牲畜塞滿山谷。以阻我師。策凌急檄馬爾賽於拜達里克河邀其歸路。副將軍達爾濟整隊待發。馬爾賽不許。翌日將士自開城追之。擊斬千計。而敵酋已從前隊過。事聞。詔斬馬爾賽及附和阻撓之都統李秋以徇於軍。并黜順承郡王錫保爵。令其於軍前戴罪効力。詔封額駙策凌爲超勇親王。授大薩扎克。設三音諾顏部。以光顯寺之捷。策凌功第一也。先是喀爾喀破準部後。乘勢度地西北。而土謝圖汗十七旗。亦倍增至三十八旗。至是諭分二十旗與策凌。創建三音諾顏部。其牧地自鄂爾坤河西北。至烏里雅蘇。以翁金河爲王庭。爲東中西三部之屏鄣。從此喀爾喀分四部矣。按策凌初尙聖祖女。後天死。歸住塔米爾谷地。於乾隆十五年死。奉旨配享太廟。冬。十月。奪岳鍾琪職。先是鍾琪降三等侯。命副將軍張廣泗漢軍鑲紅旗人代其軍。廣泗劾鍾琪調度乖方。遂奪職。交兵部拘禁。後鍾琪於乾隆二年放歸田里。構小園於百花潭北。吟嘯自適。暇則與諸父老課農桑。徜徉山水間。見者忘其爲故大將軍也。

癸丑。十一年春。正月。命各直省設立書院。三月。命撤回防藏兵。帝以準格爾既敗。力蹙勢窮。不能遠涉藏地。且頗羅鼐拉藏舊臣。一貝子廣濟鼐。一合吉顏羅鼐。前遣以駐藏米。輸誠効力。

賜陳傑等進士及第

方苞學行

繼程朱之後文章在韓柳之間

苞以白衣入直南書房

改社會急濟法

以福彭代錫保軍

唐古特之兵亦較前氣壯見今藏地無事命將從前防守之兵撤回僅留數百名。**夏**四月癸丑賜陳傑江蘇人等三百二十八人進士及第出身有差。**以方**

苞為內閣學士。**苞**字望溪桐城人博學羣書工古文嘗游大學李文貞光地見其文嘆曰韓歐直。北宋後無此作矣。時公卿爭相汲引。苞與姜宸英王澐論行身祈禱。嘗曰。學行繼程朱之後。文章在韓柳之間。其庶幾乎。及西山集禍。苞以白衣入直南書房。至是以武英殿總裁擢居是職。禁民間刻書用忌諱字。

以戴名世南山集案被逮入獄。聖祖赦而用之。命

以白衣入直南書房。至是以武英殿總裁擢居是職。禁民間刻書用忌諱字。

**民**閒刊刻書籍。凡遇胡虜夷狄等字。每作空白。令或改易形聲。如以虜為鹵。

以夷為彝。以狄為翟。一切忌諱之字。則幾於絕迹矣。**命**改社倉急濟法。**諭**

謂州縣設立社倉。原以便民濟用。若遇應行借給之時。該州縣一面申詳上司。

一面即速舉行。方可以濟閭閻之緩急。聞直隸百姓借領社穀。必待該督咨請

部示。而後准行。往返動經數月。小民懸待孔殷。仍不免重利告貸之苦。嗣後著

該督李衛字又玠。揚山人。入贊為郎。以劾平錢瑛。為帝所特賞。由浙江總督遷直隸總督。酌量定例。變通辦理。咨報存案。**命**平郡

王福彭代順承郡王錫保為定邊大將軍。**帝**以光顯寺之戰。由錫保不能往

援。致逸走噶爾丹策零。種種調度乖方。坐失機宜。亟命福彭往代其軍。**冬**十

訥親爲遜必隆之孫

安南黎維祐新立

命鴻圖以罪正法

帝決計罷兵命傅鼐往諭準部

張廣泗代岳軍廢車戰法

一月甲辰。命果毅公訥親在軍機上行走。〔註〕訥親爲尹德次子。恪僖公遏必隆之孫。額駙弘毅公額亦都之曾孫也。帝於未卽位時。卽深爲寵任。至是始大用之。

〔圖〕甲寅。十二年春。二月。遣使致祭安南國王。并冊封其世子嗣位。〔註〕時安南國王黎維禱薨。其世子黎維祐嗣位。帝因命翰林院侍讀春山兵科給事中李學裕同往致祭。并冊封焉。〔圖〕河南學政俞鴻圖以罪正法。〔註〕鴻圖任學政。受賄營私。特腰斬以徇。〔圖〕夏。六月。降旨罷兵。〔註〕時大軍進勦準格爾。命大學士鄂爾泰經略陝甘。行次阿爾蘇。因疏上屯田事宜。既歸。奏準部未可卽滅。擾敵中華無益。會果親王允禮奏議與同。帝遂決計罷兵。與天下休息。當命侍郎傅鼐額外內閣學士阿克敦往諭準格爾台吉噶爾丹策零。毋得妄啓邊釁。自詒伊戚。〔註〕先岳鍾琪仿明邱濬車戰之制。稍加損益。於征藏及青海頗奏奇功。惟天山南路地多平曠。車戰適宜。至天山南路。則山岡重復。馬不并行。車難方軌。故屢次戰輒失利。張廣泗既代鍾琪。至軍悉改陣法。迭獲大勝。〔圖〕詔裁浙江總督。命雲貴總督不必兼管廣西。〔註〕裁浙江總督。仍設浙江巡撫。及浙閩總督。又以苗疆事竣。雲貴總督不必兼管廣西。仍歸兩廣總督統轄。

興準部定  
游牧地界  
從策零之  
言以爾  
泰山爲限

貴州苗疆  
復亂解鄂  
爾泰任

元展成易  
視苗疆設  
營駐兵致  
激苗亂

蓮花屯在  
萬山之巔

乙卯十三年春三月命定準格爾游牧地界。傅鼐等奏稱噶爾丹策零請  
 以內哲爾格西拉胡魯蘇地方爲我喀爾喀游牧地界。上命將傅鼐等奏摺地  
 圖密寄額駙策凌令其細閱尋策凌奏請以阿爾泰山爲界山以東屬我處巡  
 邏山以西屬彼處巡邏所有游牧斷勿令過阿爾泰嶺方爲善策報聞。夏四  
 月停旌表烈婦之例。五月貴州苗疆復亂命果親王允禮寶親王弘歷即高宗  
 等辦理苗疆事務授湖廣提督董芳爲副將軍與揚威將軍哈元生協同辦理  
 秋七月苗亂四起解大學士鄂爾泰任削伯爵留三等男。初苗疆闢地二三  
 千里幾當貴州全省之半增設營汛凡腹內郡縣防兵大半移戍新疆又鄂爾  
 泰用兵招撫止及古州清江未及台拱之九股苗有司輒稱台拱苗願內屬巡  
 撫元展成易視苗疆不甚措意遽於十年設營駐兵時秋稼未穫苗佯供版築  
 實則連夜刈穫甫畢事卽傳集上下九股數百寨苗叛圍大營并扼排略大關  
 之險以阻餉道營中樵汲皆斷掘鼠羅雀死守彌月援至始解提督哈元生  
 入覲回黔十一年春進軍台拱攻苗於番招之蓮花屯屯在萬山之巔四

河關

直隸

元展成與  
哈元生意  
見不合苗  
隙地甚多

命親王元  
禮弘歷等  
俱辦苗疆  
事務  
命董芳與  
哈元生公  
同辦理

面削籌。儲糗足支二載。官兵六路破之。設戍其上。十三年春。苗疆吏以徵糧不善。遠近各寨苗蜂起。徧傳木刻妖言四煽。省城大吏。尙不之信也。總兵韓勳破苗於古州之王家嶺。苗復聚集清江台拱閒。號召日衆。番招屯復爲苗包圍。會元展成與哈元生意見粗悟。倉卒閒調兵五千。以付副將宋朝相。使速赴援。詎中途遇苗。竟爲苗所困。苗又偵知內地防兵多半分戍苗疆各城。是時守備空虛。遂出不意。大舉攻入。於是陷凱里。陷重安江驛。陷黃平州。陷岩門司。更陷清平餘慶二縣。焚掠及於鎮遠思州。而鎮遠府治無城。人心洶懼。台拱清江各營汛。亦紛紛爲誘陷。亂氛四起。省防兵徵調殆盡。馳東逐西。奔救不暇。驛路四隔。省城戒嚴。事聞於朝。特命親王允禮弘歷及大學士鄂爾泰張廷玉尙書慶復魏廷珍憲德張照徐本都統李禧甘國璧侍郎呂耀會等。俱辦理苗疆事務。以湖廣提督董芳熟悉苗地情形。特授爲副將軍。一切勦撫事宜。著與揚威將軍哈元生和衷協力。公同辦理。鄂爾泰以從前籌畫未周。自請罷斥。帝允其請。給假養病。仍食大學士俸。圖八月丁亥。帝不豫。戊子。大漸。密旨以寶親王弘歷爲

世宗崩

高宗卽位  
鄂張二臣  
得配享太廟

皇太子卽皇帝位。己丑。帝崩。

先是雍正初年。帝於乾清宮召諸王滿漢大臣入見。面諭以建儲一事。親書諭旨。加以密封。藏於乾清宮最高處。卽立爲皇太子之旨也。其仍封親王者蓋。

令備位藩封。諳習政事。以爲識見。至是不豫。乃召莊親王允祿果親王允禮大學士鄂爾泰張廷玉等。入受顧命。

是日。皇太子傳旨著莊親王允祿果親

王允禮大學士鄂爾泰張廷玉輔政。并諭以皇考諭旨。張廷玉鄂爾泰俱配享

太廟。卽將此旨繕入遺詔。以遺命奉母妃鈕祜祿氏爲皇太后。復奉皇太后懿

旨。以元妃富察氏爲皇后。己亥。皇太子卽皇帝位於太和殿。詔以明年爲乾

隆元年。冬十一月。上大行皇帝尊諡廟號。諡曰敬天昌運建中表正文武

英明寬仁信毅大孝至誠憲皇帝。廟號世宗。

稻葉君山曰。世宗之初卽位也。內苦於諸王之排擠。外苦於臣僚之朋黨。其自身不能采用光明之處。實吾人不得

不原諒之。帝禁抑諸王之倔強。甚至幽之殺之。以塞朋黨之禍源。是亦不得已也。總之雍正朝政策。不獨理財一事

所有方面。均覺父皇康熙朝之處。實過於寬大。在父皇尙可在。他人不免破綻。此帝之心事也。故於卽位之始。自上

總督巡撫。下至州縣小吏。均發數千言煌煌之諭旨。以行政之緊縮與整頓爲歸。父皇聖祖。實踐其藏富於四海民

足則君足之理想。帝則渴望府庫之充盈。父皇欲繼統堯舜。忘其爲外國之君。帝則明白承認愛新覺羅之地位。若

舉例求之。康熙兩帝。酷似開國之太祖太宗。太祖乃滿洲之勦業者。康熙帝乃大清國之勦業者也。太宗知整頓太

雍正行政  
以整頓爲歸

康熙兩帝  
酷似開國



之太祖太

祖開闢之耕地。雍正帝乃就康熙朝之耕地。著著使之充實者也。雖此收穫至後來乾隆朝時。益復殷實。然若非帝之緊縮政策。則清國尙不能臻此光輝之盛運焉。

以張廣泗  
經略苗疆  
事務

帝以張廣泗總理苗疆事務。召張照回京。尋逮獄治罪。先是尙書張照得

張照密奏  
改流非策  
首倡棄地  
之議

諸將。首倡棄地之議。左袒董芳。專主招撫。與哈元生大相牴牾。時楚粵官兵皆

分地分兵  
致火兵曠  
集數月曠  
久無功

隸芳麾下。旋議分地分兵。施秉今縣名。舊屬鎮遠府。以上。用滇黔兵。隸元生。施秉以下。用楚

粵兵。隸董芳。於是已進之兵。紛紜改調互換。而哈董兩將并欲將村寨道縣。盡

畫上下界。文移辨論。致大兵雲集數月。曠久無功。苗乘閒復出。焚掠清江。

改劍舊州名。今縣名。舊屬鎮遠府。黃平。施秉閒紛紛告警。官軍顧此失彼。疲於奔命。當時中外畏事者。

十年經營  
幾乎廢於  
一旦

爭言前此之邊地不當闢。目前之苗疆不可守。十年來經營成功。幾乎廢於一

逮張照等  
治罪

旦。至是朝旨召張照即還。授張廣泗七省經略。如哈元生以下。悉歸節制。既又

罷王士俊  
并諭山文

逮張照董芳哈元生元展成一并治罪。河南總督王士俊字樞川。平越人。康熙進士。謂河南地方。自田文鏡爲巡撫總督以來。并時文鏡已死。并得予諡端獻。苛刻搜求。嚴厲相尙。而屬

鏡督豫病  
民以富德代  
王士俊

準部遣使  
入覲

停捐例

命喀爾喀  
駐兵防秋

敕汪查兄  
弟族屬回  
籍經史於

員又復承其意旨。剝削成風。豫民重受其困。叩如前年匿災不報。至於流離。蒙皇考降旨嚴飭。遣官振卹。始得安全。此中外所共知者。乃王士俊接任河東。不能加意惠養。且擾亂紛更。以爲幹濟。借墾地之虛名。成累民之實害。彼地民風淳樸。竭蹶以從。罔敢或後。誠屬可嘉。然先後遭督臣苛政。其情亦可愍矣。王士俊著解任來京候旨。河南仍照舊例。止設巡撫。卽著工部侍郎富德補授。**十**二月。恭上皇太后徽號曰崇慶皇太后。醫明徽號之例始此。**壬辰**。纂修明史成。

**高宗純皇帝**

名弘歷。世宗第四子也。母孝聖憲皇后鈕祜祿氏。初封寶親王。雍正十三年。卽皇帝位。在位六十年。又內禪四年。壽八十九歲。

**丙辰**。乾隆元年。春正月。準格爾遣使入覲。**噶爾丹**策零遣使臣吹納木喀入覲。并貢方物。**停捐例**。命將京師及各行省見開捐納事例。一律停止。留惟

捐監一條。

**命喀爾喀**駐兵防秋。**喀爾喀**常患準格爾侵逼。疏請於朝。因諭每歲

於秋期選兵三千。駐鄂爾坤河。在土謝圖部西南。名曰防秋。**葬世宗**於泰陵。**三月**。庚

子。敕汪景祺查嗣庭兄弟族屬回籍。**頒十三經**二十一史於各省會及府州

縣學。**設盛京宗學**覺羅學。**七省**經略張廣泗戡定苗亂奏捷。**廣泗**旣調

各省及府  
州縣學  
設宗學  
羅廣泗  
張廣泗  
苗亂  
苗牛皮  
大箐  
許苗衆  
相斬捕  
除罪

仍以苗疆  
新開豁  
稅免

頒工部營  
造尺於各  
省密書建  
儲例

諸路兵集鎮遠在貴陽之東以通雲貴往來大路。於是簡選將士。面授方略。以精兵八

千。分攻上下九股。自率兵五千餘。撲攻清江下遊各寨。刻期并舉。號令嚴明。所

向克捷。苗衆盡竄入牛皮大箐。箐圍苗菓之牛盤。亘數百里。北丹江。南古州。西

都勻。古州今改榕江縣。都勻今改平舟縣。八寨。東清江台拱。危巖切雲。老樾蔽天。霧雨冥冥。泥濘虺蜴

所國。苗恃無恐。以官兵必不能到。詎廣泗盡檄諸軍。分扼箐口以困之。下令許

其黨自相斬捕除罪。由是黨魁罔漏。俘馘無算。其饑餓顛隕死厓谷間者。更不

可勝計。廣泗自四月後縱火焚箐。計燬苗衆千二百四十寨。赦免三百八十八寨。斬首一萬八千餘級。俘二萬五千餘人。獲銃四萬六千五百餘桿。刀矛弓甲無算。事平。朝廷仍以苗疆新開之故。豁免租稅。惟禁典賣苗地。凡苗族訴

訟。悉從苗俗。不拘律例。捷聞。以廣泗爲貴州總督。兼巡撫事。乙亥。命舉賢良方正。賜金

德瑛等三百四十四人進士及第。出身有差。頒工部營造尺於各省。全國

營造工程。悉以部頒尺爲準。秋七月。行密書建儲例。諭謂宗社大計。莫如

建儲一事。朕今卽位。已逾半載。未經降旨。良以人心不古。往往有因建儲太早。

以致別生事端。皇考當日於建儲一事。親書密旨收藏。朕今惟有循用先例。親

書密旨。著總理事務王大臣視看。宮中總管太監。謹收藏於乾清宮正大光明

定五等世職漢文

教免古州苗疆行罪諸臣

李衛抑遏標名時

起用名時滇南士大夫不知與不驚喜相告名時教皇子直南書房於廷臣言事可采朱軾卒

殿匾額之後。定五等世職漢文。以精奇尼哈番為子爵。阿思哈尼哈番為男爵。阿達哈哈番為輕車都尉。仍各分等。拜他喇布勒哈番為騎都尉。拖沙喇哈番為雲騎尉。九月。讞定古州苗疆所有得罪諸臣。均從寬免。總理事務王大臣刑部議奏。古州苗疆一案。張照哈元生均擬斬。董芳元展成發邊遠充軍。德希壽枷號鞭責。奉旨俱著從寬豁免。賞哈元生副將銜。發往西路軍營効力。董芳發往雲南。以副將用。張照在武英殿行走。丁酉。禮部尚書楊名時卒。

先是名時字寶實。江蘇江陰人。康熙進士。巡撫雲南。前於雍正元年疏請收規禮。為李衛所抑遏。部議坐名時無人臣禮。擬斬監候。世宗特旨寬免。又留滇七年。清苦絕塵。日或不能舉火。及帝即位。特旨起用。滇南士大夫知與不知。咸驚喜相告。祖道羅拜。至環馬首不得前。既至朝。命以禮部尚書入教皇子侍直南書房。兼國子監祭酒。時年已七十矣。名時感帝責望重。將盡所學以報。因薦莊亨陽秦蕙田王文震雷鏊蔡德晉等為助教。疏請儲書於太學。廷臣言事可采者。必為代陳。乃於七月遘末疾。浹月而卒。上震悼。賜帑金治喪。贈太子太傅。入祀賢良祠。予諡文定。致仕大

欽官潛江  
知縣以格  
殺案與喻  
督抗辨

方苞規畫  
淮內三大  
事未行

朱軾享禮  
方苞

陳元龍工  
書法

一門三相

試博學鴻  
詞

宗劉南劉

安南國王  
黎維禕嗣

學士朱軾卒。康熙壬戌進士。改知縣。官潛江。屬湖北。有惠政。時有格殺案。總督喻某權巡撫事。疑

故為殺。斥令改臬。軾持前議。再斥再覆。總督調軾至行者。詰責。軾曰。令所據乃初供。公所據乃訟師教唆之通詞也。總督怒。將劾之。軾曰。畏劾而枉殺人。令弗為也。拂袖出。入為刑部主事。聖祖

特賞之。歷官至大學士。軾與方苞友善。苞以海內大事。宜及時措注者。莫如復明初大甯三衛。兼求唐韓重華屯田故迹。自歸化城西連三受降城。以達於甯夏。

及經略苗疆。控制臺灣三事。因盡出餘論七篇。公皆慨然引為己任。會西陲用兵。朝廷無暇及此而止。嘗同直內閣。眾既退。坐必下之。行必後之。苞

固辭。軾曰。眾爭為市道交。即此可示之以禮矣。卒謚文端。致仕。大學士陳元

龍卒。字廣陵。浙江海鹽人。清恪。公誥從弟。康熙進士。工書法。為聖祖特賞。歷官廣西巡撫。多惠政。入

為大學士。海寧陳氏自素庵相國之遴而後。世為三公。蓋極一時之盛云。卒謚

文簡。與清恪子文勤公世。官鼎足而三。冬十月。試博學鴻詞。取劉綸。字春虛。江蘇武進人。

後官至大學士。與劉統勳齊名。統勳為北劉綸為南劉。等十五人。是月。命引見。授劉綸潘安禮諸錦于振杭世駿。

字大宗。浙字仁和人。俱翰林院編修。陳兆崙。字向山。浙江錢塘人。陳玉麟。夏之蓉。周長發。程恂。俱翰林院

檢討。楊度。汪沈廷芳。字晚州。浙江仁和人。汪是鏗。徐士璠。齊召南。字次風。浙江天台人。俱翰林院庶吉

士。

丁巳。二年。春。二月。丙寅。遣使致祭安南國王。并冊封其嗣子。安南國王黎

位

復謝濟世  
原官

濟世以古  
本大學注  
得罪

濟世從容  
就真不動  
心

釋傳爾丹  
陳泰岳鍾

琪才可用  
將才可用

賜于敏中  
及第

命顧琮勸  
修永定河

工續試博學  
鴻詞

正式命軍  
大臣

維祜卒。嗣子維禕遣使告哀。附貢方物。遂遣翰林院侍讀嵩壽修撰陳倓同往

致祭。并冊封黎維禕為安南國王。三月壬子。復御史謝濟世原官。先是濟

世以揭參田文鏡獲罪。事見雍正四年。罰往阿爾泰効力。平郡王福彭。公博爾屯。伯欽拜。

甚敬重之。欽拜且執弟子禮。既有傾陷之者。以濟世古本大學注毀謗程朱。坐

諷刺朝政。擬斬。將刑。諸受學者皆設生祭哭送。既縛至市曹。旨又赦之。濟世歸

舍。炷香未燼。酒尚溫。乃揖諸祭者曰。生受可乎。諸弟子執爵言曰。先生真不動

心哉。何就縛時無懼容也。在成九年。至是召復原官。時欽拜奏疏。由濟世代撰。帝謂其有古大臣風。因平郡王福彭入覲。帝問之。王以

實對。乃起濟世而復其原官。釋傳爾丹陳泰岳鍾琪於獄。上以三人將才可用。故釋之。夏

五月辛卯。賜于敏中。字叔子。金壇人。後歷官至華殿大學士。等三百二十四人進士及第出身有差。

秋七月。命修永定河隄工。時永定河隄工衝決。命協辦吏部尚書事顧琮。用字

方。姓伊爾根覺羅氏。滿洲鑲黃旗人。為顧瞻之子。文端公顧八代之孫。前往。會同李衛劉勳籌畫辦理。續試博學鴻詞。取四

人。試於體仁閣。授萬松齡張漢為翰林院檢討。朱銓洪世澤為翰林院庶吉

士。命大學士鄂爾泰張廷玉。尚書訥親海望。侍郎納延泰班第為軍機大臣。

冊封朝鮮世子李暄

命刑部清理庶獄詔求直言

尹泰卒

李衛卒

文鏡苛刻  
搜求比於  
酷吏李衛  
亦非公正  
純臣汪滌  
命汪滌督  
辦江南水  
利曾筠父  
永仁為范  
承謨書記  
世宗念其

臣所以專責成也。

凡入相。必命軍機大臣。方謂真除。否則備位臺閣而已。

戊午三年春正月。冊封朝鮮國世子。朝鮮國王李昉請以其子暄為世子。

因遣散秩大臣祥泰內閣學士岱奇同往。行冊封典禮。三月旱。命刑部清理

庶獄。夏四月。詔求直言。亦因亢旱不雨也。五月。貴州定番苗滋事。

總督張廣泗討平之。予告大學士尹泰卒。尹泰姓章佳氏。滿洲鑲黃旗人。以筆帖式歷官

至大學士。諭謂為人寧靜和平。奉職惟謹。至是卒。予謚文恪。冬十月。直隸總

督李衛卒。衛以捐納員外郎。歷官至封疆大吏。受世宗特達之知。故當時聲

望并重者。內則鄂張兩相。外則田李兩督。田卒。予謚端肅。李卒。予謚敏達。但帝

於文鏡則罪其苛刻搜求。幾比為酷吏。於衛亦諭其非公正純臣。又曰。李衛仰

借皇考恩眷。多任性驕縱之處。亦事實也。十二月。命發帑修濬江南水利。

發帑銀百萬。命大理寺卿汪滌前往督辦。

己未四年春正月。大學士嵇曾筠卒。曾筠字松友。江蘇長洲人。本籍無錫。康熙進士。父永仁。以生員

為范承謨書記。與俱殉耿精忠之難。及曾筠貴。世宗念其父母母楊氏。以苦節撫孤。之忠義

父母忠義

節操恩眷

特隆治水

會引河殺

險方法恭

賜莊有恭

及第有恭

馬齊事

三朝壽八

誦私往來

禁私往來

別說特分

治罪

亂南苗作

節操恩眷特隆。曾筠長於治河。雍正間與魏河齊蘇勸築黃河南北兩隄。起河南榮澤。經山東曹縣。至江南

丈。又在石橋壩建大致力引河殺險方法。故所在有功。至是卒。予謚文敏。夏。四月。石工六百餘丈。

辛巳。賜莊有恭。字容可。廣東番禺人。後為福建巡撫。等三百二十八人。進士及第出身有差。夏。五月。予

告大學士馬齊卒。諭以馬齊。姓富察氏。滿洲鑲黃旗人。敏果公米思翰之子。其兄即貝勒公馬斯喀。弟

間授武英殿大學士。歷事三朝。年逾大耋。辛亥。十八。特命和親王大阿哥永璜公訥親等往奠祭

酒。予謚文穆。治莊親王允祿及弘皙弘昇弘昌弘皎等罪有差。宗人府議

奏王等結黨營私。往來詭祕。清將莊親王允祿等革去封爵。帝諭莊親王從寬

免革親王。仍管內務府事。其親王雙俸。及議政大臣。理藩院尙書。俱著革退。弘

皙革去親王。不必在高牆圈禁。仍在鄭家莊居住。不許出城。弘昇照宗人府議。

永遠圈禁。弘昌革去貝勒。弘普革去貝子。弘皎從寬仍留王號。惟永遠停俸。

命弘皙永遠監禁。其黨安泰坐絞。

庚申。五年。春。五月。湖南苗作亂。湖南綏寧等處苗匪滋事。勅巡撫馮光裕

調兵勦撫。夏。閏六月。湖南巡撫馮光裕卒。命張廣泗留辦湖南苗疆軍務。

張廣泗代馮光裕前



往平苗

苗本太古時中國民族分獠獠野人

言苗之因緣歷史者

言苗之因緣地理者

嘉道後其苗獠為禍中原且什伯倍今日

秋。七月。禁私售旗地。圖冬。十一月。癸未。重輯大清律例成。甲午。纂修大清一統志書成。圖壬寅。張廣泗奏報楚粵苗疆悉平。圖先是朝命廣泗馳往湖南。凡楚粵自提督總兵以下。俱受其節制。并鑄欵差大臣關防一枚。遣官馳驛送往。至是奏苗疆悉平。賞給廣泗三等輕車都尉。

劉星北曰。川廣雲貴之間。自古苗族雜居。為中國法令所不及。所謂苗族。即太古時中國民族之初祖。善鬻繁植於長江大河兩流域間。其後為漢族所驅除。漸次退於南嶺。及橫斷山脈附近。（西人謂之高地族）在四川者謂之獠。在兩廣者謂之獠若黎。在貴州湖南者謂之苗若獠。在雲南者謂之獠若野人。語言風俗。既與中國絕異。中國之治之也。亦恆川羈縻政策。仍其舊俗。官其酋長。故自元明以來。有宣慰宣撫招討安撫長官等。諸土司又有土府土州縣。均世襲。握自治權。而清初因之。其所以為西南邊防上一大問題。尤有兩原因焉。其一因緣於歷史者。清初分設土官。屬定南平西諸藩鎮撫之。故三桂起兵。諸土司頗為所川。乃事平。而土司迄未一致歸化。朝廷亦放任之。未暇窮治。於是苗疆各地。上則以苛斂為事。下則以劫殺為生。禍患相尋。亂事時起。其一因緣於地理者。是時貴州西南境有苗族占領之地。周圍幾三千餘里。其餘雲南廣西湖南各處苗寨。亦復叢雜遼闊。加以疆界相錯。易啟爭端。此時張廣泗鄂爾泰規畫之遺。雖云兵威所至。克奏膚功。然而嘉道以還。其苗獠種之貽禍中原。且有勝此什伯倍者。則一時苗疆之平靖。甚未可引為樂觀也。

訪元明國朝著作  
工勤永定河

賜鄂善死  
以仲永檀  
史為僉都御

辛酉六年春正月。命各直省巡撫學政採訪著作。諭訪元明以及國朝名人著作。無論刻本鈔本。隨時進呈。命鄂爾泰等查勘永定河工。先是鄂爾泰。親奏請應將新開隄口。暫行堵閉。孫嘉淦字錫公。江西太原人。由監進士。又奏稱目下水已消退。無庸堵閉。庶不誤春畊之期。得旨著會同查勘。尋覆奏新引河堤口。實有不得不堵之勢。引河下游東西兩岸。自十餘里至三四十里。河身淤墊。前水不歸槽。後水復增溢。瞬息桃汎。即三月春漲也。淹浸愈廣。豈能無誤春畊。况新河全局。并未料理妥備。非二三年不能蒞事。若屆汎漲。為害不小。得旨如此。即著一面堵閉。一面興工。可也。提督鄂善以罪賜死。御史仲永檀奏參鄂善受俞姓賄一萬兩。稱係風聞言事。以備訪查。得旨。鄂善係朝廷大臣。欲朕訪查。不知委何等之人。此事甚有關係。若不辨析明白。則朕何以任用大臣。即著利親王怡親王等。秉公查審。使其果實。則鄂善罪不容辭。如係虛捏。仲永檀亦自有應得之罪。尋諭鄂善受賄一事。經朕親訊。彼已承認。朕平日深加信用之大臣。而負恩至此。國法斷不可恕。鄂善著賜自盡。超擢仲永檀為僉都御史。飭官員防閑幕友。

學政喀爾  
欽以賄賣  
生童正法

陳世倌請  
行社倉法  
朝廷多採  
用之

徐元夢不  
附索額圖  
及明珠

劉統勳劾  
張廷玉訥  
親

張姚兩姓  
占却半部

秋。七月。山西學政喀爾欽以罪棄市。喀爾欽以賄賣生童。縱僕營私。違禁  
 漁色。種種劣款。為御史所劾。得旨正法。并諭諸大臣嗣後各自儆省。痛加悔改。  
 矢公忠之心。去觀望之習。命陳世倌為文淵閣大學士。兼工部尚書。世倌  
 字乘之。浙江海甯人。康熙進士。為清恪公詵之子。官山東巡撫時。時雍正二年疏言社倉通有無。濟豐歉。古  
 今皆可行。并上其法。朝廷採用之。至是由工部尚書授大學士。戊子。帝初舉  
 秋獮。奉皇太后幸熱河避暑山莊。命免經過地方本年額賦十分之三。九月  
 壬午。帝奉皇太后還京師。冬十一月。尚書徐元夢卒。徐元夢字善長。姓舒穆魯氏。滿洲正白  
 旗人。初不附索額圖及明珠。珠以萬金為治裝。不受。并於廣眾中不時稱譽。意亦  
 不為動。珠大銜之。後嗾其黨重陷之。幾得罪死。幸聖祖察其枉。命直南書房。浸  
 至大用。世宗立。命署理內閣大學士。兼左都御史。上御極加太子少保。以年老  
 乞休。至是卒。年八十有七。予謚文定。以左都御史劉統勳疏奏宣示羣臣。  
 統勳字延清。山東諸城人。康熙進士。疏奏大學士張廷玉歷事三朝。小心敬慎。然大名之下。責備  
 恆多。勲業之成。晚節當慎。外閒輿論。動云桐城張姚兩姓。占却半部搢紳。此盈

曆紳

禁武職干預民事

定萃科十年一舉行

準部請求赴藏熬茶賜金姓及第

謝世濟以徵糧浮費積弊以服訪案揭參李燮二合

滿之後。而傾覆之機所易伏也。請勅下大學士張廷玉會同吏部衙門。將張姚二姓。果係親房近支。累世親戚見任之員。三年之內。停其升轉。又奏尙書公訥親未及強仕之年。總理吏戶兩部。入典宿衛。參贊中樞。兼以出納王言。趨承禁闕。此外特交事件。尙有多端。即使精力有餘。亦若分身乏術。宜量行減省等語。帝以其疏宣示羣臣。其後二臣不能全其晚節。一如統勳所言。禁武職干預民事。

壬戌。七年。春。二月。定選拔萃科年限。從前選拔或十數年一舉。今則六年一舉。爲期太近。嗣後定爲十二年一次。永著爲令。夏。四月。命防噶爾丹策零

入藏。噶鄂丹策零遣使臣吹納木喀等請求赴藏熬茶。勿限年分。帝以策零

用意狡詐。飭兩路軍營。加意防範。賜金姓字雨叔。浙江仁和人。後官至禮部侍郎。等三百二十九人

進士及第出身有差。命八旗漢軍有願改原籍者聽。湖南督糧道謝濟世

以被劾革職。復以得雪改鹽驛道。先是乾隆二年。帝以濟世丰稜夙著。召取

入京。將欲大用。濟世以母老乞外補。授湖南督糧道。時衡陽令李澎善化今長沙縣。

巡撫許容  
潘司張燦  
臬司王玠  
世即孫濟  
皆坐罪濟  
盜亦實之  
弗理賴倉  
德得據報  
海督轉都  
察院而宛  
以得伸

新撫蔣亦  
密參濟  
以語言不  
字為罪  
鄂爾泰因  
子刺探機  
密獲罪

令樊德貽。皆巡撫許容心腹也。其徵糧浮費。皆倍蓰。濟世乃易服為鄉民。往訪得實。遽立捕李令丁役。且揭參樊令。皆格不行。詣巡撫面陳狀。辭過激。巡撫恚甚。反列款糾濟世。於是湖南士民揭帖訟冤。有旨交總督孫嘉淦會鞫。濟世解任。以岳常道倉德代。時布政使張燦。按察使王玠煅煉成獄。謂所訪衡陽丁役一節。皆子虛。而長沙守張琳。原詳稍徵實。與劾疏歧異。適玠擢川藩。過岳州。手致燦書於倉德。請密易原詳。倉德不可。慮撻衆忌。遂以書呈總督漕兩大府。督寢其事。漕則移牒都察院。時劉統勳為總憲。上之。御史胡定采民謠以聞。有旨命侍郎阿里袞馳讞。至則士民數萬焚香跽馬首稱冤。因盡得朋謀傾陷誣罔周內狀。獄具。坐許容及潘臬守令罪。皆奪職。督臣亦免官。濟世寃得雪。改授鹽驛道。新撫蔣亦密參濟世賢。而心終嫌之。密奏其離經叛道。并上所著書。上覽奏曰。朕不以語言文字罪人也。未幾以老病休致。家居十二年。卒年六十八。十二月。命將大學士鄂爾泰交部議處。鄂爾泰以其子鄂容安會向仲永檀私探留中密奏。為御史所劾。得旨。鄂爾泰著交部議處。尋諭降二秩留任。其子鄂容安著閉戶讀書。勿預外事。

杭世駿以  
語觸忌諱  
革職

世駿條陳  
四事尚有  
國家宜儲  
蓄以備不  
虞事  
禁種菸

彗星見

史貽直習  
於掌故

癸亥八年春正月己未命安插準格爾降人於寧古塔。二月癸巳御史杭

世駿以語觸忌諱革職。時召集御史考試時務策論。世駿對策稱意見不可

先設畛域不可太分。滿洲賢才雖多較之漢人僅十之三四。天下巡撫常滿漢

參半。總督則漢人無一焉。何內滿而外漢也。策上上大怒降旨詰問有所見悖

謬妄挾私心等語。著即革職。世駿條陳四事尚有直省藩庫宜存儲餘款以備不虞亦篤論也。放歸後即自削其稿語多不傳奉母居自號素亭老民其後帝南巡至浙世駿迎駕

復原官。夏四月纂修醫宗金鑑成。請禁種菸。大學士等以物品消耗莫過

吸菸。疏請禁種。得旨城堡閒隙之地可聽其種植。城外及近城畸零菜圃亦不

必禁。其野外土田阡陌相連之處概不許種。秋七月戊子帝奉皇太后詣盛

京謁祖陵。乙未駐熱河於木蘭秋獮己亥自熱河啓鑾至盛京冬十月辛亥始

奉皇太后自盛京駕返京師。彗星見特詔修省。命吏部尚書史貽直協辦

大學士。貽直字敬弦江南溧陽人康熙進士先世壯侯就封溧陽祖鶴齡父夔皆起甲科。貽直習

於掌故於內外銓選利弊錢穀登耗刑名兵屯得失綜貫靡遺。官陝西巡撫時

會條上三事。一科道吏禮部宜用正途。二遷擢宜循資格抑躁進。三河南開墾

以史貯直  
爲文淵閣  
大學士  
藏人殺康  
濟肅而頗  
羅肅因管  
理全藏

收巴塘裏  
塘歸川收  
中甸維西  
歸滇

徐潮爲漁  
家子因生  
而潮漲故  
本潮徐本

捐輸宜速罷。又言國家理財有正經。勸捐非體。不可令於天下。時以爲名論。至是以陳世倌告假回籍。特用貽直以吏部尙書協辦閣事。准格爾遣使進表貢方物。

甲子九年春正月庚子命史貽直爲文淵閣大學士兼吏部尙書。西藏郡

王頗羅鼐表奏藏事安靖。傳旨嘉獎。國著邊蠻將開。精而不靖也。先是貝子康濟鼐管前藏

台吉頗羅鼐管後藏。藏中噶布倫土官三人忌康濟鼐權重。聚衆殺之。將北投

準部。而頗羅鼐率後藏及阿里之兵追三人而執之。事聞。朝諭頗羅鼐總管全

藏事務。晉王爵。上年準部噶爾丹策零遣使請求赴藏熬茶。因諭藏中嚴兵戒

備。未幾收前藏之巴塘裏塘編入四川。設宣撫土司治之。又以中甸維西改屬

雲南。移達賴坐床地於泰寧。至是藏地平靖。頗羅鼐表奏其子貝子公珠爾默

特巢布登等防範得法。諭優賚之。夏四月己巳旱。命刑部清理庶獄。六月

大學士徐本以病乞休。字立人。浙江錢塘人。爲徐文敬公潮之子。潮本漁家子。其生時

江潮大漲。故以名潮。康熙閒督撫政績。潮與李光地張鵬翮彭鵬郭琇名重一

官聲得之家教

帝送鄂張兩相入翰苑掌教

君臣賦詩用柏梁體

改會試期三月去搜檢實例

須於釐剔弊端之中寓優卹士子之意

時本得之家教。亦歷官有聲。位至大學士。至是以病乞休。疏再上。許之。加太子太傅。在籍食俸。○冬十月己酉。陳世倌假滿。亟命入閣辦事。○上幸翰林院。○先是上以翰林院署歲久傾圮。發帑重修。至是訖工。御書翰林院匾額。又賜掌院大學士鄂爾泰曰稽古論思。張廷玉曰集賢清祕。敕所司諷吉日。送掌院大學士進院。親賜臨譙。是日軍駕出長安門。入謁先師孔子禮成。中利韶樂作。上召大學士鄂爾泰等諭曰。時當陽月。和煦如春。天心訢洽。朕與諸臣交慶之。有御製詩。復爲柏梁體。羣臣以次賡續成篇。盡歡而散。○十二月。命各省錢穀刑名。年終彙冊報部。

○乙丑十年春正月。命會試改期三月。著爲令。并詔除從前闈場搜檢苛例。○諭謂朕親臨貢院。偏觀堂所。周覽號舍。矮屋風檐。備極辛苦。深可軫念。今年會試已展期三月。以待春溫。嗣後卽以爲例。命禮部侍郎楊錫紱從容料理。可仰體朕心。當嚴則嚴。當寬則寬。須於釐剔弊端之中。寓優卹士子之意。又諭科場首嚴懷挾。而不肖喪廉者流。竟有衣裘中藏匿文字者。是以有皮衣去面。氈衣



張照才品  
優長學問  
充裕

華亭先後  
兩文敏於  
張  
照尙優於  
董其昌

遵世宗遺  
詔以鄂爾  
泰配饗太  
廟并入祀  
賢真祠

張廣泗奏  
開川黔開  
通道

開赤水河  
直達四川

去裏之例。朕思春月會試。風簷之下。非衣裘不足禦寒。若將製就皮衣。悉令去其楊襲。應試多人。既不免有改造之費。亦非所以飾觀瞻也。著將此例停止。刑部尙書張照卒。照以苗疆事主棄地。忤旨。得罪幾死。上特原之。命直武英殿修書。尋由刑部侍郎擢尙書。適丁父憂。因哀毀卒於旅次。得旨。張照才品優長。兼諳法律。學問充裕。詞藻清新。照以隨馬傷臂。奉和御章。能用左手書楷。今聞在途溘逝。悼憫實深。可加贈太子太保。吏部尙書。予諡文敏。論者謂自明迄清。華亭有兩文敏。惟董其昌文敏與照埒。而勳業不及。易名之典。在照爲尤稱云。夏四月。丙午。申諭各省學臣釐正文體。時上方右文勸學。注意文體。故有是命。乙卯。大學士鄂爾泰卒。諭謂大學士伯鄂爾泰公忠體國。直亮持躬。才裕經論。學有根柢。不媿國家之柱石。文武之議型。不意一病不起。朕心深爲震悼。其輟朝二日。親臨祭奠。昔皇考有配饗太廟遺詔。著所司遵行。并入祀賢良祠。予諡文端。貴州總督張廣泗奏開川黔間通道。廣泗奏言黔省威寧。舊州名。今縣名。大定。舊州名。今縣名。等府州縣。不通舟楫。所產銅鉛。陸運維艱。合之滇省運京銅。每年千餘萬斤。皆取道威甯畢節。馱馬短少。攬運不前。查大定畢節屬赤水河。下接遵義府。

重慶為黔  
利無窮之

賜錢維城  
及第  
停江南河  
工捐例  
撥別江南  
收漕積弊

刑真非法  
四川囑匪

張允隨請  
開金沙江  
十五灘

仁懷縣屬猿獠地方。若開鑿通舟。順流直達四川重慶水次。水程五百餘里。此河開通。每年可省脚價銀一萬三四千兩。又黔省食鹽及川米。均可藉以通運。實為黔省無窮之利。從之。命刑部清理庶獄。五月壬申。賜錢維城字宗磐。江蘇武進人。後官刑侍侍郎。等三百十三人進士及第。出身有差。停江南河工捐例。命江南釐

別收漕積弊。秋七月。命選派翰林院小教習。會典開載康熙年閒選拔庶常後。有選派講讀修撰編檢數員為小教習之例。教習庶吉士詩文四六。即駢文。

今科庶常吉士。著學院張廷玉阿克敦字冲和。姓章佳氏。滿洲正白旗人。康熙進士。教習庶吉士德沛汪由敦字師若。安徽休寧人。雍正進士。於見任講讀編檢內。選派數員為小教習。壬辰。帝奉皇太后

巡幸多倫諾爾。舊廳。今多倫縣。戊戌。駐避暑山莊。九月癸未。駐宣化府。癸巳。還京師。禁

用非法刑具。命四川嚴查囑匪。壬午。命西北兩路邊卡慎固防守。帝以準格爾噶爾丹策零死。恐有變。故發是命。十二月。雲南總督張允隨請開金

沙江十五灘。從之。允隨字觀臣。漢軍鑲黃旗人。奏金沙江通川河道。開濬完竣。化險為夷。惟上游之蜈蚣嶺十五灘。因地勢極險。未易開濬。擬請一併興工。以免槩剝之

福敏蔡世  
遠皆上師

普免各省  
錢糧一次

命大臣密  
奏推舉  
準部貢貂  
皮四十一  
件

瞻對土酋  
作亂虛報  
慶復班滾  
戰班廣泗  
經張廣泗  
奏聞

煩。得旨依議速行。**○**辛未。大學士福敏以老乞休。**○**福敏字龍翰。姓富察氏。滿洲鎮白旗人。與蔡世遠皆上師傅。甚敬禮之。至是以疾解任。

**○**丙寅。十一年春。正月。命普免各省錢糧一次。并蠲耗羨。**○**先是詔普免各省錢糧一次。經大臣等酌議。以耗羨乃有司養廉。及辦理公務之所需。應令照舊輸納。上以正賦既蠲。而耗羨又令完納。仍不免追呼之苦。令緩至開徵之年。一併完納。其公用不敷之處。令督撫酌量辦理。**○**三月。命大學士尙書等密奏推舉。**○**詔將可勝任尙書侍郎督撫之任者。秉公密推具奏。**○**乙亥。準格爾台吉遣使入貢。**○**台吉策安多爾濟那木扎勒遣使哈柳進表請安。并貢黃貂皮四十一件。**○**四川瞻對名土司土酋班滾姓博爾濟吉特氏。蒙古鎮黃旗人。作亂。**○**初。命大學士川陝總督慶復帥師討之。日久無功。因遣內大臣班第姓博爾濟吉特氏。蒙古鎮黃旗人。弩三等前赴軍營。**○**夏。六月。四川瞻對亂平。班滾竄金川。**○**班滾既竄。慶復不以實告。乃奏稱此次會同班第弩三李質精等進攻厄魯泥日寨。施放地雷。已將逆酋班滾及厄魯泥日寨頭目姜錯太一并轟斃碉內。事經飛捷入京。尋由張廣泗查實奏聞。**○**命大學士

以張廷玉年老免每日早朝

準部古吉遣使入貢

准福建商民赴臺灣販運米穀

策喪葬演戲大金川沙羅奔叛

紀山觀鎮總督位無惟師出無功上以張廣泗代之頗羅鼎卒子珠爾默

張廷玉免每日入朝。上以廷玉年逾古稀。每日晨興赴闕。未免過勞。此後不必向早入朝。或遇炎蒸風雪。亦不必勉強進內。其有應辦事務。可以在家辦理。

十二月。命十年一修玉牒。祭未。準格爾台吉遣使入貢。策妄多爾濟那

木扎勒遣使臣瑪木特等又奉表入京。貢方物。

丁卯。十二年春正月。准福建商民赴臺灣販運米穀。先是洋海不靖。朝廷

特取封閉主義。不令商船往來。比因海宇澄清。游巡絡繹。為貧民生活起見。諭

即弛禁。由是商民販運米穀。沿海稱便。二月。申禁喪葬演戲。大金川安撫

司莎羅奔叛。調補張廣泗四川總督。相機勦撫。時莎羅奔初從大將軍岳鍾琪征藏有功得授安撫司。不

奉法。奪伊姪小金川土司澤旺印。劫以歸。四川總督慶復馳檄諭之。始還澤旺

故地。未幾。又改革布什扎及明正兩土司。巡撫紀山遣副將率兵彈治。不奉約。

反傷我官兵。紀山奏請進剿。斯時紀山觀鎮總督一缺。因慶復前次用兵贖對。草率了事。不滿意。至是紀山迎合朝旨。獨奏請出兵。帝甚壯之。然以

師出無功。特調張廣泗為四川總督。令其相機勦撫。召慶復即速來京。遣使

往祭西藏郡王頗羅鼎。頗羅鼎卒。其子貝子公珠爾默特已有異志。然以內



禁紳士專利把持奉天暫開海運

慶復以誑報軍情論罪

用兵金川

皇后富察氏暴崩

準部又表貢方物

張廣泗師久無功

起用岳鍾琪傳爾丹

駐避暑山莊。九月丙午。還京師。○飭禁紳士專利把持鄉曲。○命暫開奉天海運。○十二月。致仕大學士徐本卒。○帝諭大學士曰。徐本持躬端謹。才品優長。歷事三朝。宣力中外。著晉贈少保。賜祭葬。予謚文穆。○大學士慶復以誑報班滾焚死。革職問罪。

○戊辰。十三年春正月。用兵金川。○○命兵部尚書班第馳驛前往

大金川。將一切驛站挽運沿途查辦。至軍後。調度糧運事務。給予欽差大臣關

防。○二月。帝奉皇太后率皇后東巡。○癸亥。駐趙北口。戊寅。駐曲阜縣。己卯。釋

奠孔廟。壬午。駐泰安府。癸未。詣岱嶽廟。登岱。三月。戊子。至濟南府。○自濟南回

鑾。乙未。至德州。○皇后暴崩。○帝以皇后○中途暴崩。

事出不幸。命莊親王允祿和親王弘晝奉皇太后緩程回京。御舟暫駐德州水

次。辛丑。始還京師。○夏四月。準格爾遣使臣表貢方物。○以大學士訥親為經

略大臣。馳往四川。○上以張廣泗師久無功。副將張興。游擊孟臣。皆戰死。故有

是命。又起故將軍岳鍾琪於廢籍。以提督銜赴軍効力。○起傅爾丹為內大臣。

○明警蹕事。人不能知。直書暴崩。亦傳信傳疑之義也。

○帝以皇后○密察氏。頗知書善諫。

○書川兵者著帝將以武力服天下也。

賜梁國治  
及第

阿克敦以  
辦理后喪  
錯誤懸罪

常安以貪  
婪不法論  
絞

以國喪薨  
頭治諸大  
臣罪

排定寶璽  
次序

馳往大金川營。字階平，浙江會稽人。賜梁國治等二百六十四人進士及第。出身有

差。原官至東閣大學士。大學士阿克敦有罪，加恩降調。阿克敦以辦理大行皇后冊文錯誤，照

大不敬律，擬斬監候。秋後處決。尋加恩在內閣學士上効力行走，令署理工部

侍郎事務。浙江巡撫常安以貪婪罪論絞。先是浙閩總督喀爾吉善奏參

浙江巡撫常安貪婪不法，命大學士高斌字石文，姓章佳氏，滿洲鑲黃旗人。同巡撫顧琮往審。初以

失察覆奏，命再行嚴訊。始究出婪贓屬實，又命大學士訥親往審。讞定。高斌顧

琮均革職留任。論常安絞罪。秋七月，以國喪薨頭治諸大臣罪。國者其用刑苛，無關治理也。

江南總督周學健因於皇后喪二十七日後，即薨頭。著革職發往直隸修理

城工贖罪。又湖廣總督塞楞額巡撫彭樹葵楊錫絨犯罪與同。塞楞額賜自盡。

彭樹葵楊錫絨均革職承修城工贖罪。又刑部尚書盛安因議知府金文醇在

國喪薨頭案，故意從輕，著斬監候。未幾赦免。命排定寶璽次序。諭國朝寶

璽，朕依次排定。其數二十有五。印文向兼清漢。內青玉寶係清字篆文。乃太宗

所貽。自是以上四寶均世代相承。傳為世寶。不宜輕易。其檀香寶以下二十一

以傳恆代  
訥親征金

川親限三  
日取噶爾

將連損大

張廣泗欺  
訥親不知

兵廣泗信  
漢奸良爾

吉王秋

琴廣泗回  
京治罪

命尹繼善  
協辦入軍

帝御瀛台  
視訊張廣

泗怒斬之

寶從新定清字篆體改鑄。命大學士傅恆字春和，姓富察氏，滿洲鑲黃旗人，內大臣哈什屯之曾孫，戶部尚書米思翰之孫，察哈爾總管李保榮之子也。

暫管川陝總督印務。尋代訥親為經略大臣。張廣泗革職逮問。先是訥親至

軍。銳意滅賊。嚴令諸將。限三日取噶爾厓。時大金川最險要者，第一勒烏圍，第二噶爾厓也。總兵任舉參將賈

國良俱戰死。損兵無算。訥親無如何。自是不敢專軍事。仍倚張廣泗辦賊。廣泗

輕訥親不知兵。而氣凌己上。故以軍事退讓。實則困之。將相不和。人心解體。廣

泗平日所信用之私人而倚為嚮導者。是名良爾吉。本與莎羅奔之女阿扣私

通。莎羅奔即以阿扣嫁良爾吉。得專伺我軍消息。彼因為備。時岳鍾琪摘其奸。

以告廣泗。廣泗惑於漢奸王秋言。時王秋良爾吉實狼狽為奸。不聽。鍾琪因密疏奏聞。會訥親

亦劾廣泗老師糜餉。帝命革廣泗職。擢交刑部治罪。調滿洲京兵雲梯。及東

三省兵。共五千名。交大金川軍營聽用。冬十月己酉。命尹繼善協辦大學士。

十一月。復命在軍機處行走。殺張廣泗。賜訥親死。廣泗被逮至京。帝御瀛

臺親訊。廣泗抗辨不服。帝怒斬之。廣泗既死。帝命訥親明白回奏。訥親奏疏。叟

叟萬言。無一要領。惟急於見帝自陳。帝命大學士傅恆在軍訊明。奏至上。以其



封邊必隆  
刀至軍前  
斬訥親

三殿三閣

命張廷玉  
至內廷一

傳恆野良

王秋以絕

岳鍾琪出

勒烏圍

鍾琪單騎  
見莎羅奔

祖遏必隆之刀郵寄軍前賜死。命改定殿閣員數及名稱。諭本朝由內三院改設內閣大學士。未有定數。康熙年間。率用四員。至雍正以來。多至六員。或增實一二協辦。嗣後定為滿漢各二員。其協辦滿漢或一員。或二員。因人酌派。又大學士官銜。例兼殿閣。會典所載四殿二閣。未為畫一。其中和殿名。從未有用者。不必開載。著增入體仁閣。為三殿三閣。

己巳十四年春正月。命大學士張廷玉四五一至內廷。備顧問。大金川莎羅奔降。命經略大學士傅恆班師還朝。封岳鍾琪三等公。傅恆既至軍。斬良爾吉阿扣王秋。以絕敵內應。又增調隣省兵。刻期進剿。奏入。帝方以勞師糜餉。經年無功。諭傅恆即此罷兵。旨未下。會岳鍾琪以健勇數千。揚言往攻。康八達。實則潛趨跟雜。出不意。連克碉卡四十七所。斬殺無算。遂進扼勒烏圍。大金川之巢穴先是金川聞朝廷起用岳鍾琪。皆不信。曰。岳公死矣。安能來。彼謂來者。誑我耳。至是莎羅奔見鍾琪果來。懼欲降。又恐以罪誅。意未決。忽鍾琪燭其隱。因請於經略曰。往者某督川。因勘界彼頗德予。茲願入賊巢。諭順逆也。問帶若干人。曰。

羣苗伏地  
羅拜

莎羅奔手  
茶湯進鍾  
理飲盡再  
索大帳餉  
宿極酣船  
同坐皮船  
出洞  
金川平封  
岳鍾琪三  
等公  
賜慶復死

汪由敦係  
張廷玉門  
下士

廷玉要求  
配饗請以  
一言為券

汪由敦先  
事旋言

多則賊疑。非所以示信。乃袍而騎。從者十三人。傳呼入賊寨。羣苗衷甲。持弓矢。迎道左。公日睨酋長。故緩其轡。掀髯笑曰。爾等猶識我否耶。皆驚曰。果岳公也。咸伏地羅拜。爭先導入大帳。莎羅奔手茶湯進。鍾琪飲盡再索。因宣布朝廷威德。并待以不死之意。敵感泣。留鍾琪宿大帳。餉聲極酣。次日。莎羅奔隨鍾琪坐皮船出洞。詣經略大學士請降。傅恆受之。二月。癸未。捷奏至京師。帝大喜。時傅恆已封公。第封鍾琪三等公。其參贊諸大臣一體交部議敘。秋。七月。癸丑。帝奉皇太后秋獮木蘭。庚申。駐避暑山莊。九月。庚午。還京師。前大學士慶復以罪賜死。以辦理瞻對土司事。誑報班滾在礮焚斃也。十一月。癸亥。命尙書汪由敦署理協辦大學士。由敦為張廷玉門下士。時在軍機。以金川捷至。加由敦太子少保。并署理協揆焉。削大學士張廷玉伯爵。許以原銜休致。先是帝允廷玉致仕。廷玉入見。以世宗遺旨配饗太廟為言。乞帝一言為券。帝為之特頒諭旨。并製詩一章。以安其心。廷玉具摺謝恩。以是早風雪。不親至。令其子張若澄代奏。帝惡其不敬。諭令廷玉明白回奏。旨未下。其門人汪由敦因免

頗得體

廷玉去伯  
爵以原銜  
休致

額駙策凌  
卒命配饗  
太廟創蒙  
古諸藩未  
有之典

策凌不囚  
二子陷準  
部致失國  
際涉

册皇貴妃  
那拉氏爲  
后

冠叩首。奏張廷玉蒙聖恩曲加體卹。乞始終矜全。若明發諭旨。則廷玉罪無可道矣。事獲已。次日。廷玉早朝。帝責由敦私通消息。解協辦內閣任。御史薛澂因奏劾廷玉詐僞負恩。帝命交大學士九卿議奏。尋命削去伯爵。以原銜休致。庚午。十五年。春。二月。乙亥。帝奉皇太后巡幸五臺山。定邊左副將軍固倫額駙超勇親王策凌卒。額駙蒙古諸藩能以功名顯者惟策凌一人而已。詔以王奮身血戰再挫天驕震威絕域。爲國家長城。特勅配饗太廟。創蒙古諸藩未有之典。並視怡賢親王例。崇祀京師賢良祠。賜諡曰襄。建碑紀功烈。世子成滾扎布奏言其父遺命。願附葬公主園寢。許之。初。策凌有二子。陷準部中。乃與準部議地界。準使哈柳至京師。欲以挾制策凌。策凌嚴詞拒絕。哈柳意阻。遂定議無逾阿爾泰山。蓋自雍正末年。策凌凡三至京師。敵憚其威重。卒從所議。於是喀爾喀西陲。拓地千餘里。帝稱其始終竭誠宣力。忠勤匪懈。無負於國云。三月。己酉。帝奉皇太后還京師。夏。六月。授策凌之子成滾扎布爲定邊左副將軍。秋。八月。壬申。册皇貴妃那拉氏爲皇后。九月。帝奉皇太后率皇后謁泰陵。己酉。駐正定府。丁巳。駐彰

帝詣中岳廟登嵩山又登古吹臺

珠爾默特作亂由傅清拉布敦誘至僧寺大手刃之遇害大臣亦鍾璣第岳井平藏亂

帝奉太后

德府。辛酉。駐百泉。幸白露園。丙寅。渡河。冬十月。庚午。幸嵩陽書院。辛未。詣中嶽廟。登嵩山。丙子。駐開封府。丁丑。閱兵。戊寅。幸古吹臺。十一月。壬寅。帝還京師。

西藏郡王珠爾默特那木扎勒叛亂。命四川總督策楞提督公岳鍾琪以兵

入藏討平之。珠爾默特者。故西藏郡王頗羅鼐之子也。既襲爵。以駐藏都統

傅清左都御史拉布敦兩大臣不利於己。先奏請罷駐防兵。許之。又通書準格

爾。乞兵為外援。謀定。遂襲殺其兄。揚言準部兵至。有黨二千。將作亂。會傅清拉

布敦悉其狀。欲先發。而左右無一兵。乃以計誘珠至僧寺。登樓而手刃之。珠既

誅。而傅清拉布敦亦為珠黨卓尼羅卜藏扎什所害。事聞。帝命策楞岳鍾琪乘

傳入藏。會達賴喇嘛使番部公班第攝藏事。擒逆黨以聞。策楞等因奏止所調

大兵。止帶八百人前進。詔以二臣先事靖變。贈一等公。子世襲罔替。命

班第為駐藏副都統。自珠爾默特亂後。藏中始不封汗王及貝子公稱號。設

四噶布倫。分管政事。而總其成於達賴喇嘛。增駐藏兵凡千五百名。

辛未。十六年。春。正月。辛亥。帝奉皇太后南巡。二月。丙子。渡河。閱天妃廟。丁

南巡

誅駐藏大臣紀山

紀山喪心無恥

停止知縣三年行取例

陳大受家貧苦讀至為漁者守門大受名目

丑。閱高家堰。癸巳。至蘇州府。三月。戊戌。幸杭州府。癸卯。渡錢塘江。乙巳。祭禹陵。

丙午。還駐杭州。癸丑。駐蘇州。辛酉。至江寧府。誅已革駐藏大臣紀山。即前四川巡撫欲取

代總督者。後改駐藏大臣。以策楞奏紀山在藏時。令兵丁演戲。時與珠爾默特臨觀。日在醉

鄉。并送珠八轎。即八人令轎夫前往教演番奴擡轎。以肆其志。帝責其喪心無恥。

曲意逢迎。死罪不赦。帝還京師。丙辰。帝渡江。夏。四月。癸酉。帝閱蔣家壩。在淮

陰時甲戌。渡河。丙戌。駐泰安府。五月。庚子。還京。壬戌。停止直省知縣三年行

取例。諭以向例行取。吏部按期奏請。由今觀之。特故習相仍。於吏治人才。毫

無裨益。是宜永久停止。又詔此制始於前明。其時專重資格。按俸遷轉。今則直

督州縣。定缺升調。其途甚廣。凡有才能傑出之員。督撫無不保題擢用云。秋。

七月。帝奉皇太后秋獮木蘭。戊寅。駐避暑山莊。八月。丁巳。還京師。九月。兩廣

總督陳大受卒。大受。字占成。湖南邵陽人。雍正進士。生而少孤。家貧苦讀。同舍漁者夜出捕魚。恆

以讀書代守門。既通籍。歷官安徽江蘇福建等省巡撫。嚴於治盜。而撫民多惠

政。出桐城方苞之門。苞恆以湯文正期之。大受嘗言歷事多而利害明。受病即

方苞以湯文正期之

在此。苞歎為名言。謂可為庸庸者之藥石。後轉刑吏部尚書。充軍機協辦大學士。又由直隸總督調兩廣。至是卒於官。諭稱其才品優長。精明勤慎。命入祀賢良祠。予諡文肅。

○壬申十七年秋。七月。丁丑。帝奉皇太后秋獮木蘭。九月。庚午。駐避暑山莊。己

卯。還京師。○冬。十月。戊子。賜秦大士字魯一。江蘇江甯人。後官至侍講學士。以書畫名於時。等二百四十一人進士

賜秦大士及第。以書畫名於時。

及第出身有差。

○癸酉十八年春。正月。命莊親王允祿履親王允禩和親王弘晝為議政大臣。

○秋。八月。戊戌。帝奉皇太后秋獮木蘭。甲辰。駐避暑山莊。○河督高斌張師載

高斌張師載以河員虧帑革職

均革職。○以河員虧帑事發。斌師載著革職。留工効力贖罪。○冬。十月。帝還京

師。○十二月。丁亥。協辦大學士吏部尚書孫嘉淦卒。○初。嘉淦在翰林時。有春

孫嘉淦有克己窮理之功

秋義行世。已而燬之。曰。吾學無真得。奈何妄測聖經。時默坐澄思。以軒自信。每

日。朱陸異同。何紛紛也。聖人之道。克己而已。當動念時。追己從生。究己終極。即

此便是窮理。晚歲侍經筵。日進講義一篇。年七十一而卒。上謂近臣曰。朝中少

盧營生爲嘉淦奏稿八約

岳鍾琪爲將帥中第一流人物  
鍾琪駢脅目光炯炯四射  
布石作陣  
進退幸兒

一門列檠  
鍾琪登壇將弁股栗

帝以鍾琪助業卓著免其子潘應完任內庫項

一正人矣。遣使奠茶酒。賜銀治喪。予諡文定。又嘉淦久負直聲。屢起屢仆。晚年名望愈隆。中朝略有建白。天下咸曰。得非孫公耶。其以副都御史召也。所過鄉民聚觀。至擁過馬首不得行。有江西衛千總盧營生者。僞爲嘉淦奏稿。洋洋萬言。指斥乘輿。徧劾大學士鄂爾泰張廷玉徐本等。言議所播。爲上聞知。下所在窮治。於嘉淦一無所問。嘉淦益惶恐不安。此後朝夕獻替。莫有聞者。居恆有八約。曰。事君篤而不顯。曰。與人恭而不驕。曰。勢避其所爭。曰。事止於能去。曰。功藏於無名。曰。言刪其無用。曰。以守獨遵人。曰。以清費廉取。凡此皆嘉淦得力處也。

編甲戌十九年春三月四川提督三等威信公岳鍾琪卒。圖鍾琪兼資忠孝。允文允武。爲將帥中第一流人物。特書子之。

鍾琪生而駢脅。目光炯炯四射。魁奇沈雄。寡言笑。兒時好布石作陣。進退羣

兒有法。母苗太夫人有疾。嘗割股和藥進。創未合。父肅敏公昇龍忽命之射。則

猶忍痛發矢也。既統兵。屢立奇功。征藏征準。征金川。大小無慮數百戰。屢躡屢

起。其督川陝時。季父超龍提督湖廣。弟鍾璜提督廣西。子濬巡撫山東。兄子含

奇。總鎮兗州。一門列檠。以鍾琪受主知尤深。生性嚴毅。每登壇。將弁股栗。軍紀

極整肅也。在川因逆匪陳琨案發覺。力疾赴重慶督緝要犯。捕獲過半。遽於中

途病故。由川督黃廷桂奏聞。帝以鍾琪宣力三朝。勛業卓著。殊深震悼。免其子

岳濬巡撫任內。應完庫項。并賞給一等輕車都尉。世襲罔替。予諡襄勤。圖夏五

月甲申。帝奉皇太后率皇后至盛京謁陵。庚寅。駐避暑山莊。圖封準格爾車凌

來年出師  
征準格爾

準部阿陸  
爾撒納來  
降爾丹策  
零有三子  
一女兄弟  
爭位  
扎爾童昏  
無知

達爾扎殺  
其妹及妹  
夫阿睦爾  
納又推達  
瓦齊

為親王。圖上以杜爾伯特台吉車凌烏巴什等皆準部渠帥。率眾來歸。封車凌為親王。烏巴什為郡王。其他封貝勒貝子公扎薩克有差。圖命來年出師征準格爾。圖帝將用兵於準部。因命北路派兵三萬。西路派兵二萬。採買駝馬羊隻。聽候出師。又諭由扎薩克喀爾喀王貝勒等整兵聽調。命侍郎兆惠往歸化城辦運軍米。圖六月壬申。命雅爾哈善在軍機處行走。圖秋七月。帝自避暑山莊至盛京。圖準格爾阿睦爾撒納來降。圖先是乾隆十年。噶爾丹策零死。所部遂亂。策零有三子一女。長名喇嘛達扎爾。次名那木扎爾。三名莫克什。女名烏蘭巴雅爾。其中那木扎爾之母出於貴族。蒙古人最重嫡庶之別。羣擁扎爾。使之坐床。按坐床即嗣位也。扎爾既稱汗。童昏無知。恣害大臣。幽殺兄弟。達爾扎自危。乃弑扎爾而自立。此時烏蘭巴雅爾與其夫共有擁戴功。詎事粗悞。達竟執其妹妹夫殺之。會大策凌之孫達瓦齊與輝特部之台吉阿睦爾撒納別居於雅爾地方。阿睦爾撒納者。拉藏汗之孫也。先是大策零立國。欲以衛藏為右臂。謀相與相親。於是以其女嫁拉藏汗王子。以同盟說藏王頗羅鼐。藏王不許。大策零怒。進兵西藏。為導者所誤。陷於大澤。（即騰格爾海。窮蹙而歸。遂殺其贅婿。其女有遺腹。改適人。因生阿睦爾撒納。傳聞其生時。滿身皆血。人皆謂日後必為拉藏復仇云。）各有阿拉巴圖數千戶。阿拉巴圖



達瓦齊亦  
童昏

帝東巡駐  
吉林渡松  
花江鄂  
以班第  
容安往代  
策楞舒赫  
德

帝往熱河  
言見阿睦  
爾撒納

賜酒賜宴

者。奴僕之謂也。達爾扎欲出兵捕殺此二人。阿睦爾撒納因語達瓦齊曰。我等與其束手待擒。曷若自投死地。即率精銳千餘。由閒道入伊犁。乘其不備。夜及大帳。達爾扎方圍爐擁妾飲酒。阿睦爾撒納遽殺之。撫其部落。迎立達瓦齊。達瓦齊亦一童昏也。居無何。揚言必得阿某辱戮之。以免後患。阿睦爾撒納聞之。遂與納默庫班珠爾二台吉共率所部二萬。斂關內附。八月甲寅。帝東巡。駐吉林。自吉林至溫德亨山渡松花江。辛巳。謁永陵。丙戌。駐盛京。辛丑。授班第定邊左副將軍。鄂容安鄂爾泰之子參贊大臣。上以將軍策楞字伯容。姓舒。穆魯氏。滿洲正白旗人。為徐元夢之孫。在軍營乖戾僨事。俱革職効力贖罪。抄沒家產。其子分別充軍監禁。特命班第鄂容安代之。冬。十月。帝奉皇太后還京師。十一月。收烏梁海地。在西蒙古。貝勒青滾雜卜功最多。加郡王銜。又公車布登扎布加貝子銜。乙酉。帝幸避暑山莊。輝特台吉阿睦爾撒納入覲。紀帝欲用兵準部。非一日矣。既得阿睦爾撒納來降。因詔大臣等議出兵可否。人皆懲於和通泊之敗。謂不可。惟大學士公傅恆力贊帝意。帝因急往熱河。召見阿睦爾撒納於廣仁嶺。賜酒

更親與較射。傳恆力贊。征準部。却不以過龍。阿睦爾撒。納為然。

兩路出師

班第為定北將軍。統眾出北路。烏里雅蘇臺。永常為定西將軍。統眾出四庫路。巴坤。約會於博羅。搭拉河。

賜宴。從容撫慰。又賜乘馬。上親與較射。并以蒙語詢其變亂始末。奏對稱旨。帝大悅。封阿睦爾撒納為親王。納默庫班珠爾皆郡王。時傳恆憤其禮遇太優。因謂人曰。予膽裂而不知己之生死矣。召班第來京。以阿睦爾撒納暫署將軍。額駙色布騰巴勒珠爾協辦軍務。尋又命阿為北路參贊大臣。杜爾伯特郡王納默庫為西路參贊大臣。以決計用兵征準部也。**圖**戊戌。帝自熱河還京師。

**圖**乙亥。二十年。春。二月。命兩路出師征準格爾。**圖**初。準部內亂。其宰桑薩喇爾。杜爾伯特台吉三車稜先後來降。及阿睦爾撒納至。帝久知其為部眾所畏服。可驅策嚮導。遂有乘機大舉之意。當召大臣集議。適準部驍將瑪木特亦脫身來歸。遂議定以二月分兩路出師。命班第為定北將軍。出北路。阿睦爾撒納副之。額駙科爾沁親王色布騰巴勒珠爾。郡王青滾雜卜。內大臣瑪木特。將軍阿蘭泰。俱參贊。又永常為定西將軍。出西路。薩喇爾副之。郡王班珠爾貝勒扎拉。豐阿。內大臣鄂容安俱參贊。兩副將軍各領前鋒三千前進。將軍及參贊以大兵繼之。降人三車稜納默庫等皆以所部從。兩路兵馬各二萬五千。西路出巴

以文字獄  
逮殺胡中  
藻并賜鄂  
昌死張頌  
鄂張頌軋  
各立門戶  
啓漢滿之  
猜嫌爲鄂  
門生

撤鄂出賢  
良祠世宗  
仍遵以張  
遠詔配饗  
廷廟配饗  
太廟琉球  
冊封琉球  
國王尙穆  
禁滿漢文  
字往來

里坤今鎮西縣北路出烏里雅蘇臺今西寧古會城各攜兩月糧約會於博羅搭拉河湖南

學政胡中藻以文字訕謗逮殺之。賜巡撫鄂昌死。圖者以文字罪人刑殺過當也。先是乾隆初。

鄂爾泰張廷玉同受遺詔輔政。二人互相傾軋。各立門戶。而漢滿之猜嫌復起。

胡中藻者。故鄂爾泰之門生也。與其從子鄂昌善。著有堅磨生詩鈔。展轉達御

覽。帝謂其語多訕謗。逮交刑部治罪。又侍郎張泰開爲之作序。巡撫鄂昌與之

唱和。帝謂鄂昌本滿人。其所作塞上吟竟稱蒙古爲胡兒。沾染漢人習氣。可謂喪心病狂。一并交部嚴審具奏。尋奏胡中藻合依大逆例。

凌遲處死。男十六歲以上。皆斬立決。張泰開應照知情隱匿律。斬立決。得旨胡

中藻著斬立決。其子特從寬免。張泰開序文。查係胡中藻自作。從寬免緣坐。又

鄂爾泰嘗贊賞胡中藻之詩。今其姪鄂昌得罪。命卽撤出賢良祠。鄂昌應賜死。

夏四月。致仕大學士張廷玉卒。圖上以廷玉歷事三朝。宣力年久。仍遵世宗

遺詔。命配饗太廟。予諡文和。漢人以文臣配饗太廟者。實爲僅見。圖遣使冊封琉球國王。圖命翰林院

侍講全魁編修周煌同往。冊封琉球國王尙穆。圖五月。禁滿漢文字往來。圖上

以胡中藻獄意不懌。降諭八旗滿洲。須以清語騎射爲務。不在文學。如有與漢

阿睦爾撒  
納先入伊  
斡達瓦齊  
走格登山

阿玉錫以  
二十餘騎  
乘夜破格  
登山

達瓦齊南  
走回疆

霍吉斯縛  
阿瓦齊及  
羅卜藏丹  
津以獻  
帝御午門  
受俘  
封阿爲  
親王

人互相唱和。較論同年。行樂往來者。一經發覺。決不寬貸。阿睦爾撒納率兵入伊犁。獲達瓦齊及羅卜藏丹津。準格爾平。準格爾部自數月來。降者相繼。我師遂直抵博羅塔拉河。河距伊犁三百餘里。達瓦齊素縱酒。不設備。至是倉遽失措。急遣兩宰桑出令箭徵兵。而自率宿衛親兵萬人。走保伊犁西北百八十里之格登山。阻淖爲營。我師遮獲其徵兵之宰桑。具悉其內部解體狀。士氣倍奮。爭渡伊犁河。長驅追襲。將及格登山。夜遣降人阿玉錫等率二十餘騎往覘道路。阿玉錫即乘夜突搗其壘。拍馬橫矛。拳纛大呼。敵衆瓦解。達瓦齊以二千餘騎宵遁。餘皆不戰降。黎明。我二十餘騎遂收敵衆七千餘。還大營。達瓦齊踰冰嶺。南走回疆。其下半途逃散。僅餘百騎。以烏什城今縣名阿奇伯木克回官名。霍吉斯與有舊。投之。會霍吉斯已奉我將軍檄。即執之以獻。并獲前青海叛人羅卜藏丹津。獻俘京師。帝御午門受之。皆赦其死。論功行賞。首獎大學士傅恆。襄贊功。再加封一等公。辭不受。封班第一等誠勇公。薩喇爾一等超勇公。晉阿睦爾撒納雙親王。食親王雙俸。天山南北兩路悉平。其後達瓦齊霍吉斯皆賜封親王郡王。命入旗籍。命四衛

命分準部  
四衛拉特  
命額林沁  
多爾濟  
阿睦爾撒  
約規慮實

阿自居四  
部總台吉  
用菊形篆  
印

帝在熱河  
召阿行飲  
至禮

阿於扎布  
填迎取妻  
擊我軍執  
而收之

拉特照喀爾喀例。每部設盟長及副將軍各一人。圖以分準部勢力。并命喀爾喀親王額林沁多爾濟往從阿睦爾撒納。覘虛實焉。圖秋八月丁未。帝奉皇太后秋獮木蘭。九月壬午。駐避暑山莊。十月甲寅。還京師。圖阿睦爾撒納作亂。將軍班第鄂容安死之。薩喇爾亦被執。圖先是厄魯特四衛拉特分部。各有其汗。非有君臣之分也。自綽羅斯渾台吉汗強盛。於伊犁始設四部監長。抗衡中國者數世。今以伊犁既定。諭旨將衆建而分其力。阿睦爾撒納不從。竟欲爲四部總台吉。得以專制西域。時班第鄂容安留伊犁籌善後。而阿隱然以總汗自居。擅行誅殺擄掠。調動兵隊。不服賜衣翎頂。不用副將軍印信。自用菊形篆印。鐫總台吉三字。又陰使哈薩克布魯特四散流言。非阿總四部。邊境不安。將軍參贊等以聞。先是帝令阿睦爾撒納九月至熱河。行飲至禮。乃阿於八月十九日馳至烏隆古河。在黑龍江上游距其扎布堪河舊游牧地不遠。忽詭稱暫歸治裝。遂由額爾齊斯河。亦黑龍江上游從閒道北逸。遣使迎其妻孥於扎布堪。會帝早疑其有異。密諭烏里雅蘇臺軍營。并其弟班珠爾收之。不半日。而阿使果至。其在扎布堪之眷

阿至伊犁  
斷我軍歸  
路

班第鄂容  
安力戰死  
立班鄂雙  
忠祠永常  
西路永常  
不進反退

以策楞代  
永常

起用舒赫  
德

額林沁多  
爾濟以阿  
馳走帝以  
其縱惡誤  
國賜自盡

屬得不遣阿反志益決。日出煽亂伊犁諸喇嘛宰桑蜂起響應。劫掠軍臺。時大兵已撤。僅五百人留伊犁。斷歸路。又厄魯特與之不合者。皆先以計遣入朝。所留皆其黨羽。班第鄂容安力戰走二百餘里。被圍死之。事聞。手班第盛茂烈。鄂容安諱剛烈。喪次京師。帝親臨奠。特建雙忠祠。時阿黨不過二千餘。屯博羅塔拉河。各部皆不敢從。而將軍永常西路勁兵數千。屯烏魯木齊。今新疆省城。附近台吉宰桑各以兵來投赴。乃永常不明韜略。拙於應付。反自木壘南退軍巴里坤。并移軍糧於哈密。故北路斷絕聲援。阿黨益猖獗。而不可制。事聞。帝命逮永常治罪。以策楞代之。永常遂死。又命玉保富德達爾黨阿為參贊。

丙子二十一年春正月己巳。命舒赫德協同將軍成袞扎布駐烏里雅蘇臺。

喀爾喀親王額林沁多爾濟以罪賜死。先是阿睦爾撒納入覲。班第令喀

爾喀親王額林沁多爾濟與之同行。阿將遁走。以副將軍印交額。使先行。有降

人首其謀。額不信。縱之去。一說阿設宴招額。酒已數行。阿起曰。阿其非不臣。但中國宴信。今入其境。如驅牛

阿上馬出營。臨行阿解其副將軍印擲與額曰。汝持此還大皇帝可也。遂據鞍馳去。額瞠目視之。無如之何。帝得報。以額縱惡誤國。賜使自盡。致仕大

阿克敦卒  
帝至曲阜  
謁孔廟孔

玉保追及  
阿逆誤信  
之聞謀而縱

以阿里表  
明瑞赴前  
軍策楞職

兆惠自巴  
里坤赴援

成袞扎布  
追獲青滾  
雜下

學士阿克敦卒。○予諡文勤。○二月。帝謁孔林。○辛亥。啓鑾。三月。己巳。至曲阜。入孔子廟。庚子。謁孔林。丁酉。還京師。○策楞等復伊犁。阿睦爾撒納遁。○參贊玉保引軍至特克勒河。探知阿逆僅距一程。急進可追及。忽有報台吉諾爾布已擒阿逆來獻者。玉保遂駐軍待之。先以紅旗報捷於策楞。策楞據以入奏。不知報擒賊者。即賊所遣以緩師也。二月。兵出伊犁。阿逆遁入哈薩克。○夏。五月。癸酉。命尙書阿里袞字松崖。姓鈕祜祿氏。滿洲鑲黃旗人。副都統公明瑞字筠亭。姓富察氏。滿洲鑲黃旗人。一等承恩公富文子。赴軍營。奪策楞玉保職。以達爾黨阿哈達哈代之。兼命兆惠自巴里坤赴援。○先是阿睦爾撒納逃走。策楞與玉保互相責備。彼此交尤。頓兵伊犁不進。帝以二人非任事才。既命阿里袞明瑞赴前軍。復命達爾黨阿哈達哈代其職。兆惠自巴里坤往援。○秋。七月。定革職無餘罪人員概准捐復例。○八月。癸丑。帝奉皇太后秋獮木蘭。壬戌。駐波羅河屯。九月。駐避暑山莊。閏九月。還京師。○十二月。獲逆黨青滾雜下。○初。青滾雜下與阿逆交結背叛。命將軍成袞扎布追捕。至是奏報擒獲。自成袞扎布以下。恩賞封爵有差。

帝奉皇太后南巡

達爾黨阿逆及阿哈達哈遇不阿布賚不

準部復構亂

兆惠由伊犁保烏魯木齊得綢倫楚來援軍始振

成衰扎布出北路兆惠出西路平準亂而

丁丑二十二年春正月帝奉皇太后南巡。二月丁卯帝渡河至天妃牖乙亥渡江甲申幸蘇州己丑如杭州。準格爾部大擾由兆惠進兵討之。先是達爾黨阿既代策楞由西路擊敗哈薩克二千人阿逆易服潛遁我兵追及相隔僅一谷倉猝不及馳載乃阿襲用故智又使哈薩克來言即欲擒獻達爾黨阿又信之下令駐軍阿逆又颺去哈達哈出北路遇阿布賚兵於巴顏山不迎擊從征降人見兩將軍謂哈達哈及達爾黨阿也迹近顛預毫無膽識皆輕之。綽羅斯特輝特及哈薩克先叛都統和起被誘殲焉阿逆聞四部搆亂自哈薩克歸會諸部於博羅塔拉河欲自立為汗準部復大擾會策楞玉保逮問亦於中途被殺時定邊右副將軍兆惠以千五百兵駐防伊犁聞變自濟爾噶朗河轉戰而南沿途殺敵數千於是年正月至烏魯木齊敵眾皆赴連日數十百戰尋乃結營自固會帝先命侍衛圖倫楚率巴里坤兵往迎圍乃解兆惠得新兵軍容始振。夏四月帝至闕里釋奠先師孔子。大勦準部阿睦爾撒納走死命成衰扎布出北路兆惠出西路會準部自相吞噬綽羅特汗為其兄子噶爾布所篡台吉達



阿逆逃走  
俄境

俄人移阿  
逆尸於恰

克圖  
兆惠殺戮

準人數千  
里內無一

蔣洲以虧  
帑棄市

以雅爾哈  
善等出兵  
征回

瓦又殺噶爾布。兆惠兵至。皆敗走。惟阿逆未獲。兆惠富德窮追至左哈薩克。時

哈薩克汗阿布賚已與阿逆積覺。且懼招大兵至。遣使奉表入貢。誓必擒阿逆

以獻。適阿逆往投。阿布賚先使人收其馬。阿逆驚。攜八人入俄羅斯界。帝命移

檄索之。時阿逆為俄邊吏所執。將送入俄京。適我都統順德訥往索。俄人斬而不予。事聞。諸臣恐會阿逆患痘

死。移尸近邊。俄人移其尸命喀爾喀親王侍郎三泰等馳驗以聞。是役也。將軍兆惠等殺戮準

地悉搜別無遺。雖一部數十百戶。無敢抗者。先呼其壯丁出。次第斬殺。寂然無聲。駢頸就戮。又此時成袞扎布以定

邊左副將軍歸鎮烏里雅蘇台。兆惠留伊犁。掃清餘孽。秋七月。帝奉皇太后

秋獮木蘭。駐避暑山莊。乙巳。還京師。冬十月。山西布政使蔣洲以虧帑棄市。

軍機大臣會奏蔣洲虧帑至二萬餘金。升任勒派通屬屬員彌縫。上怒甚。命

革職。尋棄市。洲大學士蔣廷錫子也。

戊寅二十三年春正月。以雅爾哈善為靖逆將軍。額敏和卓哈寧阿為參贊

大臣。順德訥愛隆阿玉素布為領隊大臣。進兵回部。回部在天

山南路。漢書所謂城郭國。唐以前皆佛教地也。其曰回回者。則萌芽於隋唐。而

回酋阿布  
都實持白  
拔來歸

大小和卓  
木不念國  
恩反助阿  
逆力戰

霍占不  
受招撫  
殺都統阿  
敏

朝廷宣布  
霍逆罪狀  
出兵

盛於元以後。回部舊汗。本元太祖次子哈薩岱之裔。世封回部。及明末。瑪墨特自西方來。各回城靡然從之。是為霍集占之高祖。後值厄魯特強盛。盡執元裔諸汗。遷居天山以北。并以回教酋長質於伊犁。康熙三十五年。噶爾丹敗後。其為質伊犁之回酋阿布都實特自拔來歸。聖祖優詔待遇之。遣人護送至哈密。以歸葉爾羌。今屬新疆葉城縣。阿布都實特率其子瑪罕木特又為噶爾丹策零執之。去并羈其二子。長曰布那敦。次即霍集占。所謂大小和卓木是也。乾隆二十年。大兵定伊犁。當釋大和卓木布那敦。以兵送歸葉爾羌。使統其舊部。而留小和卓木霍集占居伊犁。使掌回務。及阿逆之變。伊犁紛擾。霍集占竟率眾助逆。以與諸勤王之台吉宰桑等戰。逾年。大兵再定伊犁。霍集占遁歸。始自疑貳。將軍兆惠奏遣副都統阿敏前往招撫。遽為霍集占所害。遂自稱巴圖爾汗。回戶數十萬皆風靡。惟庫車拜城阿克蘇。俱今新疆省縣名三城之阿奇伯木克鄂對等素悉小和卓木兇鷲。且懼我兵威。皆奔伊犁。帝乃以回酋霍集占罪狀。宣諭回部各城。大出兵以討之。雅爾哈善兵敗革職。尋即正法。命兆惠字和甫。姓吳雅氏。滿洲正黃旗人。移師討回。

雅爾哈善  
在軍不設  
備好弈棋  
致失戎機

鄂對能料  
敵

順德訥馬  
得勝皆縱  
敵

命兆惠即  
日移師實  
雅爾哈善  
於法

黃廷桂久  
歷西陲卒  
謚文襄

兆惠軍抵  
庫車

部。雅爾哈善將滿漢軍萬餘。進攻庫車。和卓木兄弟聞之。由阿克蘇之戈壁即沙漢也來擾。我領隊大臣愛隆阿等迎擊半途。先殲其前隊三千餘。和托鼐又擒

斬千有六百於城外鄂根河。卓木兄弟斂餘兵八百。入保庫車城。雅爾哈善不為備。時雅爾見和卓木兄弟入庫車。乃笑曰。是自投羅網也。鄂對曰。否。賊必不長居圍城中。勢將逃遁。其道有二。一由城西涉渭干河。一由北山口向阿克蘇戈壁。請分兩路設伏以待。不聽。終日弈棋。亦

不巡壘。敵以四百騎由北山口遁。守西門之都統順德訥聞報。以時值昏夜。不發兵。及曉。遣百人追之。則已渡鄂根河去而斷其橋矣。雅爾哈善又遣提督馬得勝攻回城。不能克。損官兵六百餘。其城回阿布都復乘夜突圍走。事聞於朝。詔殺順德訥馬得勝。徇於軍。命將軍兆惠即日移師。期必平賊。尋雅爾哈善亦以失機正法。秋七月。帝奉皇太后秋獮木蘭。九月。還京師。

己卯。二十四年春正月。大學士兼管陝甘總督黃廷桂卒。漢軍鎮紅旗人上以廷桂

久歷而陞。方用兵時。籌辦軍需。動洽機宜。故寵眷特隆。至是卒。予謚文襄。秋七月。兆惠等撫定喀什噶爾葉爾羌二城。并駐兵分防各地。初。兆惠率師抵庫車城。兩和卓木奔阿克蘇。其伯克霍吉斯。即前擒達瓦齊受封者也。見弟兄

大小和卓木分據葉爾羌喀什

黑水營

敵衆據城南英奇盤山

兆惠軍被圍三月由北路來

阿黑袞亦以精銳六百夜至戰敗賊衆

兆惠富德

來。閉門不納。給令赴烏什。烏什亦不納。於是小和卓木霍集占奔葉爾羌。大和卓木市那敦奔喀什噶爾。我師抵葉爾羌。以兵少不能攻城。顧伺閒出奇。先營城東。隔河有水草處。所謂黑水營是也。兆惠既分兵八百。使副都統愛隆阿扼喀什噶爾援路。又偵知敵衆在城南英奇盤山下。乃留兵守黑水營。而率千餘騎自東而南。甫渡四百騎。城中敵出五千來截。我兵方奮突其陣。敵步兵萬餘繼之。敵騎復張左右翼攻圍我。使我隔河不能救。我兵人自爲戰。殺敵千計。浮水還營。總兵高天喜等戰沒。敵逾河來攻。我兵且戰且築壘。敵不能陷。相持三閱月。將軍納穆扎爾參贊三泰於途中遇敵。陣亡。富德在北路聞黑水營被圍。冒風雪赴援。渡葉爾羌河。距黑水營尚三百里。敵愈衆。不能進。會巴里坤駐兵大臣阿里袞以精銳六百夜至。乃與富德大呼馳薄。直壓敵壘。敵不知官兵多少。自相格殺。紛藉潰遁。我師長驅而進。兆惠亦勒兵突圍。殺敵千餘。盡焚其壘。敵大敗入城。兩軍會合振旅。還阿克蘇。乃用兩路夾攻之策。兆惠由烏什取喀什噶爾。富德由和闐取葉爾羌。兩和卓木各棄城遁。冬十月庚子。富德奏巴

用兩路夾攻之策

卓木至巴達克山

我兩軍分扼要路敵不能遁又樹回幟招降者蔽山而下聲如奔雷刃表勒坦沙并擒二和卓木函霍集占首以獻

命屯田烏魯木齊

達克山酋素勒坦沙獻回酋霍集占首級。回部平。二和卓木之踰蔥嶺西遁。

往赴巴達克山。我兵追至伊西洱庫河。界巴達克山兩涯皆山。曰和什珠克嶺。大和卓

木先以家屬保河西嶺。為遁走計。小和卓木以萬眾據北山。及迤東諸峯。決死

戰。富德先令阿里袞等由南岸趨西嶺。而自擊東峯之敵。仰攻逾時。未克。乃選

銃手數十緣山北巔俯擊之。而阿里袞亦從南山岸上。以火器遙擊山北之敵。

其山麓又狹。逼水。僅容單騎。敵輜重徒屬擁塞。我兩軍分扼其要路。敵無所遁。

乃令鄂對霍吉斯樹回幟。大呼招降。降者蔽山而下。聲如奔雷。小和卓木雖手

刃之。弗能止也。是役也。凡降回眾萬有二千。巴達克山酋素勒坦沙與二和卓

木戰於阿爾渾楚嶺。并擒之。大軍馳檄索之。因函其首來獻。回部平。至是準格爾及喀什噶爾之地。

盡入中國版圖。稱為回疆。建伊犁塔爾巴哈台烏魯木齊喀什噶爾四鎮。設參贊大臣。辦事大臣。及領隊大臣。大小相統屬。其中尤以伊犁為重鎮。建惠遠惠寧二城。真將軍一人。又參贊一。領隊五。統率滿洲蒙古綠營索倫喜伯厄魯特回部諸營。惟科布多及烏里雅蘇台。別為管轄。各城或各部設阿奇木伯克為長官。位真不得過三品。隸參贊領隊部下。

科布多及烏里雅蘇台。別為管轄。各城或各部設阿奇木伯克為長官。位真不得過三品。隸參贊領隊部下。

庚辰。二十五年。春正月。庚戌。命屯田烏魯木齊。丙辰。巴達克山素勒坦沙遣

使入覲。時定邊將軍兆惠等函送回酋霍集占首級。并械其他逆回捫多索

帝御午門受俘

賜畢沅及

皇十五子永琰生

紫光閣落成畫傳恆以下功臣

賜王杰及第

蔣溥為廷錫之子

以劉統勳為東閣大學士

丕等至京。帝御午門樓。行獻俘禮。命赦捫多索丕等罪。壬戌。詔在京安插回人。另編佐領。編夏。四月。賜畢沅字秋帆。江蘇太倉州人。等百二十八人進士及第有差。編秋。八月。己丑。帝奉皇太后秋獮木蘭。九月。駐避暑山莊。冬。十月。辛卯。還京師。編皇十五子永琰後改永為顯。生。編即仁宗睿皇帝也。母為魏佳氏。後尊為孝儀純皇后。

編辛巳。二十六年。春。正月。壬寅。紫光閣落成。賜宴。編與宴者大學士公傅恆以下畫像諸功臣。并文武大臣。蒙古王公大臣台吉等。凡一百七人。編二月。庚辰。帝奉皇太后謁泰陵。并西巡五臺山。編幸平定府閱兵。壬子。幸平陽淀行圍。丙辰。還京師。編夏。四月。甲午。賜王杰字偉人。隸城人。歷官至東閣大學士。等二百七人進士及第出身有差。編大學士蔣溥卒。溥字質甫。江蘇常熟人。雍正進士。為文肅公蔣廷錫之子。前山西布政使蔣洲弟也。洲以虧帑正法。由溥分年代交。至是卒。帝念其久直內廷。奉職勤謹。其帑虧未清者。詔寬免。予諡文恪。編五月。丁未。命劉統勳為東閣大學士。兼禮部尚書。以梁詩正字養仲。浙江錢塘人。為吏部尚書。協辦大學士。以兆惠協辦大學士。編秋。七月。癸丑。帝秋獮木蘭。丙寅。駐避暑山莊。冬。十月。辛未。還京師。

帝奉太后南巡

謁孔廟孔林

明瑞為椒室懿親少年可造

始設喀什噶爾參贊大臣史貽直清標王立眉多譬引饒風趣言宮禁事忌者

王子二十七年春正月丙午帝奉皇太后南巡。二月壬申渡河庚辰渡江。閱京口兵。京口即鎮江府有都統駐防辛巳幸焦山乙酉至蘇州三月甲午如杭州乙未幸海甯。閱海塘丙午自杭州回鑾戊午駐江甯壬戌渡江夏四月庚午渡河癸酉命莊親王允祿等奉皇太后由水程回鑾帝遵陸由徐州閱河丁丑閱嶧山湖庚辰謁孔子廟辛巳謁孔林壬午詣岱廟五月丁酉帝還京師。秋七月戊辰帝奉皇太后秋獮木蘭八月庚子駐避暑山莊九月庚午還京師。冬十月乙巳以明瑞為伊犁將軍。明瑞從兆惠等平回部得圖形紫光閣御製像贊曰椒室懿親年少志雄謂可造就俾學從戎獨出獨入既忠且壯屢建宏勛愜予所望遂擢都統轉侍衛內大臣至是授伊犁將軍。

癸未二十八年春正月以納世通為喀什噶爾參贊大臣總理回疆事務以工部侍郎納世通為之。夏五月大學士史貽直卒。貽直清標玉立眉目如畫鞞塵不沾衣圭袍摺式皆內裁好獎植士類而不使其人知屢主禮部試名公卿多出其門與後進言無不盡語多譬引饒風

不能中傷  
與年同年

薦臣者夔  
堯用臣者  
皇上

國家大制  
作多出梁  
文莊之手

三清居士

征回之功  
兆惠第一  
兆惠在黑  
水營多有  
異徵

趣他大臣或懼言溫室椒房。隱情惜已。直獨肆意逞詞。談笑風生。忌者亦莫能中。雍正初。大將軍年羹堯平青海歸。勢甚張。黃蘆紫駟。絕馳道而行。王公以下。屈膝郊迎。年過日不。獨貽直長。捐年望見驚異。遽翻陸下曰。是吾同年鐵崖。貽直別號。耶。扶上已所乘馬。而已易他馬並轡入國門。後年以罪誅。

窮治黨與。世宗間貽直。汝亦羹堯所薦平。貽直。應聲曰。薦臣者夔堯。用臣者皇上。上領之。及卒。年八十一。予諡文靖。秋七月。帝奉皇太

后秋獮木蘭。九月。還京師。冬十一月丁卯。大學士梁詩正卒。詩正天性孝

友。以樸誠結主知。扈從巡幸。常在屬車豹尾閒。大制作咸出其手。凡國史。文穎。

續文獻通攷。各體例。多由手定。自奉齋於寒士。嘗署所居為味初齋。示不忘舊

也。歷任類清要地。或戲稱之曰三清居士。卒年六十有七。予諡文莊。

甲申二十九年春三月己酉。武英殿大學士來保卒。諭謂來保老成端謹。

誠篤賂勤。年躋大耋。久任綸扉。宣力三朝。勞勩懋著。予諡文端。秋七月。帝奉

皇太后秋獮木蘭。癸酉。駐避暑山莊。冬十一月丙戌。還京師。十一月戊申。命

重修大清一統志。協辦大學士兆惠卒。征回之功。以兆惠第一。兆惠之被

困於黑水營也。奏稱仰賴威靈。於深林伐木時。獲鉛丸數萬。用以擊賊。初憂乏

水。因賊灌營。反獲接濟。尋掘井。泉隨涌出。移時又涸。又獲藏粟二十餘窖。軍糧



上於良鄉  
勞壇行郊

帝奉太后  
南巡

烏什回人  
作亂

蘇成酗酒  
官淫留各  
伯克妻裸  
逐為樂

得竭。及戰勝班師。帝命於良鄉城南築壇建燾。行郊勞禮。上御黃幄。兆惠等抱  
鄴跪見。亦極一時之盛也。他說兆惠在和闐獲香妃以獻。稱美色第一。至是以協辦大學士往勘直隸河工。  
歸至家即卒。予諡文襄。

乙酉。三十年春正月壬戌。帝奉皇太后南巡。二月戊子。渡河。丙申。渡江。閏

二月丙午。幸蘇州。辛亥。閱海塘。壬子。如杭州。三月丙子。帝回鑾。辛巳。駐江甯。丙

戌。幸蘇州。祀江神。奉皇太后渡江。乙未。渡河。夏四月丁巳。帝駐德州。丙寅。還京

師。烏什今新疆縣名回人作亂。戕辦事大臣蘇成。詔將納世通卜塔海正法。并命明

瑞阿桂討亂回。烏什在庫車西北千里。戶口數萬。昔準格爾敗。其阿奇木伯

克回官名。見前。霍吉斯俘達瓦齊以獻。受王封。及二和卓木兄弟之亂。霍吉斯頗持兩

端。帝恐其反覆。召入京。而以哈密伯克阿布都拉代之。阿暴戾無親。而辦事大

臣蘇成素憤。不治事。又酗酒宣淫。甚至留各伯克妻於署。而令兵役裸逐為

樂。時解送沙棗樹。苛派回戶二百四十人。相聚謀變。一回奔告阿布都拉。阿斥

逐之。西城回戶不願從亂。相率走投辦事大臣署。亦叱拒不納。是夕亂作。阿布

卞塔海不  
知周變  
納世通意  
在專功

帝聞變誅  
卡納二臣  
命明瑞阿  
桂進兵  
明瑞克烏  
什城亂平

廣盛場商

都拉蘇成及兵役皆及於難。阿克蘇辦事大臣卞塔海聞變。卽領兵五百赴烏什。烏什回開城出迎。卞塔海遽令舉銃。城復閉。攻之不克。卞塔海敗走。時納世通明瑞永貴各以兵隊赴援。而納欲專有其功。慮明瑞永貴至。使已不得逞。因馳檄阻之。既見卞塔海敗。知功不易得。復分遣乞援。明瑞以聞。上以納世通卞塔海二人節節貽誤。殊堪痛恨。詔寘極典。專任明瑞進討。而以阿桂字廣廷。性辛佳氏。木籍滿副之。**編**秋七月辛巳。帝奉皇太后秋獮木蘭。駐避暑山莊。己未。行圍。九月乙未。還京師。**編**明瑞克復烏什城。回亂平。**編**我兵圍烏什。斷其樵牧。敵出城輒敗。城南倚山面河。自河至城。茂林橫翳。隔河施礮。苦不能及。自五月至七月。攻城未克。一夕。敵忽盡伐其林木。俾城池豁露。我兵四面攻之。敵衆內潰。盡縛其首亂者以降。官兵入城。殲其黨羽。徙老弱萬餘口。戍伊犁。烏什平。**編**定舉人大挑例。**編**除新科外。直扣一科。其見任教職者。不得與挑。**編**丙戌三十一年春。三月。雲貴總督劉藻革職。以大學士楊應琚代之。藻自刎死。**編**先是乾隆十八年間。有茂隆場名。銀錢商吳尙賢者。爲說緬甸入貢。緬酋麻

吳尙賢說

內附

殺尙賢故

籍牙又

乃永歷帝

桂家土司

後裔世據

茂隆銀場

雁亦為滇

史所殺其

妻占怨

劉藻以三

路兵禦緬

楊應琚來

劉藻自刎

馬張書勳

哈祖從之。遣使以馴象及塗金塔敬關求貢使至京錫賚如例而吳尙賢旋被滇吏借事斃於獄。於是茂隆銀場衆商皆散。明年緬酋麻哈祖爲木疏土司雍籍牙所逐走。雍籍牙者漢雍田後裔。由和帝永元九年來此也。既克阿瓦。逐其酋。因自建新緬甸。盡臣服其舊部。惟桂家木邦二土司抗不服命。遂與新緬搆兵。二土司敗。前後走孟艮。桂家乃故明永歷帝之後。以始封桂王。故稱桂家。世據茂隆銀場。富甲一時。其酋有宮裏雁者。旣兵敗。竄入滇邊。永昌知府吳達善又誘而殺之。木邦土司亦敗走。於是新緬酋雍籍牙益無顧忌。侵及我耿馬孟連諸土司。且以兵來邊外。索木邦逸酋。而桂酋宮裏雁之妻囊占怨中國。因嗾孟艮酋使內犯車里土司。揚言將渡滾龍江。時承平日久。民不知兵。普洱今縣永昌今改保山縣邊外。一日數驚。總兵劉得成參將何瓊福游擊明浩等三路出兵。皆敗。事聞。上以雲貴總督劉藻本書生。不知兵。無意寘之死。藻懇不免。於大學士楊應琚未至時。乘間自刎。巡撫常鈞以聞。得旨。劉藻旅櫬回籍。止可照常人喪葬。不許其家建立墓碑。**編**夏四月甲子。賜張書勳等二百十三人進士及第出

及第  
皇后崩  
氏崩  
拉

帝幸天津  
陷淀河

應璩初至  
因敵退陣  
緬甸可取  
狀

魏奏得孟  
密木邦兵  
准言人兵  
數十萬

趙宏榜扼  
金沙江又  
焚敵器械  
輻而竟不  
守而入關  
應璩倉皇  
不知所為  
疾疾遽作

身有差。編秋。七月。帝奉皇太后秋獮木蘭。駐避暑山莊。編壬午。皇后崩。編冬。十月。己亥。帝還京師。編十二月。辛酉。大清會典成。

編丁亥。三十二年。春。三月。帝幸天津。圖癸亥。閱淀河。乙丑。閱子牙河隄。庚辰。還

京師。編召楊應琚回京。以明瑞補授雲貴總督。接辦軍務。圖應琚初至雲貴。會

普洱敵漸退。官兵得以其間收復車里孟良諸地。分隸土司。應琚見事機順利。

密奏緬甸可取狀。帝信之。應琚自普洱移駐永昌。時應琚輕聽巡撫常鈞言。自駐永昌。屬吏之喜功者。無不爭言取緬之易。有騰越知州陳

廷獻者。使人招土司。土司不聽。則使其所屬之土目盧獻孟密。又使木邦故土司子弟之在孟良者。慮獻木邦。遂以外收二土司。拓地千里。月十萬入告。實則孟密木邦仍在緬甸。非二姓之所能獻也。移文檄緬。言天

兵數十萬陳境上。汝如不降。即進討。緬酋知檄言不實也。遽出兵攻木邦景綫。

皆陷之。時副將趙宏榜以兵數百克蠻暮。亦土司之新街。其地扼金沙江口。為緬

與中國互市處。據阿瓦上游。為緬人必爭之地。緬以兵溯江而上。宏榜縱火焚

其器械輜重。以為無後患。急走還銅壁關。詎敵數萬亦尾而入。應琚倉皇不知

所為。疾疾遽作。時緬兵入關肆掠。應琚皆不以聞。但言總兵朱崙等殺敵數萬

人。戮其大頭目於猛卯。帝視所進地圖。疑緬既屢敗。何以尚據內土司境。嚴旨

朝廷遣應  
瑞特命明  
瑞督師

諭暹羅嚴  
防緬匪他  
竄

盧文昭以  
回護士子  
議處  
齊召南因  
事革職  
燕子磯水  
神

阿里哀往  
雲南

又命傅恆

切責。應琚方劾總兵等逗留貽誤。先後逮治論死。詔命明瑞以將軍兼雲南總督。革楊應琚職。尋即賜死。夏四月。備兵征緬。帝命觀音保扎拉豐阿額勒登額等為領隊大臣。領健銳營兵二千赴雲南。又命玉魯為領隊大臣。命李侍堯時為兩廣總督檄諭暹羅國嚴防緬匪竄匿。侍郎額爾景額馳驛前往雲南。在參贊大臣上行走。給欽差大臣關防。備來歲征緬。秋七月。帝奉皇太后秋獮木蘭。戊子。駐避暑山莊。九月。癸丑。還京師。冬十二月。湖南學政盧文昭交部議處。文昭字紹弓。浙江錢塘人。條奏回護士子。諭謂其不諳事體。專務弋取虛名。於學校士習大有關係。著撤回學政差使。交部嚴加議處。禮部侍郎齊召南因事革職。召南之族姪齊周華。以黨呂留良遣戍。及歸。上書於浙江巡撫熊學鵬。誣列召南十罪。得旨。齊周華凌遲處死。召南亦免官。

戊子三十三年春正月。命大學士公阿里哀往雲南。二月。復命巴圖濟爾噶勒往焉。阿里哀辦理軍營策應機宜。即授參贊大臣。巴圖濟爾噶勒著在參贊大臣上行走。我師大舉征緬。敗績。將軍明瑞等死之。改命大學士公傅恆

征緬以阿  
里袞阿桂  
副之

明瑞引兵  
渡錫箔江

哈國興等  
破敵十六  
壘

明瑞軍至  
象孔迷失  
道路引回  
自象孔至  
小猛路兩  
餘里始至  
閱月始至  
敵至小猛  
登而類勒  
不至類勒  
扎拉豐阿

爲經略。阿里袞阿桂副之。○初。將軍明瑞由木邦孟良攻東路。爲正兵。約參贊額爾景額及提督譚五格由孟密出新街水路。會於阿瓦。尋額爾景額中途卒。乃以額勒登額代之。自九月下旬啓行。連旬雨潦。至十二月初旬。始出宛頂越八日。整隊至木邦。守兵望風先遁。獲其糧。留參贊珠魯訥按察使楊重英以兵五千守之。通餉道。明瑞自率兵一萬二千。爲浮橋渡錫箔江。緬人守天生橋南岸。我師繞淺渡攻潰之。數日至蠻結。敵軍二萬。立十六柵以待。領隊大臣觀音保。麾衆先據山左。哈國興等分三路登山。俯薄之。一呼直逼其壘。黔兵十餘躍而入。衆乘之。敵披靡。遂拔其柵。復連破三壘。其餘十二壘之敵皆宵遁。盡獲敵糧械。軍聲大振。進至象孔。忽迷失道。明瑞度不能至阿瓦。乃謀取道大山土司向木邦以歸。敵悉衆來迎。我師步步爲營。每日行不及三十里。自象孔至小猛育千餘里之地。經兩閱月始至。中有蠻化之捷。殺敵四千餘。明瑞休兵蠻化數日。取所得牛馬犒士。而敵之先一日過者。已柵於要路。得嚮導人出入間道。由桂家銀廠舊址而出。會敵之分路襲木邦者。已潰我木邦之師。戕珠魯訥。執楊

觀音保均陣亡

遠額勒登額至京磔之并斬譚五格

偷摘髮辮

竊黃教作亂

重英。於是木邦之敵亦至。額勒登額之進兵猛密也。中途遇敵於老官屯。戰不利。頓兵月餘。明瑞行抵小猛育。距宛頂糧臺二百里。而額勒登額之援不至。明瑞乃令軍士乘夜出。度皆得自達。因自與領隊大臣。率親兵數十力戰死。事聞。帝命明瑞及扎拉豐阿。觀音保俱從優議卹。逮額勒登額至京。磔之。并斬提督譚五格於市。以大學士公傅恆為經略。阿里袞。阿桂副之。舒赫德為參贊大臣。同赴滇。辦理征勦事宜。并補授鄂寧雲貴總督。夏六月。舒赫德鄂甯并交部議處。俱以密陳招致緬人來降。免大兵深入。忤旨議處。秋七月。帝奉皇太后。秋獮木蘭。己亥。駐避暑山莊。九月。丁未。還京師。民間喧傳偷摘髮辮。闕明著邪教之也。將起。謠傳起自江浙。蔓延直隸山東各處。上命懲處各督撫。責以緝捕。冬十二月。臺灣民黃教作亂。黃教聚眾謀叛。臺灣道張珽不敢親往督捕。有旨革職。

己丑。三十四年春。正月。命副都御史傅顯護軍統領烏三泰往雲南軍營。監造兵船。備征緬也。臺灣亂民黃教就擒。黃教起於鳳山。由官兵平之。

毀錢謙益詩文并列入貳臣傳

阿里袞至軍有夏鳩以疾卒

緬酋噶駁請降

緬人請阿桂張幕適中地議和上諭班師

夏六月丙辰命銷毀前禮部尙書錢謙益詩文。錢謙益字牧齋常熟人明禮部尙書降清仍原官所著

初學集有學集兩書語多詆毀本朝上命將其版片并印行之書查出銷燬并

將謙益之名列入貳臣傳。秋七月戊子帝奉皇太后秋獮木蘭駐避暑山莊

九月辛丑還京師。冬十一月協辦大學士阿里袞卒於軍阿里袞既至軍

頗抱奮勇與敵遇於夏鳩江焚其船三百餘又奪敵三寨捷聞諭曰初次接仗

即如此獲勝殊堪嘉慰未幾以疾卒於軍予諡襄壯。帝以阿里袞先世額亦都遇必隆并以崇勳建立家祠特命附祀緬

酋噶駁遣使呈書請息兵解圍許之。服國威之不足藉以息兵也初我師大破敵於金沙江

乃會攻老官屯。緬集重兵於此敵樹柵自固久之不克柵有水門通江阿桂撥戰艦越柵

截其西岸應援之師敵軍乃遣人立柵上遞緬文請張幕適中地親來議款明

日復以其酋噶駁。即繼雅籍牙而立者書至阿桂集諸將議進止皆憚水土瘴癘爭請罷兵

時阿里袞已卒於軍而經略傅恆又病足退居銅壁關奏入上諭經略班師於

是緬酋遣使十四人賫貝葉書詣經略饋獻方物陳請入貢遂焚舟鎔大礮而

歸遷木邦孟拱蠻暮三土司於關內分賞大理蒙化甯洱而定關外諸地留將



師退而緬  
貢不絕

錢蠲天下  
錢糧

良鄉以詔  
法焚賊伏

阿桂使蘇  
爾相往緬  
緬人留之  
不遣一等  
公大學士  
傅恆卒

軍阿桂於雲南。既而緬貢竟不至。

先是明瑞之死。兵氣沮喪。緬人不知。恐清兵之再討。遂放還俘虜八名。有求和納款意。適朝廷得陷於賊者之密書。謂緬甸方與暹羅仇

殺。可約暹羅夾攻。朝旨以詢兩廣總督李侍堯。侍堯奏暹羅為緬甸所殘破。國土為土酋所割據。由是用暹羅之議始疑。及傅恆阿桂奉命征緬。南方瘴癘。於軍不利。入秋戰事稍順。亦止議攻取老官屯。不及阿瓦。會緬酋有請款息兵之願。因即由此班師。免於苦戰。

○庚寅三十五年春正月。命蠲免應徵錢糧。○帝以今年六十誕辰。明歲皇太

后八旬萬壽。令自乾隆三十五年為始。將各省應徵錢糧。通行蠲免一次。又諭

各省輪捐之年。勸諭業戶照蠲數十分之四減佃戶租。○貴州巡撫良卿以

法焚賊伏法。○並命其子削去旗籍。發往伊犁。給與厄魯特為奴。○三月。帝奉

皇太后謁陵。巡幸天津。癸卯。還京師。○緬人來索地。遣使諭之。留不遣。○緬人

既不入貢。復來索木邦蠻幕孟拱三土司地。阿桂遣都司蘇爾相奉檄前往。緬

人留爾相不遣。○秋。七月。大學士一等忠勇公傅恆卒。○諭曰。大學士公傅恆

才識超倫。公忠體國。自早年侍直禁近。即覘其器宇非常。洊膺委任。旋以金川

建績。擢冠綸扉。西旅之役。獨能與朕同志。贊成大勛。昨歲勦緬。堅決請行。朕以

廷臣無出其右。因授為經略。自戛鳩江濟師以後。身先士卒。收復猛拱。會師蠻

以阿里衰  
之子豐額  
在軍機處  
行走

帝奉太后  
東巡

尹繼善殺  
而能擾機  
牙四應

兼攝將軍  
提督巡撫  
上河漕鹽  
學政等官  
九印鄂  
而李田  
去其偏

暮。襲擊新街。進攻老官屯。時已身染沈疴。猶力疾督軍。滅敵朝食。逆酋因畏懼乞命。朕亦以其水土惡劣。降旨撤兵。詎自復命以後。病漸不起。今聞溘逝。實深震悼。先著侍郎英廉為治喪事。朕仍親往奠醴。予諡文忠。八月。命署兵部尙書豐昇額軍機處行走。豐昇額。故大學士阿里衰之子也。帝念其父歿於王事故特擢之。帝奉皇太后秋獮木蘭。駐避暑山莊。冬十月。庚辰。還京師。

三月。丁未。謁孔林。丁丑。帝還京師。大學士尹繼善卒。繼善殺而能擾機牙四應。帝深知之。凡槩錯事。他大臣能了者。不以命繼善。既命繼善。必棋危枕險。萬口噤聲。人方慮其無下手處。而繼善則紆徐料量。如真器平地。靡不帖妥。又如東風吹枯。頃刻變色。凡一督雲貴。三督川陝。四督兩江。嘗一月間兼攝將軍。提督巡撫。河漕鹽政。上下兩江學政等官。九印簿書填委。而判決恢然。案無留牘。昔世宗諭以李衛鄂爾泰。田文鏡皆督撫當學。繼善應聲曰。臣於李衛學其勇。不學其粗。於田文鏡學其勤。不學其刻。至鄂爾泰大局好。宜學處多。然臣亦

以阿桂退  
兵太致  
緬賈不  
特罪之至

革阿桂職  
仍留營在  
兵丁上行  
走宏謀自  
陳宏謀自  
署為世上  
不可少之  
人為世之  
不能做之  
事

張廷玉藍  
宏謀自代  
謂能以民  
心為己心  
視官事如  
家事

不學其悞也。其自標風格有如此。至是卒。予諡文端。副將軍阿桂以忤旨革職。留營贖罪。另以溫福代之。論謂阿桂一得緬匪投誠之信。如獲更生。即將諸路攻圍之兵。同時俱撤。致緬匪知我兵利於速退。遂生慢易之心。且軍情匿不上聞。不知是何肺腸。令阿桂明白回奏。旋阿桂奏至。諭又謂該奏甚屬荒唐。撤兵時。傳恆病重。阿桂並不將所撤之兵。按其營隊。約束整齊。緩緩行走。惟期市恩於衆。甚屬非是。部議革職。仍留於軍營。在兵丁上行走。効力贖罪。其副將軍印務。命以大學士溫福代之。夏六月。原任大學士陳宏謀卒。宏謀字汝奇。廣西臨桂人。雍正進士。為諸生時。即以經世為己任。聞有邸報。必借觀之。自署書室。謂必為世上不可少之人。為世人不能做之事。通籍後。由府道存升督撫。歷官三十餘年。所到處。無論久暫。必究心於人心風俗之得失。及利弊之當興革者。分條鉤考。次第舉行。後內用。張文和公廷玉嘗舉以自代。謂宏謀能以民心為己心。視官事如家事。乾隆三十六年。以大學士致仕。寓居兗州韓莊。至是卒。予諡文恭。命

規行

秋

七却

戊申

帝秋獮木蘭

癸亥

駐避暑山莊

冬

十月

乙亥

還京師

命

所著有

五種遺

金川又亂 索諾木與 僧桑格并 杭官兵

命桂林溫 幅分路并 進

購訪著作 遺書 賜金榜及 第

桂林辦賊 不力又命 舒常永平 分路并進

大學士溫福自雲南馳往四川。辦理金川事務。先是大金川莎羅奔無子。以兒子郎卡為己後。郎卡立。漸桀驁。侵擾隣境。旋死。其子索諾木索諾木嗣位。祖莎羅奔尚在。與小金川酋澤旺之子僧桑格侵鄂克什土司地。無何索諾木誘殺革布什扎土官。僧桑格亦再攻鄂克什及明正土司。我兵往護鄂克什。僧桑格遂與官兵戰。事聞。帝以前此出師。本以救小金川。今小金川反悖逆。罪不赦。總督阿爾泰歷戰養癰。至是又按兵打箭鑪。四川邊地。過此卽巴塘裏塘。半載不進。應免職。以桂林代之。與溫福率兵分路并進。

壬辰。三十七年。春。正月。命購訪著作遺書。上以古今來著作成書。無慮數千百家。其令直省督撫。會同學政等。通飭所屬。加意購訪。夏。四月。庚寅。賜金榜字輔之。欽人。等百六十三人進士及第。出身有差。授舒常永平為領隊大臣。與書麟赴四川軍營。又授阿桂豐昇額為四川軍營參贊大臣。帝以桂林辦賊不力。乃命舒常赴西路。永平赴南路。又以鄂蘭帶領長生保綏庫阿坦保利保住同赴南路營。以海蘭察黑龍江人。生有殊方。帶領額爾登布塞布騰庫伯同赴西路營。時總

阿桂代桂林

錢度貪婪伏法

朱筠請校正永樂大典四庫全書

袁日修精神淵映

督桂林遣兵三千攻小金川。被敵截其後路。桂林不即赴援。致全軍陷沒。泗水歸者僅二百餘人。桂林又匿不以聞。事發。有旨派溫福前往查辦。并命阿桂代其軍。編夏五月己未。帝奉皇太后秋獮木蘭。六月。駐避暑山莊。秋九月甲寅。還京師。編雲南布政使錢度以貪婪伏法。編時上方嚴懲貪吏。有發覺殺無赦。編禁各省官署延請本省幕友。編上以請託瞻徇。吏治日壞。因禁各省自巡撫以下。不得延請本省幕友。及流寓帶有家屬在五百里內者。并限五年更換。

編癸巳三十八年春正月。以甘肅提督馬全及副都統華山護軍統領公興兆

為領隊大臣。赴四川軍營。編命編定四庫全書。編先是安徽學政朱筠字竹君。大興人。乾隆

進士。奏請校正永樂大典。書名。明永樂時聚書多種編成。帝派軍機大臣為總裁。揀選翰林等官。詳定

規條。酌量辦理。尋諭將來辦理成書。可賜名四庫全書。分經史子集四類。編夏五月丙寅。

帝奉皇太后秋獮木蘭。壬申。駐避暑山莊。編丁卯。工部尚書裘日修卒。編日修

字叔度。新建人。貌清癯。眉有濃翠。顧盼間精神淵映。遇事神解超捷。為工部侍郎時。嘗一

再往山東河南江蘇查勘水利。多所建白。王師征伊犁。日修亦參贊機務。帝嘉

死為燕子 磯水神之 木果木之

溫福分軍 三路阿桂 一路類各 一伸類惟 當復不能 性香方略 廣香方略 襲川方略 卡逼礪卡 成法故敗

運糧夫數 千來避敵 溫福閉壘 壘不納閉

阿桂盡收 皮船斷敵 內應斷卒 劉綸卒

其敏。至是卒。予諡文達。日修綱留時。語左右曰。吾為燕子磯水神。君輩江行過此。當辭厄酒。有老嫗曰。昔太夫人禱磯邊神祠。始有身。事或有之。六月。木果

木川邊要地。大營失陷。大學士溫福死之。圖先是我軍抵美諾。川邊地名。僧桑格送其妻

妾於大金川。而自赴澤旺所居之底木達。澤旺閉寨門不納。遂由美臥溝竄入

大金川。我軍至底木達。俘澤旺而傳檄索諾木。令縛獻僧桑格。不應。朝命溫福

為定邊將軍。以阿桂豐伸額副之。溫福分軍三路。自引一軍由功噶入。令阿桂

軍由當噶入。豐伸額軍由綽斯甲入。既而溫福以敵扼險。不得進。別取道攻苦

嶺。駐營木果木。令提督董天弼分屯底木達。以守小金川。惟溫福性悛。不能廣

咨方略。一切襲用訥親張廣泗以礪卡逼礪卡成法。故索諾木得陰使小金川

頭目等由美臥溝出。煽惑已降之番復叛。諸降番蜂起應之。先攻陷董天弼營。

次劫糧臺。即潛兵襲木果木。會運糧夫役數千爭避入大營。溫福閉壘門不納。

奔而潰。勢如壞堤。敵四面噪而入。溫福中槍死。海蘭察聞警赴援。收集潰卒。尚

有萬數千人。於是小金川復陷。阿桂聞變。知有內應。先擊近寨諸番。盡收皮船。

以斷隔河之敵。故一軍屹然不動。圖大學士劉綸卒。圖時帝方駐蹕熱河。諭謂

劉統勳謂  
金川之事  
惟阿桂能  
了之

統勳因楊  
橋河工微  
行得縣丞  
索賄杖以  
而荷校杖

定案案結  
盟罪

山東妖人

綸品行端純。學問博雅。命皇十二子臨喪奠醊。予諡文定。編秋八月。授阿桂定西將軍。豐伸額明亮。性富察氏。滿洲鎮黃旗人。李榮保之孫。副之。編先是木果木敗報至。帝召劉統勳至避暑山莊。詢以一切事宜。奏對金川不足勞師。至是又問。奏言事已如此。欲罷不能。惟阿桂可以圖功。帝因有是命。編九月。戊寅。帝自熱河還京師。編冬十一月。阿桂收復小金川。編捷報至。凡因木果木失事革職留任之海蘭察等。悉予開復。編大學士劉統勳卒。編統勳嘗以尙書出視楊橋河工。屬吏以芻茭不給爲辭。月餘尙無端緒。統勳乃爲微行。見大小車載芻蕘。凡數百兩。皆弛裝困臥。有泣者。問之。皆言奉示運糶料赴工。縣丞索賄乃收。今貧不能具賄。遂拋寘河干。欲歸不能。統勳回署。令巡撫卽縛縣丞至。數其罪。將斬之。巡撫爲請。乃杖而荷校以徇。逾月工竣。其精覈治事類如此。卒諡文正。

編甲午。三十九年。春。正月。命刑部定聚眾結盟罪。編時帝深惡結黨。故有是命。編夏。五月。戊辰。帝奉皇太后秋獮木蘭。甲戌。駐避暑山莊。秋。九月。壬申。帝還京師。編山東妖人王倫作亂。大學士舒赫德以兵平之。編倫以清水

編明著國運將替。妖孽漸生也。

王倫平之亂  
帝命舒赫德往平之

音濟圖手  
擒王倫其  
黨將之  
以無路可  
逃自焚死

賜吳錫齡  
及第

海蘭察率  
死士戰破  
薩斯甲嶺

邪教運氣治病。教拳勇。往來山東。號召無賴亡命。徒黨日衆。壽張知縣沈齊義捕之。遂入城戕吏。連陷堂邑陽穀。俱山東縣名趨臨清。舊州今縣圖阻運道。帝命大學士舒赫德佩欽差大臣關防。由天津馳赴山東督師。時倫圍巡撫徐積軍於臨清之梁家淺。旋解圍。趨運河。直隸總督萬朝興破賊於運河西岸。既而舒赫德軍抵臨清。賊使千人北出。牽制官兵。別選驍悍五六百。陣舊城東門迎戰。舒赫德遣侍衛音濟圖等以禁旅三百迫之北門外。而自攻東門。倫敗竄入城。由音濟圖手擒之。賊黨數十擁而上。復奮身奪倫去。卒以無可逃遁。登樓自焚死。命各督撫實行保甲法。

**圖**乙未。四十年。夏。四月。壬寅。賜吳錫齡等百五十八人進士及第。出身有差。**圖**五月。壬申。帝秋獮木蘭。六月。戊寅。駐避暑山莊。**圖**秋。八月。己亥。定西將軍阿桂攻克小金川。命移師即征大金川。**圖**先是敵守那木山。海蘭察由間道攻破山後之色溯普嶺。敵乃退守薩斯甲嶺。嶺之西有最高峯。敵未甚設備。海蘭察率死士六百。猱引而上。比明。及其礮。一擁而入。盡滅之。數十里各寨聞之。皆奪氣。



索諾木獻其尸阿  
和仍不許

我軍攻克勒烏圍敵  
又遁入噶

秦雄褒以  
與阿哥餽  
送往來論

索諾木奉

遂同時潰。我軍又乘勝直抵遜克宗壘。索諾木懼，因酖僧桑格而獻其尸。及妻妾頭目。至我軍乞赦已罪。阿桂檻送俘虜至京。而攻壘益急。壘固，勒烏圍大金川壘穴之外障也。敵以死守之。而我百計攻之，不能拔。別有墨格山，亦與相犄角者也。我軍冒險克之。遂移營其地。地距勒烏圍僅二十里。會積雨數旬，兵不得進。以七月抵勒烏圍。其官寨礮堅牆厚。西臨大河，迤南有轉經樓。與官寨相犄角。我兵四面礮轟，官寨破之。又克轉經樓。其逸出者皆溺水死。其巢穴既破，莎羅奔兄弟及各頭目已先期遁赴噶爾匪矣。圖九月丁卯，帝還京師。

圖丙申，四十一年春正月，禮部郎中秦雄褒郡王繇德以事治罪。圖雄褒與繇德阿哥餽送交接，為帝所覺，諭令雄褒革職，發往伊犁。繇德亦削去王爵。圖二月，阿桂兵克噶爾匪。金川全境蕩平。圖莎羅奔之遁入噶爾匪，其前有瑪爾古山，得之則可俯臨其巢。大軍議奪其上游，而隔於西里之科布曲山。乃於九月攻西里，毀其木城，攻克科布曲山。於是軍進無阻，遂據有瑪爾古山。盡奪要隘。噶爾匪即在其下。其頭目及番眾紛紛出降。索諾木之母姊妹亦降。惟索諾木

莎羅奔入  
噶爾匪我  
軍破之金  
川平

紫光閣繪  
像以阿桂  
第一  
帝奉太后  
東巡

帝御瀛台  
物俘索  
諾木莎羅  
奔

命國史館  
立貳臣傳

皇太后崩

奉其祖莎羅奔及心腹死黨。皆在圍中。維時明亮富德兩軍徇各險皆下。三路會於噶爾匪。築長圍。周數里。斷水道以困之。索諾木計窮。乃從莎羅奔及其死黨。并番兵二千出寨。奉印信獻軍門。捷奏至京。於出力將士。封賞有差。并命按照平定。準回前例。於紫光閣圖畫功臣。以阿桂第一。尋授阿桂吏部尙書。協辦大學士。**編**帝奉皇太后巡幸山東。**編**三月乙卯。至德州登陸。丁亥。登泰山。乙未。至曲阜。謁孔子廟。辛丑。由濟甯州今改州為縣登舟。夏四月乙丑。還京師。**編**磔索諾木莎羅奔。**編**帝御瀛臺。親鞫俘囚。索諾木莎羅奔皆寸磔梟示。并懸僧桑格首於市。**編**五月癸未。帝奉皇太后秋獮木蘭。癸巳。駐避暑山莊。秋九月庚寅。還京師。**編**冬十一月。改定皇嗣命名永。永字用顥。旻。帝以皇子輩名用永字。皇孫輩名用緜字。俱係習用之字。難於改避。命改永爲顥。改緜爲旻。凡遇永緜等字。均無庸改避。**編**十二月。命國史館立貳臣傳。**編**由國史館總裁查考姓名事實。逐一編列。進候裁定。

**編**丁酉四十二年春正月庚寅。皇太后崩。**編**壽八十有六。諡曰孝聖憲皇后。**編**

舒謙德以  
阿逆新降  
曾諫帝不  
可付以兵  
柄又同兆  
惠往收阿  
逆妻孥

編滿洲源  
流攷額驍  
豐仲額驍  
勇不在海  
廟察下

王錫侯以  
撰字其論  
死

復國初并  
王封爵允  
復允視允  
薛弘官原

夏四月。大學士舒赫德卒。舒之領閣部也。甄綜庶政。必躬必親。遇事有卓識。昔阿睦爾撒納之降。舒曾奏其新附難信。請弗與兵。而移其妻子就食歸化城。帝不能從。反因是落職。及阿逆叛。其妻子尚在烏里雅蘇臺附近之扎布堪河。舒偕兆惠馳往收之。械送京師。帝嘉其敏。至是卒。予諡文襄。秋八月。命阿桂等編纂滿洲源流考。冬十月。戶部尚書果毅繼勇公豐仲額卒。豐仲額為襄壯公阿里袞之子。金川之役。每戰輒先登陷陣。其驍勇不在海蘭察下。故得圖形紫光閣。至是卒。予諡誠武。十一月。新昌舉人王錫侯以字貫出版。坐大逆殺之。江西新昌縣民王瀧南告發舉人王錫侯刪改康熙字典。另刻字貫。帝閱其進到之書。第一卷序文凡例。將聖祖世宗廟諱。及御名字樣開列。實為大逆不法。命鎖押解京。交刑部審訊。有旨論斬。江西巡撫海成暨藩臬各官。均以失察革職。交刑部治罪。

戊戌。四十三年春正月。復睿親王多爾袞封號。追諡曰忠。補入玉牒。并令補繼襲封。闕明者彌縫先朝闕失。示不忘本也。又復豫親王多鐸原封。又以禮親王代善後改封康親

名收入玉

職戴衢亨及第

生員金從善陳四事帝惡其越分殺之

以文字獄殺徐述夔并罪及沈德潛

妄人智天豹伏法

王鄭親王濟爾哈朗後改封簡親王。肅親王豪格後改封顯親王。克勤郡王岳托後改封平郡王。俱復原號。又復允禩允禵二人原名。收入玉牒。理密親王之弘皙亦於玉牒內賜復原名。且命釋允禵子弘晷圈禁。授為散秩大臣。夏四月乙卯。賜戴衢亨字荷之。江西大庾人。後官至大學士。等百五十七人進士及第出身有差。秋七月丁未。帝詣盛京謁祖陵。九月回鑾。壬子。還京師。車駕至錦縣。突有生員金從善者。於道旁進遞呈詞。條陳四事。首以建儲為請。帝惡其越分言事。詞語狂妄。執而殺之。冬十月。以文字獄起已故浙江舉人徐述夔戮其尸。并罪前禮部尚書沈德潛。已故浙江舉人徐述夔字賽著一柱樓詩。中有譏刺語。如清風不識字。何必亂

翻書。奪朱非正色。胡乃亦稱王。翻杯又見明天子。且把靈兒閣半邊。奪朱二句。係咏紫牡丹。翻杯二句。係咏明成化鑿酒杯也。帝命戮其尸。其孫徐食田食書斬監候。前禮部尚書沈德潛字確士。號嘯愚。江蘇長洲人。文章晚達六十後發籍。不十年。歷官至尚書。卒諡文愨。曾為作傳。詔毀其御賜祭葬碑文。奪文愨諡。革太子太師銜。并撤出賢良祠。妄人智天豹伏法。智天豹編造年號。妄稱大清天定運數。使其徒張九霄於道旁獻書。中有世祖章皇帝顯聖一條。荒誕已極。交刑部擬罪凌遲處死。帝命改斬立決。

命和坤爲御前大臣

時用兵金川廷諭悉出于敏中

帝南巡

至海寧觀潮

李侍堯爲李永芳之六世孫

程景伊以

己亥四十四年夏五月乙未帝秋獮木蘭駐避暑山莊秋九月庚子還京師

命和坤在御前大臣上學習行走關閣著用奸也聖明至此累國運至此替矣和坤字致齋。姓鈕祜祿氏。滿洲正紅旗人。本滿

洲官學生。應役鑾儀衛。昇御轎。時某省方奏巨盜逸。帝在輿中。誦論語虎兕出

於柙數語。和坤從旁僥言典守者不得辭其責。由此稱旨。驟升總管。不數年竟

柄用焉。大學士于敏中卒。敏中字叔子。金壇人。乾隆進士。才識勤練。久直樞近。益熟習掌

故。時用兵金川。軍書旁午。一時廷諭多出其手。至是卒。予諡文襄。

庚子四十五年春正月辛卯帝南巡。二月己未車駕渡河。丁卯渡江。戊辰

幸焦山。壬申至蘇州。三月辛巳如海甯觀潮。壬午幸尖山。癸未至杭州。壬寅回

鑾。至江寧。夏四月己酉渡江。丁巳閱高家堰堤工。渡河。五月丁亥還京師。雲

貴總督李侍堯有罪。侍堯字昭信。漢軍鑲黃旗人。李永芳之六世孫也。性機警。凡案籍經

目終身不忘。惟貪黷驕縱。在雲貴事敗革職逮問。尋定爲斬監候。後奉特赦。以

三品頂戴。馳往陝甘。管理總督事務。巡撫孫士毅字智治。號補山。浙江仁和人。乾隆進士。以不據實劾

參革職。六月己亥帝秋獮木蘭。駐避暑山莊。秋八月乙卯大學士程景伊

文學受特知

綱鑑易知錄續編 卷上 清鑑 清紀

三〇二

卒。景伊武進人乾隆進士歷充纂修明史玉牒館總裁。以文學受特知。官至大學士。卒。

謚文恭。甲戌。帝自避暑山莊回鑾。謁東西陵。九月。還京師。命四庫全書館

### 編纂歷代職官表。

在編纂四庫全書前。後曾有一禁書令。

當時銷毀之書共一百六十二部。

帝幸五臺山。嘉銓以著書狂悖論死。

稻葉君山口在編纂四庫全書諭旨前後。當時有一禁書令。所禁即明代關於滿洲祖先之著述。據帝之諭旨。此逆書不合存於本朝。蓋文弱之漢人。被北人驅逐時。藉文學以發抒不平之氣。為唯一之武器。其著述之數極多。帝此時不僅欲一掃此種明末之記錄。并思將其正史。一切付諸銷毀。其處實殊欠光明。此種命令。始於乾隆三十九年。至四十四五年。據兵部報告。當時銷毀之次數二十四回。書五百三十八種。共一萬三千八百六十二部。然猶以為未足。後尚嚴諭遵行。從大體言。在北方諸省。較易遵辦。其東南各省。未能禁絕。時諭中有江西江蘇浙江等省分較。大。素稱人文之淵藪。民間書籍繁多。所以不能禁絕者。皆由督撫等視此事為等閑云。又錢謙益流傳於日本詩文集。亦在此時毀去。蓋帝一方誇蒐集四庫全書之功於漢人。使編次官職表。一方又立文字之禁。致貽後世排滿口實。殊可笑也。

辛丑。四十六年。春。二月。乙丑。帝巡幸五臺山。三月。辛卯。至保定。庚子。還京師。

大理寺卿尹嘉銓坐著書狂悖論死。先是車駕巡幸過保定。有在籍大理

寺卿尹嘉銓者。為其父會字元孚。直隸博野人。官至工部侍郎。請謚。且乞從祀孔廟。帝怒其狂妄。命

暹羅鄭昭入貢

暹羅鄭昭

乃奉鄭昭

起兵肅復

甘肅揔災

冒振案發

各官治罪

有差

國泰坐貪

法營私伏

錢澧既劾

和珅私人

乃先而行

交刑部治罪。尋據部奏。查嘉銓所著各書。中多狂妄悖謬之處。應凌遲處死。得旨改為絞立決。圖夏四月。賜錢榮等百六十九人進士及第。出身有差。圖榮

威。號湘齡。江蘇長洲人。後官至侍讀學士。

鄉會殿試皆第一。帝以為瑞。製三元紀瑞詩。有清得三元及第

凡二人。乾隆時有錢榮。嘉慶時有陳繼昌也。圖五月。禁督撫家人向屬吏需索

門包。圖因御史劾奏故也。圖閏五月。庚戌。帝秋獮木蘭。駐避暑山莊。圖秋七月。

暹羅國鄭昭請入貢。許之。圖初。暹羅欲與中國共攻緬。前事見及金川事起。我兵

赴蜀。緬攻暹羅。滅之。緬人誅求無厭。暹羅遺民憤其不道。乃奉遺臣鄭昭為主。

起兵肅復故地。遣使來告捷。且請入貢焉。圖八月。甘肅揔災。冒振侵蝕監糧事

發。各官治罪有差。圖總督勒爾謹和珅賜自盡。布政使王亶望亦和正法。王廷

贊絞監候。圖九月。辛酉。帝還京師。

圖壬寅。四十七年。夏四月。山東巡撫國泰坐貪縱營私伏法。國著奸臣柄國而朝政日非。官邪日著也。圖

御史錢澧參奏國泰貪縱營私。帝命大學士和珅往勘。并著澧與俱行。澧知國

泰為和私人。乃先數日。微服至良鄉。見有幹僕鮮衣肥馬來。索夫役甚張。迹之。

得其私書  
無可抵賴

繕四庫全  
書稿三分  
分發揚州  
鎮江杭州

皇孫繇寧  
生於嘉邸  
陳輝祖以  
抽換贓物  
賜死

體仁閣災  
賞和珅雙  
眼花翎  
多畏和勢  
輦金奉之

編輯古今  
儲貳金鑑

則和珅遣往山東齎信者也。澧審其貌。未幾。僕還。道遇澧。叱止之。搜其身得國  
 泰私書。具言借款填庫備查等事。中多隱語。立奏之。和珅知謀已洩。故治獄無  
 敢傾側。國泰于易簡均伏法。圖五月。戊申。帝秋獮木蘭。駐避暑山莊。圖命續繕  
 四庫全書。圖凡繕三分。分發揚州文匯閣。鎮江文宗閣。杭州文瀾閣。圖秋。八月。  
 皇孫繇寧生於嘉邸。圖即宣宗成皇帝也。母為喜塔臘氏。圖九月。丙辰。帝還京  
 師。圖浙閩總督陳輝祖坐罪賜死。圖輝祖以查抄王亶望家產。籍沒事見上年有抽換玉  
 器字畫諸情弊。著解任。交阿桂福康安文忠公傳恆子審訊。尋賜自盡。藩司國棟等均議  
 斬監候。輝祖陳文肅公大受子也。

圖癸卯。四十八年。夏。五月。甲寅。帝秋獮木蘭。駐避暑山莊。圖六月。體仁閣災。賞  
 和珅戴雙眼花翎。圖不常賞。圖和珅故無學行。但以攬權專政為能。疆吏以下  
 畏其勢。多輦金奉之。如國泰王亶望伍拉納浦霖等。則皆其黨惡相濟也。至邀  
 功冒賞。尤為生平慣技云。圖秋。八月。乙亥。帝自避暑山莊詣盛京謁陵。冬。十月。  
 還京師。圖命編輯古今儲貳金鑑。圖命皇子等同軍機大臣上書房總師傅。將



帝南巡  
至曲阜謁  
孔林

賜茹芬及

甘肅回田  
五亂平封  
和珅一等  
男侍堯剛  
塔擊斃剛  
五塔擊斃  
阿桂福康  
安等又生  
擒張文發

歷代冊立太子有關鑒戒者採輯成書名曰古今儲貳金鑑。

○甲辰四十九年春正月丁未帝南巡○二月壬戌至泰安府丙寅至曲阜丁

卯謁孔林戊寅渡河三月丙戌渡江幸金山丁亥幸焦山辛卯抵蘇州己亥幸

海甯庚子幸尖山觀潮閱視塘工辛丑如杭州庚戌自杭州回鑾甲寅駐蘇州

壬戌幸江甯府戊辰至張家樓登舟渡江壬午渡河夏四月丁未還京師○甲

寅賜茹芬字古香浙江會稽人官至兵部尚書等百十二人進士及第出身有差○五月壬戌帝秋獮

木蘭駐避暑山莊○甘肅回人作亂將軍阿桂參贊福康安等平之封大學士

和珅一等男○閩著書賞也書以譏之○先是甘肅新教回人田五等聚眾滋事命李侍堯剛

塔會勦之尋侍堯奏田五中槍斃餘眾竄踞馬家堡上以侍堯等勦捕回匪未

能妥協特再命阿桂為將軍以福康安海蘭察伍岱為參贊大臣既至甘肅即

引兵攻克石峯堡擒獻回首張文發等殲回眾三千餘福康安因劾奏李侍堯

剛塔失機償事情形得旨李侍堯著斬監候剛塔發往伊犁効力贖罪九月乙

卯以勦滅甘肅叛回功加軍機大臣大學士和珅一等男○甲戌帝自熱河還

冊封朝鮮國世子

御賜千叟宴  
帝新舉元孫

高宗性喜  
誇飾思突  
過前人而  
適滋流弊

京師。遣使冊封朝鮮國世子。遣內大臣公西明翰林院侍讀學士阿肅同往。

乙巳五十年春正月丙辰帝御乾清宮賜千叟宴。國者舖張揚厲。飾治平也。自親王以

下外至蒙古回部番部朝鮮國年六十以上者皆入宴凡三千人丙寅帝以新舉元孫命各督撫查明所屬紳士有身及五代同堂者加恩賞賚。

論者曰滿清入關未遑文治經康熙六十一年之建設而以寬大培國脈雍正十有三年之整飭而以嚴峻戢官邪遂蔚成乾隆六十年太平之治顧高宗性喜誇飾往往思突過前人而適滋流弊如康熙朝之開博學鴻詞科為修明史故也乾隆時則一開鴻博科再開陽城馬周科三開經學科特科屢起頗采虛聲類如杭世駿輩之慧直反不見容康熙朝之迭次南巡為治黃河故也乾隆時南服無事亦復尤而效之而供張之侈騷驛之繁且十倍康熙時海內財賦之殫民間風俗之壞實基於是康熙朝之崇獎文學所以收拾漢族士大夫之心且以銷磨士氣使瘴精瘁神於哦詩作字中也乾隆時變本加厲增鄉會試五言試帖帝又頻頻親製詩與廷臣廣和巡幸所至到處留題一時寢成風尚滿人亦廢兵戈而講聲律戰鬥力之失肇於此矣康熙末年不過一舉千叟宴耳乾隆時則屢次興舉遐陬遠縣蒼顏白髮之老顛踣於道路者不知凡幾名為愛之其實害之朝有佞臣日漸用事帝直為其所蔽而已。

陸耀午餐  
所供惟菽  
乳菜韭

清德感人

所著甘薯  
錄備荒者  
寶之

曹錫寶揭  
參和坤家  
人劉全某  
尚書竟飛  
告之

命和坤為  
文華殿大  
學士

夏五月丙寅帝秋獮木蘭駐避暑山莊秋七月庚戌湖南巡撫陸耀以病

解任耀字明夫江蘇吳江人初蒞長沙總督特昇額來侯值其午餐見所供皆菽乳菜韭

訝之耀曰天久不雨地方官戒殺清齋為祈雨耳總督素豪侈聞言瞿然詈其

奴曰吾此來傳舍酒肉如山何不以祈雨告耶既歸寓乃盡撤之其清德感人

如此去湖南一年而卒所著甘薯錄至今言備荒者寶之九月戊辰帝還京

師冬十二月乙未續修大清一統志及遼金元三史國語解成

丙子五十一年春三月己未帝幸正定府庚寅還京師夏五月辛未帝秋

獮木蘭駐避暑山莊御史曹錫寶以揭參和坤家人用事命革職留任帝之信

任奸人閉塞言路也錫寶奏和坤家人劉全服用奢侈器具完美恐有招搖撞騙等事有

旨擬交留京王大臣查辦會某尚書竊知其事飛書告和使星夜滅迹和答牋

有必以厚報之語於時留京王大臣遵旨查勘僭妄蹤迹竟不可得部議以錫

寶妄奏鐫三級諭改革職留任後錫寶沒和坤事敗仁宗思其敢言追贈副都御史秋閏七月乙未命和坤為

文華殿大學士兼吏部尚書以福康安為吏部尚書協辦大學士仍留陝甘總

福康安戰功皆倚助海關察

鄭華嗣為暹羅國王

梁國治雅容大雅時目為讀書真宰相

福建林爽文作亂

因泉漳二州人博奕相爭至林爽文莊大田加入結天地會

柴大紀保守府城黃仕簡任

督任。關者為人擇官不求稱職也。福康安歷次戰功皆倚助海關察甘肅一役已錫封嘉勇

侯。至是授協揆其寵眷方有加無已也。外史以福康安為帝私生子但宮禁事祕不可知也。九月壬辰帝自熱

河還京師。冊封鄭昭子華為暹羅國王。自是鄭氏世暹羅為中國藩服。

冬十二月大學士梁國治卒。國治以文學受知在帝左右敬慎縝密不以

寵利居功粹然儒者在昔有宋由大魁入相者九人有明一代十七人清之高

宗朝實邁其三國治與焉時以其雍容大雅際文德武功之盛目為讀書真宰

相。卒諡文定。

丁未五十二年春三月福建林爽文作亂命總督常青為將軍李侍堯署浙

閩總督討之。先是乾隆四十七年臺灣新化附近之泉州人與漳州人因博

奕相爭官吏干涉其事不無偏袒漳州人檄其同族同姓以痛詆時政時林爽

文及莊大田等兇悍好亂之徒亦趁勢加入南自臺南北及新竹淡水結一大

會名曰天地會官軍捕之遂反陷新化及諸羅鳳山并直犯府城。即北府總兵柴

大紀禦諸鹽埕橋殺亂民千計府城獲全水師提督海澄公黃仕簡黃梧之後陸路

承恩郝壯  
將猷均非戰

上命常青  
督師以藍  
元枚恆瑞  
參贊軍務  
戮郝壯猷  
戒為失律者

常青請增  
兵萬人恆  
瑞請增兵  
六萬

柴大紀力  
守諸羅得  
不陷  
上遣福康  
安海蘭察  
代常青恆  
瑞

提督任承恩。任舉之子。各以兵渡海至。仕簡檄大紀北取諸羅。郝壯猷南取鳳山。各率兵二千。惟大紀連戰破敵。遂復諸羅。而壯猷南出二十里。即為敵阻。頓兵幾五十日。始進鳳山。鳳山城已空。招民復業。匪混其中。吏不之覺。城復陷。游擊鄭嵩死焉。壯猷遁歸府城。任承恩至鹿港。港距爽文宅大里。杙僅四十里。不敢進。事聞。以兩提督失機無能。命常青自行督師。以李侍堯代理總督。又命江南提督藍元枚。係廷珍之孫。代承恩軍。轉戰有功。後沒於軍。予諡。襲殺。福州將軍恆瑞。往臺參贊軍務。并執郝壯猷戮之。以為失律者戒。圖夏五月甲戌。帝秋獮木蘭。駐避暑山莊。圖秋八月丁酉。命福康安為將軍。海蘭察為參贊大臣。馳赴臺灣。圖初。常青至臺。會藍元枚卒於軍。乃與恆瑞引兵出南路。距府城十里。遇敵即退。疏請增兵萬人。敵得以其暇蠶食各村。於是臺民之本不反者。亦被劫盡反。旬日間驟增至十數萬。爽文遽驅以攻諸羅。諸羅為府城屏蔽。賴柴大紀力守。得不陷。常青遣兵往援。皆恒怯不敢進。恆瑞復張皇敵勢。奏請兵六萬。帝知二人不足恃。遣福康安海蘭察代之。並以普爾普舒亮為領隊大臣。又諭柴大紀安速捍衛兵民出城。再圖進取。大

改諸羅爲嘉義縣封嘉義伯

官軍敗敵於崙仔頂於牛稠山又克斗六門代

林爽文莊大田先後悉擒全臺

紀奏言諸羅失。則敵尾而至。府城亦危。且半載以來。深溝高壘。守禦甚固。一朝棄去。克服甚難。而城廂內外義民。不下四萬。實不忍委之於敵。惟有固守待援。帝覽奏流涕。有旨改諸羅爲嘉義縣。封大紀嘉義伯。令浙江巡撫以萬金恤其家。**編**九月丙戌。帝自熱河還京師。

**編**戊申五十二年春正月。將軍福康安等攻破大里杙。執林爽文斬之。臺亂平。**紀**先是福康安奉命征臺。中途聞敵勢甚盛。奏請增兵。上嚴飭之。仍命調黔省兵二千。令許世亨帶領赴閩。於是福聲言赴大里杙。而陰趨縣治。遇敵於崙仔頂。參贊海蘭察率巴圖魯侍衛數十衝敵陣。矢無虛發。敵衆披靡。遂怒馬殺入。敵分伏蔗林中。邀截官兵。官兵分五隊突擊。再敗敵於牛稠山。即日海蘭察抵嘉義城。詰朝福康安亦至。乘勝進戰。克斗六門。遂搗大里杙。林爽文已攜家屬走集埔。據溪岸壘石。環數里。官兵騰險而上。爽文與其黨數十走箐谷。悉就擒。移師攻莊大田於牛莊。追至極汎之琅嶠。先遣兵截其去路。大田亦就俘。臺灣平。**編**二月。帝幸天津。乙亥。還京師。**編**夏五月。庚辰。帝秋獮木蘭。駐避暑山莊。**編**

殺總兵柴大紀。大紀不見。福康安之執。奏而於禮。帝惑之。福康安之執。奏而於禮。帝惑之。福康安之執。奏而於禮。帝惑之。

黃仕簡任。承恩情罪。重天反得。緬甸遣使。入覲。

歸我楊重。英南國亂。安南國亂。平之殺往。

秋七月。殺總兵嘉義伯柴大紀。○國信親臣枉殺大將。帝於是為失利矣。大紀以守城功。封伯爵。及福

康安至。大紀出迎。不執褻韉之禮。○軍營階級甚嚴。凡屬統轄。均當佩刀參謁。福怒甚。具疏為報。大紀前後

奏事不實。帝惑之。會侍郎成德自浙回京。帝以大紀事詢之。德成昵於福。因奏

大紀在任貪黷。令兵丁私回貿易。及變起倉卒。不早撲滅。以致猖獗。及提督任

承恩逮至。供詞亦同。帝信之。命逮大紀。大紀既至京。命軍機大臣會同大學士

九卿覆訊。大紀再三稱冤。帝御瀛臺親訊。大紀雖引咎。然仍微訴其枉。帝以大

紀始終負氣。命斬之。而黃仕簡任承恩二人情罪重大。卒以一為海澄公黃梧

之裔。一為任舉○前征金川者。之子。均得不死。○秋。九月壬戌。緬甸遣使細哈覺愷等入

覲。○緬甸自憎駁死後。篡弑相仍。國內大亂。復為暹羅所攻。徙居蠻得。比聞暹羅

已附屬中國。得受封敕。大懼。緬酋孟雲。乃遣使由木邦賈金葉表。金塔一。馴象

八。及寶石氈罽等。款關入貢。并歸楊重英。○即乾隆三十三年守木邦。檣台。為緬人劫去者。等。帝許之。并諭暹羅

使罷兵。○甲申。帝還京師。○冬。十月。安南國亂。其臣阮文惠逐走國王黎維祁。上命兩廣總督孫士毅以兵平之。捷聞。封士毅一等謀勇公。○安南臣服我朝。

先有廣南  
之阮後有  
西山之阮

時分交阯  
為三文岳  
居中交阯  
文惠上交  
文惠慮下  
交阯文惠  
文惠逐黎  
維祁維祁  
因叩關求  
救

孫士毅共  
至安南勢  
如破竹祁  
復黎維祁  
十穀公孫  
詔班師爵

上殺斃視  
小醜輕不  
設備於元  
且置酒張

經百餘年。自康熙五年國王黎維禧繼納明永歷帝敕印。當由清廷重加冊封。自維禧至維祁凡六傳。傳至黎維禧。而國中亂作。先是廣南阮氏起。將取維祁而代之。改廣南為順化府。由阮福映稱嘉隆王焉。繼而西山阮氏起。又將取福映而代之。於時分交阯為三。阮文岳居中交阯稱王。其弟文惠居上交阯。文慮居下交阯。連結海盜。逐嘉隆王福映走暹羅。所謂故安南王維祁。則已再傳至維祁矣。維祁困於東京。僅存空名。而阮文惠又以兵逐之。維祁不得已。祇有挈其家屬。敏關求救於我。上念安南世為藩服。命兩廣總督孫士毅以兵送之歸國。并命迅平內亂。士毅承旨。決由廣西直抵東京。以提督許世亨先行。別遣雲南總兵烏大經自蒙自進兵。於是一戰於壽昌江。再戰於市球江。三戰於富良江。勢如破竹。敵大驚曰。江在國門外。無富良江。是無安南也。必死守。士毅乘昏夜。具舟筏。用火攻。由許世亨張純夾擊之。西山兵悉潰。捷聞。復黎維祁國土。封士毅一等謀勇公。并下詔班師。

**編**己酉五十四年春正月。安南復亂。孫士毅兵敗。命褫職入京待罪。**圖**時士毅以大功既成。奉詔班師。於是藐視小醜。輕不設備。敵偵知虛實。於歲暮悉衆大



樂而西山  
寇至矣

上毅欲衝  
賊鋒而薛  
忠阻之

李化龍溺  
水許世亨  
戰沒官軍  
大敗

賜胡長齡  
及第

封阮光平  
爲安南國王

舉輕襲國都。有報其事者。則以爲誑。正月元旦。軍中寘酒張樂。百戲曼衍。比夜。金鼓四起。西山賊衆悉至。國王黎維祁於昏黑中攜眷屬遁。我軍倉猝不知所爲。自相踐踏。士毅欲以死報國。策馬直犯賊鋒。千總薛忠挽馬泣曰。損大臣。傷國體。是不可也。士毅舉鞭忿擊之。而忠已力曳馬韁去矣。既率兵渡江。據北岸。以待後援。而總兵李化龍至浮橋。失足溺水。橋隨斷。許世亨等戰沒。士毅退入關。維祁與其母子俱至。安寘南甯。時正月三日也。士毅具疏自劾。上以撤兵太早。引爲己過。命暫駐鎮南關。而以福康安代之。夏四月辛亥。賜胡長齡等九十八人進士及第。出身有差。五月庚寅。帝秋獮木蘭。駐避暑山莊。六月丙子。封阮光平即阮文惠爲安南國王。國始討之。繼封之。出爾反爾。非所以勸強扶弱也。而國威失矣。阮文惠既大敗我師。又征服近隣諸州。自立爲東京王。時其兄文岳方與暹羅構兵。恐我師復至。力難分禦。因遣兄子光顯入貢稱臣。以謝前罪。其表文稱曩昔之役。非出本心。且已改名光平。請恩加封號。帝召諸王大臣議曰。黎維祁再失其冠冕册印。不能保守國土。是實天厭黎氏也。而阮光平既請入覲。復表貢稱臣。蓋非盜臣僭賊之

光平即阮文惠改名仍阮光平

時阮光平仍阮光平

政與海盜勾結

中國海疆無窮之禍

帝普免天下錢糧

帝東巡謁孔廟孔林

賜石韞玉及第

阮光平黎維那皆至熱河祝嘏

帝御太和殿受賀

阮元一等

試翰詹

用兵廊爾

徒宥其前愆。允其所請。可也。於是先遣光顯還。而冊封後之。其時光平雖受中朝冊封。而西山阮黨之政策依然不改。

還京師。

還京師。庚戌五十五年春正月。帝八旬萬壽。頒詔天下。普免錢糧。二月己未。帝謁

陵。巡幸山東。三月甲申。帝至泰安府。乙酉。登岱。甲午。至曲阜。謁孔子廟。丙申。

謁孔林。戊戌。自濟甯登舟。夏四月丁巳。幸天津。乙丑。還京師。乙亥。賜石韞玉

字執如。江蘇丹陽人。後佐勒保戎希。等九十七人進士及第。出身有差。五月庚寅。帝秋獮木蘭。駐避

暑山莊。秋七月。安南國王阮光平入覲。時光平至熱河離宮祝嘏。列其班

於親王之下。郡王之上。始賜以冠帶封冊。又黎維那至。諭賜以三品銜。編其一

族入旗籍。戊申。帝還京師。八月辛丑。帝八旬萬壽節。御太和殿受賀。

辛亥五十六年春二月戊午。試翰林詹事等官。擢阮元字伯元。號芸臺。江蘇儀徵人。等二員

為一等。餘留館升黜有差。五月乙未。帝秋獮木蘭。駐避暑山莊。秋九月。還京

師。冬十一月。命福康安等以兵征廓爾喀。廓爾喀其窮兵驍武也。廊爾喀本巴勒布國。與

師。冬十一月。命福康安等以兵征廓爾喀。廊爾喀本巴勒布國。與

略爾喀白  
廊爾喀  
古由班得  
死其兄分  
財不以為  
弟第以寇  
爾喀入寇  
諸藏請大  
臣又請入  
賄和主故  
成戰禍釀

巴忠特賄  
和之鄂輝  
死則鄂輝  
成德以罪  
委之福康  
帝命福康  
安海蘭察  
奪林征廓

後藏隣。自古不通中國。方乾隆四十五年。帝七旬萬壽。後藏班禪喇嘛來朝。中外施舍山積。及班禪卒於京師。資送歸藏。其財皆爲其兄仲巴呼圖克圖所有。擯其弟舍瑪爾巴。不使分惠。舍瑪爾巴憤甚。往訴廊爾喀。煽使入寇。唐古忒兵即藏兵也。不能禦。朝廷所遣之侍衛巴忠將軍鄂輝成德等。復居間賄和。陰令西藏堪布等私許歲幣萬五千金。按兵不戰。達賴不可。而巴忠遽以敵降飾詞入奏。及期。歲幣不至。廊爾喀大舉深入。駐藏大臣保泰聞敵至。則移班禪於前藏。并張皇敵勢。仲巴呼圖克圖挈先遁。敵大掠扎什倫布。班禪坐床地也。全藏大震。而大喇嘛飛章告急。時巴忠已去藏。扈駕至熱河矣。聞藏變。畏罪投水死。會鄂輝爲四川總督。成德爲成都將軍。因盡以罪委之巴忠。謂巴忠解唐古忒語。而已不知也。帝怒。革二人職。乃命福康安爲將軍。海蘭察奎林果烈公明瑞之弟。爲參贊大臣。晝夜遑行。限四十日抵藏。旋命將保泰及雅滿泰二人於軍前重責枷號。以其知巴忠許賂廊爾喀。不卽奏聞也。并將保泰改名爲浮習渾。

編 壬子五十七年春三月丁丑帝謁陵巡幸五臺山。編 夏五月丁未帝秋獮木

福康安大  
率征廓

章濟隴之  
鐵索橋為

入廓第一

廓人乞和

弗許人乞和

我兵將近

布之地都陽

海欲扼河

許營福不

福自比諸

我軍敗退

廓亦請和

始留官兵

御製十全

蘭。駐避暑山莊。○秋。八月。福康安至後藏。大舉深入。廓爾喀乞降。命留兵駐藏。

○福康安由青海至後藏。連敗屯界之敵。盡復藏地。海蘭察為前鋒。福率額勒

登保字珠軒。姓瓜爾佳氏。滿洲正黃旗人。等繼之。奪取距濟隴八十里之鐵索橋。初入廓界第一隘也。

進至東覺嶺。兩崖壁立。中隔大河。我兵折河側枯樹為橋而渡。遂登雍雅山。廓

人遣使乞和。不許。我兵復踰大山二重。先後殺敵四千。涉敵境七百餘里。將近

其國都陽布之地。皆南北夾河。我兵奪其北岸之山。敵固守南岸大山。海蘭察

欲扼河立營。福執不可。逾橋攻之。冒雨上山。敵三路來犯。我兵且戰且却。死傷

甚衆。福康安之督兵深入也。以為勢如破竹。且夕可奏功。志得意滿。擁肩輿揮羽扇。出戰。自比於諸葛武侯。上將如此。兵士皆解甲憩息。敵乘機突進。我兵大潰。賴海蘭察隔河接應。而

額勒登保扼橋力戰。敵乃退。是時廓人方為南部不丹所擾。懼我軍乘之。再遣

人詣軍。卑詞乞和。時我師方挫。而敵境益險。且逾八月。即大雪封山。乃許其成。

帝意本欲裂其土地。分授諸土司。而酬福康安以郡王爵。及聞已受降。乃允其

請。留番兵三千。漢蒙古兵一千。永遠戍藏。是為官兵駐藏之始。○九月。丁酉。帝

還京師。○冬。十月。御製十全記。以昭武功。○十全者。兩平準格爾。定回部。再定

記以昭武功

傳恆阿桂為當時名將

帝之用兵有樂無哀尤多暮氣

阿桂預料國用之不足

冊阮光縉為安南國王  
海蘭察服  
阿桂知兵  
餘鮮許可

金川靖臺灣服緬甸安南并再降廓爾喀也。上親製記。令緡寫四體字。建蓋碑亭。以示國人。

論者曰。乾隆之世。武功極盛。一時傳恆阿桂者流。名將輩出。然亦嫌於鋪張過當。信任太偏。如初年倚畀納親。俾經略金川。致有喀爾喀之挫。季年柄用和珅。令久任軍機。致基白蓮教之禍。而帝方鋪陳兵略。夸詡戰功。創建紫光閣。準部回部金川之平。先後圖繪功臣於其中。以媲美前代麒麟凌煙雲臺之佳話。其餘每克一敵。平一地。必告成孔林。獻俘午門。奏捷於宗廟及太后宮。懋典隆儀。彬彬備舉。晚年遂御製十全記。詔緡寫漢滿蒙番四體字。勒石樹碑。昭垂久遠。老子云。兩軍相遇。哀者勝矣。帝之用兵。則有樂而無哀。又兵貴朝氣。而戒暮氣。乾隆之末。皆暮氣也。其尤謬誤者。自古兵貴精不貴多。多則反累國力。必貧必弱。乃者乾隆四十六年。帝以各省大小武職。俱有虛額名糧。命將此項歸入養廉。另行挑補實額。當時大學士公阿桂奏稱。國家經費。驟增不覺其多。歲支則難為繼。此項經費。歲增三百萬。統計二十餘年。即須七千餘萬兩。請除陝甘四川滇黔諸省外。其餘腹地。均可無庸挑補實額。帝恃戶部銀庫充溢。決計行之。迨嘉慶後兩次議裁兵額。卒不能仍依原數。遂為清室衰敝之一大原因焉。

癸丑五十八年春正月。安南國王阮光平卒。冊封阮光纘嗣位。三月內大臣海蘭察卒。海生有殊力。面鐵色。從福康安出兵。屢立奇功。生平惟服阿桂知兵。餘鮮許可。至是卒。諭入祀昭忠祠。祠內不以陣亡入者。祇海蘭察一人。予

賜潘世恩及第

永停捐例

計利之臣常用面斥勿

稽璜九歲讀禹貢恍然悟禹之治水上

璜治水之功在經理一帶

諡武壯。夏四月丁亥。賜潘世恩字槐堂。號芝軒。江蘇吳縣人。官主體仁閣大學士。等八十一人進士及第。出身有差。五月丁未。帝秋獮木蘭。駐避暑山莊。秋八月丙戌。還京師。十一月。命永停捐例。諭謂前因軍需河工支用浩繁。會暫開捐例。原屬一時權宜之計。不久即宜停止。迄今閱二十餘年。府庫充盈。并不因捐例停止。稍形支絀。我子孫當奉以為法。倘有奏請開捐者。即為言利之臣。更當面斥而勿用。惟貢監一途。乃眾所願。弗占正途。不過給予頂戴。無礙銓政。亦仿古人納粟之意。事尚可行。此旨敬謹存記。我世世子孫當遵循勿替也。

甲寅五十九年春三月庚子。帝幸天津。夏四月癸亥。還京師。五月辛亥。帝秋獮木蘭。駐避暑山莊。六月。大學士嵇璜卒。璜字尚佐。一字敷廷。文敏公曾筠子也。雍正進士。性嚴重。寡言笑。九歲讀禹貢。恍然曰。禹之治水。皆自下而上。蓋下流宣通。則水自順流而下。長老咸驚異之。謂他日必為名臣。能宣汾洩而障大澤者也。後官江南副總

河。其導淮方法。自邵伯埭以北者歸海。以南者歸江。上諭謂經理下河一帶。爾功不小也。遇河工搶險。璜必以身臨之。年齒與上相若。生辰本六月。改萬壽節。

不為和坤  
作書語妙  
事妙

帝御極六  
十年同符  
免錢糧

貴州紅苗  
石柳鄧吳  
半生等作  
亂

劉永綏  
陷乾州

圍松桃正  
大營  
先命福康  
安和琳督

後。上嘉其知禮。工書法。和坤嘗以楮素乞書。召諸翰林陪飲宴。童子請曰。墨具矣。璜叱之曰。屬有客。安能作書。客曰。吾儕正欲觀公之用筆為法。遂對客書之。甫及半。童子覆其墨。大加詬讓。客為請乃已。翌日謝和曰。徒敗公佳紙。蓋不願為和作書。而預戒童子為之也。其待小人不惡而嚴如此。卒謚文恭。圖秋八月己巳。命普免六十年天下漕糧一次。帝以御極六十年。上符聖祖之數。宜頒惠逮下。故有是命。圖庚辰。帝還京師。

圖乙卯。六十年。春正月。貴州紅苗作亂。命雲貴總督福康安四川總督和琳合

湖廣兵討之。圖明著國運之由盛而衰而匪亂始此矣先是漢城永綏廳孤懸於苗族之間。環城皆苗。不

數十年。盡闢為民地。苗人仇之。有雄黠者。聚其族。謀與官爭地。聞者響應。於是

貴州銅仁之苗。石柳鄧鎮筮之苗。吳半生。吳隴。登吳八月等。力最強。始而戕殺

總兵明安圖。遂圍永綏。士民嬰城固守。繼又攻陷乾州。今改乾城縣同知宋如椿死之。

復圍松桃廳之正大營。總兵珠隆阿戰不利。飛章告急。上因命福康安和琳等。

合雲貴四川兩湖之兵以勦之。復命侍衛額勒登保。德楞泰。姓伍彌特氏。蒙古正黃旗人。馳驛往

師往勸繼

命額勒登

保德稜泰

參贊中塗

遇伏僅以

身免

係八月稱

後三桂之

賜王以銜

及第

立十五子

顯珠為太

子

明年內禪

稱太上皇

高宗年登

大蓋顯姿

天和為帝

多觀

不可

贊軍務。至三月。苗亂略平。惟永綏圍未解。四月。大兵由瀘溪在辰州南入乾州。中途

遇伏。統軍福甯僅以身免。然猶諱敗言勝。虛報捷音也。後至八月。永綏之圍始

解。因永綏有劉君輔者。提孤軍應我師。而重圍始解。而賊勢仍不少衰。吳八月自稱係吳三桂後。據平隴稱吳

王焉。時石三保石柳鄧附八月。而吳龍登受官軍招撫。竟計誘八月而縛獻於我。八月子吳廷禮廷義貢嶧如故。夏四月。庚子。賜王以銜字署永。歸安人。官至禮部侍郎。等

百十一人進士及第。出身有差。五月。帝秋獮木蘭。駐避暑山莊。秋八月。還京

師。九月。辛亥。立十五子嘉親王顯珠為皇太子。宣詔以明年內禪。醫闕著其為曠代始典也。

帝御勤政殿。召皇子皇孫王公大臣入見。宣示立皇十五子嘉親王為皇太

子。議明歲內禪。冬十二月。詔以明年為嗣皇帝嘉慶元年。帝以來歲丙辰

元旦。傳位皇太子為嗣皇帝。先期遣官告祭天地社稷宗廟奉先殿。又諭朕於

明年歸政後。凡有繕奏事件。俱書太上皇帝。奏對稱太上皇。

伯通曰。太上皇之尊號。於有唐一代。凡兩見。高祖之稱太上皇也。以建成元吉之爭。不得不舉寶器以畀秦王也。明

皇之稱太上皇也。以兩京失陷。朝臣奉太子即位靈武。非出於明皇本意也。獨清高宗之內禪。不在亂世而在明時。

不出於兒曹之覬覦。而出於皇情之付託。年登大耋。頤養天和。此帝王中之不可多觀也。豈其他太上皇能及哉。